





LES
HISTOIRES
TRAGIQUES
DE NOSTRE TEMPS,

Où sont contenuës les morts funestes & lamentables de plusieurs personnes, arriuées par leurs ambitions, amours déreglées, sortilèges, vols, rapines, & par autres accidents diuers & memorables.

*Composées par F. DE ROSSET, & dédiées
à Feu Monseigneur le Cheualier de Guise.*

DERNIERE EDITION,

Reueüe, avec vne notable augmentation, de diuerses Histoires, arriuées depuis peu, lesquelles n'ont pas encore esté mis en lumière.



A LYON,

Chez Philip. Borde, L. Arnaud, & Societé, rue
Merciere. 1666.

AVEC PERMISSION.

1. The first part of the document is a list of names and dates, which appears to be a record of some kind. The names are written in a cursive script, and the dates are written in a more formal, printed style. The list is organized into columns, with names in the first column and dates in the second column.

2. The second part of the document is a series of short, handwritten notes or entries. These are written in a cursive script and are organized into a list format. Each entry appears to be a separate note or observation, possibly related to the names and dates in the first part.

3. The third part of the document is a series of short, handwritten notes or entries. These are written in a cursive script and are organized into a list format. Each entry appears to be a separate note or observation, possibly related to the names and dates in the first part.

4. The fourth part of the document is a series of short, handwritten notes or entries. These are written in a cursive script and are organized into a list format. Each entry appears to be a separate note or observation, possibly related to the names and dates in the first part.

5. The fifth part of the document is a series of short, handwritten notes or entries. These are written in a cursive script and are organized into a list format. Each entry appears to be a separate note or observation, possibly related to the names and dates in the first part.



A TRES-ILLVSTRE, TRES-
Magnanime, & tres-Valeureux Prince
François de Lorraine de Guise, Cheua-
lier de l'Ordre de Saint Iean de Ierusa-
lem, Lieutenant General pour le Roy en
Prouence.



ONSEIGNEVR,

*J'auois juré par Apollon, & par
les Muses de me bannir pour ia-
mais des yeux de ceux, que Dieu
a establis en terre pour estre l'image de sa gloi-
re si l'inclination que j'ay naturellement au ser-
uice de Godefroy, & l'estime que ie fais de vô-
tre incomparable Valeur ne me sollicitoient in-
cessamment à rechercher l'occasion de vous fai-
re paroistre le denoir que toutes les belles plu-
mes sont obligées de rendre à vostre grace & à
vostre merite, ie passerois aussi ferme en cette
resolution, tout le reste de mes iours, que i'y
ay demeuré constant tout vn lustre. J'ay esté si
mal-heureux aux seruitudes volontaires que
j'ay rendues aux grandeurs du monde, & si in-*

EPISTRE.


dignement traité de la fortune, lors qu'elle me
 montroit son visage plus doux & plus riant
 que ie n'ose presque me presenter à vostre Ex-
 cellence, luy témoigner ma deuotion. Mais les
 loüanges que nous sommes obligez de donner à
 vos perfections, les obligations que les lettres
 ont à l'illustre Princesse vostre sœur, comme à
 leur seul & unique soustien, étant naturelles,
 elles forcent les accidents, & me dispensent
 d'autant plus de serment, que vous estes l'Au-
 theur de la plus belle partie de cét ouurage. Vô-
 tre valeur s'y est dépeinte avec de si vives cou-
 leurs, que l'éclat en fait rougir de honte les plus
 valenreux de ce siecle, & efface les pourtraicts
 des plus prodigieux combats que les Histoires
 des siecles passez nous rapportent. Q'on recher-
 che les monuments de l'Antiquité, & qu'on y
 mesle encore les contes fabuleux des vieux Ro-
 mans, ie m'asseure que vostre exemple n'y
 trouuant plus d'exemple, non plus qu'il n'en
 peut auoir d'imitation, & pour le present, &
 pour l'aduenir, nul ne pourra nier que la fran-
 chise de vostre genereux courage, vrayement
 inuincible, ne surpasse pas les effets de ce qu'on
 nous represente par des figures. Il n'est pas be-
 soin de reciter en cette Epistre ce que tout le
 monde doit admirer, puis que ie l'ay fidelement
 décrit en l'une de ces Histoires. Recenez, (ô

ÉPISTRE.

*Prince Généreux) ce qui est proprement à vous
& ce que vôtre mérite vous acquiert iustement
sur les volontez de ceux qui sçauent publier à
la posterité la gloire de vos semblables: & croyés
que quand vostre fortune seroit aussi grande que
celle du premier des Césars, elle ne sera jamais
pourtant égale à vostre valeur, & à la felicité
que ie vous souhaite.*

MONSEIGNEVR,

Vostre tres-humble, & tres-
obeyssant seruiteur,
DE ROSSET



PREFACE.


 E ne sont pas des contes de l'Antiquité fabuleu-
se que ie te donne ô France, mere de tant de
beaux esprits, qui font rougir de honte, & la Grece,
& l'Italie. Ce sont des Histoires autant veritables que
tristes & funestes. Les noms de la pluspart des person-
nages sont seulement déguisez en ce Theatre, afin de
n'affliger pas tant les familles de ceux qui ont donné
le sujet, puis qu'elles en sont affligées. Mon dessein
n'est pas de publier les hommes, afin de les rendre des-
honorez par leurs defauts: mais bien plutôt de faire
paroistre les defauts, afin que les hommes les corri-
gent, & que par ce moyen l'exercice de la vertu, les
rende dignes d'honneur & de louange.



TABLE
DES HISTOIRES
CONTENUES EN CE
Liure.

D E la Mort Tragique arrivée à un Seigneur de Perse pour avoir trop legerement parlé, & de la fin lamentable de son Fils, voulant venger la mort de son Pere. fueillet	I
De l'horrible & espouventable sorcelerie de Louys Goffredy Prestre de Marseille, fueil.	29
Le funeste & lamentable mariage du valeureux Lyndorac, & de la belle Calliste, & des tristes accidens qui en sont procedez.	60
Alidor Gentil-homme de Picardie après la mort de sa maistresse en fait faire deux pourtraicts, l'un mort, & l'autre vif, & va confiner ses iours aux deserts de Thebaides.	60
Des amours incestueuses d'un Frere & d'une sœur, & de leur fin malheureuse, & tragique.	117
De la constante & desesperée resolution d'un Gentil-homme & d'une Damoiselle.	134
De la cruauté d'un frere exercée sur une sienne sœur, pour une folle passion d'amour.	146
D'un demon qui apparoit en forme de Damoiselle au Lieutenant du Chenalier du Guet de la ville de Lyon. De leur accointance charnelle, & de la fin malheureuse qui en succeda.	164
Des	


TABLE DES HISTOIRES.

<i>Des auentures Tragiques de Floridan, & de Lydie.</i>	176
<i>De la cruelle vengeance exercée par une Damoiselle sur la personne du meurtrier de celui qu'elle aymoit.</i>	199
<i>Du parricide d'un Gentil-homme commis en la personne de son Pere, & de sa malheureuse fin.</i>	221
<i>De l'abominable peché que cōmit vn Cheualier de Malte assisté d'un Moine, & de la punitiō qui s'en ensuiuit.</i>	238
<i>De la Coniuration de Bajamont Tiepoly, Gentil-homme Venitien, contre sa patrie, & de sa fin malheureuse.</i>	351
<i>Flaminie Dame Romaine, pour épouser son amoureux, se mourir Altomont son mary & de ce qui en aduint.</i>	265
<i>Des horribles excez commis par une ieune Religieuse à l'instigation du diable.</i>	291
<i>De la mort pitoyable du valeureux Lysis.</i>	307
<i>De la cruauté d'une femme exercée sur son mary, de sa fin mal-heureuse & de celle de son amoureux.</i>	327
<i>De la fausse trahison commise contre un marchand nommé Beliard, son innocence reconnue, sa déliurance du supplice, de la punition de l'accusateur, des faux témoins.</i>	348
<i>Des grandes voleries & subtilitez de Guillery & de sa fin funeste & malheureuse.</i>	365
<i>D'un homme qui apres auoir demeuré vingt ans aux Galeres est recognu par son fils, de ce qui en aduint, & autres choses dignes de remarque.</i>	380
<i>Du Baron de Guemaduc, Gouverneur pour le Roy de la Ville & Chasteau de Fourgeres en Bretagne.</i>	397
<i>Relation veritable de tout ce qui s'est passé en la prise de Monseigneur le Duc de Montmourençy, jusques à sa mort.</i>	399
<i>Particularitez remarquées en la mort de Messieurs de Cinq-Mars, & de Thou, à Lyon, le Vendredy 12. Septembre 1642.</i>	414
<i>Recit veritable de tout ce qui s'est passé depuis que le</i> <i>Sieur</i>	

TABLE DES HISTOIRES.

- Sieur de Saint Preuil fut arresté, iusques à sa mort.* 445
- Relation veritable des derniers entretiens du Roy de la Grande Bretagne, avec la Princesse Elisabeth, & le Duc de Glocester, ses Enfans, le iour deuant sa Mort. Ensemble les dernieres paroles, qu'il a proferé sur l'échaffaut : ou plustost le Theatre de sa Gloire éleuée par ses enfans joignant sa maison Royale de Vuitchall, le neufuiesme de Fevrier 1649.* 468
- Histoire memorable & tragique d'un assassinat commis en la Prouince du Forest, en l'année 1659. feuil.* 478
- D'une chaste fille qui se procura innocemment la mort par un courage merueilleux, en defendant sa pureté.* 498
- De la Revolution des affaires d'Angleterre, depuis la violente mort du Roy, en l'année 1649. fueil.* 518






LA MORT TRAGIQUE

*arrivée à un Seigneur de Perse pour
avoir trop légèrement parlé, & de la fin
lamentable de son Fils, voulant venger
la mort du Pere.*

HISTOIRE I.



ENCORES qu'il n'y ait rien de si difficile au monde, que de taire ce qu'on ne doit dire : toutesfois ceux qui font profession d'estre sages, & qui cherissent leur vie doivent prendre garde soigneusement à retenir leur langue, puis qu'une seule parole simplement proferée ruine bien souvent toute une famille, & cause la perte des corps & des ames. Il n'y a dommage de biens qui ne se puisse reparer, mais il est impossible de revoquer la parole une fois lâchée. Les discoureurs ressemblent proprement aux Amandiers, qui fleurissent les premiers des arbres, & qui flétrissent à la premiere bruine. La nature nous a donné deux oreilles, & une seule langue, pour nous apprendre qu'il faut escouter deux fois plus que parler. La vie & la mort dependent de la bouche, & quiconque en sçaura bien user, recueillira le fruit qu'il desire. L'Histoire déplorable que

A

ie vais reciter , arriuée depuis peu de iours en Asie , confirme la verité de mon dire.

Durant que l'Empire des Perses estoit accablé des miseres publiques ; que l'estat de l'ancien seruice de la Diuinité estoit en danger d'estre subuerty par vne secte nouvellement introduite : que le fer & le feu rauageoient les Prouinees , sans espargner mesme les temples des immortels ; que le frere attentoit sur la vie du frere , & que le propre fils poussé d'un zele inconsideré de Religion, n'auoit point horreur d'enfoncer sa main execrable dans le sein de celuy qui l'auoit engendré, & le propre pere de couper la gorge à celuy qu'il auoit fait naistre , il y auoit vn Prince nommé Cleandre , accomply en toutes rates perfections qu'on puisse imaginer. Il estoit riche, vaillant & sage : il estoit ieune sçauant & liberal. Il estoit si beau , & si courtois, qu'il estoit impossible de le voir sans l'aymer , ny parler à luy sans estre gaigné de la douceur de sa parole. Sa foy estoit tour siours ferme comme vn rocher, ainsi que les effets en rendent témoignage, car il exposoit tous les iours sa vie à toutes sortes de perils pour la foy de ses Peres , pour sa patrie, & pour son Roy. Iamais le Soleil depuis qu'il monte sur l'Horison ne vit tant de perfection. Mais comme les accidens humains sont diuers , & suiets à l'inconstante rouë de la fortune, ce braue Prince, digne de ne mourir iamais (si par le merite on éuitoit la nuit du trépas) fut vn iour mis à mort par ceux à qui il auoit tant de fois conserué la vie. Mon dessein n'est pas d'écrire l'auanture de cette Tragedie , qui a tant respandu de sang sur le Theatre de Perse ; les histoires fideles de nostre temps ne sont basties d'autres matieres. Je diray seulement, qu'alors que l'enuie, croyant
de

de triompher de ce grand Prince, qu'elle fit cruellement massacrer en presence du Sophy, à qui l'on auoit donné de fausses impressions, qu'il vouloit empieter son Sceptre, l'eut coutonné dans les Cieux d'une Couronne d'immortalité, on se saisit de la personne d'Almidor & d'Alphée, deux de ses fils; afin d'en esteindre la race, & oster tout moyen de vengeance. Clorinde aussi vertueuse que belle, chere épouse de Cleandre, auoit desja produit au monde trois enfans masles: le grand Amidor, de qui le nom est redouté par toute la terre: le genereux Alphée Prince, qui ne cede en merite à nul des mortels: le sage & prudent Alexandre, dont les perfections ne se peuuent exprimer en ce petit recit: & la belle & genereuse Princesse Philis, l'ornement de son siecle, la honte du passé, & l'enuie du futur.

Cette dolente Mere ayant appris les nouuelles d'un si sanglant desastre, & la prise de ses deux enfans, apres auoir émeu les rochers à la compassion, prit les deux autres, & se retira dans la ville de Suze, capitale du Royaume, qui luy tendit les bras, & qui s'estoit rebellée contre son Empereur, quand elle entendit le massacre de Cleandre. Les maux qui procederent tant de cette rebellion que de la mort de ce Prince, estās inseréz dans les Chroniques de Perse, i'y renuoye ceux qui prendront la peine de lire l'Histoire. La Princesse Clorinde se trouuoit encore grosse de cinq ou six mois, & quand le terme de l'accouchement fut venu, & qu'elle eut long-temps appelé Lucine à son secours, elle se deliura du plus parfait des hommes. Son nom est Alexandre. C'est vn vif tableau d'amour & de gloire, & si semblable à Cleandre en tous les traits & lineamens de son beau corps, que ceux qui le

voyent iugent aussi tost qu'un iour il sera aussi bien possesseur de sa valeur que de la douceur de son œil, qui gagne les courages & toutes les volontez. L'on ne s'est pas trompé en ce iugement, comme nous verrons en la suite de cette Histoire.

Quand la somme des desolations du plus fleurissant Royaume du monde fut accomplie, & que les Dieux appaisez par les larmes, & par les cris de gens de bien donnerent aux Perses pour Sophy le grand Alezandre : la paix qu'on ne connoissoit plus en ce Royaume que de nom, commençant de fôder vne longue demeure par les villes, chacun tâchoit de reparer les pertes que les desordres de la guerre civile auoient causées. On ne parloit plus que de festins, d'amour, & de bal. Les Palmes de ce grand Monarque enlacées des branches de l'Oliue, couuroient de leurs fucilles route l'Asie, de sorte qu'on se repositoit sans trouble, ny sans crainte à leur ombre. Mais lors qu'un funeste & lamentable accident eut rauy un si digne Empereur, & que le Ciel pour ne demeurer imparfait en son ouurage, l'eut retiré d'entre les humains, le peuple suiuet aux loix de cet Empire, apprehendant soudain les horreurs des calamitez passées, solliciterent les Estats de s'assembler, pour remettre le gouuernement de la Monarchie pendant la minorité de leur ieune Prince, à celuy qui en seroit le plus capable. Ce fut à la diuine Parthenie que le commun suffrage & le consentement vniuersel mit entre les mains les resnes de ce Royaume. Sage deliberation s'il en fut iamais ! Il n'y a point de doute que le Conseil ue fut alors inspiré du Demon de l'Estat. Iamais la Perse ne se vit colloquée sur un plus haut throsne d'honneur. La prudence
de

de cette grande Imperatrice, reünit soudain les volontez, que des factions naissantes alloient separer. Elle recouura dans peu de iours la Prouince de Clarimene, pour vn de ses alliez, & le bruit de son nom fit que le grand Roy des Indes rechercha son alliance, offrant sa fille pour estre mariée à l'heritier d'Alcandre, demandant l'Infante de Perse pour estre espouse de son fils. Les Mariages estans arrestez, l'on dressa des ioustes & des tournois, où le Prince Alexandre (qui pour lors auoit atteint l'aage de vingt-deux ou vingt-trois ans, & qui venoit fraichement d'une bataille nauale, où il auoit rendu la mer rouge d'effect, aussi bien que de nom,) paroissoit sur tous les plus vaillants, comme vn beau Cyprés parmi les arbrisseaux.

Tandis que les nopces se preparent, vn Seigneur Gouverneur d'une des Prouinces de Medie arriue à la Cour. On le nomme Clarimont, L'Imperatrice le voit de fort bon œil, parce qu'il est vaillant & sage, & bien versé aux affaires d'Estat. Comme il est vn des plus adroits & accorts Gentils-hommes du Royaume, il sçait si bien mesnager sa fortune, qu'en peu de iours elle souffle à pleines voiles son vaisseau, du vent des Courtisans. Heureux, s'il se fust contenté de cette faueur, & si tant de gloire ne l'eust porté à la legereté d'un vain discours! Il n'y a piege qui nous attrappe si bien que nostre propre bouche: car chacun est pris par les paroles qui en sortent. Comme l'on doit estre prompt à ouyr: aussi doit-on estre tardif à parler.

Si Clarimont eust pratiqué ces maximes: ma plume ne seroit pas maintenant occupée à descrire son desastre, & celui de sa maison. Enfin ce Gen-

til homme se trouuant vn iour en bonne compagnie, comme l'on parloit de ce qui s'estoit passé aux guerres dernieres de Perse, & des malheurs que la mort de Cleandre auoit produits, il proféra ce langage : *Cleandre estoit vn Prince qui auoit beaucoup de valeur & de merite : mais aussi ne manquoit-il pas d'ambition & de vaine gloire. Le grand Sophy ne fit iamais mieux que de se deffaire d'un tel homme. Si i'auois l'honneur d'estre participant des secrets d'un Monarque, comme i'auois alors l'oreille de mon Roy, ie luy conseillerois toujours de tenir vne pareille procedure. Aussi pouuois-je destourner ce coup si ie l'eusse voulu, mais mon deuoir estant plus fort que toutes les considerations contraires, ie consentis à la perte de cet Ambitieux.*

O discours vainement proferez ! Il eut bien mieux valu se taire que parler si legerement. Ce langage scandalisa toute la compagnie, & particulierement deux ou trois Seigneurs affectionnez au Prince Almidor, à qui ils ne manquēt pas de rapporter le soir mesme les propos de Clarimont. Est-il donc vray (s'écrit alors ce Prince) que ce temeraire ait pris à tasche la ruine de nostre maison ? Non content de nous broüiller tous les iours avec nostre Maistresse, il se vante encores d'auoir consenty à la mort de mon Prince, & en fait des discours par tout où il se trouue ? Ay-je bien si peu de ressentiment, que ie ne le chastie de sa folie ? Non, non, il faut qu'il en meure de ma main, & que sa mort apprenne deormais à ses semblables d'estre plus sobres en discours, & moins remplis de temerité.

Il n'y a point de doute que l'effect n'eust suiuy la parole, si le ieune Prince Alexandre, qui fortuitement se trouua present à ce rapport, ne l'eust deuancé. Il ne dit mot pourtant de ce qu'il est resolu dès l'heure mé-

me

me d'exécuter. Encore que son cœur bouillonne de colere, il sçait neantmoins si bien dissimuler sa passion, qu'on diroit qu'il est insensible à vne si grande offense. Quand l'heure de se reposer est venue, il se retire en sa chambre, & enuoye chercher Lindamart. C'est vn braue & genereux Cavalier, qui a fait preuve de sa valeur en vne infinité de combats & de deüils, & de qui Alexandre fait beaucoup d'estime. Soudain qu'il est arriué, le ieune Prince luy apprend la temerité de Clarimont : luy descouure le iuste suiet qu'il a de se venger d'une telle iniure, & le chastiment qu'il en veut faire à la premiere rencontre. Il le prie de l'assister en cette action, pour en pouuoir rendre tesmoignage, s'il en est besoin, contre ceux qui en voudroient blasmer la procedure. Lindamart le remercie de l'honneur qu'il luy fait de l'employer en vne si digne action, & dès l'heure mesme ils prennent resolution de venir about de cette entreprinse, en la sorte que ie vais vous reciter.

Le Soleil auoit desia par deux fois redonné à nostre Hemisphere la lumiere accoustumée, depuis le iour que Clarimont, par la liberté de son langage, ayant nauré l'ame de quatre grands Princes, estoit cherché de tous costez par le genereux Alexandre pour en receuoir la punition. Le sort luy fut si favorable, qu'il eut le vent de ce dessein. Et bien que sa vanité ne luy persuadast pas aisément qu'on eust le courage de l'attaquer: toutesfois la grandeur de la maison qu'il auoit offensée se representant à ses yeux il en prend l'alarme, & croit que d'une iniure faite de gayeté de cœur à des personnes qualifiées on ne peut receuoir d'excuse, puis que la propre conscience en a desia donné l'arrest de condamnation. Mais neant-

moins voulant se munir contre l'orage qui s'éleve pour le perdre, il a recours à ses parens & à ses alliez, afin d'en implorer l'assistance.

Cleophō est vn digne & parfait Cavalier, à qui la Perse est extrememēt obligée, pour auoir épandu mille fois son sang pour elle, lors que le grand Alcandre la purgeoit des monstres qui la deuoroient, C'est à luy que s'adresse Clarimont; cōme à son allié, & à qui il tiēt ce discours : Le vous ay tousiours fait participant , ô braue Cleophō, de mes aduantures bones ou mauuaises, & pris aduis de vostre clair iugement sur ce qui en pourroit succeder. Si iamais j'eus besoin de vōtre conseil & de vostre assistance, c'est maintenant qu'une des plus Illustres maisons de cēt Empire rame ma ruine. Le Prince Almid. & ses freres sont courroucez , pour vn rapport qu'ō leur a fait de moy sur la mort de leur Pere. Vous sçaurez bien que la foy que nous deuōs au Prince souuerain est de telle nature, qu'elle ne souffre point de meslange. Si ie n'aduertis point Cleandre du dessein qu'ō prit de le perdre, n'en dois-ie pas plustost receuoir de la louange que du blâme, puis que faisant autrement, n'estoit-ce pas pour sauuer vn hōme, estre dignement coupable du crime de leze Maiesté, & indigne de participer aux secrets d'un Monarq; ? Le vous cōiure donc, par nostre cōmune amitié, qui doit estre soigneuse de ma conseruation, de me vouloir conseiller en vne affaire , où l'on me menace de la vie : & neantmoins me vouloir assister de vostre espée , en cas que mes ennemis osent y attenter.

Ainsi parloit Clarimōt, lors que Cleoph. non moins sage que vaillant, ayāt vn peu digeré les paroles qu'il venoit d'entēdre, respōdit en cette sorte: Chose estrange (dit-il en soupirant) que les hommes les plus prudens sont ceux qui commettent ordinairement les

les plus grandes fautes ! Je le dis pour vous (mon Cousin) qui ayant la reputation d'estre l'un des plus aulsez Cavaliers de l'Asie, vous estes neantmoins laissé emporter à tant de vanité, que de toucher vne corde dont l'estrainte est si dangereuse. Et encor apres avoir fait vne telle folie, au lieu de la reparer, vous tentez l'impossible, par la resolution que vous prenez de la soustenir ? Ignorez vous la valeur des Princes que vous avez offensez ; & le moyen qu'ils ont d'en faire la vengeance ? L'exemple de ceux qui les ont outragez autresfois, deuroit-il pas repasser par vos yeux, & vous apprendre d'estre plus sage à leurs despens ? Le meilleur & le plus salutaire conseil que ie vous puis donner en vne affaire, où il n'y va moins que de la vie, est que vous deuez recourir à la douceur du Prince Almidor, & luy demander pardon d'un tel outrage. En cela ie m'employeray pour vous assister, suivant que i'y suis obligé par les loix de nostre amitié ; mais de vous offrir mon espée contre luy & contre ses freres, ie ne puis. L'obligation que ie leur ay de l'honneur qu'ils me font de m'aymer, & le service que i'ay voüé à cette maison, n'y peuvent consentir. Seruez-vous doncques de l'assistance que ie vous offre, & croyez que si i'estois reduit aux extremitez où vous estes, ie suiurois toujours le conseil que ie vous donne. Cependant ne sortez point de vostre logis, que bien à propos, de peur que quelque funeste rencontre ne m'oste le suiet de m'employer à la conservation de vostre vie.

Je voy bien, repart Clarimont, que le conseil que vous me donnez, & l'assistance que vous me refusez ont quelque apparence de raison. Je penseray à ce que ie dois faire pour le premier : & pour l'autre, puis qu'il m'est denié ie tascheray de me conserver moy-

même en me deffendant , si l'on m'attaque. Ce disant il sort du logis de Cleophon, qui s'efforce par ses prieres de le retenir à dîner: mais la destinée, qui veut trācher la trame de sa vie, est inévitable. O decrets de la fatalité! qui pourra sonder la profondeur de vos abîmes? Nos iours sont contez dez l'eternité, & c'est en vain de vouloit preuenir ce qui doit arriuer.

Clarimont entrant dans son carrosse , qui l'attendoit à la porte de Cleophon , commande qu'on le mene à son logis, ou plustost au monument. A peine a-t'il marché cent pas qu'Alexandre , suivy de Lindamart l'apperçoit. Le Prince monté sur vn cheual, reuenant du logis de la Princesse sa sœur, ne pensoit pour l'heure aucunement à luy : aussi n'estoit-il armé que d'une petite espée qui luy pendoit en escharpe, & par consequent il n'y auoit pas d'apparence d'attaquer vn Cavalier, qui auoit vne bonne espée, & qui ne manquoit pas de valeur ny d'adresse pour se defédre: Mais son courage qui ne treuve rien d'inuincible, & qui se nourrit dans les hazards, cōme la Pyralide dās la feu, n'ayant point d'égard à toutes ces considerations, s'effle dans ses poulmons, & luy fait haster le pas de son cheual, & approcher de son homme. Lindamart suit tout doucement, bien monté, sans qu'il oze remonstrier au Prince le danger où il veut s'exposer, avec des armes tant inégales. Soudain qu'Alexandre est si près du carrosse, que Clarimont qui desia l'auoit decouvert, & qui se preparoit à la deffense, le pouuoit ouyr, il saute legerement du cheual & luy crie : *Baron, j'ay vn mot à vous dire. Mettez pied à terre.* A cette réponse Clarimont fait ouurir la portiere de son carrosse, & commandant à ses gens de n'en bouger, sort pour parler à ce ieune Mars, de qui les yeux estincelans

lans de courroux, ressembloient à deux Cometes qui presageoient du mal-heur. Il fait neantmoins bonne mine, & ayant la main sur la garde de son espee, s'approche d'Alexandre, & luy tient ce discours : Et bien (mon maistre) que voulez vous de vostre seruiteur ? N'est-il pas vray (luy dit le Prince, en le prenant par la main) que vous auez esté si temeraire de vous vanter en bonne compagnie d'auoir consenty à la mort de feu mon Pere, & qu'ayant pû destourner cet accident, vous auez plustost auancé la fin de ses iours ? Le vous prie (repart Clarimont) m'écouter en mes iustes deffenses, & ne me condamner point sans m'auoir premierement ouy. I'ay à la verité dit que i'en pouuois destourner l'accident, mais d'auoir esté cause de sa mort, iamais ie ne le fus, & iamais ie n'ay tenu vn tel langage. Ce que vous m'aduoüez (dit le Prince sans le vouloir plus entendre) suffit pour vous en couster la vie, ou pour me faire icy laisser la mienne pour gage. Mettez doncques la main à l'épée (poursuit-il en se reculant) & deffendez-vous, autrement vous estes mort.

Mon maistre (s'écriant alors Clarimont en mettant pareillement la main à l'épée nuë) que voulez-vous faire ? Au moins faites que i'acheue mon discours, & puis si vous n'y trouuez de la satisfaction, ie vous satisferay par la voye des armes : deffendez-vous (luy dit encor Alexandre) c'est en vain que vous tâchez d'allonger vostre vie par vos belles paroles. Acheuant ce discours, il luy tirevne estocade que l'autre rabat de son espee, qui se croise avec celle d'Alexandre, si bien qu'ils passent l'vn deçà & l'autre delà. Le Prince voyant qu'il n'auoit rien fait en ce premier assaut, reuiet sur luy, & l'autre pareillement sur son

son aduersaire : mais le coup que le Prince tire, ayant rendu vain celui de Clarimont, & ne s'y trouuant point de resistance, il entre sous la mammelle gauche, & ayant trouué le chemin de la vie, il arriue à sa demeure, & l'en chasse. Je suis mort, s'escrie alors Clarimont, & avec cette parole, son ame abandonne son corps qui tombe à la renuerse froid & blesme.

Au cry que fit Clarimont le peuple accourut en foule animé de fureur, croyant de voir le contraire de ce qu'il apperçeut. Vne fausse allarme auoir volé legerement par tout ce quartier de la Ville, que Clarimont auoit tué Alexandre. Si cette infortune fust arriuée l'aduersaire n'eust pas iouï longuemēt du fruit de sa victoire, car l'amour que les Citoyens de Suze portent à la braue race des Notalis, & particulièrement à ce ieune Prince, pour des raisons qu'il n'est pas besoind'inferer icy, est si grande qu'ils eussent mis en piece Clarimont. Mais quand tout le monde vid Alexandre remonter à cheual, & reprendre froidement le chemin de son Hostel, accompagné de Lindamart, qui durant ce dueil demeura immobile sur son cheual, ayant l'œil tousiours fiché sur le Carrosse de l'infortuné Gentil homme, pour voir si quelqu'un des siens feroit mine de branler, pour secourir son maist e, ce ne furent que cris d'allegresse. Il y en eut pourtant qui releuerēt ce corps qui n'auoit point d'ame, & le porterent à vne boutique prochaine. Ses parens & ses seruiteurs s'y assembloient de toutes parts, lamentant sa fin tragique & mal heureuse. Mais ce ne fut rien au prix des plaintes que fit retentir le ieune Lucidor, quand il entendit la mort de son Pere.

Ce braue Gentil homme, autant remply de courage & de valeur qu'autre de l'Empire, s'estant rendu prompt

promptement au lieu de cette sanglante execution, & voyant celuy de qui il auoit receu la vie, n'auoit plus de mouuement, est saisi d'une telle detresse, que le coup de la douleur par trop de sentiment le rend insensible. Il tombe à la renuerse froid & blesme, & quiconque voit en cét accident le Pere & le Fils, a bien de la peine à iuger qui des deux est viuant. Mais enfin quand les esprits, qui se sont ramassez à l'entour du cœur, comme les chaudes exhalaisons dans la froidure d'une nuë, commencent vn peu à s'esuaporer par l'humeur qui distile de ses yeux, & par les longs souspirs qui sortent de son sein pantelant, il commence à proferer de si pitoyables regrets, qu'il en eust esmeu les trois puissances fatales des Enfers à compassion, si ces cruelles n'estoient sans oreilles aussi bien que sans yeux.

O mon cher Pere, (disoit ce mal-heureux) est-il possible que vostre valeur ait esté surmontée si legeremēt par vn hōme, plus propre à contenter les Dames, que nourry dans les sanglants exercices de Bellonne? Ce mignon qui a plūst les traits d'un Medor que d'un Roger, dont il se vante d'estre issu, se vantera-il encor d'auoir mis au tombeau, toute la valeur du monde? O fortune cruelle auois-tu conserué Clarimont si long-temps parmy des hazards & des perils si horribles, que la mort mesme y eust paly de peur, pour reseruer son destin à la pointe de l'épée de ce ieune Adonis? Pourray-ie bien viure, & le voir triompher d'une telle gloire? Non non il faut que son sang appaise les Manes de mon geniteur, ou bien que ma vie soit encore immolée à sa cruauté.

Telles estoient les plaintes de Lucidor, à qui la douleur plūst que la verité faisoit tenir ce langage. Vn si sanglant obiet le rendoit parauanture excusable, si son Pere mourāt l'épée à la main n'auoit ren-

du des preuves de son courage & de son adresse. Mais quoy? nous sommes hommes, & par consequent sujets aux passions humaines qui en des coups si sensibles, nous ostent, & le iugement & la raison. Je le laisse rendre les derniers devoirs à son Pere, pour reciter le bruit qui remplit la Cour de cette mort.

Quand la Divine Parthenie en apprend la nouvelle, sa Majesté, qui ayme la conservation de ses sujets, & qui auoit fait prononcer deux ou trois iours auparavant vn Edict rigoureux contre ceux qui se priuent ainsi cruellement de vie, fut à bon droit courroucée contre le Prince. Toutesfois quand la Princesse luy remonstre le iuste ressentiment de son frere, & que ce malheur est arriué plustost par rencontre que par deliberation, elle s'appaise aucunement, tandis qu'Alexandre s'absente pour quelques iours de la Cour attendant que la fumée de ces broüillards s'éclaircisse, & que ceux qui iugent de cet accident, suivant leur passion plustost que par raison, en puissent voir clairement la verité. Ce nuage passe bientost des yeux de tous les plus fauorables à la cause de Clarimont, lors qu'ils ont connoissance de l'iniure qu'il auoit faite à vne si grande maison, pendant que le desir de vengeance represente incessamment à Lucidor la mort de son Pere.

Il semble que ce genereux Cavalier est deuenu lethargique durant quelques iours, & qu'il a plus d'enueie de viure que de se battre. Mais comme les fleuves qui se cachent soudain en terre, ne laissent pourtant de courir où ils tendent, & puis de sortir plus gros & plus superbes qu'ils ne paroïssent auparavant: aussi Lucidor qui cachoit pour quelque peu de temps les flots de son courroux, en vomit bien-tost les ondes

des

des à gros boüillons, ne pouvant plus les retenir dans son sein. Il ne se ressouuiant plus du dire du Sage: que les actions basties sur vne iniure mal fondée, sont tousiours malheureuses: au contraire, il prend le conseil du mal-aisé, qui dit en son cœur, qu'il fera comme on luy a fait, & qu'il rendra à chacun suiuant son ceuure, sans regarder la iustice de la cause.

L'inégale courrieres des mois n'auoit pas encores de tout acheué sa course depuis le iour que la parque ferma les yeux de Clarimont: quand Lucidor, qui veut accompagner l'ombre de son Pere, ou bien sacrifier à ses Manes le sang de celuy qui l'a mis au tombeau pour mieux executer sa resolution qu'il prend, outre son cœur à vn gentil Cavalier appelé Roland, qui auoit esté nourry Page en sa maison, qui depuis ayant atteint l'aage d'homme, estoit tousiours sorti victorieux d'une infinité de combats qu'il auoit rendus. Se fiant donc à son courage, & à la fidelité, il luy remontre son iuste ressentiment & luy dit qu'il luy estoit impossible de pouuoir plus viure dans le monde, pendant que le meurtrier de son Pere y sera viuant; que ne pouuant retenir plus long-temps le desir qui le sollicite nuit & iour à la vengeance: s'il a iamais recherché le suiet de luy tesmoigner son affection, c'est maintenant que le chemin luy en est ouuert, par la peine qu'il prendra à porter vn Cartel au Prince Alexandre. Et pour mieux l'obliger à l'accomplissement de son desir, il le baise mille fois, & le coniuure de ne luy denier point ce qu'aussi bien il feroit faire par vn autre.

Roland qui ayme ce ieune Seigneur autant que son ame propre, ayant appris cette ferme deliberation se treuve bien empesché en vn affaire de telle importance,

rance. Se representant l'extreme valeur du Prince, & le premier essay que son ieune Maistre veut faire de son courage, en s'affrontant à celuy qui ne trouue rien d'inuincible, il tasche autant qu'il peut de le destourner de ce dessein : mais quand il voit que c'est parler aux rochers & escrire sur les ondes, il prend à regret vn billet que Lucidor luy baille, & de ce pas il va à l'hostel du Prince afin de le luy remettre entre les mains.

Le Soleil commençoit d'esclairer de ses rayons la cime des montagnes, lors que Roland fit aduertir Alexandre par vn de ses valets de chambre, qu'vn Cavalier desiroit de parler à luy d'vn affaire qui le touchoit extrêmement. Le Prince auoit passé toute la nuit en honnestes priuautez chez vne grande Dame, de sorte qu'à peine le sommeil arrosoit de ses charmes la prunelle de ses yeux. On fait entrer ce Gentil-homme, qui apres auoir donné le bon iour au Prince, & fait vne profonde reuerence s'approche du liét, & le supplie qu'il commande de faire retirer ses gēs, parce qu'il luy veut apprendre vn secret qui n'a pas besoin de tesmoins. Chacun se retire par le commandement du Prince, & lors Roland luy met pour excuse deuant les yeux, la nourriture qu'il a prise à la maison de Lucidor: que la force de son deuoir luy ayant fait prédre la hardiesse de luy porter vn deffi de la part de sō maistre, il est aucunemēt excusable en sa temerité; & qu'à fin il se soumet à la discretion de son Excellence pour receuoir telle punition qu'elle ordonnera, lors qu'elle aura pris la peine de voir le contenu de ce cartel, qu'à l'instant il luy donne. Alexandre en riant reçoit ce Cartel, & sautant legerement du liét en chemise s'approche d'vne fenestre pour le lire, la teneur en estoit telle.

MONSEI

MONSIEUR,

Nul ne peut estre plus fidelle tesmoin du iuste subiect de ma douleur que vous : c'est pourquoy ie vous supplie tres humblement de pardonner à mon ressentiment, si ie vous conuie par ce billet de me faire tant d'honneur, que ie me puisse voir l'espée à la main avec vous pour tirer raison de la mort de mon pere. L'estime que ie fais de vostre courage me fait esperer que vous ne mettez en auant vostre qualité, pour éuiter ce à quoy vostre honneur vous oblige. Ce Gentil homme vous amenera au lieu où ie suis avec vn bon cheual & deux espées, desquelles vous aurez le choix. Et si ne l'auiez agreable, ie m'en iray par tout où vous me le commanderez.

Ce genereux Prince, digne race des Notalis, qui se plaist parmy les sanglants exercices de Mars, comme dans son element, ayant leu ce deffi, s'informe de ce Gentil-homme du lieu où son maistre l'attend. Quand l'autre luy en a donné la connoissance, il luy dit qu'il luy pardonne la folie que sa temerité luy a fait commettre, osant si librement le venir appeller au combat de la part d'une personne que la Nature luy a rendue inégale, qu'il viue donc sans apprehension pour ce regard: mais qu'il retourne vers Lucidor afin de l'asseurer, que dans vne heure pour le plus tard, il le verra au lieu où il l'attend, pour luy donner toute satisfaction. Cependant il conseille à ce Cavalier de n'oublier pas vne bonne espée, parce que sans doute celuy qui l'accompagnera pour estre tesmoin de cette action ne luy permettra pas de s'en retourner sans auoir épreuvé son courage. Roland remercie le Prince de sa courtoisie & de l'honneur qu'il luy fait, le plus grand qu'il puisse iamais receuoir, & de qui les Histoires parleront eternellement; & apres prend cō-

B

gé d'Alexandre , monte sur son cheual qu'un laquay luy tient prest à la porte de l'hostel, & puis sort de la grande ville de Suze. Il le fait aller si legerement qu'en peu de temps il arriue au lieu où Lucidor l'attend avec impatience.

Et bien mon grand amy, luy dit-il en l'embrassant, le Prince aura-il le courage de me faire raison de la mort de mon Pere ?

Pensez seulement à vous bien deffendre (respond Roland) & Dieu vueille que cette meslée soit plus heureuse que l'autre. Le Prince ne manquera point de comparoistre presentement icy où vous l'avez conuié. Je crois aussi que ie seray du festin, dont ie me repute extremement heureux, tant pour l'honneur que i'y receuray, que pour le témoignage que ie vous y rendray de mon seruice.

Tandis qu'ils se disposent à bien faire, Alexandre s'habillant promptement enuoye à Lindamart, qui se vouloit mettre dans le liest pour se reposer, & qui reuenoit à l'heure mesme de la ville d'un lieu où il auoit demeuré toute la nuict à passer le temps. Ce renommé Cauallier ne manque pas de se rendre incontinent à la chambre du Prince, qui luy baille aussitost à lire le deffi, & puis luy commande à l'oreille d'aller au mesme instant faire viste equipper tout ce qu'il faut, deux bons cheuaux, & les tirer hors de l'écurie, le plus secrettement qu'il luy sera possible. Lindamart obeyt soudain au Prince, & à peine les cheuaux sont à la ruë, que le Prince qui n'auoit pas la patience de se faire habiller, descend, saute legerement sur l'un d'iceux, sans mettre le pied à l'estrieu, & Lindamart sur l'autre, & puis estans sortis par la porte qu'on nomme de l'Hermite, ils marchent par cette belle

belle plaine, qu'on descouvre à la sortie de la ville.

Lors que Roland qui est au guet les apperçoit, il en aduertit soudain Lucidor qui est caché derriere le clos de l'Hermirage, & apres picquand son cheual, il s'approche du Prince, le saluë & luy tient ce discours. Generieux Prince, vous sçavez la ceremonie qui se pratique ordinairement à visiter ceux qui doiuent combattre à outrance : c'est pourquoy ie vous supplie que vous ne treuuiez point estrange si ie procede enuers vous comme ie ferois enuers vne personne de moindre estoffe, & puis ce Cavalier qui vous suit en fera de mesme, s'il vous plaist enuers Lucidor.

Mon amy (dit Alexandre) il n'est pas besoin que tu prennes tant de peine, picque seulement vers ton maistre; dy luy qu'il se haste, & qu'il fasse comme tu me vois faire. Ce disant, il prend son pourpoint qu'il depouille, & le iette par terre en le deschirant, & decouvre à nud sa chair, qui fait honte à la blancheur des lys qu'on vient de cueillir tout fraichement. Roland estonné de ce courage qui n'a iamais veu la peur qu'au front de ses ennemis, doute, & non sans grande raison, de la vie de son maistre, qu'à grand course de cheual il va promptement faire sortir du lieu où il s'est mis à couuert.

Qui donnera à ma plume le sçauoir de bien depeindre à la posterité le plus funeste, & le plus horrible de tous les combats, qui se liront iamais dans les Histoires? Quel ancre de sang marquera desormais d'une lettre assez rouge, le dernier iour du mois le plus court de l'année : iour que la glorieuse fortune d'Alexandre, & la triste auanture du Lucidor rendent pour iamais memorable? Il semble que le Soleil pâlit de peur à ce sanglant spectacle. O Perse, voicy vn nou-

ueausuict de dueil: La perte que tu feras bien tost de l'un des plus gentils courages que le flambeau du monde verra jamais, te doit estre fort sensible. A la mienne volonté que la passion eust trouué dans son ame moins de place que la raison, il eust suiuy de bien pres le Prince Alexandre, eu l'honneur qu'il doit vn iour acquerir, lors que ton ieune Sophy ira à la conquête de tout le monde.

Si tost que le braue Lucidor apperçoit Alexandre en l'estat que nous l'auons laissé, il louë cette genereuse action, & pour ne luy ceder en franchise, il ouure son pourpoint, le met en pieces, & paroît en chemise: il picque desesperons son cheual, & partât comme vn foudre, l'espée à la main, il se lance sur le Prince, qui fond sur luy comme vn torrent qui tombe d'une haute montagne & qui noye toute vne plaine. Les coups sont diuers, car en passant Lucidor perce l'espaule senestre d'Alexandre, pendant que le Prince luy passe son espée sous le bras droit sans luy faire autre mal. Le valeureux Cavalier voyant son sang couler à longs filets & son aduersaire sain & gaillard, s'eschauffe comme vn sanglier quand il se sent atteint d'un coup d'espieu. Il tourne son cheual, & se rüant sur Lucidor il luy perce le bras gauche, pendant que l'autre luy porte vn coup au costé droit, que le Prince ne sçait si bien esquiver qu'une piece de sa chemise n'en soit emportée. O Dieux, (ce dit alors Alexandre tout bassement) vous sçauiez la Iustice de ma cause; ne permettez pas que le desespoir d'un ieune homme triomphe de ma valeur.

Il acheuoit de prononcer à part soy ces paroles, lors qu'il fit faire vn saut à son cheual, & que passant sur son aduersaire, il luy tire vne estocade qui luy per-

ce

ce d'outre en outre le costé droit , & en fait iaillir vn ruisseau de sang. Lucidor aucunement estonné, s'arme plus que deuant d'un courage magnanime , & poussant son cheual porte au petit ventre du Prince vn coup, auquel ce parfait Cauallier par son adresse incomparable, oppose l'arçon de la selle, qui en est percé de part en part & cependant il lasche vn autre coup d'estoc dans l'espaule droicte de Lucidor qu'il ouure d'une profonde playe. I'ay horreur de reciter les horribles coups qu'ils se donnerent. Le Prince en auoit desia cinq ou six qui perçoient à iour l'arçon de la selle de son cheual , & dix ou douze en diuerses parties du corps, & l'autre estoit percé comme vn crible, quand transporté de rage il se iette sur Alexandre , & luy porte vn coup droit au gosier , que le Prince diuertit de son espée , mais non pas si bien qu'il n'atteigne le gras du bras gauche , & ne luy fasse vne playe large de quatre doigts. Qui a iamais veu vn Taureau eschauffé de l'amoureuse rage , se ietter fureusement sur son riuai, qu'il s' imagine de voir Alexandre , lors qu'il se sentit si viuement touché. Tel parauanture estoit le Dieu de Thrace, quand Diomed le blessa deuant Troye : mais toutesfois le Prince estoit bien plus resolu à se venger, car de ce bras qui chastie les plus mauuais garçons, il tire vne si roide estocade , que le coup brise vne partie de l'espée de Lucidor, qui s'estoit opposé à la rencontre , & penetrant plus auant treuve sous la mainmelle gauche le sentier du cœur , qu'il perce de part en part , & en chasse la vie. Bien-heureux guerrier , à qui la cause de sa mort sert de consolation ; car s'il meurt pour le moins , c'est de la main du plus digne Cheualier qui a iamais manié espée.



*Comme un vaillant guerrier qu'au milieu des combats
 Quelque fameuse espée a fait tomber à bas ,
 Et qui se sent la vie & le sang y respandre,
 En mourant il s'escrie orgueilleux de sa mort:
 L'auteur de mon trespas me sert de reconfort;
 Je meurs , mais abbatu par la main d' Alexandre.*

Pendant ce cruel exercice, le genereux Lindamart & le braue Roland, qui s'estoient au commencement amusez à considerer la valeur & l'adresse de ces deux ieunes Palladins , s'escarterent , quelques cent pas pour éprouuer leurs espées, Lindamart de qui le courage est estimé par tout le monde , auoit esté si pressé lors que le Prince luy commanda de le suiure qu'ayant oublié son espée à sa chambre , il en prit à la ruë vne que l'un de ses laquais portoit en escharpe sans auoir la patience d'attendre qu'on luy apportast la sienne, ny sans considerer si celle qu'il prenoit, estoit de fine trempe.

Ils se tirerent plusieurs coups memorables, où nous ne nous arresterons plus long-temps , parce que nostre intention n'est pas de descrire maintenant les particularitez de leur combat , que nous descrirons exactement en la suite de nostre Roman des Cheualiers de la gloire, lors qu'il sera temps d'en discourir. Nous dirons seulement que comme les armes sont iournalieres, Lindamart se trouua percé d'outre en outre de deux coups mortels pour quelque autre, qui eust eu moins de courage , mais non pas pour vn si genereux Cavalier, qui ne mourra iamais de coup d'espée. Le malheur l'accompagne encores tellement que son cheual venant à broncher , vne profonde playe qu'il a dans l'estomach s'ouure & verse vn deluge de sang. Il se releue pourtant l'espée à la main, & comme
 il

il est resolu de se venger, il apperçoit son arduersaire qui ayant veu tomber Lucidor, picquoit vers Alexandre, pour le supplier de se contenter de l'auoir mis à bas. Lindamart croyant que Roland y couroit pour vn autre suiet, crie au Prince de prendre garde à luy. Le Cauallier se tourne tout empourpré de son sang, le glaue droit à la main. Voyant venir l'autre si legerement vers luy, il part comme vn trait decoché par vn puissant archer, en intention de faire sentir le tranchant da sa redoutable espée à ce braue Gentilhomme. Mais Roland s'arreste, & baissant la pointe de la sienne, luy dit: Prince genereux, c'est assez. Comment assez (repart le Prince encore tout échauffé) ie ne dis iamais, c'est assez, tandis que i'ay l'espée à la main. C'est assez (valeurux Cheualier, poursuit encores l'autre en croisant les bras) contentez vous que toute valeur rend hommage à la vostre. A ces mots Alexandre qui tient du naturel du Lyon genereux, qui pardonne aux vaincus, & dompte les rebelles, s'arreste, & profere ce langage. Va donc, & pense aux funerailles de ton maistre.

Il s'approche cependant de Lindamart, qui s'estoit assis sur l'herbe, la perte de tant de sang ne luy permettant pas de remonter à cheval. Le Cheualier outré d'une douleur extreme pour la crainte qu'il a de perdre vn si fidelle seruiteur, voyant qu'il n'estoit pas temps de discourir, regarde d'un costé & d'autre, & void vn carrosse qui passe, & qui tire vers la ville. Il picque soudain, & prie ceux qui sont dedaus d'y vouloir receuoit vn Gentilhomme extremement blessé, pour estre conduit à son logis. Au commencement l'on fit difficulté de luy accorder sa priere parce que de premier abord on ne le reconneut pas ainsi sangiant

qu'il estoit. Mais quand on sçeut que c'estoit le Prince Alexandre, soudain on arreste le carrosse, & l'on coucha doucement dedans Lindamart.

Tandis la renommée, prompte Messagere des aventures, seme legerement la nouvelle de ce combat par toute la ville de Suze au bruit qu'elle en fait, vne infinité de Seigneurs se rendent soudain à l'Hostel du grand Almidor. Le Prince en auoit esté auerty par le moyen du Cartel qu'on treuua sur la table de la chambre d'Alexandre. Il faute legerement du lit, & comme il est prest d'aller promptement vers le lieu de l'exécution, vn Gentil-homme arriue, qui luy rapporte le succez du combat: la mort de Lucidor, la gloire d'Alexandre, & les dangereuses blessures de Lindamart. O pauvre Lindamart (dit alors le Prince, soigneux de la vie des siens, autant que de la sienne propre) (que ie te regrette: Qu'on aille promptement chercher le sçauant Astibel, afin que leurs playes soient par luy visitées de bonne heure. Pendant qu'on va vers le logis de cét expert Chirurgien, qui fait des miracles en ses cures, vn Gentil-homme dit au Prince Almidor, qu'il ne doit pas se mettre en peine pour la vie de Lindamart. parce que c'est vn tesmoignage infallible qu'on ne meurt point lors que l'on tombe d'vn coup qu'on reçoit, si au mesme instant l'on a le courage de se releuer, de mesme qu'auoit eu Lindamart, O Dieux (repart le Prince) c'est vne foible raison pour m'asseurer de la vie de Lindamart, car il n'a que trop de courage.

Comme il tient ce discours, & qu'il se promene à la Cour de son Hostel, avec le Duc incomparable, qui suiuy d'vne grande troupe de Cavaliers, estoit hastiuelement couru au logis du Prince, pour luy offrir son
espée

espée, voila qu'Alexandre paroît marchant au petit pas, sans pourpoint, couvert de son manteau durant la plus grande froidure de l'Hyuer. Il met pied à terre, & Almidor en l'embrassant luy demande s'il est fort blessé; Monseigneur (ce dit-il) non pas mortellement, comme ie croy. Pleut à Dieu que Lindamart en fut eschappé à si bon marché. Et où est-il ? repart Almidor) Le voilà (dit Alexandre) dans ce carrosse qui s'approche de nous. Cependant la fleur de toute la genereuse Noblesse de Perse, vient baiser la main victorieuse de ce ieune Prince, dont l'ardeur du courage empesche à la froidure de rendre figé son sang, qui degoust de plusieurs parties de son corps. Chacun admire sa franchise & sa valeur, & loüe le Ciel de son heureuse fortune mais particulièrement les Citoyens de Suze, accourans à milliers deuant l'Hostel d'Almidor, rendent graces aux Dieux de ce qu'ils leur ont conserué vn si cher Nourrisson. Les vns disent que le nom de Grand, luy est aussi bien deu que celui d'Alexandre. Les autres assurent tout haut qu'vn iour il obscurcira la gloire de ses Ancestres, lors qu'il suiura le ieune Sophy aux conquestes que les Oracles luy promettent.

Sur ces entrefaites le carrosse où estoit Lindamart arriue. Il est porté doucement dans sa chambre, & couché dans vn bon liët, où Astibel le traicte avec tant de cure, qu'en peu de iours on prend vn bon augure de ses playes. Nous le laisserons avec le Prince Alexandre remettre entre les mains d'vn si sçauant homme, le soin de leur guerison, & retournerons au recit de Lucidor.

Ce courageux Canalier ayant rendu à la Nature, ce que tous les hommes luy doiuent & acquis par sa

mort honorable, vn renom qui ne mourra iamais, son ame encores toute allumée de courroux est receuë dans la barque de l'autre Nautonnier, qui la passe au delà du fleuve, en vn lieu où l'ô ne voit iamais la plaisante lumiere du Soleil, & son corps est porté au monument par ses plus proches, & mis avec le corps de son Pere, dans vne tombe de marbre, couuerte d'vne lame de cuiure, où l'on graue ces paroles, seruans à tous deux d'Epitaphe.

*O diuers succès du sort des humains! Icy gisēt
le Pere & le Fils Pour venger la mort de son
Pere, vn Prince donne la mort au premier;
& l'autre voulant venger la mort du sien,
perd luy-mesme la vie. Passe passant, &
loüe son courage & sa pieté.*

C'est la fin tragique & deplorable & du Pere & du Fils. La mort de l'vn nous apprend, que qui veut conseruer sa vie, doit empescher que sa langue ne deuan- ce point en parlant ce qu'il doit dire. La parole vole legerement, mais elle blesse cruellement: elle passe comme vn esclat, mais elle brusle en passant: elle penetre facilement dans l'ame, mais elle n'en sort pas aisément. Enfin on la proferé sans aucune peine, mais on ne la peut plus retirer: & comme elle vole legerement, elle viole en vn instant toute affection. Il est bien dangereux de dire non seulement des choses fausses, mais encores d'en proferer de veritables, lors que celuy contre lequel on les adresse ne manque point de pouuoir ny de ressentiment. La mort entre par la porte de nostre logis, quand nous nous emancipons de discourir hors de saison, sans considerer le lieu,

lieu, le temps, & la personne de qui nous parlons. Le vain discours est le témoignage d'une vaine conscience, & la parole descouvre incontinent les mœurs de celui qui la lasche.

Pour le Fils, ie le trouue grandement excusable, si l'on regarde à la rigoureuse Loy de l'honneur, que toutes les ames genereuses obseruent si exactement au Royaume de Perse, qu'y māquer en vn seul point, c'est estre des-honoré pour iamais. Il me semble encores que l'on remarque de l'iniustice du Ciel au succez de la triste auanture de ce Gentilhomme. Car, ô Dieu ! (pourra dire quelqu'un) si vous estes defendeur de la iustice d'une cause : pourquoy permettez-vous que l'un poursuuiant la vengeance de la mort de son Pere, enuoye l'un de ceux qui consentirent à son trépas aux demeures sombres & tenebreuses ? Et l'autre poursuuiant vne pareille vengeance, est luy-mesme contraint de mourir de la main propre de celui qui a donné la mort à son Pere ?

O Iugemens du grand Dieu (respondra quelqu'autre) (que vous estes remplis de droicteure ! la n'auienne, que nous osions vous attribuer l'iniquité. Le poids & la balance sont vos iugements, & vous rendez aux hommes leurs œures, & leur restituez suivant les voyes des cœurs que vous sondez. L'un auoit vengé la mort d'un innocent, & l'autre vouloit venger la mort de celui que l'on ne peut excuser.

Il ne faut pas donc s'estonner, si vous consentez à sa perte, puisque vous supportez l'equité, & faites vengeance de l'iniustice. On doit suivre ce qui est iuste, si l'on veut viure longuement sur la terre. C'est bien viure, lors que ny passion, ny haine, ny bien-vueillance, ne sont capables de nous faire embrasser

vne

vne mauuaise cause. C'est pourquoy quiconque iugera de cette action, qu'il ne s'arreste pas à l'apparence, de peur de donner vn temeraire iugement contre celuy de qui l'innocence ne sera iamais offensée par la temerité: au lieu que la temerité pourroit necessairement estre inuisible à celuy qui entreprendroit d'en iuger temerairement.

LVCIDORIS INFORTVNATI

VINDICIS, NECNON MAGNANIMI

Iuuenis tumulus.

B. I. C. P. C.

Vlcisci Patris cadem dum nititur armis

Filius infelix pro genitore cadit.


Victa licet pietas tamen est laudanda parentis.

Victorem voluit, qui iugulare sui.



DE L'HORRIBLE ET ESPOVENTABLE
sorcellerie de Louys Goffredy,
Prestre beneficié de Marseille.

HISTOIRE II.

 I iamais l'ennemy commun du gente humain a donné du scandale au monde. Si iamais il a fait paroistre par ses horribles impietés, & par ses abominables seductions la Malice de sa Nature, & la tyrannie qu'il exerce sur ceux qui en sont possédez i'estime qu'il a fait en ce siecle où nous viuons, plus qu'en

qu'en tout autre. Je sçay quel'antiquité peut produire beaucoup d'exemples de sa rage & de son imposture, si execrables qu'ils font dresser les cheveux en les lisant: mais l'ignorance que les mortels auoient pour lors du vray Dieu, & leur idolatrie, seruoient d'instrument à ses tromperies, de sorte que la merueille n'est pas si grande, comme de voir maintenant qu'en ce siecle il ait puissance par ses organes, de se iouer des deux plus augustes Sacremens des Chrestiens, de rompre la chasteté des filles & des femmes, & de commettre mille autres abominables crimes: en ce siecle, dis-je, & en vn pays où la foy de Iesus-Christ, qui a brisé par sa mort glorieuse la teste de ce serpent, est plantée, où le nom du vray Dieu est inuocé. L'horreur de cette Histoire tesmoignera la verité de mon dire. Je l'ay escrite suiuant la verité des actes, & selon les memoires que des tesmoins irreprochables en ont faits. Que ceux qui viendront apres nous, ne l'estiment point vne fable; il n'y a pas encore deux ans, qu'un des plus grands, & des plus infames instrumens que l'Enfer ait iamais produit, fut publiquement executé en Prouence, apres auoir esté atteint & conuaincu des execrables abominations suiuanes:

Aux montagnes proches de Grace, est vn village nommé Belurzer, où vn certain Prestre renommé pour vn saint homme se tenoit, nommé Pierre Goffredy. Il auoit vn neveu fils d'un sien frere, auquel il apprit quelque peu de lettres humaines, afin de le rendre capable de succeder vn iour à vne petite Cure qu'il auoit. Ce Neveu s'appelloit Louys Goffredy, à qui son Oncle bailla ses meubles en mourant, & entre autres ses Liures. Vn soir comme il en faisoit inventaire, il y trouua parmy vn certain petit liure es-

crit

crit à la main, remply de caracteres & d'invocations diaboliques, où le moyen de conjurer ces malheureux Esprits estoit contenu. Au commencement Goffredy estoit en resolution de le mettre dans le feu: mais la curiosité, qui causoit tant de mal au monde, ayant plus de pouvoir dans son ame, desia disposée de sa nature au mal, que la crainte de Dieu, il se resolut de faire experience de ces invocations, en la maniere qu'elles estoient descrites, & prit de celle qui s'adressoit à Beelzebu Prince des Diables. Si tost qu'il eut achevé l'exécrable mystere, voilà que Sathan apparoit à luy en forme humaine, & luy tient ce discours: *Que veux-tu de moy (Goffredy,) ie suis sorty de ma sombre demeure aussi tost que tu m'en as évoqué.* Goffredy fut de premier abord estonné, toutesfois endurcy en son abominable resolution, il respondit en cette sorte; *Qui es-tu qui te presentes maintenant à moy?* Ie suis (dit Sathan) le Prince de tout le monde: ie gouverne comme il me plait l'air, la mer, la terre & les Enfers. Quiconque fera mon commandement, & se donnera à moy, ie le rendray excellent en tout ce qu'il voudra. Mais (repart Goffredy) cela seroit bon, si apres la mort on n'estoit point si cruellement tourmenté dans la gehenne du feu, pour avoir adheré à tes volontez. *Que tu es simple, dit le Diable, de croire ce tourment.* Ce sont des choses imaginées, & forgées à plaisir, pour faire peur aux hommes. Penses-tu que si cela estoit, moy & tous mes Anges eussions pouvoir d'aller par tout où nous voulons exercer nostre Empire, & y prendre nos ébats? Il faut que tu croyes que les ames de ceux qui font ce que ie veux, deviennent apres la separation de leurs corps des Demons, & que suivant qu'elles ont operé en ce monde selon ma volonté, el-
les

les sont recompensées de charges honorables. Or si tu veux te donner entierement à moy, ie t'octroyeray en ce monde tout ce que tu me demanderas, & puis tu seras avec nous apres ta mort colloqué en quelque degré des plus excellens. O promesse non moins estrange que Diabolique, & neantmoins estimée pour veritable de tous les Sorciers, ainsi que nous le tesmoignerons par des exemples admirables, en la suite de cette Histoire.

Goffredy alleché donc de cette promesse, & desirant posséder de ce Lyon rugissant, prie le Diable de luy donner terme d'un iour pour se resoudre à ce qu'il doit faire, & le malin Esprit dispartoit. Quand la nuit suivante est arrivée, ce mal-heureux reitere sa coniuuration, & Sathan luy apparoit en mesme forme que la nuit precedente. Il est vray que pour mieux attrapper son homme, il estoit environné d'une grande lumiere. As-tu bien pensé (dit-il à Goffredy) à ce que tu me promis hier? Ouy (respond l'autre) Si tu m'octroyes ce que ie te veux demander, ie te donneray pareillement tout ce que tu voudras de moy: Or ie te demande trois choses. La premiere est, que ie veux estre honoré, & le plus estimé de tous les Prestres de la Prouence. La seconde est, que ie veux vivre trente & quatre ans sans maladie, ny incommodité en cette reputation. Et la troisieme que ie veux estre aymé: & auoir la iouissance de toutes les femmes que ie desireray, soit en les soufflant, soit en leur donnant quelque charme. Le diable luy ayant accordé ces trois choses, Goffredy luy en octroye trois autres. Il luy donne reciproquement son corps, son ame, & toutes ses actions. Cedula mutuelle s'en fait. Ce maudit escrit de son sang, la sienne; & Sathan l'autre

tre de sa main : toutesfois il le trompe , selon sa coutume : car au lieu de trente & quatre ans , il ne met que quatorze , luy ébloüissant les yeux , & luy faisant prendre vn pour trois.

Cét accord Diabolique passé , Goffredy quitte le lieu de sa demeure , & s'achemine à Marseille , où il fait dessein de s'arrester. Il n'y eut pas long-temps esté , que par son hypocrisie , & moyens de son maistre il est fait beneficié en l'Eglise des Accoulés : Le bruit de sa sainteté court en peu de temps par tous les lieux circonuoisins. Toutes les femmes les plus deuotes se vont confesser à luy. Cependant il exerce sur elles ses malefices , & en les soufflant iouyt de toutes celles qu'il veut. O strange & inouye permission de Dieu ! O Seigneur que vos secrets son profonds & inexplicables ! i'ay honte de publier ce qui n'est que trop veritable , & qui neantmoins meriteroit d'estre submergé dans le fleuue d'oubly.

Pendant que cet hypocrite est estimé de tous les gens de bien & qu'il seduit les filles , & les femmes de son prochain , il assiste ordinairement aux Sabbats des sorciers , & à leurs assemblées generales , qui se font en diuers climats de l'Europe , & d'une partie de l'Asie. Il auoit esté esleu en vne des detestables conuocations , pour Prince des Magiciens de France , d'Espagne , d'Angleterre , d'Allemagne , & de Turquie : si bien qu'il menoit la bande , lors qu'on faisoit l'hommage au Bouc , mesme souuent les diables le transportoient , quand il vouloit , aux basses Allemagnes , pour y iouir d'une Princesse sorciere , & puis le ramenoient à Marseille. Quelques années se passent de la sorte , pendant qu'il fait tousiours son seiour en ceste ville , estimé , comme nous auons desia dit , pour le

le plus homme de bien du monde. Cette reputation luy donnoit l'entrée de plusieurs bonnes maisons, & entre autres il s'insinua en celle d'un Gentil-homme Prouençal, nommé le sieur de la Palud. Ce Gentil-homme auoit vne ieune fille nommée Magdelaine de la Palud, assez belle & gentille, & de l'aage de dix ans. Goffredy ayant iecté l'œil sur elle, la conuoita, & usant de charmes accoustumez il en eut la iouissance charnelle. Son Pere se tenoit le plus souuent aux champs en vne sienne metairie où Goffredy alloit souuent, sous pretexte de le visiter : mais en effect c'estoit pour voir Magdelaine, & pour executer ce qu'il auoit entrepris, en la sorte que ie vay le reciter.

Ayant vn iour trouué Magdelaine toute seule, & apres auoir ioüy d'elle, il la sollicita de venir avec luy dans vne cauerne proche de cette metairie, où il promettoit de luy faire voir de grandes merueilles. Cette ieune fille le creut, & tous deux estans arriués dans l'Antre, ils y treuerent vn grand nombre d'hommes, & de femmes qui dansoient à l'entour d'un grand Bouc assis. Magdelaine fut toute estonnée au commencement, & eut vne grande frayeur, voyant ce spectacle : mais Goffredy luy donna courage en luy disant, que ceux qu'elle voyoit estoient de leurs amis : qu'il ne falloit pas qu'elle eust peur : au contraire qu'il falloit que desormais elle fût de la bande, luy promettant de receuoir le plus grand honneur qui luy pût iamais arriuer. Avec ses belles paroles il la mene vers le Bouc, qui estoit Beelzebub, & la luy presente, L'execrable Demon la prend & la marque comme les autres Sorciers, & puis s'accouple avec elle, & la viole. Ce faict les Sorciers & Sorcieres qui s'estoient assemblez à l'entour iettent vn

grand cry de resiouyſſance , & puis d'un consente-
ment , la declarent. Princeſſe de la Synagogue , de
meſme que Goffredy en eſtoit le Prince. Quand elle
& Goffredy s'en retournent, il luy commande de ne
dire rien de ce qu'elle auoit veu, ny à ſon pere ny à
ſa mere , n'y à aucun autre. Depuis il ne ſe tenoit af-
ſemblée nocturne que les Diabſes ne l'y transportaſ-
ſent , là où elle eſtoit recognuë pour Maſtreſſe des
autres Sorcieres, & connuë charnellemēt par le Bouc.
Il ſe treuve des perſonnes qui ſe moquent de ce
qu'on raconte tant des marques des Sorciers, que des
accouplements charnels qu'ils ont avec les Diabſes,
mais s'ils auoient leu les liures des Payens , ils y au-
roient appris que ce n'eſt pas d'aujourd'huy que cēt
aduerſaire pratique ces choſes. Les myſteres de Cy-
belle, & de Cerēs, & les Orgyes de Bacchus n'eſtoient
autre choſe que ce qu'on appelle aujourd'huy Sab-
bat. Les Eſprits d'Orphée, & d'Eumolpe grands Sor-
ciers ſ'il en fut iamais , nous teſmoignent, que ceux,
qui deſiroient eſtre receus en cette confrairie & af-
ſemblée , y eſtoient enroolés de nuit dans quelque
caverne eſcartée,

L'on faiſoit aſſeoir le Nouice ſur vn ſcabeau , &
puis tous danſoient en rond, à l'entour, & l'on apper-
ceuoit des choſes eſtranges & horribles. Au reſte tous
ces ſorciers du temps paſſé eſtoient tous marquez
comme Orphée , Eumolpe , Tireſia & ſes filles Da-
phné , & Manto , & autres , & eſtoient viſitez char-
nellement par des Incubēs , & des Succunes. Mais
laiſſants à par ce diſcours, & retournans à noſtre Hi-
ſtoire , teſmoignée par vne infinité des perſonnes vi-
uantes , & dignes de croire & confirmée par tant de
bons Religieux : voire encore par vn Arreſt d'une
ſouueraine

souueraine Cour de Parlement , prononcé par son premier President , l'vne des grandes lumieres de ce siecle , soit en doctrine , soit en pieté , nous dirons que par la permission de Dieu, de qui la misericorde est infinie , & la pieté incomprehensible , il vint en fantaisie à Magdelaine de la Palud , qui pechoit en partie de ieunesse , & d'ignorance , de se rendre Religieuse au Conuent de sainte Ursule , qui estoit sous l'administration des Prestres, qu'on nomme de la doctrine Chrestienne. Ayant communiqué son intention à Goffredy , elle est persuadée de quitter ce desir. Il ne veut point qu'elle entre nullement en Religion , mais qu'elle espouse vn beau & riche ieune homme , qu'il luy veut donner pour mary. Toutes-fois ces promesses ne sont pas capables de la destourner de cette resolution. Le Magicien voyant qu'il ne peut l'en distraire, il vse de menaces, & iura par toutes les puissances des Enfers , que si elle execute son entreprise, il affligera tout le Conuent , & fera mourir cruellement elle & toutes les autres Religieuses, avec tous les Prestres de la doctrine Chrestienne: Ces menaces ne furent pas sans effet : car aussi-tost que Magdelaine est receüe en cette Religion, Goffredy en vertu de la promesse qu'il auoit faite au diable signée de son sang, luy enuoye dans son corps Beelzebub. Leuiathan, Asmodée, Barberith, & Astarot. Deploable condition de ceux qui seruent à tels maistres. Non content de cet acte , il iette encore vn malefice sur vne autre ieune Religieuse nommée Louyse Cappel , & la fait posseder par vn autre demon , appellé Verrine , & deux siens compagnons, Grezil & Sonneillon. Ces deux filles ainsi possedées, faisoient paroistre les mouuemens estranges & mon

accostumez. Elles se remuoient, se destordoient, rouloient des yeux, tiroient la langue, & faisoient parfois de telles grimaces, que les Prestres qui en auoient le gouuernement en estoient tous esbahis. Le Supérieur qui se nomme Iean Baptiste Romillon, estonné de cet accident, & reconnoissant d'où en procedoit la cause, de peur de ne diffamer le Conuent, s'efforçoit d'y apporter le remede salutaire pour l'entremise des exorcismes secrets & cachez qu'il faisoit faire en leur Chapelle. Mais quelque peine qu'il y prit : quelque ieusne, priere, & oraison qu'il employast, son trauail fut inutile. Iamais les Demons possesseurs de ces corps n'ouurent la bouche pour parler & pour declarer qui ils estoient, ny pourquoy ils s'y estoient logez. Ce bon Pere ayant long-temps trauaillé en cet exercice, & se voyant frustré de son attente, depuis vn an qu'il ne cessoit d'exercer le soing & le remede qu'il y pouuoit apporter, se resolut d'amener Magdelaine de la Palud à S. Maximin. C'est vne ville distante de Marseille de quelques sept lieuës, où l'on void plusieurs saintes Reliques, entre autres, la Phiole, où le sang que Nostre Seigneur Iesus-Christ versa, lors qu'on luy ouurit d'une lance le costé, est contenu, & où le corps de la Sainte Marie Magdelaine qui le recueillit repose. Quand il fut arriué avec la possédée, il alla trouuer le P. Michaëlis Prieur du Conuent, personnage fort renommé pour sa pieté & Religion, afin de prendre de luy conseil en vne affaire de telle consequence. Ce Religieux Pere fut d'avis, qu'on fist faire vne neufuaine à la possédée, en la Chapelle, où se repose la sainte Magdelaine : & puis qu'on l'amenaist avec Louyse Cappel à la S. Baume, lieu où la belle pecheresse passa trente ans en

vne

vne dure & austere penitence. Ce fut le vingt-septiesme de Novembre 1610. qu'ils y arriuerent, & trouverent le Frere François Doms, de l'Ordre des Freres Prescheurs, que le Pere Michaëlis son Superieur y auoit quelques iours auparauant enuoyé. Ce Pere Doms ayant esté prié d'exorciser, il commença par Louyse, & apres les coniuurations visitées, le diable Verrine se mit à parler & à discourir, au grand estonnement des assistans. Il nomma luy & ses Compagnons pareillement, Gresils & Sonneillon, & pour preuue qu'il estoit vn demon, il donna plusieurs signes extraordinaires durant quelques iours. Apres continuant son discours, il entra sur la louange de la Sainte Mere de Dieu, sur sa beauté, sur ses richesses, sur son sçauoir, sur sa douceur, & sur sa misericorde. Tous ceux qui l'oyoient parler en estoient tous tauis. Il disoit en outre, qu'il auoit esté expressement destiné de Dieu, pour decouurir deux personnes Magiciennes, & entr'autres, le Prince des Magiciens de France, d'Espagne, d'Angleterre, d'Allemagne & de Turquie, le Createur de l'Vniuers, ne pouuant plus supporter les blasphemés & les iniures que l'on commettoit là contre sa diuine Majesté, & contre le saint Sacrement de l'Autel. O peuple Catholique (disoit ce demon) voicy la plus estrange & la plus innouye chose qui soit iamais arriuée au monde. Iamais de pareille n'y arriuera. Vn diable est deputé pour la conuersion des hommes. Et neantmoins la misericorde Celeste est si grande, que les peruers ayans renoncé à Dieu, à la Mort, & à la Passion de Iesus-Christ son Fils, & à tout ce qu'il a merité, aux inspirations du S. Esprit à l'assistance de la glorieuse Vierge: à tous les Chœurs des Anges, à tous les Saints; aux Sacremens, aux Predica-

rions , & generalement à toutes les creatures visibles hormis au diable , ce grand Dieu se sert maintenant des esprits mal-heureux pour les publier, & les manifester aux yeux de tout le monde voire mesme pour les conuertir.

Ce diable Verrine continua de faire ces exhortations l'espace de deux mois, & lors que Magdelaine de la Palud fut confrontée à Louyse Cappel ce mesme demon iniurioit Beelzebub , qui estoit dans le corps de Magdelaine, & mesprisoit toutes ces menaces, disant que c'estoit par le commandement de Dieu , qui pour cet effect luy auoit promis de diminuer les peines qu'il deuoit souffrir aux Enfers.

Après que Verrine eut fait des remonstrances dignes & graues , qu'il proferoit contre son gré , à la louange de la Trinité, de la tres-saincte Vierge, & de tous les Anges , Saints & Saintes de Paradis : il nomma Louys Goffredy , & dit que c'estoit luy qui estoit Prince des Magiciens; qu'il l'auoit enuoyé avec ses compagnons Grezil & Sonneillon dans le corps de Louyse, ayant eu ce pouuoir, parce que souuent elle auoit demandé à Dieu , de luy faire souffrir toutes les plus cruelles peines qu'on puisse imaginer , voire mesme les tourmens des damnez , pourueu que ce fust pour la conuersion de l'une de ses sœurs , qui se trouuoit hors de la grace de Dieu. Ce diable eut vn grand combat avec Beelzebub , & avec Leuiathan. Astaroth, & Asmodée, qui cōme les Supérieurs le menaçoient à tous coups de le traiter cruellemēt en Enfer. Mais pour tous leurs courroux, il ne desista iamais de les mespriser, & de nommer tout haut Louys Goffredy autheur des horribles méchancetez qu'on peut inuenter. Cependāt le Pere Dumps, & apres luy le Pere Michaëlis, exorciserent Magdelaine de la Palud, & firent

furent tant par leurs prieres, leurs ieunes & leurs oraisons, qu'ils amolirent son cœur, & derechef la rendirent vraye contrite. Ce ne fut pas pourtant sans que le miserable ne souffrist beaucoup des malins Esprits qui la possédoient : principalement de Beelzebub qui tantost la sollicitoit de se tuer d'un cousteau, tantost de se precipiter maintenant de s'enfuyr, & d'autres desespoirs. Mesme le Magicien qui l'auoit seduite luy apparoissoit visiblement avec d'autres Enchan-teurs, sans que les assistans en vissent rien, pour la confirmer aux promesses qu'elle auoit faites au diable, & pour luy ietter des caracteres, & de sortileges propres à la destourner des remedes salutaires que les bons Peres apportoitent pour le salut de son ame. Et vn iour, qui estoit le 18. lanuier, 1611. comme les Religieux l'exhortoient de confesser ses pechés, & publier deuant tous les forfaits horribles & execrables qui se commettent à la Synagogue. Beelzebub la menaça de l'estrangler, si elle les recitoit : de sorte qu'à mesure qu'elle vouloit ouvrir la bouche, ce Prince infernal la prit par le gosier, & la serra si estroitement qu'il luy fit rouler les yeux, & perdre la parole. Les assistans croyans qu'elle en mourroit, se mirent à luy faire le signe de la Croix sur son gosier, & à reciter le commencement de l'Euangile de S. Iean, *in Principio erat Verbum*. Cela fut cause que Sathan l'ayant quittée, elle reprit le fil de son discours, non sans estre tourmentée de nouveau par le Magicien qui luy enuoyoit des sorciers, & des sorcieres aux autres inuisibles, & non à elle, pour la remplir de charmes, & luy faire perdre le sens & la memoire. Ils entroient par la cheminée, & leurs sortileges auoient ce pouuoir, que Magdelaine demouroit long-temps apres comme

motte. Et comme en vertu des exorcismes les Peres l'interrogerent d'où cela pouuoit proceder, elle leur dit qu'ils en pourroient faire l'experience, s'ils vouloient, lors qu'elle ouuriroit la bouche, que le diable luy faisoit expressement ouurir pour donner entrée à ses sortileges Il arriva donc que comme on la pressoit de nommer les complices des Sabbats, où elle auoit assisté, & qu'elle ouuroit la bouche, le Pere Fournez, Dominiquain, mit la main deuant sa bouche, & le charme tomba sur le tablier de Magdelaine, au grand estonnement des assistans : mais bien plus encores lors que le Pere Michaëlis prit ce charme avec vn couteau. C'estoit vne matiere grasse & gluante, ressemblant à de la poix & à du miel entremeslez & broüillez ensemble.

Comme l'on veid que ce n'estoient pas des imaginations, mais bien des choses veritables & réelles, on resolut d'auoir des espées & des hallebardes, pour s'en escrimer par la vuide de la chambre, & à la cheminée. Entre autres, il y eut vn ieune homme nommé Gobert, qui commença à battre dans la cheminée avec vne espée toute nuë, pendant que ses compagnons iouïoient de la hallebarde par la chambre ; pendant qu'ils se demenoient de la sorte, Magdelaine se mit à crier tout haut, en destordant ses mains, & en battant ses cuisses : *Ha miserable Marie que viens tu faire icy ?* Quand cette action fut finie, Magdelaine fut interrogée, pourquoy elle s'estoit escriée de la sorte ? Et elle respondit, qu'une fille nommée Marie la Parisienne, estoit entrée avec sa seruante nommée Cecile dans la chambre pour luy donner vne lettre amoureuse de la part du Magicien, qu'elle n'auoit point voulu recevoir, & que n'ayant pas osé sortir par la cheminée, de
peur

peur d'estre blessées, & voligeâs par la chambre portées par les Demons, cette pauvre Marie, qui estoit vne fille gentile, & qu'elle aymoît par dessus toutes celles de la Synagogue, auoit esté atteinte d'un coup de hallebarde au costé gauche, près du cœur, & la servant aux reins, de sorte qu'elle croyoit que la playe de Marie en seroit mortelle & incurable. Et lors que les Religieux s'informerent pourquoy elle ne perçoit le chassîs, qui n'estoit que de papier, pour s'enfuyr, elle leur respondit que les diables auoient bien la puissance de faire sortir par la cheminée, ou par quelque trou de telle grosseur qu'un grand char y peult passer les forcier & les forcieres qu'ils y introduisoient: mais non pas de rompre ny faire aucune ouuerture, sans la permission du maistre du logis. Ce sont des choses bien admirables, & neantmoins veritables, ainsi que l'effect le demonstra; car tous les Peres qui assistoient à exorciser cette pauvre possédée, avec plusieurs autres assistans, ouyrent sur le soir, & enuiron, lors que le Soleil se couche, sur la cime de la prochaine montagne, voisine de la sainte Baume, vne voix qui se plaignoit, comme d'une personne qui est aux peines de la mort. Ces plaintes durerent un long temps, pendant lesquelles ont fit venir Magdelaine, pour s'équerir d'elle de la cause de ce dueil. Elle mit là à l'heure la teste à la fenestre, & regardant vers la montagne d'où la voix prouenoit, elle leur dit: Ne voyez-vous pas Louys le Magicien, qui tient Marie sur ses genoux, qui la console & qu'elle se meurt. Sur les neuf heures du soir, les Religieux du Conuent, avec les femmes assistantes, & autres personnes, virent paroistre en l'air certains flambeaux, & vne grande quantité de chandelles allumées, qui estoient portées comme en pro-

cession vers Marseille. Beelzebub fut le lendemain **a u** matin interrogé, qui estoit cette creature, qui se plaignoit ainsi le soir precedent. Et apres plusieurs refus il respondit enfin que c'estoit vne ieune fille ; que sa blessure auoit esté faite au cœur qu'elle estoit morte sur la prochaine montagne, à 8. heures du soir : & que les sorciers auoient puis apres ietté son corps dās la mer, derriere l'Abaye de S. Victor de Marseille, où tous les Magiciens s'estoient rendus. Ce malin esprit, contraint d'abondant par la force des exorcismes, apprit aussi qu'elle estoit de la ville de Paris, fille d'un Gentil-homme nommé Henry Alphonse, qui se tenoit aupres du Louure à main gauche.

Cependant que les choses passent de la sorte , le bruit s'estend par tous les lieux de l'enuiron de cette horrible auanture. Louys Goffredy est accusé, mais il ne fait que se mocquer de ce qu'on dit de luy. On l'auoit en telle reputation à Marseille, que le peuple, & particulièrement les femmes disoient tout haut que l'enuie que le Pere Michaëlis, & autres Religieux auoient conceuë contre luy, estoit cause de ce diffame. Pour faire le bon valet, & plutôt commandé par ses Superieurs, il s'achemina à la sainte Beaume. Le P. Michaëlis trouua bon à son atriuee qu'il exorcizast Louyse, & à ces fins luy remit toute son autorité. Quand il se presenta pour y vacquer, Verrine commença à prier Dieu, & nostre Seigneur Iesus-Christ de conuertir ce mal-heureux, qui auoit le cœur plus endurcy qu'un caillou. Iamais on n'a ouy dire qu'un diable desirast, & requist le salut d'un pecheur ; il ne songe plutôt qu'à perdre: Et toutesfois cela est aduenü en nos iours pour les raisons que ce mauuais Esprit alleguoit, & que nous auons desia deduites. Mais
lors

lots qu'il prioit avec vn tel zele, plusieurs des assistans pleuroient de compassion : d'autres interrompoient Verrine, & disoient qu'il luy falloit interdire de parler. Toutesfois ils ne peurent si bien faire, qu'il n'interrogeast Goffredy sur quatre poincts, à sçauoir.

Si Dieu est Tout-puissant.

Si l'Eglise a puissance de commander aux demons.

Si les diables peuvent estre cōtraints de dire la verité.

Si leurs iuremens faicts avec les solemnitez requises sont valables.

Le Magicien luy ayant accordé sa demande, conjura les assistans de se ressouvenir de ce qui luy auoit esté accordé, & puis il luy dit, qu'il commençast à exorciser. Ce qu'il fit, mais avec vne si grande ignorance, qu'à chaque fois il s'informoit du P. Michaëlis comme il falloit faire. Et pendant son exorcisme, Verrine & Beelzebub se mocquoient de luy, & principalement Verrine, qui luy reprochoit l'estat de sa malheureuse vie, & comme il estoit le Prince des Magiciens, les horribles forfaits qu'il cōmettoit aux Sabbats en y colebrant la Messe, y foulant puis apres le Corps de nostre Seigneur, & le donnant aux chiens, *O crime ! ô méchanceté abominable !* Ce mal-heureux (poursuiuoit Verrine) ne se contente pas de commettre ce que les diables n'oseroient auoir attenté : mais encores il répand puis apres le sang du Fils de Dieu sur les autres forciers ; & puis tous d'vne voix ils se mettent à crier, *Sanguis eius super nos, &c.* Son Sang soit sur nous.

Lors que Verrine proferoit ces paroles les cheneux dressoient à ceux qui les escoutoient. Tout le monde faisoit le signe de la Croix, pendant que ce Pharaon demeueroit obstiné en sa malice niant que cela fust veritable

veritable. Mesmes quand les Peres Religieux luy demandoient & le coniuroient de leur dire la verité, s'il n'estoit pas Magicien, au lieu que ce miserable inuokaft le nom de Dieu, il se donnoit à tous les diables que cela n'estoit pas. Et lors qu'il exorcisoit Magdelaine, elle fermoit les yeux, ayant horreur de voir vn trompeur, vn abominable, & vn Magicien ennemy de Dieu & des homes. Tandis il menaçoit de tirer raison de l'imposture (disoit il) qu'on luy mettoit sus, & le 8. iour de Ianuier ayant esté mandé par l'Euesque de Marseille, partit de la sainte Baume au grand contentement de Beelzebub, qui croyoit que par ce moyen l'on le iugeroit innocent, & qu'il obtiendrait gain de cause. Apres toutes les formes & procedures qui se font, suivant les Canons de l'Eglise, le bon Pere Michaëlis, avec certains autres bons Religieux, tant de l'Ordre des Freres Prescheurs, que de celuy des Capucins, ayans reconnu la verité du faict, qui leur estoit clairement témoigné par les marques diaboliques que Magdelaine portoit imprimées sur son corps, & ayant ouy cōme les Demons auoient esté contraincts de manifester les horribles meschancetez de Goffredy, qui feront peur à ceux qui les liront, comme d'auoir inuenté (ainsi que nous auons dit cy-dessus) de dire la Messe au Sabbath, de consacrer veritablement, & puis offrir le sacrifice à Lucifer : manger la chair des petits enfans, ainsi que Magdelaine asseura estre veritable, qu'il auoit incité vne femme de Marseille d'estouffer vne sienne petite fille aagée de deux ans, nommée Marguerite, parce que ce mal-heureux & detestable forgeron d'Enfer auoit enuie de manger de sa chair. M. du Vair premier President en fut aduertý. Il manda querir les deux possedées, & luy

luy-mesme puis apres s'achemina à l'Archeuesché, où estoit Magdelaine, & en presence du Pere Michaëlis, & du Sieur Garandel Vicairé de M. l'Archeuesque d'Aix, & autres: il interrogea cette fille, luy promettant de la fauoriser à n'estre point punie de ses fautes, pourueu qu'elle voulust librement declarer depuis le commencement iusques à la fin l'Histoire de la donation qu'elle auoit faite au Diable. Elle commençoit à obeir au cōmandement de M. le premier President, lors que Beelzebub la prit par le gosier, & la serra tellement que l'on pensoit qu'elle estoufferoit. Ses yeux luy tournoient en la teste, & sa face pallissoit au grād estonnement des spectateurs. Mais apres les exorcismes accoustumez, Sathan abandonna son gosier, & elle poursuinit son discours, & mesme elle monstra vne marque que cet aduersaire luy auoit faite au pied. M. du Vair, pour espreuue fourra dedans vne grosse espingle, sans qu'elle en sentist rien, ny sans qu'aucune goutte de sang en sortist, tesmoignages euidets des marques des Sorciers: il apperçeut encores vn autre signe, c'est que Beelzebub se tenoit sur la partie interieure de la teste, en faisant vn continuel mouvement, la haussant, & la baissant visiblement. Cela se pouuoit verifier par l'imposition de la main. Leuiachan en faisoit de mesme au derriere de la teste, toutes lesquelles choses, suiuant le rapport du docte Medecin Fontaine, de Merendol & de Grassin, professeurs en medecine, & de Bon-temps maistre Chirurgien, & excellent Anatomiste, estoit contre nature.

Tant de circonstances & de temoignages, faisant paroistre que Louys Goffredy estoit vn execrable Magicien, & entre autres celuy de Damoiselle Victoire de Corbier, il est saisi, emmené à Aix, & mis aux prisons

sons accoustumées. Mais puis que nous venons à parler de la damoiselle de Courbier, l'Histoire en est telle. Louys Goffredy, suivant ce que nous auons dit cy-dessus auoit impetré du diable, que par charmes, & par illusions il seroit le plus homme de bien, & le meilleur Prestre de la Prouence. Le bruit de sa sainteté courant par toute cette Prouence, il n'y auoit femme à Marseille qui ne desirast de se confesser à luy. Et Dieu sçait, si sous pretexte de confession il en reduisoit. Le nombre est si grand, qu'il y en eut plusieurs qui furent de la Confrerie d'Acteon. Comme sa reputation estoit en vogue, il arriua qu'une damoiselle nommée Victoire, honneste & pudique autant que femme du pays, & mariée depuis peu de temps avec vn gentil-homme, fut inuitée à vn iour solemnel par sa belle Mere, de s'aller confesser avec elle à Messire Louys Goffredy. Elles se tenoient en vne maison des champs proche de Marseille, & de là elles s'acheminèrent à l'Eglise des Accoulez, où demouroit Goffredy. Ce mal-heureux iettant l'œil de concupiscence sur cette damoiselle, apres l'auoir confessée, luy fit present d'une sainte Relique enchassée dans de l'argent, la priant de la porter pour l'amour de nostre Seigneur, & luy donnant à entendre qu'elle estoit remplie de grande vertu. La damoiselle de Courbier, sans penser à aucune malice, & croyant que Goffredy estoit vn saint homme la prit, & lors qu'elle fut arriuée à son logis elle la mit à son col. Mais à peine la luy eut-elle mise, qu'elle se sentit embrazée d'une ardeur & d'une affection desordonnée enuers ce execrable. L'amitié qu'elle portoit auparauant à son mary, fut contrainte de ceder au charme : & sa chasteté qu'elle auoit tousiours si soigneusement gardée plus que

que sa propre vie, eust esté corrompuë par ce sortilège, si elle en eust eu le moyen. O Dieu tout puissant est il possible que vous donniez vne telle puissance à vos cruels ennemis, que de triompher de ceux que vous avez lauë de vostre sang précieux, & regenez par l'eau du sacré Baptisme ? Cette Damoiselle n'a point de repos, elle parle à toute heure de Messire Louys, & prie sa belle mere d'aller avec elle pour le trouver, mesme en presence de son cher mary : Luy qui ne faisoit que commencer de iouyr de celle qu'il auoit tant aymée, & qui pensoit son amour estre reciproque, comme ils s'approche pour la caresser, la treuve avec des inquietudes, & des impatiences extraordinaires. Il s'estonne de ce changement & comme la vraye amour est presque tousiours suivie de deffiance, il prend garde de plus pres à ses actions & la tient de court : pendant quelle ne peut supporter le feu deregulé qui brusle ses moüelles, est comme furieuse, & a tousiours Messire Louys à la bouche. Cette passion dura quelques iours, iusques à tant que Dieu ayant pitié de son innocence, & ne voulant pas permettre que sa chasteté fut ainsi contaminée, voulut qu'en prenant vne chemise : elle osta de son col cette sainte relique. Elle ne fut pas plustost hors de son col, que le charme cessa, & l'amour desordonné prit fin. Sa passion se representant à ses yeux elle s'en estonne & s'accusant d'impudicité elle verse vn ruisseau de larmes. *Miserable* (disoit la dolente) *est-il bien possible que la volonté ait consenti à trahir ton honneur, & à rompre la foy que tu as si saintement iurée à celuy sans lequel tu ne scaurois viure ? Quelle eau sera capable de lauer un si grand crime ? Quand tu y employerois toute celle de la mer,*
encores

encores ne seroit-elle pas suffisante de la nettoyer. O mon Dieu ayez pitié de ma folie ! & vous mon cher Espoux si vous ne voulez octroyer pardon à celle que vous avez autrefois aymée si chèrement , faictes-en la punition sur mon corps telle qu'il vous plaira. Vous ne m'en scauriez donner de si grande , que ma déloyauté n'en merite encorres une plus griesue. Tenant ce discours , son mary qui estoit bien fasché de ses deportemens , & qui ne l'esloignoit gueres de veuë , entre dans la chambre où elle lamentoit. Si tost qu'elle le voit , elle court , & l'embrasse estroictement en pleurant à chaudes larmes. Luy qui l'ayme comme nous auons desia dit , la caresse reciproquement , & apres luy demande , si elle ne veut point aller avec luy à la ville , pour voir Messire Louys. Ha ! ma chere ame , répond elle , ie vous coniure ne me parler iamais de cét homme , autrement ie me donneray la mort de ma main propre. Ce Gentil-homme la voyant chagée , & en meilleur sens que de coustume , se doute soudain de quelque charme , & s'informe d'elle , si Messire Louys ne luy auoit rien donné. Si a bien , dit elle : il me donna vn *Agnus Dei* , enchassé dans de l'argent , que j'ay porté pendu à mon col quelques temps. Et où est il (poursuiuit le mary. Il est (repart-elle) dans mon coffre. Il luy demande la clef du coffre qu'il ouure , & puis prend cét *Agnus Dei* , treuve dedans la patte d'une chauue-souris , & par mesme moyen descouure la meschanceté & la malice de cét execrable sorcier , qui côme nous auons dict , est desia entre les mains de la Iustice. Cette Dämoiselle se plaint , & fait partie contre luy. Et en l'Arrest qu'on donna , elle est nommée , ainsi que nous verrons en la suite de cette histoire.

Comme il est prisonnier , la Cour , pour s'informer
plus

plus au vray des malefices qu'on luy mettoit sus, apres quelques interrogations faites le fait visiter par maistre Jacques Fontaine, Louys Grassin, & Antoine Merindol Docteurs en Medecine, pour voir s'il n'est point marqué comme sont ordinairement tous les sorciers, afin qu'apres leur rapport, il soit procedé comme de raison. Ces Docteurs suivant le commandement de la Cour, le visitent, & le dépoüillent assistez de maistre Bon-temps, & beaucoup de maistres Chirurgiens, en presence de Messieurs Thoron & Seguiran, Conseillers & Commissaires deputez, & de Garandel Vicaire General. Ils treuvent sur son corps plusieurs marques infailibles de sorcier, & en font leur rapport. Le docte Fontaine en a fait vn liure sur ce sujet qui se lit publiquement. La Cour cependant l'interroge de rechef, & le confronte à Magdelaine de la Palud, qui luy soustient constamment sans varier, toutes ses meschancetez, & particulierement recite en sa presence la maniere dont il vsa pour la corrompre, & la seduire. Il nie tousiours neantmoins, meschant & execrable obstiné qu'il est. Il est cependant visité par Beelzebub, qui à ces fins quitte par intervalles le corps de Magdelaine, suivant que Leviathan, Astaroth, Barberith (demeurez dedans pour garder la place, avec Asmodée, & autres esprits infernaux) assurent. Le mesme Prince des diables confirme leur dire à son retour, forcé par la vertu des exorcismes, & rapporte, comme il a bien endurcy le cœur de Goffredy. afin qu'il ne se conuertisse point. Cependant il ne cesse d'affliger, & de torturer Magdelaine, & voyant qu'elle estoit vrayment repentante, mesmes que par la force de sa repentance, les caracteres de sorciere qu'elle auoit au corps estoient effacez, il fit qu'Asmodée, qui est le

D

demon qui incite aux saletez, la polluoit à toute heure au grand scandale des assistans. Vilainie execrable d'Enfer, qui découure tousiours par les effects, ce qu'elle est. Les pechez de cette malheureuse estoient bien detestables, puis que Dieu permettoit ces abominations estre exercées sur son corps. Et outre celle estoit battue incessamment, avec tant de rigueur qu'elle esmouuoit chacun à la compassion. I'ay honte de publier tant d'horreur à la posterité, & de diffamer vne Prouince, si proche du lieu de ma naissance, honteuse pour auoir produit ces prodiges. Ceux qui viendront apres nous douteront, ainsi que i'ay dit, de la verité de cette histoire: mais la caution que ie leur donne d'un si grand President, & d'un si auguste Senat, jointe au témoignage de ces Reuerends Peres & bons Religieux, les doit disposer à la croyance.

Le procez ayant esté fait à cet execrable Magicien, auant que de proceder à sa condamnation, on tascha de le conuertir. Plusieurs Religieux renommez pour leur saincteté de vie, y prindrent beaucoup de peine: mais ce n'estoit qu'hypocrisie en son faict. S'il pleuroit quelquefois, il iettoit des larmes à la façon des forciers: en mettant les deux doigts indices sur les deux temples de la teste: larmes qui n'estoient pas pourtant chaudes, comme les autres communes, ainsi que l'experience le fit paroistre, les Peres qui l'exhortoient enayans esté aduertis par Magdelaine. Toutes-fois il se confessa & reconnut aucunement les pechez: mais l'on voyoit bien que c'estoit à grande peine. Ce miserable obstiné de la sorte, croyoit, cōme font tous les Magiciens, qu'apres sa mort il deuiendrait un demō de lair, qui comme les autres malins esprits tourmenteroit les hommes. Car durant le temps qu'il exer-

çoit

çoit, l'office de Prince des Magiciens, il estoit plus malicieux & plus execrable que les diables mesmes, ainsi que verrine & Beelzebub le rapportoient. L'un de ses plus grands desirs estoit d'engendrer l'Antechrist, ou bien de viure iusques à sa venue, afin de pouuoir joindre sa rage avec celle du fils de perdition. Or que les Magiciens ayant creu d'estre faiçts demons de l'air apres leur mort, la Sybille Erithrée nous le tesmoigne en ces termes. *Lors (dit cette forcierre) que le grand Apolion tirera mon ame hors de ce corps, elle s'en-uolera libre, & se pourmene a par les vuides campagnes de l'air, se meslant parmy les voix des vents legers & invisibles, & predisant parmy leurs confuses haleines, aux oreilles des mortels, l'heur & le mal-heur de leurs futures auantures. Mon corps mesme engraisant la terre, luy fera pousser des herbes & des racines. Les brebis qui y paroistront, sentiront couler dans leur foye, une science veritable des choses secretttes & inconnuës, & les oyseaux qui mangeront de ma chair, prediront à ceux qui se meslent d'augurer le succez des choses à venir.*

C'est la belle croyance de ceux qui se sont donnez à Sathan. Mais il est temps de reprendre le fil de nostre Histoire, & de dire que durant la prison de Louys Goffredy, les Magiciens de toutes les parties de l'Europe, & de plusieurs climats de l'Asie, s'assembloient tous les iours, tant pour ietter des sortileges contre Magdelaine, que pour empescher la conuersion de Goffredy, & l'accusation qu'il pouuoit faire de ses compagnons. Beelzebub mesme quitta pour quelque heure le corps de Magdelaine: & fut en enfer consulter le Monarque de tous les esprits, sur ce qu'il deuoit faire touchant leur homme, qui chanceloit en ses responses, & se rendoit coupable à toute heure. Lucifer

luy commanda se mettre luy-mesme à la langue, & de respondre pour luy, car (disoit-il c'est vn *Durbet*: mot de Prouence, qui signifie vn sot oyseau, lequel a la teste plus grosse que le corps: c'est autant que si l'on disoit vn niais, & vn estourdy. Beelzebub au retour qu'il fit au corps de Magdelaine, racontoit ces choses en vertu des exorcismes. Quant aux assemblées & Synagogues de tous les forciers, elles se tenoient plusieurs fois aupres de la sainte Baume, & particulierement le 8.d'Auril 1611.an & mois de l'execution du Magicien, aupres de Marseille, ainsi que Beelzebub le iura (apres auoir esté conjuré) tant pour le fait de Goffredy, que pour faire mourir Magdelaine de la Palud. Aussi les Diables luy donnerent ce iour-là tant de tourment qu'elle esmouuoit à grande compassion les assistans: ils la leuoient en l'air prests à l'emporter, si les bons Religieux qui l'assistoient ne l'eussent secourüe.

Or ces malins esprits ne la tourmentoient pas seulement. Les Magiciens contribuoiert aussi toute leur malice, pour son affliction. Vn iour elle se promenoit en la galerie, qui estoit joignant sa chambre en l'Archeuesché d'Aix, lors qu'un Magicien nommé Iean Baptiste (ainsi qu'elle disoit) vint à l'instant & avec vne lancette luy picqua le doigt, plus proche de l'auriculaire, & ayant de son sang se retira.

Alors elle fit vn grand cry, & alla promptement vers les Peres Billet & Bailletot, qui la gardoient. pour leur monstrier le sang qui sortoit encores de son doigt mesmes ils virent eux-mesmes trois gouttes sur la fenestre, par où ce Magicien s'en estoit enfuy. Soudainement ils en aduertirent le Sieur Thoron Commissaire, & le Medecin Grassin.

C'est

C'est sans doute que l'Enchanteur luy tira ce sang pour faire contre elle vn malefice, & pour luy r'allumer dans son ame l'amour qu'elle portoit auparauant à Goffredy. Et ce malefice fit son operation le lendemain. Elle fut agitée tout ce iour-là par des mouuemens si estranges & prodigieux, qu'on croyoit assurément qu'elle en mourroit.

Cependant le Prince des Magiciens est toujours en prison, & souuent sur la cime de la tour de sa prison, l'on void, & l'on entend hurler, & principalement la nuict vn gros chat-huant, ensemble vne troupe de chiens effroyablement. On le confronta plusieurs fois à Magdelaine, laquelle entre toutes les autres accusations qu'elle fit contre luy, soustint vn iour qu'il ne luy pouuoit nier quatre choses. La premiere d'auoir rauy sa virginité dans la maison de son Pere. La seconde de l'auoir conduite & menée en la detestable Synagogue des Sorciers, & là apres luy auoir fait renoncer à Dieu, à sa part de Paradis, & aux merites du Sang precieux de N. Seigneur Iesus-Christ, & generalement à tous les Sacremens de l'Eglise, & autres ceuures de pieté, l'auoit baptisée au nom des Diables, & oincte de leur chresme, & puis marquée des marques qu'elle portoit encores. En troisieme lieu, de luy auoir donné vn *Agnus Dei*, & vne pesche charmée. Et enfin d'auoir enuoyé dans son corps toute cette legion de diables, lors qu'elle se rendit (contre la volonté de ce Magicien) dans le Conuent de sainte Ursule, dont les malins esprits ont dit beaucoup de mal : mais neantmoins confessé malgré eux, que cette sainte compagnie estoit cause de beaucoup de desordre en Enfer. Ce mal-heureux & detestable nia fort & ferme cette accusation, comme controuuée, & iura par le

Nom de Dieu, & par la tres-saincte Vierge, & par S. Jean Baptiste, que c'estoient des impostures. C'est vostre iurement accoustumé (répond Magdelaine) vostre Synagogue le pratique ordinairement. Mais il faut sçauoir comme vous l'expliquez. Lors que vous parlez de Dieu le Pere, vous entendez Lucifer, par le Fils, de Beelzebub; & par le S. Esprit, Leuiathan. Lors que vous arrestez le nom de la Vierge, c'est la mere de l'Antechrist: & le diable, precursor de ce fils de perdition, est vostre S. Jean Baptiste. O Ciel! se peut-il ouïr, ny imaginer rien de plus execrable? En quel siecle maudit & abominable auons-nous pris naissance, que nous y voyons de tels monstres? Les pechez de Sodome & de Gomorrhe, avec ceux de Babylone sont-ils comparables à ces blasphemes & impietez. Je fremis moy-mesme d'horreur, escriuant cette Histoire: ma main en frissonne toute, & à peine peut-elle empescher que la plume ne luy échappe. Si les diables sont veritables, lors qu'ils sont adiurez de proferer la verité, par des exorcismes de l'Eglise, ie croy les paroles de Verrine, qui a tousiours asseuré estant dans le corps de ladite Louyse Capel, que la fin du monde estoit proche, & que l'Antechrist estoit desia né d'un Incube, & d'une Iuifue. Il est impossible que la patiëce de Dieu puisse plus long-temps supporter ces detestables pechez. Je m'estonne qu'il n'a desia exterminé la race des mortels. N'ayant plus de pouuoir de reciter dauantage les crimes de cet abominable Magicien, ie m'en vay finir cette Histoire par la fin de sa vie. La Cour de Parlement de Pronence ayant bien & deuëment examiné les actes du procez, tant les preuues & indices de la possession diabolique de Magdelaine de la Palud, auditions, depositions, confessions d'icelle
sur

sur le rapt fait d'elle, paches & promesses aux malins Esprits, & autres cayers d'informations : que les attestations & les rapports des Medecins, commis pour verifiser les marques de ladite Magdelaine de la Palud, & de Louys Goffredy : ensemble l'audition de ladite Damoiselle Victoire de Courbier, sur les charmes à elle baillez par le Magicien, qui luy auoit causé indisposition en son cerueau, & vn amour desordonné enuers iceluy, avec les confessions, retractions, & secondes confessions volontaires de ce maudit & execrable Sorcier Louys Goffredy, & autres choses contenues au procez, le declara par vn Arrest fort solemnel & memorable atteint & conuaincu des crimes à luy imposez, & pour reparation d'iceux le condamna d'estre liuré entre les mains de l'Executeur, pour estre conduit & mené par tous les lieux & carrefours accoustumez de la ville d'Aix, & au deuant de la porte de l'Eglise Metropolitaine saint Sauueur, pour y faire amande honorable, teste nuë, & pieds nus, la hart au col, tenant vn flambeau ardent en ses mains, pour là à genoux demander pardon à Dieu, au Roy, & à la Iustice, & puis estre mené à la place des Prescheurs de ladite ville, & y estre ars, & brulé tout vif, sur vn bucher, iusques à consommation de sa chair & ossemens, dont les cendres seroient iettées au vent. Et auant l'exécution, d'estre appliqué à la question ordinaire & extraordinaire, pour tirer de sa bouche la verité de ses complices. Cét Arrest fut prononcé, & executé le dernier d'Auil 1611. Si tost qu'il eut esté executé, Marguerite fort honneste fille de la maison de sainte Vrsule, fut deliurée de trois diables qui la possedoient. Grefil & Sonneillon, deux autres diables qui estoient dans le corps de Louyse Cappel, sortirent pareille-

ment : mais non pas Verrine, disant que la volonté de Dieu estoit telle qu'il ne sortist point iusques à ce que la fin de cette Histoire fust venuë, par la declaration qu'il deuoit faire des complices. Aussi il commença de les nommer par noms, & par surnoms : & particulièrement vne fille aueugle nommée Honorée, qui fut prise, trouuée marquée & conuaincuë, & puis bruslée, avec grande douleur qu'elle ressentoit pour ses fautes. Quant à Magdelaine de la Palud, elle fut aussi deliurée d'Asinodée, cét Esprit malin qui la polluoit & d'autres diables. Cependant elle fait des pelerinages, tantost vers la sainte Baume, tantost à saint Maximin, & maintenant elle va à saint Firmin, Eglise proche de la ville d'Vzés en Languedoc. Elle est neantmoins encores possédée de Beelzebub, qui la tourmente tousiours, pour l'expiation de ses pechez. Elle le tient pourtant lié, par la permission de Dieu, dans son corps, de telle sorte qu'il n'en peut sortir aucunement, bien que le diable luy demande congé pour vn quart d'heure seulement, afin de mettre ordre à ses Sabbats. Cette pauvre repentante fait depuis penitence, & va chercher avec d'autres pauvres femmes de Carpentras, nuds pieds, du bois qu'elle vend puis apres publiquement, & tout l'argent qui en prouient, elle le distribue aux pauvres, non sans estre souuent affligée de ses plus proches parens. Pour cette humilité Dieu la vueille assister par la sainte grace, & la deliurer entierement de la possession du malin Esprit.

C'est la fin tragique de ce mal-heureux Prestre, qui pour vn plaisir temporel, & vne fumée d'honneur renonça à son Createur, à la part de Paradis qui luy estoit ouuert, & aux Sacremens de l'Eglise. Si i'eusse voulu escrire toutes les méchancetez, il eust fallu remplir

remplir tout vn gros volume, & non vne simple narration. Je sçay qu'il y en aura plusieurs qui riront de cette Histoire, encores que la verité en apparaisse par le témoignage de tant de gens de bien, & par l'Arrest d'un si celebre Parlement, prononcé de la bouche de l'un des plus illustres hommes de nostre siecle. Entre telles personnes, ie vois les Athées & les Heretiques, qui rapportent aux causes naturelles, ce qu'on raconte des Demoniacles & des forciers. Ils disent que la fantaisie blessée reçoit des vaines impressions, & des chimeres, qui font fouruoyer l'entendement du droit chemin de la raison, & alleguent l'exemple des pretendus forciers, qui croient estre portez aux Sabbats pendant qu'ils sont assoupis de sommeil. Enfin ces personnes voudroient mettre cette croyance, qu'il n'y a Esprit, ny forcier, que ce sont choses inuentées. Mais les impies, tandis qu'ils nous veulent imprimer cette erreur, ils taschent aussi de sapper sourdement vn autre pilier que nous auons de la connoissance du vray Dieu, & de son Fils nostre Redempteur, qui nous apprend dans les Euangiles qu'il y a des diables, par le cōmandement qu'il leur fait de sortir hors du corps des possédez, qui imploroient son assistance. Les Actes des Apostres font aussi mētion de Simon le Magicien, & le vieil Testamēt estourny d'une infinité d'exēples de forciers, que Dieu commande d'exterminer. La Pitthonisse ou forcierre d'Endor, dont il est parlé au liure de Samuël en fait foy, & autres qu'il n'est pas besoin de reciter. Or quoy que les Libertins de ce miserable siecle tournent à risée ce qu'on dit des forciers, des marques qu'ils portent sur leurs corps, & des hommages qu'ils rendent à Sathan, nous ne laisserons pas de croire ce qui est de la verité, puisque mesme les té-

moignages des Payens confirment ce que nous voyés tous les iours.

Durant que l'idolatrie estoit en sa plus grande vogue, les infidelles, & particulièrement les Syriens & les Egyptiens portoient des lettres & des caracteres, qui signifioient les noms de leurs Idoles. C'est pourquoy Moÿse defendit aux Israélites de n'imprimer sur leurs corps aucunes marques, lettres, ny caracteres en haine des Idolatres qui en vsoiét pour lors. Ceux qui s'entrouloient en la Religion du Dieu Mithres en Perse, estoient marquez par lettres de feu. Et puis ne lisons-nous pas dans les liures de l'antiquité Payenne, comme les Strigues & les Sorciers sont de tout temps auides du sang des petits enfans : Cavidie enterra vn petit garçon iusques au menton, & le fit mourir ainsi lentement, & de sa moüelle, & de son foye composa vn breuuage amoureux. Tout ce qu'on nous raconte des Menades qui suiuiot Bacchus en forme de Bouc, n'est que le Sabbath des Sorciers de ce temps, qui adorent le diable en forme de Bouc, puant & infect. C'est ce Pau lacif tant recherché des Matrones d'Italie : c'est ce demon Dufien, qui s'accouplait jadis avec nos Gauloises. Nous lisons encore qu'en Grece l'on celebrait anciennement les Bacchanales de trois en trois ans sur le mont Parnasse. A la feste on y voyoit arriuer de tous costez des Satyres à grandes troupes, qui s'assembloient, & apres dansoient en rond, faisans sonner des cymbales & des tambours, & crioient hautement à voix enrouée, *Saboe, Eum, Attes, & Hyes*. Je laisse maintenant à iuger, si ce n'estoit pas le Sabbath des Sorciers d'aujourd'huy, qui dansent & qui se meslent parmy les diables. Suiuant la deposition de ceux qui ont esté atteints

atteints & conuaincus de sortilege, les sorciers crient aujourd'huy en leurs Synagogues : *Has Sabat, Sabat.* Dieu vueille reduire ces miserables à la voye de salut: ou bien permettre que s'ils demeurent obstinez en leurs souilleures, paillardises, pechez contre nature, execrables & diaboliques meurtres, & sanglans desirs de vengeance, la Iustice y mette si bien la main, qu'ils soient exterminés entierement de la terre, à la confusion de leur Bouc detestable, sale & puant, & à la gloire de nostre Seigneur Iesus-Christ.



*Le funeste & lamentable mariage du valeu-
reux Lyndorac, & de la belle Caliste,
& des tristes accidens, qui en
sont procedez.*

HISTOIRE III.

LYndorac que le Ciel auoit pourueu de valeur & de courage, autant que Gentil-homme de France, tiroit son origine des contrées, où prend sa source le fleuve du Gard, renommé pour le pont admirable que l'Empereur Adrian y fit bastir. Son inclination qui le pouffoit naturellement aux armes, luy fit en l'âge de quinze-ans quitter sa patrie, & s'exposer aux hazards de la guerre, pour en moissonner les lauriers, que l'on ne peut recueillir sans les arrouser premierement de sang. Le Languedoc, la Prouence & le Dauphiné, admirent desia sa valeur, & la publient si bien, que le grand Henry amoureux de tels hommes, le veut auoir auprès de sa Majesté. Il luy donne des charges

charges qui excèdent son âge, & l'employe en des affaires, & intelligences qu'il a parmy les nations estranges. Lindorac s'en demelle si bien, que ce grand Prince (qui ne se trompoit jamais en son élection) l'en ayne, & estime davantage.

Mon suiet n'est pas de raconter icy particulièrement les effets de la valeur, du courage & du jugement de Lyndorac. S'il a mieux gravé son nom sur le dos de ses ennemis, que ie ne scaurois faire avec vne plume sur du papier. Je diray seulement, qu'après auoir receu de son Prince ce qu'il meritoit, avec promesse d'en receuoir d'avantage, l'humeur le prit de revoir ses parens. Il part avec son congé, & arrive au bas Languedoc. Ce ne sont que caresses & que visites de ses amis. Ceux que son renom attiroit par l'oreille, veulent maintenant contenter leurs yeux, & remarquent en Lyndorac vne viue image de valeur. Cette belle disposition, cette gaillarde ieunesse, qui commence a pousser vn premier cotton, ce corps où la Nature admire ses richesses, & le bruit de sa valeur luy donnent l'entrée libre parmy les plus honnestes compagnies. Les Dames à l'enuy l'honorent, & plusieurs taschent de gagner sa liberté. Luy que les exercices de Mars auoient iusques alors empesché de receuoir les charmes d'un bel œil, aussi-tost qu'il voit Caliste, un desir le brûle, & sa franchise gardée si longuement, est contrainte de se rendre.

Caliste n'est pas de ces beautez vulgaires, que le monde prise. C'est vn vif tableau d'honneur & de graces. Ses yeux ne vont jamais en vain à la conquête. Toute liberté fuyt au deuant d'eux, & ie croy que s'ils eslançoient par tout leurs regards, ils la banniroient entierement de la terre. Son humeur libre (mo-
deste

deste neantmoins) fait naistre le desir , & mourir l'esperance. Celuy qui la void, & qui le sert, croit de voir bien-tost payer la fidelité de son service: mais il se trouue autant esloigné de son attente, comme il pensoit estre proche de sa gloire. Jeune liberté, que tu cousteras cher à Lyndorac, & à Rochebelle, voire à ton propre repos! Je ne te blasme pas toutesfois, la faute ne procede point de toy. Ton futur espoux, & son aduersaire en sont l'origine.

L'un ne deuoit iamaïs entrer si auant en de jalouses humeurs, puis qu'estant comme tu es, vn vif exemplaire d'honneur aussi bien que de beauté, il se rendoit coupable de beaucoup de crimes. Et l'autre ne deuoit iamaïs abuser de ton honneste courtoisie, & par la fole vanité porter vn mary ialoux au blasme de ton innocence.

Voilà doncques comme ce braue guerrier, qui n'eust pas craint d'attaquer le Dieu Mars se trouue si sensible aux premiers traicts que l'amour luy decoche, qu'il n'a plus d'autre occupation qu'à cherir sa blesseure & honorer sa prison. Il s'efforce de faire paroistre à sa Maistresse les effects de sa passion, mais la crainte qu'elle n'ait engagé son ame en quelque autre part le retient. C'est ce qui le desesperere, tandis qu'il se flatte en sa douleur. Il voudroit bien (s'il luy estoit possible) resister à ce nouuel assaut: mais son amour est trop foible; & puis c'est vne folie, de vouloir estre sage contre le destin, de qui les hommes s'efforcent en vain de fuir les loix. Caliste, qui n'auoit encore expérimenté ce que peuuent les belles qualitez, & le merite d'un galand homme, aussi-tost qu'elle vid Lyndorat, s'émeut aucunement, & la glace qui seruoit de rempart à ce cœur que les flammes de l'Amour n'auoient

uoient peu eschauffer auparauant, commence de se fondre.

Lyndorac cependant refuse tousiours sur son amour, tādīs que le sommeil adoucīt les trauaux des mortels, il ne peut fermer la paupiere. L'objet de Caliste vole tousiours au deuant de ses yeux, & l'obscuritē de la nuit ne le peut empescher de la voir.

Faut-il doncques (disoit cēt amoureux) que ie me rende si soudain, & sans me deffendre à mon ennemy, qui ne peut sur nous que ce que nous luy donnons? Sera-il dit, que Lyndorac, qui n'a iamais pāly pour la peur des hazards, mais qui plutost a deffiē tant de fois la mort teincte de sang & d'horreur, au milieu des perils soit maintenant de si faible & de si lasche courage, qu'il n'ose faire de resistance à vn enfant tout nud, & qui pour toutes armes ne se sert que de nostre consentement? Estouffons de bonne heure cette passion indigne de loger dans vne ame releuēe, & meurtrissons ce penser, enfant d'un courage bas. Bouchons les oreilles à ces Syrenes trompeuses, & fermons les yeux à ce Basilic, qui tue de son regard.

L'amour ressemble propremēt au riuage Asphaltite, il cache tousiours vn noir serpent sous vne belle fleur.

Ainsi parloit Lyndorac en la naissance de sa passion. Heureux s'il eust eū plus de resolution que d'amour. Mais à peine son cœur enfante ce discours, qu'un autre tout contraire penser luy fait tenir ce langage.

Indigne de iouyr de la lumiere du iour, as-tu bien le courage de blasphemer contre ce Dieu, qui fait trembler & le Ciel & la terre? Veux-tu demeurer seul au monde sans aymē, comme si tu estois vn rocher insensible? L'amour est inseparable d'une ame genereuse, & ces braues guerriers tant vantez aux Histoires de l'antiquitē, ont tousiours meslē les Myrthes avec

avec les Palmes. Aymons doncques, & marchons avec eux, sous l'enseigne de Cupidon, aussi bien que sous la banniere de Mars. Faisons paroistre à ma belle les trophées de victoire, & les marques de nostre défaite. Encores que son cœur fust de roche, nous l'amolirōs avec nos larmes. Mais que sçay ie si quelqu'autre plus heureux que ie ne suis ne m'a point deuancé ? O Amour ! entre les mains de qui ie remets ma vie de-formais & mon repos, détourne de moy cette peur, & rend vain ce presage : fay que mon esprit ne soit point troublé par cette nouuelle imagination, qui veut diuiser mon ame de ton obeyssance.

Ce sont les mesmes discours que tenoit cet Amant passionné, lors qu'avec les flambeaux de l'amour, il allumoit les torches de ses funerailles. Et pour tenter la volonté de sa maistresse, vn iour sa main, plus courageuse que sa bouche, escriuit cette lettre.

Si i'estois autant priué de iugement (belle Caliste) comme vous estes pourueüe de beauté, vous ne verriez peut-estre mon amour décrite sur ce papier. Mais estant comme vous estes la merueille des yeux, & moy le plus reconnoissant de vos merites, vous excuserez mon audace, & iugerez que l'excez des presens que le Ciel & la nature vous ont donnez, sont plus coupables que mon extrême passion. Les Dieux vous ont doüée de tant de graces, qu'il est impossible de les voir sans les aimer. Il ne faut donc pas que vous doutiez que ie vous ayme, & si ie desire de vous seruir, puis que vous estes l'obiet le plus aimable des beautez, & moy le plus viuement atteint de vos beaux yeux. Le vous coniuire par ces Soleils qui m'éclairent, de recevoir la promesse que ie vous fais, de n'adorer de-formais autre que vous. Je la signeray de mon sang, si vous le voulez ainsi, & vous i'emeignera par ma mort, que mes paroles, & ma passion sont vne mesme chose. Ayant

Ayant fermé cette lettre, il la fit donner à vne fille de Chambre de la Mere à Caliste, afin qu'elle soit rendue secrettement à sa Maistresse. Cette fille que nous appellerons Melite, connoissoit Lyndorac, & estoit bien aise de luy rendre quelque bon office. Et ne pouvant l'obliger mieux qu'en ce sujet, elle ne manque point de la remettre entre les mains de Caliste, qui l'ouure comme vne chose indifferente; mais qui l'ayāt ouuerte, & se voyant nommer dedans, rougit & pâlit en mesme temps. Elle estoit vne fois resoluë de s'arrester sans la lire dauantage, & la ietter dans le feu, si la messagere ne l'eust empesché par ces paroles.

Et quoy (belle Caliste) est-ce cecy le salaire que vous rendez à ceux qui meurent pour vostre amour? Acheuez de lire cette lettre, & reconnoissez que si les Dieux vous ont enrichie de beauté, ils n'ont pas priué Lyndorac de merite. Il est tel que la valeur & honneur demandent en vne autre recompense. Comment (respond Caliste) estes-vous doncques de celles qui seruent de conseil & d'adresse aux artifices des hommes trompeurs & abuseurs? Si n'estoit que l'amitié que ie vous ay portée iusques icy, retient vn peu ma iuste colere, ie vous ferois chastier comme vous meritez.

Vous appelez doncques (repart Melite) trompeur & abuseur, celuy qui passe en fidelité, aussi bien comme en valeur, tout le reste des hommes; & blasmez vne fille, qui a succé l'honneur avec le lait dans vostre maison. Caliste, celuy qui vous escrit, a fait iusques icy trop de profession de l'honneur, & celle qui vous en parle, desire trop vostre contentement. Mon penser est bien esloigné de vostre impression. Son amour est honneste, & sa recherche louïable.

S'il est ainsi que vous dites (respond Caliste) que
n'entre

n'entre-il doncques en ses recherches par la porte de l'honneur? Ne sçait-il pas que ie suis sous les loix d'une mere, & que ie ne puis auoir d'autre volonté que la sienne? Peut-estre qu'il s'attend que ie responde, ie ne suis pas si sotte encores que ie sois si ieune, que ie ne sçache bien connoistre comme l'on s'engage par des responses.

Tenant ce sage discours, elle quitta l'autre qui vouloit repliquer, & entra à l'heure mesme dans vne chambre, & s'enferme dedans toute seule. Ce fut là qu'elle acheua de lire la lettre de Lyndorac, & que d'un costé l'amour commence d'acheuer son ouurage. La valeur & la beauté de ce ieune guerrier, seruent à ce petit Dieu d'instrument, pour raver la liberté de cette Belle. Caliste veut tuër cette passion en naissant, mais son cœur trop doux ne tient point de l'inhumanité de Medée, qui fit mourir ceux qu'elle auoit fait naistre. Elle est resoluë d'aymer Lyndorac, mais autant que les bornes de l'honneur le peuuent permettre. Aussi elle dissimule sa passion, luy prescrit des loix, & ne permet pas que personne en ait la connoissance.

Mais Lyndorac, qui brusloit d'impatience, & qui se promettoit d'estre honoré d'une response, est presque sur le poinct d'vser de violence sur luy mesme, lors qu'il apprend par sa fidele messagere le succez de son ambassade. Ha! malheureux (disoit-il) que ta folie est bien chastiée! Tu deuois mesurer ton dessein, & tenir le milieu, sans monter aux extremitez. Ne deuois-tu pas croire que Caliste estant la plus belle du monde, la raison veut qu'elle soit seruie de celuy qui possede plus de merite? O fausse esperance! ô desir auantureux & temeraire, que vous me cousterez cher!

Il vouloit poursuivre, lors que la parole luy faillit,

E

au grand estonnement de Melite, qui par ce discours tasche de releuer son courage. Et quoy, Monsieur, vous rendez-vous doncques si tost au premier coup de tempeste & d'orage que vous éprouuez en amour? Estes-vous si peu expert en cette nauigation, que vous ne sçachiez que la bonace n'y peut estre telle, qu'on n'y redoute tousiours quelque nouveau écueil? Si vostre maistresse par sa rigueur a montré qu'elle est femme, vous montrez maintenant par vostre lascheté, que vous estes moins qu'homme. Parauanture voudriez-vous qu'à la premiere rencontre elle courust les bras ouuerts pour vous témoigner sa flamme? Reprenez vos esprits impatiés & abbatus, & apprenez que l'amour doit proceder de la connoissance, & qu'en amour, non plus qu'en guerre, le soldat ne merite point la couronne, auant que d'auoir combattu.

Ainsi parloit Melite, quand Lyndorac par vn soupir donnant de l'air à son ame oppressée, respond de la sorte.

Ma chere amie, il est bien aisé à ceux qui sont sains, de donner conseil aux malades. Mais en effect, puis que vous m'auiez tant obligé iusques icy, que me conseillez-vous de faire : de viure, ou de mourir?

Viuez (dit Melite) & prenez courage, Dieu nous a donné vne certaine vie, & vne certaine mort : & nous deuons conseruer l'vne & fuir l'autre, puis que l'vne nous manque si-tost, & que l'autre nous est infailible. Voyez vostre Maistresse, sondez son cœur, parlez à sa Mere, & soyez si discret en toutes vos actions, que rien ne vous puisse reculer des bonnes graces de celle qui sans doute vous aime, quoy qu'elle le dissimule.

Ce furent les discours de Melite, qui firent que Lyndorac le iour mesme eut moyen de parler à Caliste

ste. Si mon dessein estoit de raconter des propos amoureux plustost que des Histoires Tragiques, i'escrirois beaucoup de choses sur ce suiet, mais craignant d'ennuyer ceux qui prendront la peine de lire ce recit, ie diray seulement, qu'apres que nostre amoureux eut appris de sa Maistresse, que son vouloir dependoit de sa mere, & qu'admirant la sagesse de cette fille bien nourrie, son amour se fust augmenté il la fit demander en mariage, & employa pour ce suiet ceux à qui il se fioit le plus.

La mere de Caliste, qui est vne Dame illustre de sang, & de vertu, vefue d'un des braues Barons que le Soleil vid iamais, assemble ses parens, & leur communique la recherche & l'amoureuse poursuite de Lyndorac. Et comme les esprits sont differents en leurs iugemens, les vns treuvent bon ce mariage, les autres le reiettent, & par leur raison alleguent que Lyndorac n'est pas assez riche. Toutesfois apres qu'il fut representé à la mere comme la vraie richesse consiste aux dons de nature, & qu'en vain vn homme s'efforce à deuenir riche, lors qu'il manque des belles parties de l'ame, & qu'on eut mis en aduant la Noblesse, la valeur & la fortune de Lyndorac, ce mariage est conclud, au grand contentement des deux parties.

Voicy de belles roses en apparence, mais leurs espines picqueront iusques au cœur. Toute la Noblesse du Pais vint honorer leurs nopces. On y court la bague, on y iouste, on y danse, & l'on n'y parle que de se réjouir. La nuict vient cependant avec ses larges voiles, & Lyndorac qui l'a si long-temps désirée, y recueille le fruit de ses travaux, & seme dans un jardin clos & fermé pour tout autre. Qui vou...

conter les mignardes caresses de ce couple amoureux, qu'il nombre les estoiles du Firmament, les fleurs du Printemps, & les fruiçts de l'Automne. Il n'appartient qu'à l'Amour, qui presidoit en cette chaste couche, & qui recueilloit ces deux souspirs, ces mots desirables, ces petits refus suivis d'embrassemens, de les reciter. Il semble desia à Lyndorac, que desormais il doit estimer sa gloire égale à celle des Dieux, & ignore les tragiques, & les sanglans effects, qui sortiront d'une si douce ame.

O decrets du destin ! mais plutost secrets du conseil de sagesse du grand Dieu, que vos abysses sont profonds & merueilleux ! Faut-il qu'une action si honneste ou plutost vn Sacrement honorable en la presence du Ciel & de la terre, soit le commencement de tant de mal-heurs ? Iunon ny Pronube, ne se trouverent point à cette nopce : la discorde toute la nuit sema ses couleuvres dans la maison, & la choüette, oyseau malencontreux, chanta sur le toict vne triste & funeste chanson.

Après les solemnitez accoustumées, chacun se retire en sa maison, & nos deux Mariez s'abandonnent aux plus cheres delices de leur accouplement. On les void tousiours ensemble, & les petits Amours volent tousiours dedans leurs yeux, & baissent incessamment leur visage. Ils furent heureux & contents de la sorte l'espace de six mois, lors que la fortune enuieuse de leur aise, vient semondre Lyndorac de son deuoir. Elle luy represente le service de son Prince, sa valeur qu'il doit exercer contre l'Estranger orgueilleux & perfide & cette fleur de ieunesse, qui ne doit iamais permettre qu'un esprit masle & genereux comme le sien, se laisse entierement surmonter par les embrassemens d'une femme.

Ces

Ces considerations ont tant de force, qu'il se delibere de quitter, pour vn peu de temps, son plus doux repos, & d'abandonner ce qu'il auoit recherché avec tant de passion. Il en parle à Caliste, qui du commencement a bien de la peine à se resoudre à cette dure separation. Ce ne sont que souspirs & que regrets capables d'arrester Lyndorac, si les loix de l'honneur tyrant des belles ames eussent eu pour ce coup moins de pouuoir que celles de l'Amour.

Il part doncquès, & en partant ils font vn eschange. Lyndorac emporte le cœur de Caliste, & elle retient celui de Lyndorac.

Belle Caliste que ce depart vous fut de dure digestion! Ceux qu'une veritable & legitime amour a rendu tributaires, peuuent inger des trauerses d'une absence. C'est vne nuit toute noire de douleurs, & d'autant plus fascheuse à supporter, qu'elle dure beaucoup. Elle fut aussi longue que la nuit qui partage l'année avec le iour, aux contrées qui sont iustement dessous l'Ourse. Cette apprehension de six mois vous est vn siecle: mais si vous auiez connoissance des malheurs que la fortune vous trame au retour de Lyndorac, hélas! Caliste, vous la souhaitteriez eternelle.

Tandis que cette nouuelle mariée soupire l'absence de son mary, sa mere & ses plus proches parens la viennent consoler, & par de belles raisons s'efforcent d'adoucir la rigueur de cet éloignement. On la diuertit, mais non pas si bien, que le souuenir de son époux ne soit toujours viuement empraint dedans son ame.

Comme la liberté des compagnies est grande en cette Prouince, où l'on fait plus de profession de l'honneur, que de son apparence, plusieurs Damoiselles voisines, accôpagnées de quelques Gentils-hom-

mes voyent souvent Caliste, & elle leur rend souvent les visites. Parmi ces Gentils-hommes qui menent ces Dames, Rochebelle tient le premier lieu. Sa beauté, sa taille, sa disposition, & la bonne opinion qu'on a de luy, ioincte à ses richesses, le rendent recommandable. Il avoit aimé Caliste, comme ie croy, lors qu'elle estoit fille : mais neantmoins si couuertement, que jamais ny elle ny autre n'en eut la connoissance.

Et comme les premieres impressions amoureuses sont les plus fortes, la playe demeure encore fraische dans son ame, bien qu'il voye qu'un autre possède ce que son mal-heur luy a osté. Il n'ignore pas comme son espoir mourut le iour que son Rival prit possession de cette place, & que c'est en vain de tascher à luy redonner la vie, puis que l'honneur aussi bien l'estoufferoit en naissant. Toutesfois il est de ces gens-là qui embrassent vne ombre au lieu d'un corps, & qui se repaissent de vanité. Il fait doncques si bien ses parties qu'en toutes les compagnies qui vont voir Caliste, ou qu'elle va voir, il se trouue tousiours le premier: car l'humeur libre de cette mariée (comme nous auons desia dit) permet à chacun de l'aborder. C'est ce qui donne courage à Rochebelle, à ourdir le commencement d'une toile, qu'on arrosera de sang & de larmes. Caliste n'est pas si peu fine que dans peu de iours elle ne reconnût bien le dessein de nostre homme, qui soupire aupres d'elle, & qui en la regardant s'aveugle en l'excez de la lumiere de ses beaux yeux. Et au lieu de chastier sa folie & sa temerité, il semble qu'elle prenne plaisir à r'allumer sa flâme par des regards mutuels qu'elle luy donne, bien qu'en effect elle le fasse pour auoir du passe-temps, & pour se rire de cette ieune audace. C'est à la verité la plus grande

grande punition qu'un temeraire scauroit recevoir, que celle-là, de voir le fruit de son attente aussi vain que son desir, mais semblables procedures ne produisent pas tousiours de pareils effects.

Vne sœur de Lyndorac n'aymoit point Caliste. Je ne scaurois dire particulièrement la source de cette mal-vueillance : toutesfois ie presuppose que Caliste ne luy auoit donné sujet d'attenter sur son honneur. Son ame est trop franche, & sa vertu blasmée pour un temps, scaura bien faire paroistre differents le mensonge & la verité. Cette sœur s'appelle Doris, qui d'enuie, ou autrement veut ruiner Caliste.

La nouvelle passion de Rochebelle, de qui elle s'estoit apperceuë, luy seruira de matière, & d'autant plus encores, que cet outreuidé Gentil-homme se vante de certaines priuautez imaginaires, & prend plaisir par tout où il se treuve, qu'on luy parle de son amour. Homme vain & temeraire, si Caliste en eust eu le vent, tu n'eusses iamais troublé l'accord de ce mariage, & donné sujet à ma plume de tracer avec du sang & des larmes cette lamentable Histoire. Et toy Doris, tu penses te vanger aux despens de l'innocence; mais l'effect est bien esloigné de ta pensée. Tu verras la mort de celuy qui honoroit ta maison, suiue de tant de morts, que le recit m'en fait horreur. La Comedie est acheuée, voicy le commencement de cette funeste Tragedie.

Après que Lyndorac eut seruy son quartier, & rendu à son Prince de nouvelles preuues de sa valeur & de son iugement en des choses où il l'employe, particulièrement en un voyage qu'il fait en Allemagne, pour le seruice de sa Majesté, il obtient congé de renouer sa maison. Il y arrive, heureux s'il n'y fust iamais

reuenue : car aussi bien tout plaisir y est banny désormais pour luy. Qui dira la ioye de Caliste au retour de son espoux, & le plaisir de Lyndorac reuoyant le doux suiet de ses yeux ? Leurs ames se meslent par leur bouche, & se confondent si bien qu'elles ne sont qu'une. Ils passent ce iour & cette nuit en tel excez de liesse, qu'il semble qu'ils en veulent faire provision pour adoucir l'amertume qu'ils doiuent boire bien-tost en aduance.

Le lendemain leur maison est pleine de parens & d'amis, qui viennent saluer Lyndorac. Apres tous les complimens, Doris tire son frere à l'écart, & luy dit ces paroles.

Que ie plains ton aduventure (mon cher frere) qu'il falle qu'apres auoir receu tant de gloire aux Prouinces estrangeres tu recoiues tant de des-honneur en ta propre maison !

Si iamais ton courage eut besoin d'estre ferme, c'est à ce coup que tu le dois faire paroistre inuincible, & prendre vne telle vengeance de cet affront, que la memoire en soit immortelle. Caliste indigne que ie l'appelle ton Espouse, reçoit en ton absée Rochebelle, avec les priuautez qui n'appartiennent qu'à toy.

Helas ! ie voudrois que le Ciel m'eust renduë auetugle & muette, afin que ie n'eusse point veu de mes propres yeux vne partie de leurs folles amours ; & que maintenant le moyen de t'en faire le recit, suivant que le sang m'y oblige, me fust osté. Mais à quoy bon tant de discours. La chose en est si claire, & l'impudence de Rochebelle en est deuenue iusques là, qu'il se vante par tout des faueurs de ta femme.

Iamais homme touché sans y penser, de l'esclat du foudre ne fut plus estonné que Lyndorac, il demeure
insen

insensible aux paroles de sa sœur , & ne respond vn seul mot. Son ame blessée d'extreme douleur, n'a point de mouuement en cette action , & sans doute elle abandonneroit son corps , si le despit & la vengeance ne venoient au secours. Chose estrange ! que l'amour n'y trouue point de place. O credule ! pourquoy te precipites-tu si tost, & condamnes si legerement celle de qui la Chasteté ne peut estre souillée , ny par ta credulité, ny par la médifance ?

Lindorac saisi de jalouse rage sent en mesme temps que son bon-heur s'éuanoüit , & que la belle clarté qui l'éclairoit est changée en tenebres. Enfin il iure qu'il rendra sa vengeance memorable. Et de faict il commanda à vn laquay de tenir prest vn cheual , & lors que la nuict est venue , il monte dessus , & part sans dire mot à personne. Caliste qui auoit reconnu de l'alteration en son mary , & qui s'attendoit d'en sçauoir l'origine est bien estonnée d'vn depart si soudain. Elle passa toute la nuict en larmes , croyant ce qu'il n'est pas : car comment eust-elle creu que son mary, qui iusques à cette heure l'auoit tant aymée en apparence, l'eust condamné à l'ouir en ses iustes defenses ? Nostre ialoux marche toute la nuict, & arriue le lendemain matin en vn Chasteau où Rochebelle se tenoit.

Le pere & le fils le reçoient avec mille caresses, toutes ces courtoisies ne sont pas capables d'adoucir sa passion. Ils le traictent honorablement, & se reputent bien-heureux de luy resmoigner l'estime qu'ils font de son merite.

Après disner Rochebelle s'amuse à monstrier à Lindorac le bel air de sa maison , & les campagnes & les vallons proches. Mais lors qu'ils arriuent en vn cer-

tain lieu assez écarté du logis, Lyndorac tient ce discours à Rochebelle.

Vous m'avez montré tout plein de belles choses fort plaisantes à la veüe, & ie vous en veux maintenant descouvrir vne autre qui est bien plus rare, & que vous ignorez encore. Ie vous prie de regarder sous ce buisson, & vous verrez vne grande merueille.

Rochebelle se baisse, & y iette les yeux, & y treuve deux espées nuës, & deux poignards. Comme il est estonné de ce mystere. Ce n'est pas tout (poursuit l'autre) faut choisir & prendre celle que vous voudrez, & vous en deffendre : car i'ay resolu de laisser ma vie à vostre mercy ou d'auoir la vostre. Encores faut-il sçauoir (dit Rochebelle) le suiet de vostre courroux.

Vostre conscience (repart Lyndorac) vous l'apprend assez, sans que ie vous doie reciter le iuste ressentiment que i'ay de me vanger du tort que vous m'avez fait en mon absence. Mais nous perdons le temps, ie voy bien, vous voulez dilayer le chastiment que mes mains en doiuent faire.

Lyndorac (dit l'autre) vous me voulez forcer à vne grande extremité : toutesfois, puis que i'y suis contrainct, ie vous contenteray. Mais auant que nous vuidions ce different par la mort de l'un, ou de l'autre, il me semble que vous deuez escouter mes raisons. Vous sçavez que vous estes venu chez moy sans compagnie. Vous n'ignorez pas aussi que les armes sont iournalieres, & que vostre valeur est subiette au hazard. S'il aduient que la fortune vous soit contraire, l'on dira que ie vous ay pris en aduantage, & par même moyen me voila ruiné d'honneur, qui m'est plus cher que la vie. Au contraire, si mon innocence vient à estre surmontée par vostre valeur, ne dira-on pas de
mesme,

ponse, la fureur le saisit : de sorte qu'il se delibere de tourner luy-mesme tout seul au Chasteau de son ennemy, d'y entrer par force, & là luy fêdre l'estomach, & d'arracher son cœur. Mais apres qu'un peu de raison luy eut représenté cette chose estre impossible, il le publia par tout pour le plus grand poltron du monde, & par toutes les bonnes compagnies il le ruine d'honneur & de reputation. Et non content de cecy, il retourne à sa maison, & sans autre ceremonie, oste tout le maniement de ses affaires à sa femme, la gourmande & la traicte le plus indignement du monde. **Qu'**ay-je fait (luy disoit-elle) qui merite vne telle indignité? Vrayement ie n'estime point d'estre coupable d'autre crime, que d'auoir trop aymé vn ingrat. **O** Dieux, vengeurs de l'innocence ! Voyez-vous bien de vostre Ciel vne telle cruauté sans la punir ? Malheureuse Caliste ! faut il que la naissance de ton plaisir soit celle de ta misere, & que l'amour qu'on te iuroit si ferme, soit suiet au vent d'un si soudain caprice ? De qui pourray-ie desormais estre asseurée, puis que celuy qui deuroit rendre ma vie contente, la rend si miserable.

Ie poursuiurois les plaintes de Caliste, mais mon cœur trop sensible à la pitié de cette Belle, se fond tout en larmes, tandis que son cruel mary ne s'en esmeut aussi peu qu'un marbre. Vous direz que c'est Pyrope que l'eau rend plus clair & plus brillant. Les larmes de Caliste l'allument d'autant plus de courroux qu'elle en verse dauantage. Au recit de si triste nouuelle, la Mere accourt chez Lyndorac, & voyant ce mesnage exhorte son gendre de son deuoir, & luy met deuant les yeux l'honneur & la qualité de la maison de sa fille, la fable du monde, & le trophée de
leurs

leurs ennemis. Luy represente par mesme moyen le iuste ressentiment qu'une infinité de gens d'honneur auront cet affront, & que tant de bruit ne peut passer sans la perte de plusieurs. Mais cette roche dure à la raison n'ayant devant les yeux que son honneur intéressé par imagination, se laisse tellement emporter à sa folie, qu'il croit n'estre pas satisfait du tort qu'il fait à Caliste, s'il n'ouvre encores sa bouche contre sa nature.

O jalouse fureur, mortelle ennemie de l'Amour; que tes effets sont prodigieux. Tu donnes en un moment une cruelle mort, au milieu d'une douce vie & parmy les breuvages plus délicieux, tu luy fais avaler une amere poison. Cette honneste Dame voyant que cette extreme furie possédoit entierement l'ame de Lyndorac, & que la raison estoit desesperée, elle prend sa fille, & avec un vif & picquant regret, l'emmene & la retire chez elle.

C'estoit au temps que nostre Prince pour venger le tort que luy faisoit son Altesse, s'apprestoit de conquerir la Sauoye, passer les Alpes, & luy oster encores le Piedmond. Il luy estoit aussi aisé à le faire, qu'à le dire, voire de se rendre absolu Monarque de la terre, si sa clemence eust esté moindre que sa valeur.

Lyndorac se dispose à dresser sa compagnie, afin de se trouver parmy les gens de bien, cependant que le valeureux Leandre donne sa cornette à Rochebelle. Tous deux sont au camp, lors que Leandre, qui a témoigné en tant de batailles, de rencontres & de duels, son courage, apprénd de quelqu'un l'affaire de ces deux ennemis, & la procedure de l'un & de l'autre. Il est bien fasché d'auoir mis entre les mains d'un homme, qui a plus d'apparence que d'effect, une chose de tel-

le

le importance, & de qui dépend presque tout l'honneur des gens d'armes. Ce valeureux Canallier pour mieux sonder Rochebelle, le fait appeller, & luy tient ce discours. Lyndorac se vante par tout que vous luy auez manqué de promesse, & refusé de vuidier vn différent que vous auez ensemble. Que pour cét effect il vous a pris par la main dans vostre propre maison, & vous a mené en vn lieu exempt de toute supercherie. Je vous prie, si vous m'aymez, d'en tirer vostre raison, & faire paroistre que ie ne me suis trompé au iugement que i'ay fait de vostre merite..

Rochebelle se void engagé par ce moyen à se battre. Il ne s'en peut desdire, si bien qu'il enuoye le iour mesme de ses nouuelles à Lyndorac avec ce cartel: *Il est temps que le Ciel vange par ma main ton insupportable folie. I'auois dilayé iusques icy de la chastier, esperant que tu t'amenderois. Mais puis que ton insolence perseuerere, ie t'attends au lieu où ce garçon te dira, tout seul avec vne espée & vn poignard, afin de te priuier & d'honneur & de vie.*

Je ne scaurois dire si de ces nouuelles Lyndorac receut plus de contentement, que de fascherie. L'aïse de se trouuer bien-tost au lieu qu'il a tant desiré, ne se peut exprimer. & le courroux de se voir mespriser par vn homme qu'il a braué tant de fois, le possède également, de sorte qu'il méprise de respondre à vn vanteur qui publie son triomphe auant la victoire. Il se porte sur le lieu, monté sur vn petit cheual, & à peine il y arriue, qu'il voit Rochebelle monté sur vn cheual d'Espagne fort & puissant. Lyndorac met pied à terre, croyant que son homme en fera le semblable, mais il est bien deceu, car l'autre picque son cheual, & comme vn foudre fondant sur luy, delasche vn pistolet, & luy emporte la moitié de sa fraize, & fuir. Arrest

Arreste poltron (crioit Lyndorac courant apres) & n'allonge point au monde (avec si peu d'honneur) la trame d'une vie pleine de tant d'infamie. Mais le vent emporte ses paroles, & la vitelle du cheual defrobe à ses yeux son ennemy, qui abandonne en mesme temps, & son honneur & l'armée, & s'en retourne à sa maison.

Lyndorac est bien affligé de voir que son homme luy échappe pour la seconde fois à si bon marché, mais il faut qu'il prenne patience iusques à ce que le temps luy offre le moyen d'en tirer plus de raison. Il prend à témoin quelque passant qui se trouue par rencontre, lors que son ennemy luy lascha le pistolet, & qu'il s'enfuit: le mene au camp vers le grand Henry, à qui il montre la moitié de sa fraize emportée, luy recite le succez de son duél, implore sa iustice, & employe le témoignage de cet homme.

Nostre Monarque, de qui l'on pouuoit dire iustement :

*Que ce qu'il commandoit en grand & sage chef,
Sa main l'exécutoit en valeureux gendarme.*

Luy (dis-ie) qui s'exposoit luy-mesme en de tels hazards, que les plus asseurez y fussent deuenus blêmes. Ce grand Prince ennemy mortel des poltrons, fait assembler incontinent les Mareschaux de France, & leur commande de faire droit à Lyndorac.

Il ne falut gueres employer de temps à condamner Rochebelle, puis que sa fuite le rendoit atteint & conuaincu du crime dont son aduersaire l'accusoit. L'affaire est pesé avec iuste & meur iugement, & ce fuyard est degradé des armes & déclaré roturier, & sa posterité. C'est bien perdre vn homme, que de le traiter de la sorte. Il faut qu'il se delibere desormais de viure en vn desert, indigne de conuerser parmy les
vivaans

viuans. Pour moy i'estime que c'est estre proprement enfermé dans vne tombe relante, lors qu'on n'ose pas paroistre en la compagnie de ses égaux.

Après que la valeur de nostre Prince eut dompté l'orgueil de ses ennemis, & vsé après la victoire de sa douceur accoustumée. Lyndorac eut son congé de retourner chez luy. L'aduantage que le droit des armes luy donne sur Rochebelle ne l'empesche pas de se soumettre encores à le faire appeller au combat, mais l'autre n'en veut point ouïr parler. Toute la Noblesse du pais s'en émerueille. Auparauant ce mal-heur, on l'auoit en aussi bonne reputation, que Gentil-homme de la Prouince.

Son pere mesme, qui estoit vn venerable vieillard, luy en fait tous les iours mille reproches ; & dit qu'il a esté changé au berceau, & que iamais il n'a produit au monde ce poltron. Mesmes il s'offre à Lyndorac de le combattre pour son fils, si Lyndorac eust voulu s'y accorder. Enfin le Gendre de Rochebelle redoute celui de Lyndorac, & le Ciel les veut dignement punir tous deux ; l'un de sa vanité, & l'autre du tort qu'il faisoit à sa femme.

Que faisiez-vous en ce temps, belle Caliste? Vostre bouche estoit ouuerte aux regrets, & vos yeux verssoient vn deluge de larmes capables de noyer tout le monde si le feu de vostre iuste courroux n'en eut desseiché l'humeur. Ce cruel bouche les oreilles, lors qu'on luy parle de vous, & fuit les lieux de vostre demeure. Vos parens & vos amis s'assemblerent pour remedier par vn doux accord à ce grand mal: on ne le peut flechir, son obstination est extreme, mais il sera bien tost chastié. Il tasche surpédre son ennemy, qui se tient sur ses gardes, & qui le surprend luy mesme.

Rochebelle

Rochebelle ne sortoit iamais en campagne qu'il ne fust fuiuy de 30. ou 40. mauuais garçons bien armez. En cét équipage il rencontra vn iour Lyndorac avec six ou sept hommes. Aussi-tost que nostre jaloux reconnoist son aduersaire, sans considerer l'inégalité de la partie, il picque son cheual, & donne dedans, tandis que ceux qui l'accompagnoient prennent la fuite. Il rendit des preuues de valeur incroyable. Aussi on ne scauroit luy oster l'honneur d'estre vn des plus vaillans hommes du monde. Mais que fera-il tout seul contre tant de personnes, & encores mal monté, & desarmé. C'est vn sanglier au milieu d'une infinité de veneurs. L'un luy donne vn coup d'épée, l'autre vn coup de pique, & l'autre le traaverse d'un épieu : son sang à longs filets change la verdure en pourpre. Il se vange neantmoins, & autant de coups qu'il donne, ce sont autant de morts assurées. Il cherche à trauers son ennemy, qui se contente de le voir percé de mille coups, sans s'opposer à sa furie. Enfin il est porté par terre tout sanglant & défiguré, & laissé pour mort.

Rochebelle, qui croit desormais viure en repos, se retire promptement en vne sienne forte place, & bien tost apres plusieurs courent sur le lieu de l'exécution, & treuvent que Lyndorac s'estoit releué, & assis sur l'herbe, & la perte de tant de sang qu'il auoit versé ne luy permettant pas de se tenir sur pieds. Il est emporté par ses amis en sa maison, & si bien secouru, que dans peu de iours il est guery : mais non pas si bien, qu'il ne se ressente encores de ses playes, & particulièrement d'un coup d'estoc qui luy fut donné au costé droict. La playe est bien fermée, toutefois il y a quelque chose qui le picque comme d'une grosse aiguille, & principalement lors qu'il se baisse, ou qu'on le

touche en cette partie offensée. Cela ne l'empesche pas neantmoins de monter à cheual, & de faire vn voyage à la Cour, pour former de nouvelles plaintes à sa Majesté, contre son aduersaire. Rochebelle est la fable des Courtisans. On luy fait son procez, & par Arrest il est condamné d'auoir la teste tranchée. Ses biens sont confisquez & adiugez à Lyndorac, à qui le Roy permet encores de prendre mort ou vif son ennemy, en quelque maniere que ce soit, & luy laisse en sa disposition de le tuër de ses propres mains, ou de le liurer entre les mains de la Iustice. Lyndorac fait executer l'Arrest par contumace, & pour cét effect on dresse vne potence près le Louure deuant l'Autel de Bourbon, où le tableau de Rochebelle est attache.

Quand le Pere de Rochebelle apprend cette note d'eternelle infamie suruenüe à sa maison: il tire ses blancs cheueux, les arrache, & s'abandonne à la douleur: & enfin on tasche à le consoler. Ce regret treuve son ame si sensible, qu'en peu de iours il le met dans le tombeau. Nostre homme veut retourner cependant au pays, pour iouyr du fruit de l'Arrest: mais le mal que cette blesseure des reins luy donne, l'afflige fort. Il porte tousiours vne face blesme, & traine sa vie en langueur. La Riuiera, Martin, & la Violette, Medecins renommez, s'assemblent pour y remédier: mais ils n'y voyent goutte, si bien qu'il se dispose de consulter ceux de Montpellier. Il y arriue avec beaucoup de douleur, & y treuve aussi peu de resolution, que d'allegement. Rochebelle en est bien aise, puisque par ce moyen son ennemy songe plus à se guerir, qu'à le rechercher.

Lyndorac, qui auoit desia gardé plus de quinze mois ce mal insupportable, desespéré du tout de sa vie,

vie, attend la mort en patience. Geronyme Operateur passe cependant par Montpellier, & nostre malade est conseillé de luy monstrier son mal. Il le fait plustost pour leur complaire, que pour espoir de guerison. Cét homme luy manie son costé, & à mesure qu'il le touche, Lyndorac se sent picquer iusques au cœur. Prenez courage (luy dit alors cét Empyrique) i'ay trouué la cause de vostre mal. Vous au z vn fer fiché dans vos reins, il l'en faut arracher. Plusieurs Medecins que Lyndorac auoit appellez pour y assister, se rioient de l'Operateur, lors qu'en leur presence il fait vne incision au lieu de la douleur, & en tire la pointe d'un fer, long de sept ou huit grands doigts. Il luy applique puis apres de longuent, & dans sept ou huit iours il rend le malade sain & gaillard. La viue & fraische couleur luy reuint au visage, & à mesure qu'il reprend ses forces, le desir de se vanger de Rochebelle se rallume.

Cependant qu'il est sur les desseins d'attraper son ennemy, les parens de Caliste & ceux de Lyndorac se rassemblent pour la derniere fois, afin de voir si l'on peut mettre remede au trouble de leur mariage. Mais c'est écrire en l'air, & peindre dessus l'onde; puis que nostre jaloux demeure tousiours en mesme predicament, insensible à la raison, & au deuoir.

Enfin, comme on void que son iugement est du tout perdu, le mariage se dissout du consentement des parties, & Bulles s'obtiennent de Rome, qui donnent dispense à tous deux de se separer, & de se remarier là où bon leur semblera.

Il n'entre point en dispute, si cela se pouuoit, ou s'il ne se pouuoit pas faire. Les hommes peuuent par faux entendre tromper l'Eglise, qui ne iuge que de

l'exterieur, mais non pas l'esprit de Dieu qui sonde les pensées, & de qui la bouche nous apprend que l'homme ne doit point separer ce que le Ciel a conjoint. Lyndorac auéglé de rage ne pense point à cette faute. Toute son imagination est portée à surprendre son ennemy: & d'effect, comme il est vn grand petardier, il entreprend vn soir sur Rochebelle, enfonce la porte de son Chasteau, l'emporte, tuë & renuerse tout ce qui s'oppose, & prend son ennemy prisonnier. Quelle faueur de fortune, s'il en eust bien vsé? Rochebelle se voyant attrappé n'a recours qu'aux larmes. Il se iette aux pieds de Lyndorac, & luy demande la vie qu'il a desia souuent perduë par la perte que tant de fois il a fait de son honneur. Lyndorac, image de valeur, ressemble au Lyon genereux, qui s'appaise par humilité. Il se contente d'enfermer son ennemy dans vne chambre, & jà le coniurer avec toute sorte de remonstrances, de luy dire librement la verité de ses amours, & si iamais il a receu de Caliste ce dont on l'accuse. Mais Rochebelle qui n'est point assuré de sa vie, & par mesme moyen qui ne veut point charger sa conscience, appelle le Ciel à témoin, & le supplie de lascher sur luy les traits de sa foudre, si iamais Caliste luy a montré signe de folle amour: mais plustost si elle n'a vsé en son endroit, parmy son humeur libre de tant de marques d'honneur, & de modestie, qu'il est impossible de les reciter.

Que peut respondre l'autre, oyant ses horribles serments, qui font dresser les cheueux en les oyant. Lors qu'il n'en peut tirer autre chose, il enferme son ennemy, & prend vne nouvelle resolution.

Rochebelle auoit des sœurs capables de donner de l'amour au courage le plus farouche du monde. Lyndorac

dorac deuient amoureux de l'ainée, obtient d'elle sous promesse de mariage, ce qu'il en desire. Ces nouvelles amours acheuent d'esteindre la memoire de **Caliste**, & auancent la fin de la Tragedie. O que la jeunesse est volage, & que l'homme est suiet à la passion ! car bien qu'il soit enuêloppé de mille affaires, neantmoins il se reserve tousiours du temps pour le donner, s'il luy est possible, aux voluptez. **Lyndorac** n'est pas neantmoins si sot, qu'avec la iouissance de cette beauté, il ne vueille ecore tout le bien du frere. Il void **Rochebelle** pour ce suiet, & luy declare son intention en peu de mots. Vous sçavez (dit-il) comme vous m'avez tant de fois traicté si indignement, & le pouuoir que j'ay de me venger, si ie veux, maintenant de vous. Vostre vie & vostre mort sont entre mes mains, & il est en ma disposition de faire mettre vostre teste sur vn eschafaut.

Si i'estois aussi prompt à punir qu'à pardonner vous auriez desia seruy de sanglant & d'infame spectacle au public: mais preferant la douceur à mon iuste ressentiment, tant s'en faut que ie pourchasse la fin de vostre vie, qu'au contraire, ie veux, s'il est possible, releuer vostre honneur, par l'alliance que ie feray avec vous. Vostre sœur **Amynthe** sera le lien qui nous rendra desormais inseparables. Je luy ay desia donné ma foy, & elle m'a donné la sienne. Il ne reste sinon que vous acheuiez vne si bonne œuure, par vostre consentement, & par l'auantage que vous luy fetiez, tel que ie le desire.

L'honneur que vous me faictes (respond **Rochebelle**) me tient desia lieu d'eternelle obligation que ie vous auray desormais. Je vous iure, que i'en garderay la memoire iusques au tombeau. C'est à vous à me

faite la part que vous voudrez , aussi bien tout est à vous.

Les arrests que i'ay obtenus joins au don du Prince (dit Lyndorac) me donnent à la verité tout vostre bien. Mais ie ne suis pas si rigoureux , que ie ne vous laisse de quoy viure. Vostre sœur a six mille escus , par le testament de vostre Pere. Elle vous remettra son legat , & vous luy remettrez l'heritage , & par accord public confirmerez ce que la Iustice me donne.

Ie vous ay desia dit (repart Rochebelle) que ie n'ay point d'autre volonté que la vostre. Ie me sens trop fauorisé de cette offre, & plus honoré de vôte alliâce.

A ces mots ils s'embrassent , & s'entresalüent comme beaux freres , & iurent desormais vne eternelle concorde. Lyndorac que vous estes credule en toutes choses. Estimez-vous qu'un homme remply de vanité, & qui fait plus estat des biens du monde que de l'honneur, se depouille si legerement d'un tel heritage. Vous croyez peut-estre à ses iuremens. Voyez-vous pas qu'il est de ceux qui tiennent pour maxime, que l'on trompe les enfans avec des osselets , & des hommes avec des serments.

Tandis que Lyndorac prepare ses nouvelles noces, Rochebelle qui a la clef des champs se saisit d'une forte place de sa maison, & s'y fortifie. Vne ville prochaine d'où il estoit natif , luy tend la main , & luy offre tout secours. Cette derniere procedure accuse Lyndorac d'auarice , & plusieurs de ses amis l'en blasment. Son aduersaire assisté luy tend de tous costez des pieges. La premiere rencontre deuoit auoir rendu Lyndorac plus prudent : mais luy qui croyoit que tout le monde ensemble ne scauroit le surmonter, quand il a vne espée à la main , sort tous les iours en
cam

peint sa face des douleurs du trespas. Le coup de la douleur par trop de sentiment la rend insensible. En fin comme les esprits ramassez commencent à s'évaporer par l'humeur de ses yeux, & par les sanglots continuels qui sortent de son cœur : elle commence à proférer de si pitoyables regrets, qu'elle eust contraint la mort mesmes à pleurer son tourment, si cette fureur eust eu des oreilles pour entendre ses plaintes.

*Ha! mal-heureux frere (disoit Amynthe) est-ce cecy le partage que ie reçois en ta maison? Me donnes-tu du sang à boire, le premier iour de mes nopces? Sont-ce cecy les premiers mets du banquet? O cruel! que ne commençois-tu à laver tes mains de mon sang, puis qu'en ostant la vie à l'un, tu sçauois bien que l'autre ne pouuoit demeurer vivant? O Soleil! qui as veu meurtrir celui qui seruoit de lumiere au monde, que ne cachois-tu sous nostre hemisphe-
re, & que ne couurois-tu d'éternelle obscurité le monde, comme tu fis iadis en la faute d'Arée? Que désormais ce iour soit marqué d'une lettre assez rouge dans nos Ephemerides, & qu'il y pleuue tousiours du sang. O Lyndorac qui n'eust oncques d'ennemy plus grand que ton courage, ta valeur t'a perdu. Si tu eusses creu le conseil de celle qui t'aymoit plus que ses propres yeux, tu eusses logé en ton ame le soin de ton salut, aussi bien que celui de ta gloire. Ce perfide à qui tu auois donné la vie, lors que tu la luy pouuois oster si iustement, n'auroit point maintenant rauy la tienne, avec tant de cruauté. Mais ie te vengeray, quelque chose qui en puisse succeder, & me blasme qui vandra d'inhumanité, ie feray reuiure celle qui pour sauuer Iason, mit en pieces son propre frere. Ie ne craindray pas de deliurer ta terre d'un tel monstre, puis que le regret de t'auoir perdu (ô mon Lyndorac) me prine en mesme temps, de crainte aussi bien comme d'espoir.*

Ainsi

Ainsi parloit Amynthe, & ses paroles furent bien-tost suiuiues des effects. Rochebelle quelque temps apres ; & lors qu'il fuit tant qu'il peut la main de la iustice , est atteint d'une mousquetade qui luy perce la teste , ainsi qu'il passe par vn village proche de sa maison. Son ame qu'il auoit si cherement conseruée, iusques à cette heure , quitte à grand regret son bel hôte. La Parque luy fille hastiuement sa mourante prunelle, & ce corps miracle de nature, indigne de logger vn courage si cruel & si poltron, demeure froid & transi.

Caliste apres tant d'oragers & de tempestes, se trouue au port de ses desirs. Le Ciel qui auoit pris sa cause en main , & épousé sa querelle , rompit la fascheuse chaine qui l'attachoit. Elle fut pour vn temps exposée comme vne autre Andromede à la mercy du monstre de la calomnie , mais sa patience a depuis esté recompensée ; car elle vit maintenant heureuse & contente, avec vn Gentil-homme honneste & riche. Elle nous apprend par son exemple, que la verité peut estre obscurcie , comme le Soleil , lors que l'obscurité de la Lune se met entre luy & la terre , mais seulement par interualles. La verité ressemble à la palme, elle se releue d'autant plus qu'on la charge, & l'on diroit que les fardeaux augmentent sa vigueur. C'est la fin de cette Histoire Tragique. Prenez patience d'en ouyr vn autre non moins triste & funeste.



ALIDOR GENTIL-HOMME DE Picardie , apres la mort de sa maistresse , en fait faire deux portraicts, l'un mort & l'autre vif, & va confiner ses iours aux deserts de Thebaïde.

HISTOIRE III.

DE toutes les passions humaines ie pense que celle de l'Amour est la plus violente. Lors que cette fureur s'est renduë la maistresse de nostre ame, la raison n'y treuve plus de place. C'est en vain qu'on y veut apporter du remede, la playe en est incurable. Il faut le plus souuent qu'on en reçoïue la guerison de la main du desespoir , principalement lors qu'on perd le suiet d'où procede ce mal. L'Histoire que ie veux raconter en rend témoignage. Elle contient tout ce qui se peut remarquer en amour de funeste & de Tragique. Ie ne puis l'escrire sans larmes, si le commandement d'une grande Princesse ne m'y obligeoit , i'en laisserois la charge à vn autre. Mais puis que le deuoir & la raison m'y forcent, ie la décriray en cette sorte.

Alidor n'auoit pas encores atteint la vingt & deuxiesme année de son âge , que sa valeur estoit renommée par toute l'Europe. C'estoit vn Gentil-homme de Picardie , qui auoit témoigné sa valeur en plusieurs rencontres & batailles fameuses. Il commandoit à vne compagnie de cheuaux legers lors que le grand Henry fit rougir les eaux de la Dordonne du sang de ceux , qui non contens de l'auoit esloigné de la Cour, luy vouloient encores oster l'espoir d'estre vn iour assis au thrône de ses Ancestres.

Après

Après que le courage de ce Cavalier , qui tenoit le party de la ligue , fut contraint de ceder à la valeur, & à la fortune de ce grand Monarque, il se retira en son pays en vne sienne maison de plaisance , où il se mit à passer le temps. Tantost il couroit le cerf, tantost il faisoit voler le heron : maintenant il prenoit vn liure, & assis sous vn arbre, ou bien aux bords d'une claire fontaine, il lisoit les auantures des Cheualiers renommez dans les Histoires. Quelquesfois il composoit de beaux vers en sa langue, & loüoit le Ciel dans ses escrits, de ce qu'il viuoit sans passion , prisant la liberté plus que tous les thresors du monde. Heureux, s'il eust continué en cette resolution, & si les charmes d'une beauté n'eussent troublé le donx repos de sa vie, & donné suiet à ma plume d'escrire plutost sa passion que sa valeur.

Durant que son ame n'estoit point encores esprise d'aucune flamme amoureuse, il arriua qu'un Gentil-homme son voisin, que nous nommerons Lycidas reuient de Flandres, où il auoit demeuré dix ou douze ans, commandant vn regiment pour le seruice du Roy Catholique. Si-tost que la nouuelle de sa venuë fut semée par la Prouince, tous les Cavaliers alloient à la foule en sa maison pour le voir, & pour le saluër. Alidor, qui estoit remply de courtoisie, ne manqua point de le visiter, il y fut vn iour avec vn sien Gentil-homme nommé Fatymé. Lycidas, qui auoit connoissance du merite d'Alidor, & du rang qu'il tenoit au pays, le receut avec toute sorte de complimens. Il le fit promener par toute sa maison, il luy fit voir les parterres de son iardin, le bois planté d'arbres qui portent des fruiçts les plus delicieux : les cabinets, & les allées couuertes de fueilles vertes. Enfin il luy fit voir
vne

vne autre chose bien plus singuliere. C'estoit Callirée qu'il auoit espousée en Flandre. C'estoit vne beauté la plus rare qui se peust voir, l'Amour se seruoit de ses yeux pour brusler toutes les ames genereuses, & son front estoit vn tableau où toutes les belles graces estoient representées. Alidor n'eut si tost ietté les yeux sur ce beau Soleil, que son cœur non encores atteint des fleches de ce petit Dieu, qui pteside sur l'aise des humains, sent vne blessure secrette & inconnüe. Callirée qui n'auoit encores veu tant de grace & tant de beauté en vn homme se treuua en mesme temps atteinte des perfections de ce Cavalier. L'Amour frappe leurs deux cœurs à la fois. Lycidas, qui ne se défioit nullement de la fidelité de son épouse, luy commanda d'entretenir Alidor, pendant qu'il alloit receuoir vne nouvelle compagnie, qui venoit pour le visiter. O que ce commandement luy fut agreable ! Elle s'assit en vne chaire, & pria Alidor de s'asseoir en vne autre qu'elle fit apporter. Ce Cavalier voyant deuant ses yeux celle qui commençoit desia de raur sa franchise, ne sçauoit par quel chemin il deuoit toutner ses pas pour paruenir au lieu où il desiroit arriuer. Le Diable amoureux où il se trouuoit engagé, luy monstroît plusieurs voyes : mais elles estoient confuses, & incertaines. Ainsi balançant entre l'espoir & la crainte, il demeuroit immobile. Ses yeux arrestez sur le beau visage de sa maistresse faisoient l'office de sa langue, qui demeuroit attachée à son palais, d'où sortoient par fois des souspirs interrompus, messageres de sa passion, Il ne l'eut iamais déclaré ouuertement, si la belle Callirée n'eust par ces paroles chassé sa crainte, & releué son esperance.

Mōsieur (dit-elle) il semble que ce lieu vous soit desagreable,



sur toutes les creatures : mais encores adorer comme l'on fait les Dieux. Il vouloit acheuer ce discours, lors que la venuë du mary de Callirée l'interrompit & empescha cette beauté à luy respondre. Tout ce qu'elle peut faire, c'est qu'elle prit la main d'Alidor, & la serra amoureusement, en tesmoignage qu'elle receuoit les offres de son seruice, & qu'elle se dispoisoit à l'aymer d'une amour mutuelle. Cependant elle se leue, & va pour receuoir la compagnie qui entroit dans la salle avec Lycidas. Apres elle fait preparer la collation, & tandis qu'il s'amuse à entretenir les vns & les autres, elle a moyen de dire à Alidor, qu'il treuve vn expedient pour passer la iournée dans ce logis, afin qu'ils puissent s'entretenir plus au long de leurs nouuelles amours. Alidor ne manque point de le mettre en execution : il commande dès l'heure mesme à Fatyme de monter à cheval ! & ne reuenir que sur le soir. Ce Gentil-homme luy obeit. Tandis la Noblesse qui estoit venuë pour visiter Lycidas, prend congé de luy, & chacun s'en retourne en sa maison. Il n'y a qu'Alidor qui demeure, & qui fait le fasché de ce que son homme ne reuient point du lieu où il l'a enuoyé. Il fait semblant de vouloir s'en retourner tout seul, mais Lycidas ne le veut pas permettre, il le prie de demeurer chez luy ce soir. Pour le garder de s'ennuyer, luy & sa femme le menent promener au iardin, Alidor la prend sous les bras, pendant que le mary n'y prend pas garde, elle reçoit apres beaucoup de protestations amoureuses pour son seruice. Et pour arrhes de leur nouvelle alliance, elle tire vn diamant de son doigt, & luy en fait present, & luy vn rubis qu'il luy donne. Ha folle alliance ! où pensez vous, Callirée ? Ne vous ressouuiant-il plus de la foy que vous avez iurée si solennellement

nellement à vostre mary ? Ignorez-vous que le Ciel qui en fut le témoin, n'en soit encore le iuge ? Helas ! ie parle à des personnes que l'amour a rendus sans ouye, aussi bien que sans yeux.

Après que nos amoureux se furent iurez l'un à l'autre vne eternelle fidelité, ils treuvent vne inuention pour se faire sçauoir de leurs nouuelles. C'est que Callyrée doit faire croire à son mary que Fatyme est amoureux d'une de ses Damoiselles nommée Iris, en qui elle se confie entierement. Par ce moyen sa maison luy estant ouuerte sans aucun soupçon, ils auront ce contentement de receuoir les lettres qu'ils s'escriront, attendant que l'amour leur offre plus de commodité de se voir. Cette resolution prise, ils dissimulent leur passion. Callirée s'approche de son mary, & le caresse extraordinairement afin de l'endormir; mais elle se trompe la premiere, ainsi que la suite de cette Histoire vous l'apprendra. Il est bien difficile d'abuser vn homme, qui entend le cours du marché, & que l'experience a rendu habile. Le Soleil commençoit desia à decliner, lors que Fatyme arriue, & qu'Alidor veut monter à cheual pour s'en retourner. Lycidas l'arreste, & le r'amene au logis, où l'on auoit desia couuert pour le souper. Alidor tire cependant Fatyme à part, & luy declarant en peu de mots sa passion, luy commande d'entretenir Iris, à qui desia Callirée a ouuert son cœur. Fatyme ne manque point de iouer son personnage; il l'accoste apres souper, & se met à chanter vne chanson amoureuse. La douceur de sa voix qui rauissoit les assistans, fait que Lycidas le pria de la recommencer, & ayant appris d'Alidor qu'il joüoit fort bien du luth, il luy en fit apporter vn. L'ayant mis d'accord, il se mit à marier sa voix au son de l'instrument,

ment, & à chanter vne chanson pitoyable, qu'un bel esprit de ce temps, plein de desespoir auoit nouvellement composée. Elle est assez commune par toute la France. La teneur en est telle.

Aupres des beaux yeux de Philis

Mouroit l'amoureux Calliante,

Heureux en sa fin violente,

De ses iours si tost accomplis.

En chantant, il leuoit tousiours les yeux sur Iris, & sçauoit si bien contrefaire le passionné, que le mary de Callirée ne pouuoit s'empescher de rire. Enfin comme l'heure de se retirer fut venuë, Alidor ayant donné le bon soir à Lycidas, & son Espouse, il fut conduit en vne chambre richement parée. Auant que se coucher, il tire à part Fatyme, & luy ayant donné vne plus entiere connoissance de son amour, il le conjura de le vouloir assister, à la charge qu'il ne seroit pas ingrat à le recompenser de sa peine. Apres que Fatyme luy eut promis non seulement de luy rendre seruice en cette action, mais encores d'y exposer sa vie s'il en estoit besoin, nostre amoureux se mit au liect. Le repos qu'il y eut ne fut gueres grand, toute la nuit il ne fit que penser à son amour, & la beauté de Callirée luy reuint tousiours deuant les yeux.

O Ciel (disoit-il par fois) faut-il que ie sois priué si-tost des rayons de mon beau Soleil? Mes yeux se peuent bien disposer aux tenebres, & mon ame à toutes sortes d'ennuys. Quel astre pourra desormais m'esclairer, quand ie seray priué de ma douce lumiere? Et quel contentement sçauois-ie esperer, lors que ie ne verray point la clarté de mon ame? O amour, que d'espines accompagnent tes roses! Que sçay-ie si durant cette absence ma belle ne changera point d'affection.

d'affection. Si cela doit arriuer , ô mort ! décoche sur moy ta flèche cruelle, & mets dans le tombeau ma vie avec mes amours. Puis en se reprenant, il proferoit ces paroles. Ha ! mal-heureux , commences-tu à douter si-tost de la fidelité de ta Maistresse sans sujet ? Que diroit elle, si elle sçauoit cette deffiance ? N'auroit-elle pas occasion de se plaindre du mauuais iugement que tu fais de son bon naturel ? Pardon, Madame, ie ressemble à l'auare , qui a tousiours son cœur au lieu où est son thresor , & qui craint incessamment de le perdre. Et puis vostre merite me doit excuser ; car , puisqu'il est incomparable , & que rien n'est digne de vous , ce n'est pas donc sans iuste raison si ie crains.

Il passa vne partie de la nuit à s'entretenir de ces pensées , & l'autre à composer vn Sonnet sur les perfections de Callirée. Je l'ay icy inferé , parce qu'il me semble fort bon.

S T A N C E S.

IL n'est point de beauté semblable à Callirée,
 Son front est un miroir où se mirent les Dieux :
 La liberté s'enfuyt au deuant de ses yeux ,
 Et l'amour est lié de sa tresse dorée.

Mortels ne cherchez plus le beau Ciel Empirée,
 Voicy l'heureux sejour des esprits glorieux :
 C'est la beauté qui rend l'amour victorieux,
 Et qui fait que sa fiesche est par tout reuerée.

Qui la void sans l'aymer n'a point de iugement,
 C'est un viuant rocher priué de sentiment :

Pour moy dont la fortune en ses yeux est enclose !

(Encores que l'amour soit plein de cruauté)

O Dieux ! puis-je bien voir ce Soleil de beauté,
 Sans brusler de l'amour d'une si belle chose.

G

Tandis qu'il soupire d'un costé son amour, sa Maistresse se plaint tout bassement de la passion qu'elle ressent. Alidor a cet avantage de pouvoir alléger aucunement son mal en soupirant, mais elle n'ose respirer qu'à grande peine, de peur que son mary n'en ait la connoissance. Déguisant neantmoins sa douleur, elle parle à luy de la sorte. Et bien Monsieur, que dites-vous de ce Gentil-homme qui accompagne ce Cavalier, qui loge aujourdhuy ceans? N'est-il pas bien passionné d'Iris? Nous auons au moins le plaisir de l'ouyr souuent chanter, & de iouer du luth; car il ne manquera pas de visiter ces amours, pourueu que vous l'ayez agreable. Il m'a coniuré de vous en supplier. Il y sera le bien receu (répond Lycidas) toutes les fois qu'il y viendra, pour l'amour de son maistre, qui est un fort braue, & fort honneste Gentil-homme. Callirée bien aise de sçauoir la volonté de son mary, passe le reste de la nuit avec inquietude d'en aduertir Alidor.

A peine l'Aurore commençoit à semer ses lys & ses roses par l'Orizon, que nostre amoureux saute du liét, & s'appreste pour prendre congé de Lycidas. Luy sçachant qu'il vouloit partir, se leue pareillement, & le va treuuer à sa chambre. Il s'excuse du mauuais traitement qu'il a receu en sa maison, & Alidor de l'importunité qu'il luy a donnée. Lycidas ne veut pas qu'il parte sans déjeuner. Il ne s'en fait gueres prier, afin d'auoir moyen de voir Callirée, qui par sa Damoiselle aduertit Fatyme du plaisir que son mary receura, si par fois il les vient visiter. Fatyme apprend cette bonne nouuelle à son maistre, qui en reçoit un plaisir extreme. L'heure de partir estant arriuée, il prend congé de Lycidas, & aussi de sa femme, & monte à cheval.

ual. Mais l'amour qui a desia pris possession de ces Amans , fait vne chose impossible en nature. Il fait qu'Alidor se priue de son cœur , & Callirée du sien, pour leur en faire vn eschange mutuel. Quand il fut arriué en sa maison , son humeur auparauant libre & joyeuse , commence à deuenir morne & triste ; & la chasse qu'il auoit cy-deuant tant aymée, luy desplaist. Il fuit toute compagnie , & tout son contentement est de s'écarter tout seul dans vn bois , ou dans quelque autre , & là conter aux roches & aux arbres les beautez de sa Maistresse , & la violence de sa passion. Il passa quelques iours en ces solitudes, où il composa mille beaux vers, que i'inscrerois icy, s'ils n'estoient imprimez autre part. Enfin se ressouenant de l'invention que sa Maistresse auoit trouuée , pour s'écrire l'vn l'autre , il escriuit cette lettre.

JE voudrois (mon beau Soleil) que vostre lumiere penetraست les nuicts sombres où ie suis reduit. Vous verriez toutes les passions que l'Amour peut faire ressentir à un mortel , qui n'attend la déliurance des peines qu'une cruelle absence luy donne que du bien de vostre chere presence. La Deité que ie reuere m'en donnera le contentement, lors que lassée de mon tourment, j'auray le bon-heur de vous reuoir. Attendant cette felicité, ie vous coniuure de me témoigner par vos lettres le ressouvenir que vous auez de celuy de qui les destinées dependent de vos beaux yeux.

Il bailla cette lettre à Fatyme, & le pria de la rendre secrettement à sa Maistresse, sous couleur de reuoir Iris. Ce Gentil-homme part , & arriue le lendemain matin au Chasteau de Lycidas. Le Ciel doux & serain l'inuitoit ce iour là d'aller à la chasse. Comme il sortoit de la porte de son logis, il rencontra Fatyme qui vouloit y entrer. Il saluë Lycidas , & contrefait le hon-

teux. Entrez seulement dedans (luy dit le mary) ie sçay de vos affaires plus que vous ne pensez pas. Vous y trouuerez vos amours. Fatyme apres vne grande reuerence y entre, & treuve Iris, qui ayant desia appris sa venuë, venoit pour le receuoir. Apres qu'il luy eut secrettement fait entendre le suiet de sa venuë, elle en aduertit Callirée, qui toute transportée de ioye saute du liect, elle n'a pas la patience de s'habiller. Le desir d'apprendre des nouuelles d'Alidor, fait qu'elle commande à Iris de luy amener ce messager d'Amour. Quand il fut entré dans sa chambre, il fit vne grande reuerence, & s'approchant d'elle, luy dit comme il luy apportoit des lettres du plus accompli Cauallier de la terre. Mon amy (dit-elle) auant que nous les voyons, ie vous veux recompenser de tant de peine. Ce disant, elle s'en va vers vn Cabinet d'Allemagne, qu'elle ouure, & en tire cent pistoles qu'elle luy donne. Ce ne sont point des contes faits à plaisir. Je recite la pure verité de cette Histoire. Fatyme est encores en vie pour témoigner que ce que ie dis est veritable il fait à presēt sa demeure près la premiere des Citez de l'Europe. Il remercie cette Dame de son present, qu'il prit fort bien, sans en faire refus, & en recompense luy rendit les lettres d'Alidor. Elle les prend, & les baise mille fois auant que les ouurir. Apres qu'elle les eut ouuertes, & qu'elle eut leu ce qu'elles contenoient, elle commanda à Iris d'aller faire déjeuner Fatyme. Tandis elle se retire toute seule dans son cabinet, pour faire responce à son amoureux en cette sorte.

M A chere ame, s'il estoit aussi bien en ma puissance de vous tirer des peines dont vous vous plaignez, que i'en ay la volonté, croyez que vous en recouriez bien-tost la deliurance. Je vous prie de considerer que le moindre

dre soupçon qui pourroit naistre en l'ame de mon mary, qui est assez ombrageux de luy-mesme, seroit capable de nous ruiner. Consoléz-vous de l'espoir que la Deité que j'adore aussi bien que vous, me donne, que nous aurons bien-tost le plaisir de vous reuoir ; avec plus de commodité que nous n'auons entores eüe. Cependant enuoyez-moy souvent vostre homme, afin que si elle s'offre, ie puisse vous en aduertir. Adieu ma tres-chere ame, conserue tousiours la memoire de celle qui ne vit que de la creance qu'elle a que tu l'aymes.

Cette lettre fermée, elle fit venir Fatyme à qui elle la bailla, & puis le chargea de iouer son personnage contrefaisant l'amoureux d'Iris. C'estoit vn plaisir que de le voir en cette action. On eust dit qu'il mouroit d'amour. Lycidas estant reuenu de la chasse, le fit dîner avec luy, & le gaussa tout le long du repas. Apres dîner il luy fit prendre vn luth, dont il ioua fort melodieusement au grand plaisir du mary qui le prioit de le voir souuent. Sur le soir il prend congé, & s'en retourne vers la demeure d'Alidor, qui l'attédoit d'yne impatience d'amoureux. Si tost qu'il le vid reuenir il courut pour l'embrasser, & pour luy demander des nouuelles de ses amours. Tenez (luy dit Fatyme) ces lettres vous apprendront ce que vous desirez de scauoir. Il les prend, il les baise ; & les ayant ouuertes il les lit. Quand il les eut leuës, il s'enquiert plus particulièrement de l'estat de sa Maistresse. Fatyme luy raconte tout le succez de son voyage. Si ie voulois icy descrire toutes les particularitez de leurs amours, il faudroit que ie fisse vn liure entier, & non vn simple discours. Enfin Fatyme va presque tous les iours au logis de Lycidas, comme s'il y alloit pour voir Iris. Mais il ne peut iouer si secrettement son personnage.

que le mary qui avoit de l'esprit & du iugement n'entre en quelque défiance. Il commence à remarquer sans mot dire, les actions de sa femme, & la voyant moins ioyeuse que de coustume, il se doute qu'on n'attente quelque chose sur son honneur. O qu'il est impossible de receler le feu d'amour à vn mary défiant ! C'est vn Argus, qui penetre au trauers des plus secretes pensées. Lycidas, apres beaucoup de soin & de peine, treuve vne lettre qu'Alidor escriuoit à Callirée. Ce fut à l'heure, que deux contraires passions commencent à posseder son ame. Le iuste ressentiment qu'il auoit le pousse d'vn costé à vne cruelle vengeance, il veut expier le tort qu'on luy fait par le sang de sa femme, & celui d'Alidor : mais l'amour que iusqu'à present il a portée à l'vne, & le danger qu'il se represente deuant les yeux de faire mourir vn Gentil-homme qualifié, retiennent d'autre part quelque peu ce courage nourry dans les sanglans exercices de Mars. Apres auoir beaucoup ruminé en son esprit comme il deuoit proceder en cette action, treuve que le meilleur expedient est de s'en retourner en Flandres, & par ce moyen empescher le cours de ces nouvelles amours, en priuant pour iamais Alidor de reuoir Caillirée. Cette resolution est bien-tost suivie de l'effect. Il part vn iour sans prendre congé de ses amis, & emmene sa femme qui est toute estonnée de ce changement, & qui neantmoins n'ose rien dire. Quand Alidor eut appris ce départ si soudain, il s'abandonna aux regrets, & aux larmes. Il inuoca mille fois la mort, que le desespoir luy eust bien souuent fait treuver, si Fatyme ne luy eust promis de faire des voyages en Flandres pour y porter de ses nouvelles à sa Maistresse. Tandis qu'il passe les iours & les nuits à

à plaindre & à soupirer. Lycidas, qui estoit desia arriué à Anvers, est mandé par le Duc d'Albe, de le venir treuver à Bruxelles. Avant que partir il laissa sa femme sous la garde d'une sienne parente, à qui il auoit desia déclaré ce qu'il luy estoit arrivé en Picardie. Estant à Bruxelles, bien-venu auprès de son Excellence, une entreprise se fait sur une place forte que ceux du party contraire auoient en leur puissance: Lycidas y est blessé d'une arquebuse de au trauers du corps, & remporté à Bruxelles demy-mort. Les Medecins & les Chirurgiens desesperent de sa guerison. Sa femme en ayant appris la nouuelle, y court pour faire bonne mine. Elle verse un torrent de larmes sur sa couche, mais ce sont larmes de Crocodile. Elle ignoroit que son mary sceust l'estat de ses amours, car il remit la lettre au mesme lieu où il l'auoit treuue. Il fut neantmoins si bien secouru, qu'il commença à se porter aucunement mieux. Ce fut toutesfois sous cette condition, que les Medecins ne luy donnerent que six mois de vie, parce que la blessure qu'il auoit receüe luy offensoit les poulmons. Il se leua doncques du lit deux mois apres, mais ce fut en trainant, & languissant apres la fin de ses iours. Comme les choses passent de la sorte, Callirée en aduertit secrettement Alidor par une lettre qu'elle enuoye. Cet amoureux qui auoit perdu tout espoir de reuoir les beaux yeux de sa Maistresse, commence dès l'heure mesme à bastir de nouveaux desseins. Il croit que l'amour lassé de le tourmenter, le recompensera bien-tost de tant de traverses, par le moyen qu'il luy ouure d'épouser Callirée. Il communique la lettre à Fatyme, & apres le prie de faire un voyage en Flandres, sous couleur de visiter Lycidas de sa part, & luy témoigner la douleur qu'il

a receuë de son defastre. Fatyme part, & arriue à Bruxelles. Il va droit au Logis de Lycidas, & luy rend vne lettre d'Alidor. Ce fut la ruïne de ces amoureux, & sans doute si Alidor eust patienté, ce mary qui n'estoit desia que trop possédé de jalousie, n'eust point vsé de la cruauté qu'il pratiqua. Doncques (disoit-il en luy-mesme) ie souffriray l'iniure qu'on me fait ? Sera-il dit que cette infame que j'auois si cherement ayinée, se rie apres ma mort de ma sortise, & de mon peu de courage ? Non, non. ie veux apprendre à la posterité ce que c'est que d'offenser vn mary qui a du ressentiment. Pleust à Dieu que celuy qui attente sur mon honneur, sans que ie luy en aye donné sujet, peust si bien estre payé de sa trahison comme j'espere me vanger de cette louue : mon ame sortiroit plus contente hors de ce corps, & auant que mourir, j'auois ce contentement de voir au tombeau ceux qui establisent desia leur joye sur l'esperoir du peu de vie qui me reste. Il tenoit de tels & de semblables discours en luy-mesme, pendant qu'en apparence il faisoit mille caresses à Fatyme : il remercia mille fois son maistre du ressouuenir qu'il auoit d'un homme qui auoit si peu merité de luy, & le pria d'attendre quelques iours, pendant lesquels il feroit responce à Alidor.

Fatyme accorda sa priere, & sejourna là quelque temps, mais comme quelques iours apres il est prest à partir, il survint vn grand accident ; car voila qu'un accez de fievre saisit Callirée avec tant de violence, qu'elle fut emportée en moins de 24. heures. Son mary la voyant aux peines de la mort, lamente ; crie, & arrache ses cheueux. Il sçait si bien feindre le contentement qu'il a de la voir mourir, par la feinte douleur qu'il estalle, qu'on diroit que c'est l'image de l'ennuy mesme.

mesme. Enfin la Parque qui rait toutes choses, ferme les yeux & la bouche de cette beauté, que les roses & les lys accompagnent dans le tombeau. Cette mort si précipitée estonna merueilleusement Fatyme: il vouloit s'en retourner promptement lors que Lycidas le conjura de demeurer encor quelques iours chez luy, durant lesquels il escriuit vne lettre à Alidor, par laquelle il le conjuroit, de vouloir prendre la peine de le venir voir en Flandre. afin que sa veüe luy apportast quelque soulagement au mal qu'il ressentoit de la perte incomparable qu'il venoit de faire. Fatyme part avec cette lettre, bien fasché d'estre le porteur d'une si mauuaise nouvelle. Lors qu'il fut de retour à la maison d'Alidor, il tira ce mal-heureux à part, & luy donna la lettre que Lycidas luy escriuoit. Il n'y a pas plustost appris ce qu'il ne cherchoit pas, qu'il tombe à terre pasmé de douleur. Lors qu'il reprend ses esprits il veut ouurir son sein d'une dague, si Fatyme ne le contenoit par ces paroles: Et quoy (Monsieur) où est vostre courage accoustumé? Qu'est deuenüe la constance qui vous accompagnoit ordinairement aux perils où vous vous estes treuvé si souvent? Voulez vous perdre avec vostre ame l'honneur que vous avez iusques icy conserué, & par mesme moyen ruiner la reputation de vostre Maistresse, que vous devez cherir apres la mort? Si vous exercez vne telle cruauté sur vous-mesme ne donnerez vous pas occasion à Lycidas de croire ce que sans doute il soupçonne: il me semble que vous devez plustost vous vaincre vous-mesme, pour maintenir vostre reputation, & celle de vostre Maistresse, & en vous contrainant aller voir Lycidas: mais toutesfois bien accompagné, & puis attendre que le temps, ou qu'un

nouveau sujet soit le remede de vostre passion.

Ha ! Fatyme (répond Alidor) il m'est impossible de viure plus long temps, puisque j'ay perdu le Soleil de mon ame. Toutesfois ie ne veux point mourir que ie n'aye auparauant arrousé de mes larmes son tombeau, afin de protester à ses Manes que ie ne tarderay gueres à le suiure. Acheuant son discours, il dissimule sa passion & fait preparer son équipage, & part le lendemain. Quand il est arriué à Bruxelles, il va chez Lycidas, qui le voyant se iette à bras ouuerts sur luy, & puis profere ces pitoyables paroles : *Helas ! Monsieur, ie suis deliuré d'esperance & de crainte. Je n'ay plus d'espoir au monde, puis que j'ay perdu la douce consolation de ma vie, & ie ne crains d'y perdre rien plus, puis que j'y ay tout perdu. Il ne me reste que le plaisir que ie reçois, sçachant que ie mourray bien-tost, sans cette consideration i'aurois auancé desia la fin de mes iours.* Alidor qui auoit bien plus besoin d'estre consolé, & qui ressentoit vne douleur, pensa mourir à l'heure mesme: toutesfois dissimulant son mal, il luy dit seulement, que si son courage genereux s'estoit fait paroistre en tant d'occasions, il le deuoit maintenant témoigner en cette perte, où il acquerroit plus de gloire qu'en toute autre, puis qu'elle estoit la plus grande qu'un mortel sçauroit receuoir. Apres quelques discouls tenus d'une part & d'autre. Alidor prit congé de Lycidas sans vouloir aucunement s'arrester chez luy, s'excusant sur quelques affaires qui le pressoient. Auant que partir, il va à l'Eglise où sa Maistresse estoit enterrée. Il y répandit mille larmes, & y profera mille paroles que sa passion luy dictoit, & puis monta à cheual, & s'en retourna avec ses gens en sa maison, ne cessant de pleurer & de soupirer. Quand il est chez luy,

luy, il se retire dans vn sien cabinet escarté, & alors la violence de sa douleur qu'il auoit iusques icy retenuë, commence à luy faire proferer mille iniures contre le Ciel. Il maudit les destins, mais plus encores la cruauté de Lycidas, qu'il croit auoir empoisonné sa maistresse: *Ha cruelle fortune!* (disoit-il) *que te reste-il désormais pour me nuire? Si tu me voulois poursuivre avec tant de rigueur, que ne prenois-tu ma vie lors que ie l'exposois librement aux perils & aux dangers? Las! pour me tourmenter dauantage tu m'as osté celle qui m'estoit plus chere que la vie mesme & par ce mal-heur arment toutes les autres que tu me reseruois. O ma douce lumiere vous estes au Ciel bien-heureuse, & ie demeure parmy les ennuyx & les desespoirs. Helas! ie vous pleure, non pas pour la felicité dont vous iouyssiez, mais pour le regret que i'ay de ne vous auoir pas suiue, & de ne vous accompagner en vos aises.* Proferant ce discours, il vouloit remply de desespoir, se donner vne espée au trauers du corps, quand Fatyme, qui l'auoit suiuy, entre dans son cabinet, & luy remonstre les actes qu'il faisoit, indignes d'un Chrestien, de murmurer ainsi contre Dieu: que nous naissons pour mourir, & que tous ces pleurs ny ces plaintes ne r'animeront pas sa Maistresse. Que s'il se donne luy-mesme la mort, il est en danger de ne la reuoir iamais, puis que les Enfets sont destinez aux desesperez, & qu'il n'y a point de doute, qu'estant morte en bon estat, elle ne soit maintenant au Ciel jouissant des liesses eternelles. Ces raisons eurent tant de pouuoir enuers Alidor, que dès l'heure mesme il prit vne autre resolution. Et bien (dit-il) ie veux doncques viure, mais à telle condition, que vous m'assisterez en vn voyage que ie feray. Fatyme le luy promet, & luy se resoult au desespoir que ie vay vous reciter.

Au

Au temps qu'il predict sa Maistresse, la France estoit desia diuisée en deux parties. Le Peuple de Paris oubliant la fidelité qu'il deuoit à son Prince, venoit de rendre notable en infamie ce iour des barricades si funeste en nos Histoires. On ne parloit que de sang, & que de carnage par toutes nos Prouinces. Alidor qui pour plusieurs raisons que ie fais maintenant, estoit obligé à vn Prince de la maison de Lorraine, prend suiet de parler à sa mere, & de luy remontrer l'orage apparent qui se leuoit en France: que leur maison estant allié de ce Prince, il estoit obligé d'un costé à suivre sa fortune; & que d'autre part le deuoir naturel qu'il deuoit à son Roy le poussoit de se bander contre ses propres amis & bien faiseurs. Que pour ce suiet il auoit resolu d'aller faire vn voyage en Italie, & de passer là le temps aux exercices vertueux, attendant que la saison fust plus calme: que par ce moyen il se rendroit indifferent, & n'acqueroit point l'inimitié ny des vns ny des autres. Cette bonne Dame, qui n'auoit que ce Fils, & qui l'aymoit à l'esgal d'elle-mesme, trouua au commencement fort aigre de l'esloigner de ses yeux: mais ayant bien pesé ses raisons, & considéré qu'il se pouuoit perdre en quelque bataille, ou en quelque rencontre, elle luy fait donner l'argent qu'il voulut. Comme son equipage se preparoit, il fit appeller vn peintre, & sur vn pourtrait qu'il auoit de sa Maistresse, il en fait tirer deux autres en petit volume, l'un mort, & l'autre viuant. Quand le peintre eut acheué son ouurage, Alidor les mit dans son sein, & apres il prend seulement avec luy Fatyme & Anselme son valet de Chambre, & en cette compagnie il part, & commande à ses gens de ne le saluer désormais qu'au nom de sa maistresse, de ne boire à luy

luy qu'au nom de sa Maistresse : bref de ne parler jamais à luy, que de sa Maistresse. Il arriue à Marseille : & trouuant vne Nauire d'Espagne , qui estoit prest de faire voile pour Alexandrie, il fit marché avec le Patron & se mit dedans. Les Mariniers pensoient faire bon voyage , quand vne galiotte de Turcs les attaqua , & apres leur auoir osté ce qu'ils portoient , les mena pour esclaves à Arger. Alidor qui ressentoit son bien, & qui nonobstant son extreme douleur , faisoit paroistre ie ne sçay quoy de releué par dessus tous les autres , il fut mené au Roy. Ce Prince le voyant si beau, si ieune, & de belle taille, le retient à son seruice en qualité d'esclau, se seruant de luy à sa chambre. Ce Gentil-homme faisoit de si bonne grace les actions, qu'on eust dit qu'il auoit fait ce mestier toute sa vie. Aussi se fust-il rendu le plus accomply Cavalier de son temps, s'il eust pû dompter sa folle passion. Ayant acquis la faueur du Roy d'Arger, il eut moyen de retirer près de luy Fatyme, & Anselme son valet de chambre. Quand il eut demeuré six mois en cette seruitude , le Roy d'Arger , qui le voyant tousiours triste croyoit qu'on luy eust fait quelque desplaisir , le tira vn iour à part, & luy tint ce langage : Vien-ça (Chrestien) que veut dire que ie ne te vois iamais ioyeux ? Est-ce pour autant que tu n'as point la liberté de retourner en ta patrie ? Il me semble que ta condition n'est pas si mauuaise que tu pourrois estimer , puis que tu as acquis les bonnes graces d'un Prince , qui non seulement te mettra quand tu voudras en liberté , mais encores te partira de ses biens , pourueu que tu vueilles demeurer à sa Cour. Tenant ce discours, il iettoit ses regards sur Alidor, qui versoit de ses yeux vne fontaine de larmes. Qu'as-tu (poursuit le Roy) As-tu re-

ccu

ceu desplaisir de quelqu'un des miens ? Dy-moy, & ie te iure Mahomet, que j'en feray la vengeance. Non Sire (respond Alidor) ie ne vous ay que trop d'obligation. Je ne me plains aussi d'aucun des vostres, ie regrette seulement la perte que j'ay faite il n'y a pas long-temps. Je suis insensible à tous les bon-heurs, & à tous les mal-heurs, & ie n'ay du ressentiment que pour cette perte seule. Comme il acheuoit ces paroles, il tira du profond de son cœur vn soupir qui esmeut à compassion ce Prince. Je veux (dit-il) que tu te decouures entierement à moy, afin que si ie puis, ie donne quelque alleguement à ta douleur. Dy-moy donc qui tu es, & le sujet de ton auanture. Puis que vous me pressez de la sorte (Sire) ie ne veux pas estre (repart Alidor) si mal appris de ne la declarer à vostre Maiesté. Je suis vn Cavalier Francois, qui estois fort de mon pais, en intention d'aller confiner mes iours aux deserts d'Egypte pour y pleurer mon desastre. Et pourquoy (demande le Roy ?) N'y a il pas moyen de donner remede à ton mal ? Non, Sire (dit Alidor,) qui acheuant ce langage, mit la main dans son sein, & en tira les deux pourtraits qu'il auoit tousiours gardez iusques à l'heure, sans les en retirer, horsmis que tous les matins & tous les soirs ils les prenoit, les baisoit, & les adoroit, & parloit à eux comme s'il eust parlé à sa Maistresse. Sire (poursuit cet amoureux infortuné) *J'adore ce vif & pleure ce mort.* Ce disant, il luy monstre les deux tableaux. Le Roy d'Arger, voyant ce mystere, apprit aussi-tost qu'un desespoir d'amour le possedoit, dont il en eut encores plus de compassion, de sorte qu'il ne se peut tenir de larmoyer. Vrayement dit-il) c'estoit vne belle creature que ta Maistresse: outesfois il me semble que puis que tes plaintes &

tes

tes pleurs ne la peuuent plus r'amener , tu deurois enfin donner quelque relasche à ton affliction , & te consoler par raison. Le conseil en est pris, Sire (répond ce Cavalier) fasse la fortune ce qu'elle voudra désormais faire de moy, i jamais ie ne changeray d'humeur. Puis que tu es si obstiné en ton malheur (dit le Roy) ie ne te veux point contraindre. Dy-moy seulement ce que tu veux que ie fasse pour toy : si tu veux demeurer avec moy , ie te feray vn des premiers de mon Estat , & parauanture le temps sera le Medecin de ton infortune. Le vous rends graces, Sire (repart Alidor) de tant de faueurs que vous m'offrez , sans que ie l'aye mérité. Le vous assure que sans la resolution que i'ay faite de ne seruir , & de n'adorer i jamais autre que ma Maistresse , il n'y a Prince au monde pour qui i'exposasse si librement ma vie, que pour le seruice de vostre Majesté. Tout ce que ie requiers d'elle , est seulement de me donner la liberté , afin que ie puisse accomplir mon entreprise , puis qu'il n'y a que la seule mort qui m'en puisse oster la volonté. Le te la donne dès à present (dit le Roy) & si ie te feray encores fournir de l'argent pour subuenir à tes necessitez. Alidor continua de le remercier , & luy dit qu'il n'en auoit pas autrement besoin , car il auoit encores vn diamant de mille escus , qu'il auoit caché sur luy lors qu'on le fit esclau. Ayant recouuert la liberté en cette sorte , & pour luy & pour ses gens , alors il prit congé du Roy , & se mit dans vn Nauire , & arriua en peu de temps en Alexandrie, où il vendit son diamant. Apres il s'habille en pelerin, & avec Fatyme & Anselme habillez de mesme , il se met en chemin , & fait tant qu'il paruiet aux deserts de Thebaïde , il n'est pas besoin que ie descriue cette solitude. Les Histoires
des

des anciens Peres Hermites la dépeignent assez. Je diray seulement qu'après avoir fait election d'un haut rocher, proche de certains hermitages des Chrestiens qui s'y tiennent, il y fit bastir vne maisonnette en forme de Chapelle. Là il fit aussi dresser vn Autel, où il mit vn Crucifix au milieu, & à costé les deux pourtraicts de sa Maistresse. Durant qu'on bastissoit cette Chappelle, Fatyme le tira à part, & luy remonstra le rang qu'il tenoit en France; le besoin que sa patrie pouuoit auoir de sa valeur, & la reputation qu'il auoit acquise auparauant: qu'il la flestrissoit & estouffoit maintenant, en se confinant ainsi dans vn desert; qu'il seroit la fable & la risée du monde, & que l'on diroit que la peur de combattre l'auoit réduit en ces extremittez. Il luy mit en auant plusieurs autres semblables raisons pour le destourner de cette folle resolution, & voyant qu'il y estoit obstiné, & qu'il estoit impossible de luy arracher cette fantaisie: pour moy (dit-il enfin) ie ne suis ny fol, ny amoureux, vous estes l'un & l'autre. Je n'ay point enuie de passer mes iours inutilement parmy des bestes sauvages. Je suis contraint de vous dire adieu, puis que vostre folie est incurable, & de m'en retourner en France sans vous. Je vous ay accompagné iusques au lieu où vous desiriez de paruenir; puis que vous y estes arriué, ie ne suis point obligé de faire dauantage. Comment (dit Alidor) me voulez-vous doncques abandonner si-tost? Au moins attendez encores vn petit de temps, ma vie ne sera plus gueres longue. Après ma mort vous-vous en retournerez, & en porterez les nouvelles à mes parens. Je n'en seray iamais (répond Fatyme) le triste messenger, Dieu vous vueille remettre en vostre bon sens. Adieu. Ce disant, il part dès l'heure mesme, & s'en re-

uient

vient en France, pendant que ce mal-heureux Cavalier demeure avec son valet de chambre, qui ne l'abandonne jamais.

Lors que la Chappelle fut acheuée, & qu'en prophanant les ceremonies de l'Eglise, il eut appendu les deux pourtraicts de Callirée, il estoit à genoux à toute heure deuant cet Autel; Tantost il s'adressoit au viuant, & parloit à luy en cette sorte: *Ha pourtraict qui me representes mes lieesses passées, si les images des Saints se peuuent adorer sans idolatrie puis que l'honneur qu'on leur rend se rapporte tout à Dieu, ne peux ie pas t'adorer? Tu es l'image d'une Dèité, de qui dependoit tout mon bien, & tout mon bon-heur. Vneille permettre le Ciel, que bien-tost ie la puisse reuoir, & que mon ame qui ne vit qu'à regret dans ce miserable corps, puisse voler au sejour bien heureux, qui retient la plus belle chose que la Nature ait iamais produicte. Apres il contemploit le mort, & proferoit ces paroles: *Ha! seul repos de mes desirs, combiën me seroit la mort plus douce, & plus agreable que de voir un si tragique spectacle! O Parque inique, & detestable! pourquoy lors que tu ravis le doux espoir de ma vie, ne me mis tu pareillement au tōbeau? Ignorois-tu que nous n'auions qu'un mesme destin, & qu'il estoit impossible à l'un de demeurer au port tandis que l'autre faisoit naufrage? O loup cruel & rauissant! quelle furie, & quelle rage t'a pōussé à commettre une si grande cruauté, que de faire mourir une si belle chose? Ces beaux yeux les miroirs de l'amour, & cette bouche le sejour des graces & des beautez ne t'ont-ils pas peu fléchir à quelque compassion? O Dieux! quancez bien-tost la fin de mes tristes iours, afin que ie tienne compagnie à celle, sans qui ie ne puis longuement estre. O ma chere Deesse, en recompense de nostre amour que la Parque ne peut esteindre, ie ne**

H


vous puis offrir que des larmes, & que des gémissemens, que ie continueray à respandre sur cét Autel iusqu'à tant que mon ame dolente & affligée, abandonne la miserable prison de son corps. Tels & semblables discours tenoit ce mal-heureux à des choses inanimées, cependant que son valet de chambre qui auoit soin de luy en tout ce qui luy estoit necessaire pour l'aliment de sa miserable vie, l'aduertit que son argent estoit court, & qu'il en deuoit pouruoir auant qu'il en manquast du tout. Il croyoit que la necessité le diuertiroit de la poursuite de sa folie, mais il fut trompé : car au lieu que cét amoureux desesperé songeait à s'en retourner en France, il coniura tant son homme, qu'il luy persuada d'y faire vn voyage, pour y aller querir de l'argent, Cependant qu'Alidor continuë cette vie solitaire & lamentable, Anselme part des deserts inhabités & treuvant vn Nauires en Alexandrie, qui vouloit partir pour Genes, il se met dedans, & arriue en peu de temps au port de cette superbe ville. Il passe puis apres les Alpes du côté du mont Cenis plus aisément, encores qu'ils soient tous pavez de neige, qu'il ne fait par les villes, & les Prouinces de France. Le glaue y exerçoit alors sa cruauté par tout : le pere n'y esparagnoit pas le sang de son propre fils, ny le fils celuy de son propre pere. Le zele inconsideré de Religion animoit les plus chers amis les vns contre les autres. Neantmoins il paruint à la fin en Picardie, & treuua la mere d'Alidor au lieu de sa demeure. Cette honneste Dame y passoit les iours en regrets pour l'absence de son fils, dont elle auoit appris les tristes nouvelles par Fatyme. Apres qu'Anselme luy eut rapporté ce dont son fils la requeroit, & que luy mesme luy eut faict entendre la necessité où il se trouuoit reduit

duict, elle commença à pleurer amèrement, & dit à cet homme, qu'elle estoit résolue de ne luy enuoyer point la somme qu'il demandoit : mais seulement quinze cens escus pour se mettre en équipage, & pour s'en retourner. Qu'à ces fins elle le prioit de le coniurer par tous les deuoirs qu'on doit à vne mere, de reuenir le plustost qu'il luy seroit possible, & de tirer tant de bons amis, qui le regrettoient tous les iours, de l'ennuy qu'ils receuoient, pour estre priuez de sa personne, & pour sçauoir la déplorable vie qu'il menoit. Anselme ayant receu cet argent, & promis à cette Dame de faire tout son possible, pour disposer son Maistre à reuenir, fit tant qu'il sortit de France, & s'estant mis sur la mer, il arriva en Alexandrie. De là il s'achemina au desert, où Alidor faisoit sa triste demeure. Il croyoit trouuer son Maistre en l'estat où il l'auoit laissé : mais il fut deceu en sa croyance. La rigueur qu'il auoit exercée sur son corps, le peu de repos qu'il auoit pris depuis la mort de sa Maistresse : en fin la melancholie & le tourment l'auoient tellement miné, que ne pouuant plus résister à tant de souffrances, il venoit de rendre l'esprit. Quelques bons Hermites qui tous les iours le visitoient, esmeus de pitié & de compassion, auoient allumé desia ces cierges, & chantans sur luy l'Office des Trespassez s'apprestoient de le porter en terre.

Le pauvre Anselme voyant ce piteux spectacle, tomba de son haut tout évanouy. Après qu'il fut reuenu à luy il se mit à proferer les plus pitoyables regrets, que la douleur enseigne en son eschole. Helas ! (disoit-il) mon bon Maistre, faut-il que ie sois si malheureux de vous perdre, lors que ie croyois vous treuuer au lieu où ie me separay de vous ? le vous ay treu-

ue, mais sans mouvement, & couché dans vne bierre.
O amour, que tu causes de mal-heurs au monde ! Tu mets dans le tombeau toute la valeur, & toute la courtoisie du monde. Desolé que ie suis, que feray-ie donc desormais, que deuiendray-ie, puis que i'ay perdu celuy, de qui dépendoit mon espoir & ma fortune ? Je l'ay accompagné en son tourment, il faut que ie le suiue encores en la mort. Ce disant, il estoit en volonté de se trauerfer le corps d'un coup d'espée, n'eust esté qu'il se representa deuant les yeux, que s'il se tûoit, l'on ne scauroit iamais la verité de la fin pitoyable de son maistre: au contraire l'on croiroit que pour auoir son argent, il luy auroit couppé la gorge, & par ce moyen sa memoire seroit en horreur & en execration à tous ceux de son pays. Cette seule consideration eut tant de pouuoir, qu'elle l'empescha de se donner la mort: de sorte qu'apres luy auoir fait dresser vne tombe honorable, & rendu les derniers deuoirs que l'on doit aux Trespassez, il s'en retourna en France avec l'argent qu'il y auoit receu. Quand il y fut de retour, il fit recit à la mere d'Alidor de la triste fin de son fils, & restitua les quinze cens escus. Grande fidelité, & bien rare au siecle où nous sommes. Cette dolente Dame ne suruesquit pas long-temps ayant perdu vn si cher enfant. La douleur qu'elle en ressentit luy donna dans peu de iours la mort. Dieu iuste Iuge des viuans & des morts, vueille traicter en l'autre vie l'ame d'Alidor, plus doucement que l'Amour lascif & desordonné n'a pas fait son corps & son esprit durant le temps qu'il viuoit en ce monde.

DES



DES AMOVRS INCESTVEUSES
d'un frere & d'une seur, & de leur fin
mal-heureuse & tragique.

HISTOIRE V.



Le ne faut plus aller en Affrique pour y voir quelque nouveau monstre. Nostre Europe n'en produit que trop aujourdhuy. Je ne serois pas estonné des scandales qui arriuent tous les iours, si ie viuois parmy des infideles. Mais voir que les Chrestiens sont entachez de vices si execrables, que ceux qui n'ont pas la connoissance de l'E-uangile n'oseroient commettre; ie suis contraint de confesser que nostre siecle, est l'égout de toutes les villainies des autres, ainsi que les Histoires suiuanes en rendent tesmoignage, & particulièrement cette-cy que ie commence à vous reciter.

En vne des meilleures Prouinces de France, appelée anciennement Neustrie, estoit vn Gentil homme de bonne maison, qui se maria avec vne honneste Damoiselle fille d'un autre Gentil-homme sien voisin. Ils eurent plusieurs beaux enfans, & entre autres vne fille que nous appellerons Doralice, & vn fils plus ieune qu'elle de quelques 18. mois, que nous nommerons Lyzaran. Cette fille & ce fils estoient si beaux qu'on eust dit que la Nature auoit pris plaisir à les former, pour faire voir vn de ses miracles. Ils se ressembloient si parfaitement, que iamais la Bradamentre de l'Arioste ne fut si semblable à son frere Richart. Le pere fut soigneux de les faire instruire en leur

âge en toutes sortes d'exercices vertueux , comme à iouer de l'Espinette, à danser, à lire, à escrire, & à peindre. Ils y profitoient si bien , qu'ils surmontoient le desir de ceux qui auoient la charge de les enseigner. Au reste, ces deux ieunes enfans nourris tousiours ensemble, s'aimoient d'une telle amour, que l'un ne pouuoit viure sans l'autre. Ils n'estoient iamais contents, que quand ils se voyoient , & mesprisoient de courir, & de passer le temps avec les autres enfans de leur âge. En ce temps d'innocence tout leur estoit permis. Ils couchoient ordinairement ensemble, & parauanture ce fut trop long-temps. Les Peres & les meres deuroient prendre garde à cecy, pour se rendre sages par cet exemple. Ce siecle, comme j'ay desia dit, n'est que trop corrompu. Les enfans qu'on vient d'arracher de la mammelle, y sçauent plus de malice, que les enfans de douze ans n'y auoient iadis de simplicité. Je croy fermement que le mal procede de cette trop longue accointance qui continuoit de iour à autre , & iusques à ce que Doralice ayant desia atteint l'âge de 10. à 11. ans, & Lyzaran estant entre 9 & 10. il fut enuoyé en vn College pour y estudier. Cette separation leur fut si grieve, qu'ils en verserent tous deux mille larmes. Ce n'estoient que sanglots , & que soupirs interrompus d'une part & d'autre , que le pere & la mere attribuoient seulement à l'amitié fraternelle. Mais l'amour impudique & detestable y estoit desia sans doute melee. L'apparence y est grande , ainsi que nous verrons par la suite de cette Histoire.

Lyzaran ayant esté mené au College , en vne des meilleures villes de la Prouince, se rendit en peu de temps si capable , qu'il deuança tous ses compagnons. Quand il eut demeuré aux estudes l'espace de 4. ans,

son

son pere eut desir de le reuoir ; Il le r'apelle doncques fort aise , quand il le vid si beau , si sçauant , & desia grand. Mais ce ne fut rien au prix du contentement que sa sœur en receut. Elle ne cessoit de l'embrasser & de le baïser toutesfois ils n'auoient pas les priuautez qui leur estoient octroyées en leur enfance. Et puis la honte les retenoit tous deux , & le peché detestable qu'ils se representoient deuant les yeux. Toutesfois ny l'un ny l'autre ne pouuoient si bien refrener leurs maudites passions, qu'elle n'eschappast par fois au frein de la raison. Cependant le pere fit retourner au college Lyzaran, pour y acheuer ses estudes, pendant qu'il faisoit dessein de luy faire auoir vne Abbaye. Il auoit plusieurs autres fils, & estoit bien aise d'accommoder cestuy-cy qui estoit le cadet , de quelque bonne piece d'Eglise , afin de descharger d'autant la maison. Ce qu'il fit , tandis que la beauté & la bonne grace de Doralice attiroient plusieurs braues & honnestes Gentils-hommes à luy venir offrir leur seruice. Elle fut recherchée d'une infinité de Caualliers qui auoient beaucoup de merite , & qui estoient d'aage sortable à celuy de cette Damoiseille. Toutesfois preferant les moyens à toutes ces considerations , il l'accorda à un Gentil-homme son voisin , fort riche , mais desia gri-son. Ha maudite auarice que tu cause de mal au monde ! Celuy qui t'appella racine de tous vices, auoit bien connoissance de ce que tu es & de ce que tu produicts. Nostre Histoire appelle ce Gentil-homme Timandre Heureux , s'il eust passé le reste de ses iours, sans s'allier avec vne beauté trop ieune pour luy , & laquelle luy faisoit mille affronts, lors qu'il l'accostoit. Au moins quand les parties sont d'accord, la bonne volonté qu'ils ont l'une enuers l'autre , supplée au

deffaut de l'âge. Enfin Doralice, quelques plaintes qu'elle fasse, & quelques larmes qu'elle respande, est contraincte d'obeyr à la volonté de son pere. Le mariage est conclud, & Lyzaran est appelé de ses estudes pour assister aux Nopces. Si-tost que la sœur le vid, & qu'elle eut moyen de parler à luy sans estre entendue d'aucun autre, elle commence à proferer ces paroles : *Mon cher frere, que ie suis miserable ! Faut-il que ie passe la fleur de mon âge, avec vne personne que ie deteste plus que la mort mesme ? Mon pere n'est il pas bien cruel, de me liurer entre les mains d'un mortel ennemy ? Consommeray-ie donc deormais mes iours en vne seruitude si contraire à mon âge, & à mon humeur ? Que seruent les richesses, si le contentement n'y est ? Conseillés-moy, ie vous prie, en vne si grande affliction, ie suis presque reduite à cette extremié, de me donner la mort de ma propre main.* Apres que Lyzaran eust escouté ses plaintes, il luy respondit en cette sorte : *Ma chere sœur, ie plains vostre infortune. Vostre mal est le mien propre, i'en ay autant de ressentiment que vous-mesme. ie ne puis que ie ne blasme la cruauté de mon pere, de ce qu'il vous marie ainsi outre vostre gré, & avec vn homme de qui l'âge est si different du vostre. Toutesfois puis que la puissance que les Peres ont sur leurs enfans est absoluë ie vous conseille de prendre patience. La fortune parauanture vous reserue quelque chose de meilleur. Au moins asseurez vous qu'aussi-tost que vous serez mariée avec Tirhandre, ie ne vous esloigneray gueres de veuë, & ie feray ma demeure ordinaire chez vous. Il m'est presque impossible de viure sans vous voir.* Acheuant ce discours, ils s'embrasserent & se baisèrent estroictement, & sans la honte qui les retint, & la crainte qu'ils eurent d'estre apperceus, il eussent accom

accomplir leurs execrables desirs. Doralice consolée par la promesse de Lyzaran qu'elle aymeroit non seulement comme frere, mais encore d'une amour violente par dessus tout le reste des hommes, ne se soucia gueres plus d'espouser ce vieillard, qui desormais servira de couverture à ses abominables plaisirs. Elle est donc espousée, & Timandre recueille le fruit qu'il a tant désiré. Après que la feste est finie, il emmene sa femme à la maison, qui estoit un Chasteau proche de celui de son beau pere. Lyzaran, qui n'estoit desia que trop sçauant, ne retourna plus au College. Il jouïssoit d'un bon benefice que son pere luy auoit fait obtenir. L'amour desordonné qu'il portoit à sa sœur, ne permit pas qu'il fust long temps sans l'aller voir en son nouveau mesnage. Il y faisoit sa demeure ordinaire, tousiours aupres d'elle.

Leurs desirs commencerent par cette frequentation à s'allumer de telle sorte, que bien souuent sans la honte d'un si grand & execrable peché, ils les eussent tous assouuis.

L'horreur d'un tel crime se representoit souuent à leurs yeux, & particulièrement à ceux de Doracile, qui tenoit ce discours à elle-mesme: *Ha cruel Amour, qui me fait follement aymer celui, de qui ie deurois, pour la proximité du lignage, non seulement fuyr l'impudique regard, mais encores craindre qu'autre que moy n'eust iamais cōnoissance de ma folle & incestueuse passion, à quoy me reserves-tu? Faut-il que ie commette un peché si detestable! Otons cette maudite fantaisie, auant qu'elle s'imprime plus auant, & representons-nous le mal-heur qui pourroit proceder d'un crime si detestable.* Ces bonnes inspirations la destournoient presque bien souuent de ses folles pensées, lors que la beauté, la bonne gra-

ce, & l'amour qu'elle portoit à son frere, s'opposant à mesme temps, elles estoient aussi-tost esteintes qu'allumées. Et qui me peut (disoit-elle puis apres) empêcher d'aimer? N'est-ce pas vne chose naturelle? Durant le tēps d'innocence, & que l'on viuoit au siecle d'or auoit-on toutes ces consideratiōs? Les hōmes ont fait des loix à leur plaisir: mais la nature est plus forte que toutes ces considerations, ie la veux suivre, puis qu'elle est vne bonne & sene guide de nostre vie. Ainsi parloit cette execrable, tandis que son frere viuoit aux mesmes peines. Enfin j'ay horreur de reciter icy leurs raisons maudites & peruerſes, ce n'est pas mon intention; mon dessein est de dépeindre & de faire paroistre la saleté du vice, & non de le deffendre. Le diray donc, qu'apres plusieurs & diuers mouuemens, ils prindrent pour exemple la loy que Iupiter & Iunon, execrables Deitez des Payens practiquerent. Ils continuèrent leurs detestables plaisirs, sans que personne s'en doutast. Encores qu'on les surprist ensemble couchez sur vn liēt, qu'ils se baissassent deuant tout le monde, & qu'ils s'écartassent dans les bois, & en des lieux solitaires, qui eust iamais presumé vne telle accointance? Toutesfois le Ciel, qui ne peut plus long-temps souffrir cēt horrible & incestueux adultere, permit qu'vn iour vne seruante les treuuaſt sur le faict. Elle, en fit mille fois le signe de la Croix, & ferma ses yeux, afin de ne voir vne chose si execrable. Et ne voulant pas tout à coup l'éuāter, elle se contenta de remonter priuément à la maistresse le grand crime qu'elle commettrait, & le grand scandale qu'il en prouiendrait, s'il estoit descouuert.

Doralice, au lieu de receuoir son aduertissement de bonne part, la traicta le plus indignement du monde; car apres l'auoir outragée de paroles, elle la batit fort

bien,

bien, & puis luy donna son congé. Cette seruante indignée du tort qu'elle auoit receu, pour auoit procuré du bien, aduertit secrettement Timandre, du suiet qui auoit induit sa femme à la chasser du logis, & qu'il prit garde sur elle, que sans doute le frere jouïssoit impudiquement de sa propre sœur. Le mary bien estonné de cét aduis, ne sçauoit que dire, ny que faire. Vne fois il vouloit sans autre procedure se vanger d'eux, tant le desir de vengeance possédoit son ame : mais puis apres venant à se représenter, que parauanture c'estoit vne calomnie, il dissimula sa iuste douleur, espérant en tant de sortes les actions de sa femme & de son beau-frere, qu'il ne fust que trop assuré de leurs incestueux deportemens.

L'amour qu'il portoit à sa femme, ioinct à quelque opinion qu'il se forgeoit, que parauanture cela n'estoit point veritable, encore qu'il en eust apperceu toutes les apparences, qui se peuent remarquer, fit qu'il se contenta d'interdire à son beau-frere sa maison. Douceur fort grande d'un mary qui receuoit vne si indigne offense. Voilà doncques nos amoureux priuez de se voir au grand déplaisir de l'un & de l'autre. Doralice contrefaisant la femme de bien, s'informe de son mary ; quelle animosité il a contre son frere, qu'il luy deffende ainsi son logis. Timandre luy met alors deuant les yeux leur execrable paillardise, & le iuste ressentiment qu'il en deuroit auoir, s'il ne preferoit la douceur à la vengeance : luy promet de mettre toutes choses sous les pieds, pourueu qu'elle vueille désormais viure vne meilleure vie, & demander pardon à Dieu d'un crime si horrible & detestable, sinon qu'il sera contrainct de faire exercer sur eux le chastiment qu'ils ont mérité. Elle oyant les raisons de son mary, commen

commença à verser vn torrent de larmes. Sa bouche profera puis apres des plaintes & des regrets , ioincts à des sermens si horribles qu'ils estoient capables de faire croire à Timandre le contraire de ce qu'il sçauoit bien ; si la jalousie n'eust desia possédée entierement son ame. Les hommes qui tirent desia sur l'aage , ne sont pas tant allumez du feu d'amour que les ieunes : mais aussi ils sont beaucoup plus jaloux. Le moindre soupçon leur demeure dans la ceruelle, & ie vous laisse à penser , si vne chose qu'ils ont veüe de leurs propres yeux, n'y est pas imprimée. Pour conclusion, il ne veut nullement que Lyzaran reuienne plus à son logis ; & iure que s'il l'y rencontre, il leur fera vn mauvais party. Comme ces choses se passoient , Lyzaran s'estoit retiré au logis de son pere , qui ne sçauoit rien de tout ce mauuais ménage. Il y demeueroit les iours & les nuits en toutment, pour ne voir pas ses detestables amours. Elle estoit d'autre costé la plus trauaillée d'ennuy & de déplaisir , que l'on puisse imaginer. A la verité, s'ils n'eussent esté si proches de sang, ils seroient plus excusables en leur folle passion ; car elle estoit vne des beautez les plus parfaites que i'aye iamais veüe, & luy l'vn des plus beaux Gentils-hommes qu'on puisse voir. Mais quand ie pense à leur vice si scandaleux , ie suis contraint de m'estonner , comme Dieu qui void tout , pouoit tant souffrir cette méchanceté , sans la punir. Sa patience est bien grande, d'attendre si long-temps à penitence des pecheurs si obstinez en leur malice.

Après que Lyzaran eut sejourné quelques mois chez son pere, le desir de reuoir sa sœur ne permit pas qu'il y demeurast dauantage , sans luy faire à sçauoir de ses nouuelles par vne lettre qu'il luy escriuit en ces termes.

JE suis aux peines de la mort, privé du contentement de vous voir. S'il faut que ie demeure long-temps éloigné de vos beaux yeux, vous ferez une perte que vous ne recouvrerez jamais. Le moyen de conseruer ma vie est, que ie puisse parler à vous, afin de vous tirer de la captivité où vous estes reduite & au tourment que j'endure en cette cruelle absence. Apportez-y tout le remede que vous pourrez (ma chere sœur) si vous desirez vostre repos, & ma vie, qui ne depend que de vostre venue.

Quand il eut escrit & fermé cette lettre, il la bailla à vn valet de son pere, en qui il se fioit entierement. Cet homme appris en ce qu'il deuoit faire, arriva vn soir au Chasteau de Timandre, feignant de venir d'autre part que de la maison de son beau-pere. Il y fut bien receu, sans qu'on le soupçonnast de son message. Le soir il bailla la lettre à Doralice, qui l'ayant leue, ne voulut faire d'autre réponse à son frere, sinon qu'elle chargea ce valet de luy dire, qu'il vinst le lendemain sur le tard la trouuer secrettement au logis par la porte du iardin qu'elle luy feroit tenir ouuerte, & où elle l'attendroit. Ce valet ayant le lendemain pris congé de Timandre, & de sa femme, sans auoir autrement connoissance des deportemens du frere & de la sœur, retourna au logis de son maistre, où il rapporta à Lyzaran ce que sa sœur luy mandoit. Luy ayant appris cette nouuelle, monte à cheval, & arrive le soir mesme au lieu où sa sœur l'attend. Apres s'estre embrassez, & contentez leurs appetits desordonnez, ils delibererent ensemble du moyen qu'ils pourroient prendre pour iouyr avec plus de liberté de leurs plaisirs. C'est que le lendemain elle prendroit tous ses joyaux, & puis sur le soir, lors que tout le monde seroit couché, il la monteroit en croupe, & apres cela ils s'en iroient en quelque

quelque Prouince pour y passer le reste de leurs iours. Entreprise remplie autant de temerité, que de passion desordonnée. Le temps s'approchoit qu'ils deuoient receuoir le chastiment de leur execrable adultere.. La Iustice Diuine qui marche pas à pas de laine, estendoit desia son bas de fer.

Ils firent ce qu'ils auoient resolu, & le voyage que le mary deuoit le lendemain faire en certaine ville de la Prouince fauorisa leur dessein. Le iour qui suivit le soir de leur fuite estant venu, les domestiques du logis estoient tous estonnez de ne voir point leur maistresse. Ils chercherent par tout, mais ils l'auoient beau chercher, elle & son frere estoient desia bien esloignez. Le mary estant reuenu quelques iours apres, il fut bien estonné de ne l'y trouuer pas. Il courut vers le logis de son beau-pere, pour en apprendre des nouuelles. Sa peine luy fut inutile, il n'y trouua ny sa femme, ny son beau-frere; nul ne scauoit où il estoit allé. Cela luy fit aussi tost iuger de ce qui en estoit, & dès l'heure mesme il vid son beau-pere, à qui il fit entendre avec beaucoup de plaintes & de regrets, le tort que ses enfans luy faisoient. Qu'il auoit long-temps dissimulé leur execrable vilainie, parce que peu de personnes en auoient connoissance, & tasché de les ranger en vn meilleur train de vie; mais que maintenant leur salut estoit desesperé & qu'il estoit la fable & la risée de tout le monde; de sorte qu'il desiroit d'en retirer sa raison par la voye de la Iustice. Le pauvre vieillard de pere ayant ouy les iustes resentimens de son gendre, tomba de son haut pâmé de douleur. Quand il eut vn peu repris ses esprits, il commença à maudire la fortune, qui sur la fin de ses ans luy donnoit vne si cruelle trauerse. La mere de l'autre costé pensa mourir d'ennuy

d'ennuy. On n'entend que regrets & que gemissements dans le logis. Le bruit de cette aventure s'espand par tout le pays; Tout le monde en parle, mais diuerfement. Les vns ne peuuent croire vne telle méchanceté, mais seulement que Lyzaran, de pitié qu'il a eüe de voir sa sœur indignement traitée par vn mary jaloux, l'a retirée de cette captiuité. Les autres disent au contraire, que si cela estoit, ils ne s'en seroient pas enfuyz si secrettement, & qu'ils auroient descouuert leur entreprise à d'autres.

Tandis que les choses passent de la sorte, ces incestueux adulteres vont par les villes & par les Prouinces de France, sans estre cogneus de personne. Tantost ils sont en poictou, tantost en Anjou, & maintenant en Bretagne. En fin croyans estre découuerts, ils pensent qu'il n'y a ville en France, où ils se puissent mieux cacher que dans Paris. Cette multitude de personnes, qui faict vn petit monde, les doit tenir clos & couuerts, à leur opinion, mieux que s'ils estoient en Canada. Opinion qui leur reüssit pour quelque temps, mais qui les trompa à la fin. Il falloit que le detestable crime qu'ils commettoient deuant Dieu, fust publié deuant les hommes par vn chastiment public & exemplaire. Timandre auoit enuoyé de tous costez par toute la France à ses amys pour mettre peine de les apprehender, & pour cet effect il les dépeignoit viuement. A la fin estant luy-mesme vn iour à Paris, vn de ses amys le vint aduertir qu'il auoit aperceu son beau frere, & descouuert le lieu où il estoit logé. Le mary bien aise de cette nouuelle, va soudain vers vn Commissaire à qui il fit sa plainte, & puis il le mena à la demeure où ces adulteres se retiroient.

Il estoit nuit, & les portes du logis estoient fermées,

mées. Le Commissaire les fait ouvrir, & apres s'estre informé de l'hoste, en quelle chambre logeoit vn ieune Gentil-homme avec vne ieune Damoiselle, & appris ce qu'il demandoit, il monta accompagné d'un nombre de Sergens. Il frappa à la porte. Au commencement l'on fit quelque difficulté de l'ouvrir, car ils estoient couchez: mais le Commissaire ayant menacé de l'enfoncer, on luy ouvrit. Elle estoit dans le liect, & luy à demy habillé. Le Commissaire les ayant faicts prisonniers de par le Roy, il commanda à Doralice de s'habiller. On se saisit de leurs hardes, & l'on les mene au Chastelet. Le mary le lendemain r'apporte l'information qu'il auoit desia faicte, & fait ouyr de nouveaux tesmoins. Les coupables sont ouys. Doralice estoit grosse, on luy demande de qui; car elle ne pouoit dire des œures de son mary, s'estant absentée de luy depuis 8. mois, & n'estant grosse que depuis 4. Elle ne scait que dire à cette demande. Ses responcez sont variables; Tantost elle dit vne chose, & puis vne autre, & pour conclusion, que c'est d'un valet de son mary qu'elle nomme: Ce valet est interrogé, mais l'on descouure en peu de temps son innocence: Elle neantmoins n'accuse iamais Lyzaran. Cependant elle & son frere apres tant d'indices & de preuues sont condannez à perdre la teste: mais auparauant que prononcer la sentence, les Iuges attendent qu'elle soit desliurée de son enfantement qui fut d'une fille. Leur iugement leur est puis apres signifié. Ils en appellent à la Cour. Plusieurs poursuiurent leur deliurance: car ils ne manquoient pas ny d'amis ny de moyen. Le Pere mesme prit leur faict à cause, & informa du mauuais traictement que son Gendre auoit faict de sa fille, & comme cela auoit donné suiet à son frere, pour

pour la compassion qu'il en auoit eue de la luy oster, & de l'emmener. Luy au contraire produit ses informations, & fait voir au Senat leur inceste & adultere plus clair que le iour. Enfin cette venerable assemblée de gens les plus sçauants, & les plus iustes du monde, ayant examiné, & pesé cette cause au poids de l'équité, confirme par son Arrest la sentence du Chastelet.

Le miserable pere ayant appris la teneur de ce iuste Arrest, se va ietier aux pieds du Prince, pour obtenir leur remission. Les larmes qu'il respandoit aux pieds de Henry le Grand, les soupirs, & les regrets qui sortoient de la bouche de ce Gentil-homme tout chenu de vieillesse, touchèrent viuement le cœur de cet inuincible Monarque, qui n'estoit que trop sensible à la pitié.

Mon Pere, luy dit-il, leuez-vous, & me dites le subject de vostre dueil, i'y remedieray, si ie puis. Helas! Sire, respond cet infortuné, ie vous demande la vie de mes enfans, qui sont prests d'estre executez, s'ils ne sont secourus de vostre misericorde. S'il y a, repart le Roy, quelque apparence qu'ils doiuent viure, ie leur donne la vie. Et cōme il se vouloit informer plus auāt du subject de leur condamnation, vn Seigneur qui l'accompagnoit luy apprit en peu de mots ce qu'il en sçauoit. Mon pere, dit alors le Roy, ie ne sçauois deuant Dieu pardonner ce crime; il est trop grand, il faudroit qu'un iour i'en rendisse conte à celuy qui m'a constitué souuerain Iuge de son peuple.

Le pauvre pere apperceuant qu'il falloit que la Iustice fust exercée sur sa miserable geniture, n'eut autre recours qu'aux pleurs & aux cris.

Cependant l'Arrest est prononcé aux coupables. On leur donne temps de se confesser. Courage mon frere, dit Alors Doralice; puis qu'il faut mourir, mourons patiemment. Il est temps que nous soyons punis de ce que nous meritions. Ne craignons plus de confesser nostre peché deuant les hommes, aussi bien faut-il que nous en rendions bien-tost conte à Dieu. Sa misericorde est grande, mon cher frere, il nous pardonnera, pourueu que nous ayons vne vraye contrition de nos fautes. Helas! Messieurs, dit-elle puis apres aux Iuges, ie confesse que ie merite iustement la mort: mais ie vous supplie de me donner la plus cruelle qui se puisse imaginer, pourueu que vous donniez la vie à ce pauvre Gentil-homme. C'est moy qui suis cause de tout le mal. I'en dois recevoir toute seule la punition: & puis la grande ieunesse vous doit toucher à compassion. Il est capable de seruir vn iour son Prince en quelque bonne occasion.

Elle tenoit ce discours aux Iuges, afin de les es-mouuoir à pitié & compassion pour son frere. Mais c'estoient paroles perduës. La Sentence estoit desia prononcée, & eux liurez entre les mains de l'exécuteur de la haute Iustice. Ce fut en la place de Greue, où l'exécution se fit. Iamais on ne vid tant de peuple, qui accouroit à ce spectacle. La place en estoit si remplie, qu'on s'y estouffoit. Les fenestres & les couuertures des maisons en estoient toutes occupées.

Le premier qui parut sur cet infame Theatre fut Doralice, avec tant de courage & de resolution, que tout le monde admiroit sa constance. Tous les assistans ne pouuoient deffendre à leurs yeux de pleurer cette beauté. Aussi estoit-elle telle qu'on en trouue-
roit

roit bien peu au monde, qui luy peussent estre comparables. L'on eust dit quand elle monta sur l'échaffaut, qu'elle alloit ioüer vne feinte Tragedie, & non pas vne veritable. Iamais elle ne changea de couleur. Apres auoir ietté ses yeux d'un costé & d'autre, elle les esleua au Ciel; & puis les mains ioinctes, elle fit cette priere.

O Seigneur, qui estes venu au monde pour le pecheur, & non pour le iuste, prenez pitié de cette pauvre pecheresse, & faictes que la mort infame de son corps qu'elle reçoit maintenant, soit l'honorable vie de son Ame. Pardonnez encores, ô Dieu de misericorde, à mon pauvre frere, qui implore vostre mercy. Nous auons peché, Seigneur, nous auons peché, mais ressouuenez-vous que nous sommes les ouvrages de vos mains. Pardonnez nostre iniquité non pas comme aymant le vice, mais comme aymant les humains, en qui les vices sont attachez dès le ventre de leur mere.

Ayant acheué sa priere, elle se degraffa elle-mesme sans vouloir permettre au Bourreau de la toucher. Ayant osté son rabat, elle se mit à genoux, & l'exécuteur luy banda les yeux, & comme elle recomman-
doit son ame à Dieu, il separa d'un coup la teste d'un si beau corps, de qui la beauté estoit obscurcie par son abominable passion. Quand cette execution fut faicte, vn des valets du Bourreau tira le corps à l'écart, & en le retirant le découvrit iusques à deshygreue, & fit voir vn bas de soye incarnat, ce qui facha tellement le Bourreau, qui ne se pouuoit contenir luy-mesme de pleurer avec tous les assistans, qu'il poussa d'un coup de pied son valet, de sorte qu'il le fit cheoir de l'échaffaut en bas. Aussi vne telle Beauté, encores qu'elle eust merité la mort, ne deuoit pas

estre si vilainement traitée, tant pour la maison dont elle estoit issue, que pour l'heureuse fin qu'elle venoit de tesmoigner.

Tout le peuple pleuroit encore à chaudes larmes, quand on fit monter le frere sur le theatre. Si la compassion auoit émeu l'assemblée pour le subiect de la sœur, la pitié qu'elle eut pour celui du frere ne la toucha pas moins. Il ne pouuoit auoir que 20. ans, & à peine vn petit cotton, messager de ieunesse paroissoit à ses ioues. Il estoit le viuant pourtrait de sa sœur, comme nous auons desia dit, & par consequent doüé d'excellente beauté. Quand il vid cette belle teste separée d'vne si belle gorge, il pensa rendre soudain l'esprit, sans attendre l'execution du bourreau : *Helas*, ce dit-il, *ma pauvre sœur, que n'exerçoit-on toute la cruauté qu'on eut sçeu imaginer contre moy, pourueu qu'on vous eust donné la vie, & qu'on se fust contenté de vous enfermer dans vn Monastere. Il n'est tourment si rigoureux que ie n'eusse souffert avec allegresse. Mon ame auroit quitté ce miserable corps avec ce contentement, de ne voir point mourir celle à qui i'ay causé la mort. L'on deuoit excuser sa fragilité, & tourner toute la coulpe sur moy, comme sur l'auteur du crime. O Dieu ! ayez pitié de son ame, & de la mienne, qui n'a son recours qu'à vostre misericorde.* Il proferoit ces paroles avec tant de zele, que tout le peuple en ressentait vne grande douleur. Apres qu'on luy eut osté son pourpoint, & fait les cheueux il s'agenouilla. Le bourreau luy voulut bander les yeux, mais il ne voulut iamais. Décharge, dit-il seulement ton coup, i'ay assez de courage pour le recevoir. Tu as déjà veu la constance de ma sœur. Tu dois penser que ie suis son frere, & que par consequent la raison veut que i'aye encotes plus de courage.

Ayant



vois les resolutions que des personnes ont autresfois prises, à se donner la mort de leurs propres mains, avant que la recevoir de celle de leurs ennemis, ou plustost qu'estre menez en triomphe, & qu'honorer leur victoire, ie ne puis que ie ne loue leur courage, puis qu'ils ne faisoient autre profession, que de ne craindre point la mort, & qu'ils estoient priez de la claire lumiere du Soleil de iustice, qui nous deffend le desespoir, sur peine de faire perte de la plus chere partie que nous ayons. Mais lors qu'il se treuve parmi nous qui sommes Chrestiens, des hommes qui pratiquent la mesme resolution, ie dis que ces personnes sont du tout éloignées de leur salut, & qu'au lieu d'estre louables, leur memoire est pleine d'infamie. L'histoire que j'écris maintenant, arriuée depuis 3. ou 4. ans, traicté d'une constance plus prodigieuse qu'imitable. La posterité la lira pour luy servir d'exemple à bien viure, & à n'irriter point la vengeance du Ciel qui permet quelquesfois la peine du peché, & la perte des hommes, ainsi que ie vous vay raconter.

Valeran estoit vn Gentil homme de Picardie, qui durant nos troubles derniers auoit acquis vne grande reputation parmi ceux qui suiuient le train des armes. La fortune l'auoit favorisé en toutes ses entreprises. Son nom estoit crainct, & redouté de ses voisins. Si tost qu'il se faisoit quelque partie au pays, on l'inuitoit à s'y treuver : soit en des rencontres ou des duels qui ne sont que trop ordinaires en France, encores que nos bons Roys, & particulièrement Henry le Grand d'heureuse memoire, & la sage Reine Regente son épouse, ayent fait publier des Edicts rigoureux, pour empescher ces funestes iournées, où l'on perd miserablement le corps & l'ame. En ce qui concerne

cerne l'honneur des hommes, il auoit tousiours fait paroistre vne franchise, & vn courage genereux. Les belles parties dont il estoit accomply, luy acquerirent l'amitié d'une ieune & belle Damoiselle, que nous nommerons Amarylle. Leur amour fut si violente, que cette fille luy laissa cueillir le fruit qu'elle auoit conserué cherement iusques à l'heure. L'honneur qui doit estre en si grande recommandation aux femmes, & notamment à celles qui sont de noble extraction, n'eust point d'escard en son endroict. Le respect qu'elle deuoit à sa mere, qui estoit vefue, ny la crainte de ses parens, ne furent pas capables de l'empescher de se donner à Valeran. Ce Gentil-homme possesseur de cette beauté, s'estimoit heureux d'auoir fait vne telle acquisition, & leurs affections estoient si bien liées, qu'Amarylle ne fit point difficulté d'aller faire sa demeure avec luy dans vne mesme maison, sans qu'il y eust entre eux autre promesse de mariage que l'union de leurs corps. Comme ils estoient enyurez en leurs amours, & qu'ils ne s'esloignoient gueres l'un d'avec l'autre, & que mesmes ils auoient desia vne fille, il arriue que Valeran se treuve vn iour en vne assemblée de Gentils-hommes. Aronce y estoit aussi. C'estoit vn Cavalier voisin de Valeran, fort renommé pour sa valeur, & pour sa courtoisie. Je ne scaurois dire particulièrement l'origine de leur querelle. J'ay seulement appris que luy & Valeran se picquerent pour peu de chose. Ils en fussent venus aux mains, si leurs amis communs ne les en eussent empeschez. On les mit d'accord, & on leur fit iurer amitié. Aronce y proceda fort franchement, mais non pas Valeran, qui crovant estre encores offensé, quelque accord qu'il y eust, ne songea depuis qu'à se venger, & à luy oster la vie. Jus-

ques alors on l'auoit eu en estime de genereux ; & iamais il n'auoit fai& paroistre aucun trait& de cruauté, ny de manque de courage; Mais en vne heure il perdit la reputation qu'il auoit si long-temps conseruée. Soit doncques qu'il ne se souciaist de l'honneur, ou qu'il redoutast l'espée de son ennemy, il se resolut de le prendre à son aduantage, & de le tuër par supercherie. Pour paruenir à son dessein, il espia tant ce Gentil-homme, qu'enfin il le rencontra à la campagne, accompagné seulement d'un petit laquay. Si tost qu'Aronce le vid; luy qui ne se doutoit nullement de sa trahison s'approcha, & le salua. L'autre luy rendit son salut, & comme ils cheminoient ensemble, Valeran luy delasche vn pistolet, & luy en donne dans la teste.

L'infortuné Gentil-homme tombe de cheual roide mort, & l'autre gaigne au pied, & se retire au Chasteau de Moyencourt, appartenant à Monsieur le Comte de Sault. La nouvelle de cét assassinat fut incontinent épandue par tous les enuiron. Tous deux qui auoient autresfois eu en estime ce Gentil-homme, commencerent à le blasmer de cruauté, & de peu de courage. Aronce appartenoit à tant de gens d'honneur, qu'on vid bien - tost des preparatifs pour tirer raison de ce meurtre. Ils firent informer de l'excez, & tascherent de l'attrapper : mais il se tenoit clos & couuert dans Moyencourt, place assez forte, où sa Maistresse estoit venue, avec resolution de le suivre, & de l'assister en la vie & en la mort, comme fit Ipsycrate autrefois à Mithridates son mary. Les parens du deffunct voyans que la Iustice du pays n'estoit pas capable de forcer ce contumace, s'acheminèrent à la Cour, & à genoux implorerent l'assistance de Henry. Ce grand Monarque, ennemy juré de la supercherie, ayant ap-
pris

pris l'acte indigne de Valeran, fit venir le grand Preuost de son Hostel de France, & luy commanda expresément de se saisir de la personne de ce perfide, & de l'ainener, pour estre procedé contre luy par les voyes du droict. Le grand Preuost obeyssant à son Prince, fit partir sur le champ la Morliere, l'un de ses Lieutenans de Robe-courte, à qui il bailla vne douzaine d'Archers pour l'assister. La Morliere se transporte deuant le Chasteau de Moyencourt, & apres l'auoir sommé d'obeyr à sa Majesté: qui estoit, que Valeran la vinst treuuer à Paris, il n'eut pour toute responce qu'un refus. Le Lieutenant du grand Preuost luy reittera le commandement, sur peine de desobeyssance, & d'estre atteint de crime de leze-Majesté, & luy demanda, s'il ne le connoissoit pas. Je vous reconnois assez (respond Valeran) les cazagues de vos Archers me tesmoignent assez que vous estes un des Officiers du Roy: mais pour tout cela ie ne suis point d'auis d'obeyr au commandement que vous me faictes, que premierement ie ne voye mon abolition signifiée, & scellée du grand seau, ou que Messieurs de Crequy & de Sault, ne viennent icy eux-mesmes en personne, pour me rendre en leurs mains. C'est peine perdue de penser me tirer hors d'icy autrement. J'ay resolu de n'en faire autre chose.

La Morliere voyant son opiniastrété, & qu'il luy estoit impossible de prendre la place sans auoir un plus grand secours, s'achemine à Noyon, à Peronne, & à Amiens, exhibe la commission du Roy, & somme les garnisons qui sont en ces trois villes, de luy prester main forte, pour l'execution du vouloir de sa Majesté. Les Capitaines obeyssans au mandement, se disposent, & se mettent en ordre pour aller donner l'assaut

à la place. Mais s'ils assaillent brauement, ils sont repoussez courageusement. Valeran accompagné d'Amarille sa Maistresse, tire sur eux, & en blesse cinq ou six. Cette courageuse Damoiselle armée de toutes armes, paroist comme vne Amazone sur le bastion; tantost avec vne arquebuzé & tantost avec vne pique.

Quand Valeran n'auroit point de cœur, la braue resolution de sa Maistresse seroit capable de le rendre le plus courageux de la terre. *Mourons*, disoit-elle, *mon cher amy, plustost que nous rendre à la mercy de ceux en qui tu ne treuueras iamais de pitié. Si ie craignois la mort, ie m'en pourrois bien exempter, puis que ie ne suis nullement coupable de ce dont l'on t'accuse. Mais ma vie est si bien attachée avec la tienne, qu'il m'est impossible de te suruiure.* Valeran tout estonné de son grand courage, s'efforçoit de la faire retirer, de peur qu'il auoit que quelque coup d'arquebuzé ne l'enuoyast en l'autre monde, *Mon ame*, disoit-il, *ie vous coniure par l'amour qui nous a iusques icy assemblez avec tant de concorde, d'espargner vostre vie. Ie suis assez capable de me deffendre de ceux qui nous attaquent, sans que vous y employés vostre courage. Laissez moy seul soutenir cét assaut, & si ie meurs, ayés soing que mon corps ne tombe point entre les mains de nos ennemis. Oétroyez moy cette requeste, pour derniere obligation de tant d'autres que ie vous ay.* Que vous mouriez, respond elle, & que ie viue, vous pensez à vne chose impossible. *La Parque a filé dans vn mesme fuzeau mon destin avec le vostre. Mon sort & le vostre ne sont qu'une mesme chose. Si vous faictes naufrage, croyez-vous que ie vueille demeurer au port? Non, non: si vous estes forcé par vos aduersaires, il faut que la mort nous raiuisse tous deux à mesme instant, & que nos ames soient portée ensemble*

an

au lieu qui leur est destiné. Cependant qu'ils se preparent à mourir plustost qu'à se rendre, la Morliere sage & bien aisé voir qu'il ne peut forcer la place par assaut, sans perdre beaucoup de gens, fait venir deux petards de Noyon. Mais avant qu'on les pose, il tasche de reduire ce miserable à composition, & le fait derechef sommer. La peine qu'il y prend est inutile. Valeran ne peut point s'y resoudre. Le Preuost tente vne autre voye, il prie le Curé de Moyencourt, homme docte, & de bonne vie, de parler à ce desesperé, & de tascher par ses sainctes remonstrances de le ranger au deuoir. Le Curé s'approche des murailles, & demande à parlementer. Valeran paroist, & le Curé luy remonstre le peu de suiet qu'il a de se perdre de la sorte, luy met deuant les yeux la clemence du grand Monarque tant celebre dans nos Histoires modernes: luy apprend que les Roys auoient les mains longues, & que c'estoit tenter l'impossible, que de cuider faire resistance à la force d'un si grand Prince. Il l'aduerit puis apres de ne penser pas tant à sauuer son corps qu'il en oublie le salut de son ame. Que le desespoir où il le voyoit porté, causeroit la perte de l'un & de l'autre: qu'il estoit son Pasteur, & par consequent obligé pour la descharge de sa conscience de luy tenir ce discours qu'il deuoit receuoir en bonne part, & le croire pour son bien, pour son honneur, & pour son salut. Valeran apres l'auoir écouté avec patience répondit en cette sorte: Je vous remercie, Monsieur le Curé, du soin que vous auez de la conseruation de ma vie & de mon salut. Je prendrois en bonne part vostre aduis & le suiurois, si c'estoit en vn autre lieu qu'en cestuy-cy. Pour conclusion, mes ennemis n'autont iamais ce contentement de me voir porter

ma teste sur vn échaffaut. Je sçay qu'il n'y aura iamais de pardon pour moy : si bien que ma resolution est de mourir icy. Dieu est pitoyable & misericordieux, par auanture qu'il aura mercy de mon ame. Je vous prie de vous retirer , & de rapporter à ceux qui vous ont icy enuoyé, qu'ils fassent du pis qu'ils pourront , & que pour moy ie n'en feray autre chose. Le bon Curé voyant qu'il employoit inutilement le temps enuers ce miserable les recommanda à Dieu, & s'en retourna.

Lors que la Morliere eust appris par la bouche du Curé l'obstination de Valeran, il voulut encore essayer vn autre moyen, pour tascher à diuertir ce perdu de sa folle resolution. Il auoit leu dans les vies des hommes illustres de Plutarque, comme Coriolanus indigné de l'affront qu'il auoit receu de ses Citoyens tenoit la ville de Rome si étroitement assiegée qu'elle alloit estre le pillage de ses ennemis. Le Senat, les Vestales, ny les Haruspices, n'auoient peu adoucir son fier courage. Au lieu d'esteindre le feu de son courroux, ce n'estoient que des allumettes qui l'enflammoient d'auantage, lors que sa mere sortant de la ville, & se prosternant deuant son fils, amollit de ses larmes ce cœur de diamant. La Morliere creut que la mere d'Amarille émouueroit peut-estre le courage de ces desesperes, par ses larmes & par ses plaintes. Il l'enuoya querir, afin qu'elle mit peine de venir à bout de ce où tous les autres auoient failly. Lorsque cette bonne Dame fut dedans le Chasteau, où le Lieutenant du Preuost luy donna moyen d'entrer, en faisant retirer les compagnies des soldats, elle se mit à verser vn torrent de larmes, en presence de sa fille, & de son amy, & puis preféra les plus pitoyables paroles

les qu'on apprend de la douleur. Que pensez-vous de faire misérables (disoit-elle) ne voyez-vous pas que vous vous perdez mal-heureusement par vostre obstination ? Le petard est desia tout prest, pour donner entrée à ceux, de qui il ne sera pas puis apres temps d'implorer la misericorde. Hé ! Valeran, ne vaut-il pas mieux que vous vous rendiez de bon gré entre les mains de ceux qui ont commission de vous mener au Roy, plustost que d'attendre qu'on vous y traïsne par force ? Vous ne manquez pas de bons amis, qui obtiendront facilement vostre grace de la bonté d'un si doux Prince. Comme Valeran luy vouloit répondre, Amatilie la deuança & parla à sa mere en ces termes : le vous supplie, ma mere, de ne tenir iamais ce langage à mon amy : car aussi bien vous ne faictes que consumer inutilement le temps. Luy & moy sommes resolus de viure & de mourir ensemble. Je sçay bien que s'il est pris iamais il n'en eschappera. Il sera plus estimé s'il meurt honorablement, que si vne infamie perpetuelle luy allonge quelque peu la trame de ses iours. Je vous iure que si le soin d'allonger sa vie de quelques heures, luy faisoit changer de resolution, ie luy planterois tout presentement cette espée iusques aux gardes dans le corps. Ne le sollicitez donc plus à faire vn acte si lasche, & si poltron, autrement ie l'occiray en vostre presence de mes propres mains, & apres me tueray moy mesme. La miserable mere oyant la desesperée resolution de sa fille, pensa mourir de dueil. Faut-il, poursuit-elle, que j'aye produict vne creature si desnaturée ? A la mienne volonté que la mort t'eust estouffée dans le berceau, ie n'aurois pas maintenant tant de sujet de regretter la perte de ton ame. Je vois que ton desef-

desespoir te precipite dans les Enfers. Vienne ce que pourra, répond la fille, au moins ie n'auray iamais le regret de voir honteusement mourir celuy que j'ayme plus que moy-mesme. Tandis que la bonne Dame s'efforce par ses dolents regrets à les destourner de leur cruel dessein, Valeran luy proteste que le plus grand contentement qu'il peut receuoir en la mort c'est voir la vie de sa Maistresse conseruée, & sur cela il la coniure de sortir avec sa mere hors du Chasteau avec leur petite fille, & leur laquay : mais Amarille n'y veut point entendre, & se plaint du peu d'estime que Valeran fait de son amitié. Retournez vous en s'il vous plaist, ma mere, ie veux mourir, dit-elle, avec mon cher amy. Vos pleurs & vos plaintes sont vaines. La dolente mere n'ayant rien pû gagner sur leur obstination, fut contrainte avec larmes & gemissemens, de sortir du Chasteau, sans rapporter autre chose que le regret d'auoir mis au monde vne fille si peu soigneuse de sa vie & de son salut. Si-tost que le Lieutenant du Preuost eut appris, que tous ces delay ne seruoient qu'à retarder l'effect de sa commission, il voulut pour la derniere fois parler à Valeran, afin de sçauoir encores son intention. Ce Gentil-homme parut au donjon du Chasteau, & alors la Morliere luy tint ce langage : l'ay tasché par diuers moyens de vous induire à vouloir obeyr au commandement de sa Maiesté : Mon pouuoir ne s'estend point qu'à vous mener deuant elle. Vous n'ignorez pas la clemence de nostre Prince, louée par ses ennemis memes. Croyez-vous qu'il refuse de vous pardonner, pourueu que vous imploriez sa mercy ? Rendez-moy raison tout presentement de ce que vous avez de fin de faire. l'ay dilayé iusques icy de vous forcer, pensant

à vostre conseruation. Je ne puis plus differer. Je m'en vais faire iouïr le petard, si vous n'estes plus soigneux de vostre salut. Valeran luy respondit en cette sorte: Je vous ay desia declaré si souuent ce qui est de mon intention, que vous n'en deuez plus douter. Je vous dis encores, que mes ennemis n'auront iamais le plaisir de triompher de mon corps, ny mes amis le regret & la honte de me voir entre les mains d'un bourreau. C'est ma derniere resolution, neantmoins ie vous remercie de la peine que vous dites auoir prise pour mon salut. C'est vne obligation que ie vous ay. Je vous prie de m'en faire vne autre, c'est de vouloir recevoir vne miserable fille, & un petit haquay, qui seront bien-tost priuez, l'un de pere & de mere, & l'autre de maistre & de Maistresse. Ne deniez pas cette faueur à un infortuné Gentil homme, qui vous en supplie: autrement vous auriez cy-apres regret peut-estre de ne l'auoir pas fait. La Morliere luy ayant accordé sa requeste, il les deuila l'un apres l'autre avec vne corde, liez par le milieu du corps. Cependant qu'il estoit empesché à cette pitoyable action, Amarille ramassoit de tous costez des matieres combustibles dans la salle du donjon, dont elle faisoit un bucher. Lors qu'elle l'eut préparé, elle se mit à proferer si hautement ces mots, qu'on l'entendoit d'en bas: Il sera tantost temps, que nous nous disposions à mourir, puis qu'aussi bien on nous veut interdire de viure plus longuement. L'amour qui nous lioit d'une esteinte si ferme, ne pourra point estre des-vnie par la mort. Je vous prie (poursuit-elle en mettant la teste à la fenestre) de prier Dieu pour nous. A Dieu ma chere mere, ie vous recommande ma fille. Le Ciel luy vueille estre plus favorable qu'à celle qui l'a engendrée. Ainsi qu'elle

acheuait

acheuoit ce propos, le petard ioüa avec tant de violence qu'il mit la porte par terre, & à mesme instant cette courageuse Amazonne mit le feu au bucher, qui enuironnoit elle & son amy. Côme les soldats entroient, ils virent ce pitoyable spectacle. Vn grand feu allumé en demy rond, & deux Amants dedans, tous prests à lascher chacun sur sa teste vn pistolet qu'ils tenoient à la main. Si-tost qu'ils virent qu'on estoit entré dedans, ils les debanderent. Les coups leur percerent la teste de part en part. Leurs corps tomberent roides morts, & furent bien-tost consumez par le feu; & leurs ames s'en allerent pour brusler dans les flammes eternelles si Dieu n'en a eu pitié par son extreme misericorde. Voilà la fin deplorable de ces desesperes, qui au temps du Paganisme eussent esté renommés pour leur grande constance: mais particulièrement eust-on celebré la memoire d'Amarille.

Exemple rare s'il en fut iamais, & d'autant plus remarquable que l'infidelité regne au siecle où nous sommes parmy le sexe feminin. Les Dames y font profession de l'inconstance, & à peine en trouueroit-on vne semblable en tout le monde. Ce bel esprit qui l'a comparée dans les escrits qu'il en a faicts à Cleopatre, & à la femme de Pœtus l'a fait avec vn grand & solide iugement. Cette Reine d'Egypte, dit ce grand honneur des lettres, voyant son Soleil proche de son Eclipse, & craignant l'oscurcir d'auantage en le suruiuant, monstra par sa mort constante & genereuse, qu'en tout braue cœur l'amour est indissoluble, & que la dissolution du corps n'est qu'vne plus forte estraincte pour en timentier la continuation. Quand à Pœtus, il auoit conspiré contre l'Empereur Claude, & scachant qu'il ne pouuoit euitier de mourir,



DE LA CRUAUTE' D'VN FRERE,
*exercée contre vne sienne sœur, pour vne
 folle passion d'amour.*

HISTOIRE VII.

Quel ancre noircy d'infamie pourra bien tracer à la posterité, l'Histoire que ie vay, descrire ? En quel siecle maudit & detestable auons nous pris naissance, qu'il faille que nous y voyons arriuer des choses, dont le seul recit faict dresser les cheueux de ceux qui les entendent ? Mais faut-il encores que tant d'exemples barbares & dénaturés, paroissent parmi la nation la plus courtoise, & la plus humaine du monde ! O Ciel ! à quoy nous reservez-vous ? Ces accidens execrables & inouys sont les avant-coureurs de vostre ire, si par vn saint amandement nous ne la preuenons. Voicy vne cruauté non moins estrange que veritable. I'en parle comme tesmoin oculaire. Elle merite d'estre escrite en lettres de sang en ceste sorte.

La France iouyssoit du paisible repos que le grand Henry luy auoit acquis par les trauaux plus memorables que ceux d'Hercule. L'on n'auoit plus de crainte de voir tant de pitoyables spectacles que la fureur de nos guerres ciuiles produisoit tous les iours. Le Pere, ne recherchoit plus la mort de son fils, par vn zele inconsideré de religion, ny le fils n'attentoit plus sur la vie de son Pere. Le frere & la sœur, ny les plus proches parens & amis, n'auroient plus de deffiance les vns des autres pour ce mesme suiet. Chacun se repo-

soit

soit sous les palmes & les lauriers de ce grand Monarque, lors qu'à Paris il y auoit vn personnage venerable pour son merite, & pour sa qualite, que nous nommerons Ariste. Il auoit deux enfans procreés de legitime mariage. Vn fils & vne fille : l'appelle le fils Iracond, & la fille Isabelle : noms empruntez, parce que ie ne veux point diffamer leur famille, pour les considerations que j'ay alleguées au commencement de cét ouurage. Isabelle aussi chaste, & aussi belle que celle que le diuin Arioste a tant vantée dans ses écrits, fut recherchée en mariage pour ses perfections par plusieurs personnes de qualite. Sa beauté & sa bonne grace, qui estoient capables de rauer la liberte des cœurs les plus farouches, & plus insensibles acqueroient à l'Amour ce que les forces de ses armes n'auoient pas le pouuoir de surmonter, & ses rares vertus seruoient de patron à celles qui portent l'honneur sur le front, & qui n'ont que la crainte de Dieu deuant les yeux. Bien-heureux Pere d'auoir produict vne telle fille, si la felicité des hommes estoit durable. Comme plusieurs taschent par leur merite & par leur perseuerance d'acquérir ses bonnes graces, vn seul emporte enfin le prix. Ce joyau precieux luy est destiné du Ciel. Il portoit le tiltre de Cheualier, & le nom que nous luy donnons est Eranthe. Ce couple lié de la sainte chaisne de mariage jouyssoit d'vn contentement indicible, & d'vne concorde souhaitable de tous ceux qui se rangent sous les loyx d'Hymenée, pendant qu'Iracond frere d'Isabelle estudioit en vne des celebres Vniuersitez du Royaume, il y faisoit vn tel profit, que son Pere estoit du tout satisfait de ce qu'on luy en rapportoit. Ceux qui auoient la charge de l'instruire auoient vne si bon-

ne opinion de luy, qu'ils s'asseuroient qu'un jour il seroit un des ornemens de la Patrie. Iamais durant sa jeunesse on ne remarqua en luy aucun trait de folie. Il estoit sage, prudent, & discret en toutes ses actions, Mais le naturel de l'homme est un Prothée, il change de forme à toute heure, & se rend si diuers en ses inclinations, qu'à peine le peut-on connoistre du iour au lendemain. Iracond reuenu des estudes avec ses licences, se fit receuoir Aduocat en ce renommé Senat, où le droict est également rendu à chacun. Son pere vouloit qu'il passast quelques années au Barreau, pour se rendre un iour digne de son office qu'il luy vouloit resigner, ou bien de quelque autre encore plus honorable. Il s'y rendoit assez assidu au commencement, & contentoit le desir de son pere, qui remercioit le Ciel de luy auoir donné deux enfans si bien nays. Cependant il visitoit souuent sa sœur en son ménage, où il receuoit toute sorte de courtoisies.

Tout le monde sçait la liberté que les Dames de Paris ont de se voir les vnes les autres, & comme les voisines principalement ont cette coustume de s'assembler les iours de feste au logis de quelqu'une d'entr'elles pour y passer le temps; soit ou à deuiser, soit à d'honnestes exercices, soit pour aller à la promenade. Isabelle, pour estre une des plus apparentes du quartier en toutes sortes de qualitez, ne manquoit iamais de compagnes chez elle, les iours du repos. Sa maison estoit une petite Academie de rares beautez qui la frequentoient. Entre celles en qui le Ciel auoit respandu ses richesses particulieres, & qui approchoient de bien près les perfections d'Isabelle, Elinde estoit la premiere. Ces deux Dames estoient
liées

amour acompagne, lors qu'il est temps de se retirer, cette Dame iusques à la porte de son logis. Il voudroit luy faire entendre le mal qu'il endure : mais, quand d'un costé l'Amour le pousse, le respect & la crainte le retient. Toutesfois ce n'est pas en telle sorte qu'Elinde ne s'apperçoive bien de son émotion. Elle n'en fait pas pourtant semblant : L'amitié qu'elle porte à sa sœur, la conuie de faire les doux yeux à Iracond par tout où ils se rencontrent. C'est ce qui l'enflamme davantage, & qui le rend si hors de luy-mesme, qu'il mourroit d'angoisse, si l'esperoir de la jouissance ne le consolait. Que de soupirs, & que de plaintes sortent de la bouche de ce miserable ! Souuent la difficulté qu'il void de pouuoir paruenir à ce qu'il souhaite, se représentant à ses yeux, il veut quitter cette folle poursuite ; mais sa passion démesurée ne le permettant pas, Il se laisse emporter au courant de cette mer, pleine d'orages & d'écueils. La raison qui tasche de luy servir de pilote est bannie de son vaisseau, & son desir temeraire le guide. Enfin apres auoir beaucoup souffert, sans oser declarer sa passion, il se resolut de trouver son aduersaire, comme fit Telephe, pour luy guerir sa playe, plustost que de mourir en la celant.

C'estoit au mois de May, que les belles campagnes sont parées d'une robe verte, que les fleurs rendent leurs odeurs de toutes parts, & que les oyselets peints de diuers plumages volettent de branche en branche, & font vn agreable concert : Isabelle ayant fait vne partie avec ses compagnes, fut se pourmener avec elle hors la ville, en vn iardin delicieux. Son frere qui scauoit leur dessein ne manqua pas de les accompagner. L'occasion s'offrant en ce Paradis, qui fut l'entrée de son Enfer, de declarer sa passion à Elinde. Il le fit

fit en ces termes : Si vous tournez seulement les yeux (belle Elinde) sur vos perfections , ie sçay bien que vous m'accuserez de temerité , & que vous me iugerez digne de chastiment plutôt que de recompense, d'auoir porté mon desir si haut. Mais aussi si vous considerez la force de l'amour, qui ne treuve rien d'inuincible , ie ne fais point de doute que vostre bon naturel ne se represente par mesme moyen ma cruelle langueur, & qu'elle n'en ayt compassion. Elle est telle que si la pitié n'y treuve point de place, la mort m'est inéuitable. Si cela arriue , vous ferez perte de la plus fidelle conqueste que vous puissiez iamais faire. Je vous conjure par vos beaux yeux douces lumieres de ma vie , de conseruer ce que vous auez conquis , plustost que de le destruire. Pleust aux Dieux que ie peusse vous faire aussi bien patoistre ma douleur , comme ie la ressents , ie pense que vostre cœur n'est pas insensible , que vous n'en fussiez aucunement touchée. Il est impossible qu'une telle beauté cache tant de rigueur. Il proferoit ces paroles avec tant d'ardeur qu'à tous coups ses sanglots , & ses souspirs l'interrompoient. Si Elinde eust esté autre qu'elle n'estoit , ou plustost si elle eust esté libre , parauanture en eust elle eu pitié. Iracond estoit ieune , & agreable , fils vnique d'une bonne maison , & accomply en beaucoup de rares parties. Mais quoy ? Elinde qui aymoit également son honneur , & son mary , ne pouuoit estre couchée d'autre affection. aussi le dessein qu'elle eut de la temerité de ce ieune homme, la mit en telle colere, que sans le respect qu'elle portoit à sa sœur , elle luy eust fait sur le champ vn affront. O que si elle eust vsé de de cette rigueur , l'auanture funeste & execrable que nous descriuons ne seroit pas arriuée ! Mais la pre-

miere consideration eut tant de force en son ame, que dissimulant son courroux, elle respondit à cet amoureux en ces termes: Je ne sçay, Monsieur, pour qui vous me prenez. Vous croyez peut-estre que ie suis de ces folles, qui foulants aux pieds la crainte de Dieu & leur propre honneur, se laissent prendre aux charmes d'une passion desordonnée. Je vous prie d'oster cette croyance de vostre cerueau, & vous asseurer que sans l'excuse que vostre ieunesse me donne, & l'amitié que j'ay vouée à vostre sœur, ie chastierois vostre temerité, en telle sorte que la memoire en feroit de longue durée. Desistez-vous doncques de me tenir ce langage, & adressez vos yeux à vne autre, qui sans la tache de son honneur, vous peut rendre plus satisfait, que ie ne fay pas: autrement il me seroit impossible de supporter vostre folie, sans la faire sçauoir à tel qui s'en ressentiroit à vos despens.

Iracond oyant cette response, pensa mourir de desespoir. Il en receut vne telle douleur, qu'il fut longtemps comme immobile, de mesme qu'un qui est touché du foudre. Ayant repris ses sentimens, il se retira à vn coin d'un verger, là où il versa vn torrent de larmes, & profera mille pitoyables paroles. *O cruel amour (disoit-il) que d'amertume pour vn peu de douceur. Que despines pour vn bouton de rose. Helas! qui eust iamais creu que sous vn si beau visage se cachast tant de cruauté?*

Il eust continué ses plaintes, si la crainte d'estre descouvert ne l'eust empesché. Apres qu'il eut exhalé par ses yeux & par sa bouche vn peu de l'ardeur de son ame, il se contint le mieux qu'il peut, & dissimulant son angoisse, il s'approche de ces belles Dames, qui s'estoient assises sur l'herbe fraîche, où elles entretenoient d'honnestes & de plaisans discours.

Il se mit parmy elles, tout triste neantmoins, & revenant tousiours à sa folle passion, sans qu'il la peust oster de sa fantaisie. Souvent il iettoit ses regards sur Elinde, qui ne daignoit pas de ietter sur luy vne œillade seulement : aussi depuis ne luy donnoit elle pas rant de priuauté, comme elle auoit accoustumé de faire. Elle luy ostoit tout sujet de l'accoster, & de parler à elle. Ces rigueurs, au lieu de le rendre sage, le rendirent plus follement transporté. Quelquesfois il se flattoit en son mal, & croyoit que ces cruautéz estoient feintes, & qu'elle en vsoit pour faire esprouue de son amour, & de sa perséuerance. Toutesfois, comme son ardeur croissoit, & qu'il taschoit d'amollir Elinde, l'esperoir luy en fut du tout osté par la priuation qu'elle luy fit de sa presence. Elle ne pouuant plus supporter ces folies se resolut de ne hanter plus la maison d'Isabelle. Ce fut alors qu'Iracond deuint entierement forcené. Il inuoquoit la mort tous les iours, & deuenoit d'heure à autre si possédé de rage qu'il en estoit au desespoir. Sa sœur, qui s'estopnoit, de ce qu'Elinde ne la venoit plus voir, comme elle auoit accoustumé de faire, voulut en sçauoir la cause. Elle l'alla trouuer chez elle, & luy tint ce langage : le croy (ma chere amie) qu'on vous faict quelque mauvais rapport de moy, qui vous estrange de ma compagnie. Je vous prie de croire que ie suis tousiours telle en vostre endroit, que i'estois lors que nos cœurs liez d'une chaine d'amitié, ne permettoient pas d'estre si long temps sans nous voir. Elinde en soufrian, luy respondit en ces termes : Je n'ay iamais douté de vostre affection, ma douce vie, vous m'auz trop tesmoigné vostre amitié. Si ie ne vous vois si souuent que ie desire, vostre frere en est le sujet. Il ne cesse de

m'importuner de mon honneur. Vostre respect m'a faict vser de plus de discretion que ie n'eusse pas fait enuers vn autre. Il faut que vous treuuiiez moyen, ou de le guerir de sa folie, ou de luy interdire de ne m'importuner plus, si vous voulez, que nous continuons nos honnestes priuautez.

Isabelle, qui iusques à l'heure auoit ignoré cette amour, n'en fit que rire, & pria Elinde d'excuser sa jeunesse, luy promettant d'y apporter le remede salutaire. Mais, ô cruel mal-heur! au lieu d'esteindre son feu, il allumera sa rage à l'encontre d'elle mesme.

Tandis qu'elle prend cette resolution, Itacond pleure & lamente son cruel desastre, qui le rend amoureux d'un cœur de rocher qu'il ne peut nullement amollir par ses pleurs ny par sa perseuerance. Son fol desir luy faict rechercher tous les iours quelque nouvelle inuention pour voir sa maistresse, & pour luy faire entendre sa passion. Elle ne sort iamais de son logis, qu'il ne la guette pour la saluer, & pour parler à elle. Il se met à genoux à l'Eglise deuant cette sainte, où il adresse ses vœux, & non à Dieu. Mais voyant qu'elle deuiet de iour en iour plus rigoureuse, il prend vne autre voye. Il s' imagine que sa sœur luy fera vn bon office en ses amours; tant il est hors de iugement. Avec cette croyance il va chez elle, l'ayant tirée à part, il luy dit ces paroles.

Machere sœur, il n'y a que les marbres, & les pierres dures qui se puissent empescher d'aymer. Je pense que vous auez autresfois esptroué la force de l'amour, si vous n'estes vn tronc insensible. Pour moy qui suis homme, & par mesme moyen subiect aux loix de ce petit Dieu, qui force les Dieux mesmes à reconnoistre son pouuoir, il faut donc que ie vous
confesse

confesse que ie suis tellement embrasé des perfections d'Elinde, qu'il m'est impossible de viure plus longtemps, si elle n'a compassion de mon mal. Je vous supplie par le soin que vous devez auoir de la conservation d'une personne qui vous est si proche, de vouloir adoucir les rigueurs, & fléchir les cruautéz. Je sçay que vous avez tant de pouuoir sur elle, que ma mort & ma vie sont entre vos mains. Ayez doncques pitié de vostre frere qui vous sera obligé de la vie, de laquelle vous pourrez disposer comme la tenant de vous Isabelle aise que son frere l'eust releuée de la peine qu'elle vouloit prendre à luy parler de cette folle amour, & recourant cette occasion si à propos, luy fit cette réponse : Je suis fort estonnée (mon frere) de deux choses, de la vaine poursuite que vous faictes, en recherchant le deshonneur d'une Dame qui ayne si cherement son mary, qu'elle aymeroit mieux souffrir mille morts que d'auoir consenty à d'autre amour. Et de vostre impudence qui passe tellement les bornes de la modestie, qu'elle veut m'employer en vne action si deshonneste, que d'estre la corratiere de vos folles amours. Où avez-vous les yeux ? Je pense que vous estes aneuglé, & priué de vostre bon sens. Considérez ie vous prie les vertus & les rares qualitez de celle à qui vous adressez temairement vos desirs, & ce que ie suis ; & vous aduouerez aussi tost la verité de mon dire. Esteignés cette folle passion, & ne me parlez iamais plus de ces choses, autrement ie serois contraincte d'informer mon Pere de vos folies. Il pourroit vous chastier comme vous meritez. Et puis pensez-vous qu'Elinde, si vous continuez dauantage à la recherche de son deshonneur, ne perde enfin patience, & que sans con-

sideration

sideration de l'amitié qu'elle me porte, elle n'en advertisse son mary ? Il est homme pour vous faire vn affront, s'il en a la connoissance.

Iracond tout confus des sages & honnestes raisons de sa sœur, ne sçeut que repartir. La rage qu'il auoit de voir qu'elle ne vouloit point seruir de truche. ment, le fit retirer sans luy repliquer vn seul mot. Il va au logis de son Pere, & là se retirant dans sa chambre, il recommence ses plaintes & ses regrets accoustumez, & cent fois il se veut luy-mesme priuer de vie. Estrange passion d'amour desordonnée, qui n'a pour but qu'un fol plaisir, qu'elle cause de malheurs ! Pour elle le fils ne faict point de conscience d'oster la vie à celuy qui la luy a donnée, & vne fille ruine sa Cité & meurtit son propre Pere. Le frere coupe la gorge à sa propre sœur, & vne sœur met en pieces le corps de son frere. Les histoires sacrées & prophanes sont toutes remplies de tels exemples. Iracond accuse sa sœur de peu d'amitié, sans qu'il aye égard à l'honneur dont elle fait profession. Il demeura quelques iours sans aller à son logis, ny sans rechercher, comme il auoit de coustume, la veuë d'Isabelle, qui ne se soucioit gueres de luy donner allegiance : mais qui estoit toutesfois bien marrie de sa folie.

Après que cét amoureux enragé eut desisté de visiter pour quelque temps sa sœur, son desir l'incita d'y retourner, là où il se plaignoit à toute heure à elle du peu de soin qu'elle auoit de sa vie, & ne cessoit d'importuner Elinde, soit en l'accompagnant outre son gré à l'Eglise, soit en luy iettant quelque poulet dans son manchon. Cette honneste Dame voyant qu'il n'amandoit point, se resolut entierement de ne frequenter

quenter plus Isabelle, afin de ne donner plus suiet à Iracond de la voir, & avec cela elle deffendit à cet amoureux de l'accoster plus. Elle auoit bien du regret de se priver de la compagnie d'une personne qu'elle aymoît tant, mais son honneur luy estoit encore plus cher. Isabelle d'autre part faschée des deportements de son frere, & voyant qu'il ne se vouloit aucunement ranger au train de la raison, fut forcée à la parfin, apres beaucoup de remonstrances inutiles, d'aduertir son Pere de ce qui se passoit: Ariste iustement courroucé, si-tost qu'il vid Iracond, commence à le gourmander de paroles, & à le menacer de le bien estriller. Est-ce cecy la peine (disoit-il) que i'ay prise à te faire instruire en tout ce qui peut rendre accompli vn ieune homme de ta profession? Est-ce la belle moisson que ie recueille d'un tel terroir? Au lieu de vacquer à l'estude des bonnes lettres, où ton sort t'appelle, tu t'amuses à faire l'amour, & tasches de seduire celle que la sainte loy de mariage deffend de rechercher? Tu veux encore faire seruir de maqurelle à ta folle passion ta propre sœur, & luy faire perdre en vne heure tout l'honneur & la reputation qu'elle a acquise de si long-temps. Si iamais on m'abbreuue les oreilles de ces rapports, ie te monstreray qui ie suis, & te traiteray suiuant ton merite.

Iamais homme ne fut plus estonné qu'Iracond, & il n'osoit leuer es yeux de honte: neantmoins le despit & la fureur bouïlloient dans son ame de telle sorte contre sa sœur, qu'il se resolut dès l'heure même de se vanger. Il s'enferme dans vne chambre, où il passa toute la nuit à maudire Isabelle, comme celle qu'il croyoit seruir d'obstacle à son aise. L'ennemy du genre humain, voyant cet homme si transporté hors
des

des bornes de la raison, se fourre dedans son ame, luy propose la vengeance, & le possede entierement. Ce malheureux n'attent que la venue du iour pour executer la plus execrable cruauté dont on ait oüy parler de long-temps : O Soleil ! arreste ta carriere en l'autre Hemisphere, pour n'avancer point, par la lumiere que tu veux redonner au nôtre, vn si sanglant desastre. Si tu montes sur nostre Horizon, tu seras contrainct de voir vne barbarie la plus dénaturée qui arriuera peut-estre jamais au monde. Demons de la douleur, genies effroyables, prestez-moy vos plaintes lamentables, afin que ie puisse dignement descrire cette pitoyable aventure. Que n'ay-je autant d'yeux que celuy que Mercure priua de chef, pour pleurer dignement cette infortune ? O Pere ! ô mary infortuné ! empeschez ce bourreau d'approcher d'une chose que vous tenez si chere.

Cet execrable frere, poussé par toutes les furies des Enfers, apres avoir blasphemé tout le long de la nuit le Ciel, la Terre, les Astres, & tous les Elemens, se prepare à l'execution de son dessein abominable. Si tost que l'Astre du iour a chassé les tenebres, il se leue & s'habille, & prend vn poignard qu'il met dans sa poche. Porté d'une execrable resolution, il s'achemine puis apres au logis de sa sœur. Il monte à la chambre, & treuve qu'elle sortoit du liect. Elle estoit assise au bout d'une table, n'ayant pour toute compagnie qu'une fille de chambre, qui l'aydoit à peigner ses blons cheveux. Quand elle apperceut son frere, elle luy donne le bon iour, & luy demanda où il alloit si matin, Iracond ne luy dit mot, mais il s'assit en vne chaire, tout passe & tout defiguré comme vne furie infernale. Sa sœur que les cheveux empeschoient, ne prit pas garde à sa contenance. Lors que le malheureux void
que

que la fille de chambre descend en bas à la cuisine pour aller chercher vn boüillon pour sa Maistresse, qui n'estoit gueres bien disposée, à cause qu'elle estoit grosse de six ou sept mois, il prend son temps; & se leuant de la chaire où il estoit assis, il se ruë furieusement sur elle avec son poignard qu'il auoit tiré de sa pochette, & luy en donna vn coup mortel dans son sein d'albastre qu'elle auoit descouvert. La pauvre Dame iette vn cry, tandis que le parricide redouble ses coups, & enfonce deux ou trois autres dans le corps. Au bruit qu'elle fit, tombant & rendant l'esprit, & se recommandant à Dieu, les domestiques accourent, & voyans estenduë leur Maistresse, toute ensanglantée, & cét execrable le poignard encore à la main, ils appellent au secours. Les voisins y accourent pareillement, qui se saisirent du meurtrier, bien estonnez de ce funeste accident.

Sur ces entrefaictes le mary arriue, qui voyant de ses yeux celle qu'il aymoit plus que luy mesme, verser vn ruisseau de sang, tombe par terre éuanouy. Lors qu'il se releue, il commence vn dueil le plus pitoyable du monde, & sçachant qui en estoit l'homicide, il tire son espée, & s'en va contre cét execrable, qui ne faisoit que rire de ses lamentations. Il eust vengé le sang de sa chere espouse, si on ne l'eust retenu: Dieu le permettant pour reseruer l'expiation de ce forfait à vn plus digne supplice. On le saisit, & il est mené prisonnier à la Conciergerie, & mis dans vne basse fosse. Qui pourra dignement reciter la iuste douleur du pauvre pere; Quelle poire dangoisse! Quel glaue de douleur! Le peintre qui peignit Iphigenie presté à estre immolée, après auoir représenté, aux assistans tristes & dolents, tira son pere

Agamem

Agamemnon avec vn voile sur la face, pour apprendre que la douleur qu'il ressentoit de la perte de sa fille, ne se pouuoit exprimer. Et moy ie laisse au iugement de ceux qui liront cette histoire, si Ariste n'auoit pas du subject de lamenter son infortune par la perte qu'il venoit de faire d'une telle fille, & par la mort ignominieuse qu'il voyoit preparée à son fils vnique. Pendant qu'il se tourmente & qu'il inuoque le Ciel à luy donner patience, la Court veut auoir la connoissance d'un meurtre si extraordinaire & si execrable, qu'elle pese à la balance de l'équité: meurtre qui est accompagné d'un autre, non moins dénaturé, qui est la mort de l'enfant, qui meurt avec la mère & encores sans Baptême. Cét Auguste Senat treuvé qu'il n'y a peine de mort si cruelle, que ce meschant ne merite. Comme il est prest d'estre iugé, l'on dit que le pauvre pere poursuit, non pas afin qu'on luy oëtroie la vie de son fils: mais qu'on le fasse mourir en prison, à fin que sa maison ne recoiue point cette infamie, de voir son fils mourir publiquement par la main d'un Bourreau. Sa Majesté mesme est importunée de cette grâce. Mais le faict est trop atroce, & de trop de consequence. Il est condamné d'auoir le poing couppé à la porte du grand Chastellet, & puis d'estre roué tout vif à la place de Greue. Auant qu'on luy prononçast son Arrest, il estoit resolu à la mort la plus cruelle qu'on luy peust ordonner. Sa passion auoit desia faict place à la raison de sorte que se representant iour & nuict l'enormité de son crime, il ne faisoit que pleurer, & que lamenter la mort de sa sœur, & d'implorer la mercy du Ciel. O ma sœur disoit ce mal-heureux, s'il m'est permis de vous appeller ainsi, hélas! quelle fureur

execra

execrable a pousé ma main à respandre vostre sang? Fut-il iamais cruauté semblable à la mienne, que de faire mourir & la mere & l'enfant, & encores des personnes innocentes, pour qui ie deuois exposer mille vies? Quel supplice me peut-on destiner capable d'expier vne telle meschanceté? O terre! que ne t'ouures-tu pour engloutir cét execrable, indigne de respirer, & de comparoistre iamais à la veüe des hommes? O Dieu de misericorde treuuetay-ie bien de la remission deuant le throsne de vostre Majesté, lors que cette ame damnable quittera le logis de cét infame corps?

Tenant ce discours il eust souuent entré en desespoir, s'il n'eust esté assisté de quelques bons Religieux, qui le venoient voir pour le salut de son ame. Ces bons Peres en luy remontrant d'un costé le detestable meurtre qu'il auoit commis, luy proposoient d'autre part la douceur infinie de Dieu, qui auoit toujours les bras ouuerts pour ceux qui vraiment contrits & repentans implorent sa grace. Leurs saintes remonstrances eurent tant d'efficace, que iamais homme ne fut plus resolu à attendre patiemment la peine qu'on luy ordonneroit, ny plus confiant en la misericorde de Dieu.

Quand on luy prononça son Arrest, il dit aux Iuges qu'il estoit indigne de la douceur de ce supplice, mais qu'il en meritoit vn autre bien plus seuer & plus rigoureux. Estant liuré entre les mains de l'executeur, & mené sur vne claye au lieu où il deuoit auoir le poing coupé, il l'étendit, sans iamais faire demonstration d'auoir regret de le perdre, ny de ressentir aucune douleur. *Il est bien raison* (dit-il tout haut) *ô execrable main! que tu reçoies cette punition*

A la mienne volonté que tu l'eusses receüe avant que de commettre le crime, qui me rendra infame eternellement. Achene bourreau, & exerce sur mon corps la cruauté que tu voudras. Tu ne me peux faire tant souffrir de tourment, que ie n'en merite encore davantage.

Tout le peuple admirant la constance de ce ieune homme, ne pouuoit contenir ses larmes, bien que sa cruauté fust detestée d'un chacun. Estant arriué au lieu où il deuoit finir ses iours, auât qu'on l'estendist sur la rouë, & monté sur l'échaffaut, il profera tout haut ces paroles pleines de bonne repentence. Contemplez, Assistans, l'auanture infame & mal-heureuse d'un cruel homicide de sa sœur. Ses pechez l'ont conduit en ce lieu pour y receuoir un cruel chastiment, mais non pas si seuer, qu'il esgale sa cruauté. Poussé d'une folle passion, i'ay trempé mes mains dans le sang innocent, & priué mesme, ô execrable forfait, pour iamais de la vision de Dieu une creature, qui n'a iamais veu la lumiere du Soleil. O bon Dieu ! (poursuit-il en s'agenouïllant) qui auez promis d'exaucer le pecheur toutes & quantes fois qu'il gemiroit à vous pour son peché, ie vous semons de vostre promesse. Iettez les yeux pitoyables sur un miserable pecheur, & pardonnez son peché, non comme aymant le vice, mais comme aymant un homme, en qui le vice est naturellement attaché. Et vous, ô Catholique assemblée, (dit-il encores en tournant les regards d'un costé, & d'autre) si vous estes touchés de la charité tant recommandable parmy les Chrestiens, secondez mes humbles prieres, & vueillez par les vostres implorer du Ciel, qu'il traicte plus fauorablement mon ame, que mon corps n'est pas maintenant traité. O mon pauvre Pere ! Dieu nous console. Vous pensiez que ie serois un iour le baston de vostre vieillesse, & vous n'auex pas esté deceu. Je suis vraiment vostre baston

baston, non pour vous soustenir : mais pour vous battre & pour vous affliger. Ce regret m'est beaucoup plus cuisant & plus sensible que la mort ignominieuse que ie vay recevoir.

Ces paroles estoient accompagnées de tant de zele, & de tant de signes apparents de vraye repentance, que tout le peuple ne pouuoit contenir ses larmes. Chacun prioit pour luy. Et la priere publique, qu'on a accoustumé de faire en ces pitoyables spectacles, estant acheuée, il fut attaché sur la roüe & rompu bras & iambes par le bourreau, sans que iamais il proferast autre parole que le nom de Iesus-Christ. La Iustice auoit commandé au bourreau de l'estrangler bien-tost apres, encores que son Arrest portast, qu'il demeureroit viuant, apres estre rompu, autant que ses forces le pourroient supporter. L'executeur le fit, encores que le patient requist, que pour l'expiation de son crime, on le laissast pâtir en ce monde, afin qu'en l'autre il y treuualt plus d'allegement. Ainsi finit miserablement ses iours Iracund, pour s'estre laissé emporter à vne rage desesperée d'amour. L'on ne doit pas si follement s'embarquer avec cette passion, qu'on en perde le iugement. Et puis les affections illicites sont tousiours vituperables. Quand on s'y porte avec tant d'ardeur, Dieu permet qu'un peché attire l'autre, & qu'enfin vne iuste punition s'en enfuyt. L'amour honneste est permise, & louable d'elle-mesme : mais d'attenter à la pudicité d'une Dame d'honneur, & de violer un si saint Sacrement, cela n'est iamais auoué du Ciel. Les scandales & les horribles excez qui en arriuent tous les iours deuroient seruir d'exemple à ceux qui ne les peuuent ignorer. Mais quoy

La pluspart des mortels n'est iamais sage, ny arrestée qu'après le coup receu, & après le dommage. Bien-heureux sont ceux qui ne font à autrui ce qu'ils voudroient ne leur estre point faict. Iamais ils ne tomberont en ces termes. Leur memoire sera memorable, & la recompense suiura leurs œuvres & bien-faicts. Ainsi soit-il.



*D'VN DEMON QVI APPAROIST
en forme de Damoiselle au Licutenant du
Cheualier du Guet de la ville de Lyon. De
leur accointance charnelle, & de la fin
mal-heureuse qui en succeda.*

HISTOIRE VIII.

E m'estonne de l'incredulité de ceux à qui l'on ne peut persuader que ce qu'on raconte de l'apparition des demons, soit veritable. Les raisons qu'ils amènent sont si foibles, qu'elles ne meritent presque point de réponce, puisqu'elles se refutent d'elles-mêmes. Tout ce qu'ils alleguent pour la preuve de leur dire est, qu'ils rapportent ces visions, ou aux sens qui sont deçus & trompez, ou à la fausse imagination, ou aux Atomes. Telles personnes sont Athées & des Epicuriens, qui veulent que tout arrive à l'avanture, & par consequent qu'il n'y ayt ny bon ny mauvais esprit. Mais nous qui sommes enseignez en vne meilleure escole, & sçavons par le témoignage que les saintes Escritures en rendent, que les bons

vouloit retirer chez luy, il tient ce discours à cinq de ses compagnons qui marchotent avec luy. *Je ne scay mes amis*, dit-il, *de quelle viande j'ay mangé. Tant y a que ie me sens si eschauffé, que si maintenant ie ren-*
trois le Diable, il n'eschapperait iamais de mes mains
que premierement ie n'en eusse fait à ma volonté. O iugement espouuatable de Dieu ! A peine a-il acheué de proferer ces paroles qu'il apperçoit en vne rue qui est proche du pont de Saone, vne Damoiselle bien vestuë, accompagnée d'un petit Laquay qui portoit vne lanterne. Elle marchoit à grand haste, & sembloit à la voir, qu'elle n'auoit pas enuie de sejourner guerres par les rues. La laquiere esmerueillé de voir vne Damoiselle si bien parée aller de nuict avec vne si foible compagnie, doubla le pas avec ses compagnons & l'ayant attainte, il la salua. Elle faisant vne grande reuerence, osta son masque & le salua pareillement. Si la laquiere auoit esté émerueillé de rencontrer vne personne de ce sexe si bien couuerte à vne heure si indeuë, croyez qu'il fut encores bien estonné de voir tant de grace & tant de beauté luire en son visage. Les doux regards qu'elle luy auoit iettez en le saluant l'allumerent aussi-tost d'un desir amoureux ; de sorte qu'attiré par cette douce amorce, il s'approcha de plus près d'elle, & luy tint ce discours : Vrayement Mademoiselle, ie suis fort ébahy de ce que vous allez par la ville si tard. N'avez-vous point peur d'y recevoir quelque déplaisir ? Je vous accompagneray s'il vous plaist iusques en vostre logis. Je serois bien marry si vne telle beauté receuoit quelque affront : Ce disant il la prit sous le bras, sans qu'elle le refusast : au contraire elle luy répondit en ces termes. Je vous remercie, Monsieur, de vostre courtoisie. Il n'y aura
iour

des hommes. Assurez-vous que si vostre mary continuë à vous traicter si indignement, j'auray moyen de vous en venger, & de le rendre sage. Elle le remercia de sa bonne volonté, & luy promit de l'en récompenser en temps & lieu. Ils poursuiurent ce discours, & eurent plusieurs autres propos, que la laquiere faisoit tousiours tomber sur l'amour, sans qu'elle fist semblant d'en estre mal contente. Cela poussoit nostre homme à poursuiure ses brisées, avec vne ardeur excessiue, car il en estoit desja follement passionné. Or ils auoient loisir de discourir tout à leur aise, parce que le quartier où cette Damoiselle s'alloit retirer, estoit vers Pierre Ancise, bien esloigné du lieu où ce Lieutenant du Guet l'auoit rencontrée. Cependant qu'ils sont en ces termes, où la lacquiere s'efforce de tesmoigner à cette Damoiselle l'amour qu'il luy porte, tant par paroles, que par petits attouchemens, il congedie trois de ceux qui l'accompagnoient & en retient deux avec luy, qui estoient de ses plus intimes amis, & artine avec eux, & avec cette femme vers Pierre Ancise, à la porte d'une maison fort escartée. *C'est icy ma demeure* (dit-elle) & à l'instant le petit Laquay qui portoit la lanterne, tire vne clef qu'il auoit à sa pochette, & ouure la porte. Cette maison estoit fort basse. Il n'y auoit que deux estages:contenans chacun deux membres, & encores les deux plus hauts ne seruoient qu'à tenir du bois & autres choses semblables. Les deux d'en bas estoient vne petite salle, & vne garde-robe. La salle estoit assez bien accommodée. Il y auoit vn liët de taffetas iaune, & vn paillon de mesme. Les chaires estoient couuertes de pareille estoffe, & la tapisserie estoit de sarge jaune. C'estoit au mois de
Iuillet

Iuillet , neantmoins le temps estoit vn peu froid , à cause d'une bise qui s'estoit levée. Cette Damoiselle commanda au Laquay d'allumer vn fagot. Tandis qu'il obeyt à son commandement , la laquiere s'assied en vn coin de la salle dans vne chaire , & elle en vne autre. Le desir qu'il auoit d'esteindre le feu qui le consumoit , fit qu'il luy descourrit entierement son amour , & la coniura d'auoir pitié de son mal , luy promettant toute sorte de seruices , pourueu qu'elle luy octroyast sa courtoisie. Elle faisoit semblant de le refuser , opposant l'honneur pour la défense , l'infidelité des hommes aux siecle où nous sommes , & leur peu de discretion , qui publie aussi tost vne faueur qu'ils l'ont receüe. Cét Amoureux fait des serments horribles , & dit que iamais elle n'aura sujet de se plaindre pour son regard : que plutôt il perdrait mille vies que de la des-honorer , & qu'il est prest de s'exposer pour son seruice à toutes sortes d'occasions. Enfin apres beaucoup de propos tenus d'une part & d'autre , elle consent de luy accorder sa demande à la charge qu'il se ressouuienne de sa promesse , & de ses sermens. La laquiere luy confirme par d'autres , & au mesme instant ils entrent tous deux dans la garderobbe , où il y auoit vn petit liét de pareille estoffe que les autres , & là ils prennent leurs deduits ensemble.

Nostre homme ayant receu l'accomplissement de ses desirs , commença de la caresser , & à luy protester de nouveau que iamais il n'oublieroit vne telle faueur , & que desormais elle pouuoit disposer de luy & de ses biens , comme des siens propres : Toutesfois , dit-il , *Madamoiselle , bien que ie vous sois si redenable vous m'obligeriez encores d'auantage , si vous me vouliez accorder vne autre faueur.* Et de quoy , respond-elle , me

sçauriez vous requerir que ie ne vous octroye , puis que ie vous ay desia esté si liberale de ce que i'ay plus cher au monde ?

Vous devez sçauoir , Mademoiselle , repart la Laquiere , que ie suis venu ceans en compagnie de deux les plus grands amis que i'aye au monde. Nous n'auons rien de propre, & tout est commun parmy nous. Si ie ne leur faisois part de ma bonne fortune , parauanture cela seroit cause de rompre le lien d'amitié qui nous esteinct si fermement, & par mesme moyen ils pourroient publier nos amours. Ie vous supplie doncques que la mesme courtoisie que vous m'avez octroyée , ne leur soit point refusée. Iamais nous n'oublierons vne telle faueur , & vous pourrez vous vanter desormais d'auoir trois hommes à vostre commandement qui ne sont qu'un , & qui ne respireront que vostre obeyssance. Helas que ie suis mal-heureuse ! (respond la Damoiselle) le pensoit auoir faict acquisition d'un loyal amy , qui vouloit tenir chere la faueur qu'il auoit receuë de moy : mais ie vois maintenant qu'il ne visoit à d'autre dessein , qu'à tirer de moy ce qu'il desiroit , puis qu'il le diuise de la sorte. Est-ce icy la recompense que i'en reçois ? Estimez-vous que ie sois vne louue , pour m'exposer à l'abandon de tant de personnes ? Ie n'eusse iamais creu cela de vous qui avez receu de moy ce qu'homme viuant, hormis mon mary , n'a iamais peu receuoir ; ie vous prie , ne me parlez plus de ces choses , autrement ie me donnerois la mort de ma propre main. Ce disant, elle se leue, & faict semblant de vouloir sortir hors de la garderobbe , mais la Laquiere la retient , & puis avec les plus belles paroles qu'il peut proferer , il la supplie d'appaiser sa colere: il l'embrasse, & la baise, & s'eschauffe

s'échauffe si bien encores en son harnois, qu'il continuë pour la seconde fois de prendre ses plaisirs avec elle. Ayant acheué cette belle œuvre, ils sont collez bouche à bouche l'un avec l'autre, & la Iaquierie qui veut que ses compagnons ayent part au gasteau, la coniure vne autre fois de ce dont il l'auoit auparavant requise, & la flatter si bien avec tant de douces promesses qu'enfin apres beaucoup de refus & de plaintes qu'elle faict, il la fléchit à ce qu'il desire, encores qu'elle fasse semblant d'en estre dolente. La Iaquierie ayant obtenu à grande peine ce qu'il souhaitoit, sort de la garderobbe, & s'approchant de ses compagnons qui l'attendoient avec impatience & avec vn desir violent d'esteindre leur sale ardeur, il guigne de l'œil à l'un d'eux, afin qu'il entre au lieu où il l'auoit laissée. Cét homme ne se fait gueres prier. Il y treuve la Damoiselle sur le liët, & sans autre ceremonie il en faict à son plaisir. Apres il sort & l'autre qui restoit y va pareillement, & reçoit d'elle le don de l'amoureuse mercy. Les voilà donc tous trois si aises de cette bonne fortune, qu'ils ne la changeroient pas pour vn Empire. Chacun d'eux prend vne chaire où ils s'assient, & la Damoiselle s'assied en vne autre auprès d'eux. Ils ne cessent de la contempler, & de l'admirer. L'un loüe son front, & dit que c'est vne table d'yuoire bien polie. L'autre s'arreste sur ses yeux, & assure que ce sont les deux flambeaux dont l'Amour allume toutes les ames genereuses. L'autre se met sur la louange de ses blonds cheveux qu'elle delioit, parce qu'il étoit temps de s'aller coucher & ne cesse de proferer tout haut, que ce sont les filets où le fils de Cypris arreste la liberté des hommes & des Dieux. Enfin il n'y a partie en son corps qu'ils ne
présent,

prisent. Ses mains ne vont jamais en vain à la conquête. Sa gorge surpasse la blancheur de la neige, & les petits amours voletent à l'entour de ses joües, pour y succer les roses, les lys, & les œilllets que la Nature y a semez. Apres qu'ils ont bien chanté ses perfections, elle se leue de sa chaire, s'approche du feu, & puis se retournant vers eux leur tint ce discours : *Vous croyez, dit-elle, auoir fait vn grand gain d'auoir obtenu de moy l'accomplissement de vos desirs. Il n'est pas si grand que vous penseriez bien. Avec qui penseriez-vous auoir eu affaire* : Ces hommes estoient d'entendre ce langage, ne sçauoient que respondre, lors que la Iaquierie proféra ces paroles. Je croy Mademoiselle, que nous auons eu affaire avec la plus belle, & la plus galante Dame qui viue. Quiconque diroit le contraire, manqueroit d'yeux, ou bien de iugement. *Vous estes trompez* (repart-elle) *Si vous sçauiez qui ie suis vous ne parleriez point de la sorte*, Ils furent encore plus esbahys de ces paroles, & comme ils auoient tous trois les yeux fichez sur elle, & qu'ils se doutoient quasi de ce qui en estoit, elle continua de parler à eux en ces termes : *Je veux me descourir à vous, & vous faire paroïstee qui ie suis*. Ce disant, elle retroussa sa robbe & sa cotte, & leur faict voir la plus horrible, la plus vilaine, la plus puante, & la plus infectée charongne du monde. Et au mesme instant il se fait comme vn coup de tonnerre. Nos hommes tombent à terre comme morts : La maison disparoît & il n'en reste que les masures d'un vieil logis descouvert, plein de f mier, & d'ordure. Ils demeurèrent plus de deux heures estendus comme des pourceaux, dans le borbier, sans reprendre leurs esprits. Enfin l'un d'eux commença à respirer

& à ouvrir les yeux & veid la Lune qui acheuoit dans le Ciel sa course. Il fit le signe de la Croix, & se recommanda à nôtre Seigneur. Il s'efforça de crier, mais la grande frayeur qu'il auoit eüe, luy auoit osté la parole. Comme petit à petit il commençoit à se plaindre, Dieu permit qu'un homme portant vne lanterne s'arresta en ce lieu pour y descharger son ventre. Quand il entendit ces gemissements, il s'enfuit, & courut pour l'annoncer aux maisons prochaines. Le iour commençoit desia à pointer, lors que les voisins vindrent à grande haste pour voir que c'estoit, & trouuerent la laquiere qui commençoit de respirer & d'implorer le secours d'en haut. Le premier qui auoit commencé à se reconnoistre se plaignoit pareillement : tandis que l'autre dormoit d'un sommeil eternel. Il mourut de peur sur le champ. Ceux qui estoient accoureux ayant recogneu le Lieutenant du Cheualier du Guet avec ses compagnons, les emporterent chacun en son logis, tous souillez d'ordure comme ils estoient. On enterra vn des trois, & les autres deux demanderent vn Confesseur. La laquiere mourut le lendemain, & l'autre ne vesquit que trois ou quatre iours apres. Ce fut celuy qui raconta le succez de cette auanture. Le bruit ayant bien-tost esté semé par toute la ville, il se répandit en peu de temps par toutes les Prouinces de France. Ceux qui nient l'apparition des Esprits, ne scauroient que dire, se voyans confondus par vn tel exemple. Mais les Chrestiens & Catholiques y remarquerent les iustes iugemens de Dieu. Ces choses n'arriuent point à ceux qui se disent de la compagnie des fideles qu'ils n'ayent commis d'autres pechez. La paillardise attire l'adultere,


l'adultere, l'inceste le peché contre nature, & après Dieu permet qu'on s'accouple avec le diable. Je ne dis pas que ces hommes fussent entachez de tous ces vices. Mon dessein est de ne blâmer personne. Je ne deteste que le vice ; & soustiens qu'on est bien delaisné de l'assistance du saint Esprit, quand on tombe en de tels inconueniens. Il reste maintenant à dire, si c'estoit vn vray corps celuy avec qui ils s'accoupleroient, ou bien vn corps fantastique. Pour moy ie croy fermement, que c'estoit le corps mort de quelque belle femme, que Satan auoit pris en quelque sepulture, & qu'il faisoit mouuoir. Et si l'on me dict qu'il n'y a pas d'apparence que le diable vueille emprunter vne charongne, parce qu'on le découueroit aisément par sa puanteur : ie répons, que puisque le malin esprit a pouuoir de donner mouuement à ce qui n'en a point, il a bien aussi la puissance de luy donner telle odeur, & telle couleur qu'il voudra. Ioint qu'il peut tromper nos sens, & s'insinuer dans eux, pour nous faire prendre vne chose pour vne autre.

Nous en auons plusieurs témoignages arriuez de nostre temps. Celuy de la Demonarque de Laon entre autres en faict foy. Vn diable appelé Baltazo, prit le corps d'un pendu à la plaine d'Arlon à la sollicitation d'un forcier qui s'ingeroit de guerir la patiente. Si quelqu'un desire de sçauoir comme la fraude fut découuerte, il ne faut que lire l'Histoire de cette possédée, qui est assez commune en France. Il y a vne autre infinité de tels exemples dans les histoires anciennes & modernes. Phlegon affranchy de l'Empereur Adrian en rapporte vne estrange, d'une ieune fille, nommée Philinion de Thessalie, qui apres auoir
esté



DES AVANTURES TRAGIQUES
de Floridan, & de Lydie.

HISTOIRE IX.

Ve la race des mortels est sujette à des accidents divers. La vie de l'homme est vn branle perpetuel, vn flot inconstant, & vn nuage porté au gré des vents. Rien ne se treuve de durable, & la felicité qu'on s'y propose pour la plus assurée, est celle qui est la plus subiecte au changement. L'amour, l'honneur, les richesses, la beauté, & le contentement s'y rendent comparables à vn esclair, à qui naistre & mourir, luire & s'esteindre est vne mesme chose. L'histoire déplorable que ie veux descrire en rendra tesmoignage. Les memoires que l'vn de mes amis, curieux de recueillir les choses plus memorables qui arrivent tous les iours au monde, m'en a donnez, me l'ont apprise en cette maniere.

Cleon heritier d'une des plus illustres maisons de France, estoit vn Seigneur accompli en beaucoup de rares qualitez. Il avoit mille fois tesmoigné son courage & sa valeur aux yeux de son Prince, en tant de batailles & de rencontres, qu'à bon droit il avoit acquis le tiltre de parfait Cavalier. Lors que l'âge le dispensa de se treuver desormais aux sanglans exercices de Mars, il se retira en vne sienne maison bastie au bord du beau fleuve de Loire. Quand il quitta le trein des armes, il avoit desia perdu Cleonice sa chere espouse, à qui les vertus seruoient de lustre & d'ornement. De leur chaste couche estoit procedé vn
fils

filz nommé Floridan, doüé de beauté & de bonne grace, autant que Gentil-homme de son temps. Apres que le Pere l'eust fait instruire en tout ce qui peut rendre recommandable vne personne de pareille qualité, il delibera de le marier de bonne heure avec la fille d'un Seigneur, sien voisin, fort riche, & fille unique de mesme que Floridan estoit fort riche, & filz unique. Comme les deux Peres estoient sur le point de faire cette alliance, il arriva, que Floridan, qui estoit pour lors à la Cour en reputation de l'un des plus galans Caualliers, se rencontre vn iour en la galerie du Palais: lieu où communement la ieune Noblesse se rend pour y voir vne infinité de belles Dames, qui y abordent aussi de toutes parts. Comme il s'y entretient avec d'autres Caualliers, vne ieune Damaoiselle y passe masquée. Elle estoit de belle taille, & de fort bonne mine: *Si cette Damaoiselle, dit Floridan, est aussi belle sous son masque, comme elle le fait paroistre en apparence, elle merite d'estre seruie des plus braves.* Tenant ce discours, & ayant tousiours, ses regards arrestez sur elle, il void comme elle s'arreste à vne boutique pour y acheter vne escharpe. Floridan se seruant de cette occasion s'approche, & la salue courtoisement. La Damaoiselle voyant vn si honneste & si beau Gentil-homme, oste son masque, & luy rend son salut. Ce ieune Seigneur n'eut pas plustost apperceu son beau visage, qu'Amour qui estoit en embusche, navra son cœur de telle sorte, qu'il fut contrainct de s'aduouër pour vaincu. Il se met à entretenir cette Damaoiselle, qui n'estoit pas moins estonné de sa bonne grace, qu'il l'estoit de sa rare beauté, Floridan apprend d'elle son nom, le lieu de sa naissance, sa demeure, & les affaires qui la retiennent en ville à la

poursuite d'un procez deuolu par appel en la Cour de Parlement. Apres que cette Damoiselle, que nous nommerons Lydie, issüe d'une noble famille de Picardie, eut conté à Floridan l'estat de ses affaires, il l'accompagna en son logis, & dès l'heure il luy offrit de l'assister, & d'employer ses amis pour luy faire obtenir le gain de la cause. Et d'effect il la prit si bien en main, & la sollicita de telle sorte, qu'en peu de temps elle obtint un Arrest fauorable. Comme elle eut obtenu ce qu'elle desiroit, elle voulut s'en retourner à son pays, lors que Floridan luy representa l'amour qu'il luy portoit si violente, qu'il luy estoit impossible de viure plus longuement, si elle n'auoit soin de son allegiance. Qu'il la coniueroit par son extreme passion d'allegier son martyre, & de n'exercer point sa cruauté contre une personne, qui ne viuoit que pour l'aymer & pour la seruir. Lydie comme une fille bien apprise, luy opposoit au contraire, qu'encores qu'elle luy fust sa redeuable, elle faisoit neantmoins tant de conte de son honneur, qu'elle aymoit mieux perdre la vie, que de le noircir d'aucune tache: Qu'elle le supplioit de prendre la raison pour guide & d'oster son amour d'un subiect, qui pour la difference & inégalité du sang, luy deuoit estre interdire.

Vous estes grand Seigneur, disoit-elle, & ie ne suis qu'une simple Damoiselle. Vous deuez adresser vos vœux à une Beauté digne de vostre maison, & de vostre mérite. Il faut que i'aduoue que ie vous honore, & vous ayme plus que toute autre personne: mais la reputation que toutes les honnestes Dames doiuent auoir un estime, empeschera tousiours que ie n'accomplisse mon desir & le vostre. Contentés vous ie vous prie, de l'un, & ne m'importunez point de l'autre,

clusion de ce mariage prise, Floridan accompagne Lydie en sa maison, qui estoit, ainsi que nous auons desia dict, en Picardie. Lors qu'ils y sont arriuez, elle dispose de ses affaires, emporte ce qu'elle peut du logis paternel, & sans prendre congé d'aucun de ses parens, elle treuve le gouverneur de Floridan, qui l'attend hors la ville, & qui la monte sur vne haquenée, & la mene en Auvergne, en vn Chasteau que le pere de Floridan y auoit. Tandis Floridan qui s'estoit arresté à Paris pour leuer des estoifes, & pour acheter des bagues & des joyaux, prend la poste, & arriue aussi-tost qu'eux au lieu assigné. Cependant les parens cherchent cette Damoiselle par tout, & employent inutilement beaucoup de peine pour sçauoir de ses nouvelles, tandis que Floridan faict venir vn Prestre, & en presence de la Garde & de son valet de chambre, espouse Lydie. Les voilà doncques mariez, joiuissans à souhait de leurs desirs. Ils n'auoient qu'vn cœur. Ils sont tousiours ensemble, & ne peuuent sans souffrir vn cruel tourment, estre separez l'vn d'auec l'autre. Toutesfois Floridan est contrainct de faire quelque voyage vers son pere; mais c'est le plus rarement qu'il peut. Au bout de l'an Lydie produict de ce mariage clandestin vn fils. Ils le font nourrir & esleuer, & Floridan luy faict porter le nom de sa maison. Je l'appelleray Gentian. Mais pendant qu'ils cueillent le fruit de leurs amours sans trouble ny empeschement, la fortune qui n'a d'autre fermeré que l'inconstance, apres leur auoir monsté vn visage si riant & si favorable, & qu'elle leur eut faict goustier tant de douceurs se prepare à leur tourner le dos, & à leur faire avaler tout ce qu'elle a d'amertume. Le Ciel qui leur auoit esté si calme & si serain, ne sera desormais
pour

pour eux qu'un orage de malheur & d'infortune. La cause en fut telle.

Le Roy pour venger le tort que des Prouinces Estrangeres luy faisoient, & pour recouurer ce qui luy appartenoit iustement, auoit en ce temps leué vne grande armée, & passé les monts. Desia tout trembloit au bruit de ses conquestes, & la victoire qui l'auoit accompagné en deux sanglantes batailles, luy promettoit le triomphe entier de ses ennemis, quand Floridan considerant le rang qu'il tenoit en France, & le merite que ses Ancestres s'estoient acquis dans les Histoires fidelles, se resolut de quitter pour vn temps le myrthe, pour le laurier, & d'aller employer la force de son bras en vne occasion si celebre & si remarquable. Il communique son dessein à Lydie, qui au commencement ne pouuoit se résoudre à souffrir l'Eclipse de son beau Soleil. Ses beaux yeux ne cessoient de verser vn torrent de larmes, & sa belle bouche estoit incessamment ouuerte aux soupirs & aux sanglots. Floridan luy representoit l'honneur qui le conuioit à partir : & la bresche qu'il feroit à sa reputation, si pendant que tant de braues Caualliers auoient pour tesmoins de leur valeur, les yeux d'un si grand Monarque, il demeureroit en sa maison, avec autant d'infamie, que les autres possedoient de gloire. Que cela luy apportoit vn grand preiudice, & à luy & à sa posterité, & luy seroit desormais vn obstacle pour atteindre aux charges & aux qualitez que ses predecesseurs auoient si dignement exercées. Qu'elle ne trouuast doncques bonne sa resolution, quis qu'elle estoit fondée sur l'honneur qui doit seruir de conduite aux ames genereuses, & qu'elle se consolast de l'espoir d'un prochain retour.

Ces raisons si iustes furent enfin capables d'appaiser en quelque sorte le dueil de Lydie, que Floridan pourueut de tout ce qui estoit necessaire pendant son absence, & laissa en charge le Chasteau où ils se tenoient à son Gouverneur, le priant d'auoir soin de sa femme, comme de luy-mesme, & promettant de l'en recompenser, ensemble des autres seruices qu'il luy auoit rendus, si-tost qu'il seroit de retour. La garde luy promit toute fidelité, & toute assistance, en cette affaire, & d'y exposer mesme sa propre vie, s'il en estoit besoin; Mais le traistre garda mal sa promesse, ainsi que nous verrons par la suite de cette histoire. Apres que Floridan fut party, avec vn équipage digne de sa grandeur, la Garde alla treuuer son pere, pour voir ce que l'on disoit, & pour decouurir s'il n'auoit pas eu le vent de ce mariage.

Cleon l'ignoroit : mais neantmoins il auoit sourdement appris que son fils entretenoit vne Damoiselle en Auvergne, en ce Chasteau, dont nous auons desia patlé. Cela le faschoit fort, & il eust volontiers empêché ces amours & chassé le sujet de cette place, s'il eust peu : mais elle estoit si forte & si bien gardée, que personne n'y pouuoit entrer, sans la permission de celuy qui en auoit le gouvernement. D'autre part, il auoit peur de faire desplaisir à ce fils qui estoit vnique en sa maison, & qu'il aymoit à l'égal de luy-mesme. Si-tost qu'il vid le Gouverneur, il comença à se plaindre, & à luy tenir ce langage. *Je n'eusse iamais creu (La Garde) que vous eussiez procedé au gouvernement de mon fils comme vous avez faict. Je fis eslection de vostre personne, comme d'un sage Gentil-homme, qui ne doit auoir pour but que l'honneur & la reputation. Mais au lieu de re-*
primer



de cette clandestine alliance , l'interrompit par ces paroles. Mon fils est doncques marié sans mon consentement , & avec vne fille desbauchée , & de bas lieu ? O Ciel puis-je bien ouyr cette nouvelle sans mourir ! Est-ce cecy l'alliance que j'esperois de faire pour la grandeur de nostre maison. Ha ! la Garde vous m'en deuez aduertir plustost , & i'y eusse apporté le remede qu'il y falloit apporter. Si ie l'eusse fait , respond le Gouverneur , il y alloit de ma vie , mais si vous me voulez croire , & me recompenser de ma peine , ie sçay vn moyen pour tirer dehors cette femme , & pour l'enuoyer en vn lieu , dont vous n'ouïrez iamais parler. Si vous le faictes , dict Cleon , ie promets de vous recompenser si dignement que vous aurez suiet de viure content le reste de vos iours. Le gouverneur le prie de luy laisser manier l'affaire , & l'asseure qu'il s'y comportera si dextrement qu'il n'aura occasion de se plaindre de luy. En cette resolution , ce meschant perfide part de la maison du pere , pour s'en retourner en Auvergne , & durant le chemin il inuente la plus grand trahison dont on ayt iamais ouy parler. Auant que d'arriuer au chasteau où estoit Lydie , il s'habille de noir , & en cet accoustrement il se presente à la maistresse de Floridan tout triste , & les larmes aux yeux. Helas Madame , ce dit-il , la grande perte que nous venons de receuoir , vous & moy ! Vous avez perdu vn tel mary , qu'il est impossible que vous en recouriez iamais vn semblable , & moy le meilleur maistre du monde. Nous auons du subject de nous plaindre. Tout nostre espoir est mort avec Floridan , qui a esté tué en vne bataille. La dolente Lydie tombe à ces tristes mots par terre pâmée. Sa Damoiselle de chambre avec la Garde ,
raschent

taschent à luy faire reprendre ses esprits, & à la consoler. Lors qu'elle se reconnoist, elle profere de si pitoyables plaintes qu'elles seroient capables d'esmuouoir les pierres, & les marbres. Ha! fausse fortune (disoit cette miserable) m'auois tu colloquée en vn si haut throsne de gloire, pour m'en faire cheoir si promptement. A qui auray-ie désormais recours, puis que j'ay perdu le soustien de mon heur, & de ma vie. J'ay abandonné mes parens, qui se moqueront maintenant de moy, si ie me retire vers eux. Pour suiure Floridan ie me suis renduë odieuse à tous mes amis. Iray-ie vers son pere? Il me tiendra pour vne impudique, & au lieu de me traiter comme sa belle fille, il voudra me faire punir comme coupable. Acheuant ce discours elle s'esuanouyt derechef: cependant la Garde la faict emporter en sa chambre, & coucher sur vn liët, où elle pleure, crie, & se tourmente: mais c'est la maniere des femmes, qui pleurent & rient à mesme temps, & de qui l'amour, comme l'on dit, & la douleur ne durent que l'aage des animaux qu'on nomme Ephemerés, qui ne vivent qu'un iour. L'exemple de Lydie me seruira de caution Quand elle a bien crié & appelé à son secours la mort, triste recours des miserables, la Garde la vient voir, & apres quelques discours & quelques plaintes sur le suiet de leur commun desastre, ce traistre tient ce langage: Vous sçauéz, Madame, que les choses que la mort tait, ne retournent plus au monde. Il n'est plus temps de nous consumer aux soupirs & au regrets, mais de donner ordre à nos affaires. Floridan n'est plus en vie, pour nous assister à nostre besoin. Vous estes denuée de tout support, comme moy de maistre. On ne vous aduoüera iamais pour

sa femme , de sorte que ny vos parens ny les siens ne vous traicteront iamais suiuant vostre merite. Si vous voulez tendre l'oreille à vn aduis salutaire que ie vous donneray , vous pourrez viure desormais , sinon avec tant de fortune que vous auiez pour le moins en vne paisible condition. Je fay tant de conte de vos perfections , que si vous voulez me receuoir pour vostre espoux, ie m'efforceray desormais de vous rendre, non seulement tout deuoir de mary : mais encore de seruiteur , quand ie n'aurois autre consideration que vous auez esté la femme de mon maistre. Si vous considererez l'estat où vous estes reduicte, & ma condition, la chose ne vous semblera pas si desauantageuse que vous pourriez estimer de premier abord. Je suis Gentil-homme d'assez bon lieu , qui ay encores en Poitou deux mille liures de rente. Si nous sommes contraincts à desloger de ce lieu , nous y passerons le reste de nos iours avec tant de contentement , que nous auons maintenant de desplaisir.

Lydie oyant ce discours, ne sçauoit que luy respondre, tant elle se trouuoit confuse. D'un costé elle se representoit l'honneur qu'elle auoit eu d'espouser vn si grand Seigneur, dont elle auoit vn fils , qui selon le droict diuin & humain , deuoit vn iour posseder soixante ou quatre vingts mille liures de rente. La mort si fraische & si recente de Floridan , & les reproches qu'on luy pourroit faire de l'auoir peu aymé, si elle consentoit si-tost à cette amour , se representoit deuant elle. D'autre part sa misere presente offroit deuant ses yeux le peu de support qu'elle pouuoit receuoir de ceux qui luy appartenoient , & le peu de moyen qu'elle auoit pour faire autoriser son mariage. Ces dernieres considerations meslées avec l'ap-
prehen

prehension de deuenir plus miserable qu'elle n'estoit, eurent tant de force, qu'elle fut induite à consentir à la recherche de la Garde. Par cét exemple nous pouuons remarquer l'inconstance de ce sexe, plus variable que la giroüette d'une tour, & plus mouuant que le sable. C'est vn rare oyseau qu'une femme constante. Nos siecles n'en produisent plus, & s'ils en ont produit quelqu'une la semence en est perduë. Voilà doncques comme ce traistre ayant la volonté de cette legere, paruiet au but qu'il auoit tant desiré. Sans doute il y auoit long-temps qu'il en estoit amoureux, mais iamais il n'auoit osé declarer son amour, pour le respect de son maistre, & pour la peur qu'il auoit d'estre chastié de sa temerité. Ils accomplissent doncques leur mariage en cette sorte : C'est que la Garde faiet venir le Curé du prochain village, & en presence d'un des domestiques qui luy estoit affidé, il espouse Lydie, & souille perfidement la couche de celuy à qui il auoit autresfois donné contraires instructions. Apres auoir assouuy ses desirs durant l'espace de quelques iours, il dit à Lydie, qu'il auoit appris de bonne part, comme le Pere de Floridan le menaçoit de leur enuoyer vn Preuost pour se saisir de sa personne, disant qu'elle auoit retenu plusieurs bagues & joyaux appartenans à feu son fils : que pour éuiter cét inconuenient, il estoit d'aduis que tous deux se deuoient retirer en Poictou, en la maison qu'il y auoit, où ils pourroient desormais passer leurs iours sans aucun trouble. Lydie veut ce qu'il veut, & se remet à son iugement, pour disposer de sa personne, comme celuy qui a toute puissance sur elle. Ils disposent doncques de leur départ, & emportent ce que Lydie a de plus precieux, & font tant par leurs journées qu'ils

qu'ils arriuent en Poictou , en vne maison où se tenoit le frere aîné de la Garde. Apres y auoir sejourné quelques iours , le traistre dit à Lydie qu'il veut faire vn voyage vers le Pere de Floridan , pour riter de luy ce qui luy estoit deu de reste de ses gages , pour racher à recenoir quelque digne salaire des longs seruices qu'il luy a rendus au gouuernement de son fils : l'asseure de reuenir bien-tost , pour viure desormais avec elle en toute sorte de liesse, & en sa presence il la recommande à son frere, & à sa belle sœur, & le prie de luy faire le meilleur traictement qu'il luy sera possible. Cependant il aduertit secrettement son frere, que sept ou huit iours apres son départ, il la chasse, & mette hors de sa maison, & qu'on n'en entende plus parler. Indignité la plus cruelle qui se puisse iamais imaginer , ainsi que vous apprendrez tout presentement. La Garde part donques , & arriue en peu de temps en la maison de Cleon. Si tost qu'il le void, il luy apprend le beau traict dont il a vsé enuers Lydie, & les moyens qu'il auoit pratiquez pour s'en defaire. Le Pere de Floridan aise au possible, l'embrasse mille fois, & luy donne telle recompense qu'il veut. La pauvre Dame, qui ne songe point à toutes ces trahisons , n'auoit pas encore acheué de demeurer six ou sept iours au logis du frere de la Garde , que ce cruel la va treuuer sur la minuit à sa chambre , il l'écueille, & comme tout effrayé il luy apprend qu'un Preuost des Mareschaux est au village prochain pour venir se saisir de sa personne à la poincte du iour , suiuant vne permission qu'il a, à la requeste du Pere de Floridan, & luy dit que ce luy seroit vn grand creue-cœur, s'il la voyoit ainsi mener prisonniere, de sorte qu'il luy conselloit de se leuer promptement, & de gagner au

fiçà

piéd pour sauuer sa vie. La miserable bien estonnée répond qu'il n'y auoit d'apparence, qu'elle sortist à vne heure si indeuë, sans sçauoir où titer, sans secours ny sans compagnie. L'autre luy repart, que c'est vn faire le faut, & qu'il n'est pas temps de discourir, parce que peut-estre le Preuost estoit desia en campagne. Ainsi bon gré, ou malgré qu'elle en ait, elle est forcée de sortir du logis en cotte, & avec vn habillement de teste. La peur qu'on luy auoit imprimée luy fit gagner vne prochaine forest, où elle marcha tout le reste de la nuict, en pleurant, sans tenir ny chemin, ny sentier. Les ronces & les espines l'arrestoient souuent par ses blonds cheueux dont elle en laissoit des marques en plusieurs lieux. Toutesfois elle ne s'en soucioit gueres, estimant que bien-tost elle mourroit de faim, ou bien que quelque cruelle beste affamée la deuoreroit. Elle y chemina cette nuict, & presque tout le long du iour suiuant, sans treuver personne viuante, ny maison aucune, sinon sur le soir, qu'ayant ouï abayer des chiens, elle tourna ses pas de ce costé, & elle apperceust vne grange, & vne vielle femme, qui y ramenoit vn troupeau de brebis. S'estant approchée, elle la pria de luy donner à boire si elle auoit de l'eau. Cette bonne femme la regardant, & la voyant toute descheuelée, & toute sanglante, en eut compassion, & la mena dans sa cabane, où elle la fit repaistre de ce qu'elle auoit. Lydie auoit encores vne bague d'or qu'elle luy donna le lendemain au matin, en recompense de son bon traictement, & se vestit d'une meschante robe que la vielle & son mary luy baillerent en échange de sa cotte. Avec cét habit elle s'en alla de Chasteau en Chasteau, & de village en village demandant sa vie, incognuë, & habillée en pauvre gueuse,

Quel

Quel creue-cœur ressentoit-elle en son ame, de se voir si miserable, elle qui s'estoit, veüe autresfois tant honorée. Que si la crainte de perdre son ame ne l'eust retenuë, elle se fust donnée plus de cent fois la mort de sa propre main.

Quand la Garde seroit de nature sauvage, & engendré d'un Tigre, ie croy qu'il en auroit compassion s'il la voyoit reduite en cette extremité.

L'infortunée fit tant de chemin, croyant tousiours qu'on la poursuiuoit, qu'à la fin apres beaucoup de tours, & de destours, elle arriue à Laval au pays du Maine. Elle entre dans la ville, & comme les autres mandians, elle s'arreste à la porte du Chasteau, & y demande l'aumosne. La Dame de Laval, qui viuoit en ce temps, grande aumosniere s'il en fut iamais, venoit de la pourmenade lors qu'elle apperceut cette gueuse qui luy demande l'aumosne. Son langage autre que celuy du pays fit que cette vertueuse Dame s'informa d'elle de quelle contrée elle estoit. L'autre luy répond qu'elle estoit vne pauvre femme de Picardie, qui venant d'un pelerinage auoit perdu son mary par les chemins : & que pour viure, elle estoit contraincte de quaimander. La Dame l'ayant de plus près regardée, & ayant remarqué en elle, ie ne scay quoy qui ressentoit son bien, encores que Lydie eust le visage tout barbouillé, luy dit, si elle voudroit bien la seruir, pour nettoyer la vaisselle de de la maison. L'autre s'y accorde, & dès l'heure mesme elle s'employe à ce vil exercice. Apres qu'elle y eust demeuré quelque temps, elle ne peut si bien receler les traiçts de sa beauté, quoy qu'elle se défigurast, & qu'elle portast un chapperon gras, & vne robbe de mesme, qu'un vieil seruiteur du logis, qui auoit la charge de l'argenterie en

en deuint amoureux. Il estoit veuf & riche & n'auoit
iamais eu aucuns enfans de sa premiere femme. Il par-
la souuent de mariage à Lydie, qui s'excusoit sur sa
pauvreté, & le vieillard luy remonstroit qu'il auoit as-
sez de bien, & pour luy, & pour elle. Iugez encores vn
peu de l'inconstance de cette femme. Sous l'époir d'a-
uoir quelque peu de trefue de ses mal-heurs, & de pas-
ser desormais le reste de sa vie avec quelque repos, el-
le s'accorde d'espouser cet argentier, pourueu que la
Dame leur maistresse y consente. Nostre amoureux
transsy ayant tiré cette joyeuse response de Lydie, va
vers Madame de Laual, & se jettant à ses genoux la
supplie que pour tant de seruices qu'il luy a rendus,
elle luy vueille accorder vne demande, qui ne la peut
en rien incommoder. Leuez-vous, dit-elle, pourueu
qu'elle soit raisonnable ie vous l'octroye. Ma requê-
ste est, poursuit l'argentier, que vous me permettiez
d'espouser Lydie: la Dame oyant cette requisition, &
considerant l'ardeur dont il estoit porté, luy en donna
la permission. Alors les nopces se firent, & voilà Ly-
die mariée à trois diuerses personnes toutes viuantes,
encores qu'elle ignore que Floridan soit au monde.
Elle est excusable pour le second mariage qu'elle con-
tracta: mais pour cestuy-cy elle ne se scauroit deffen-
dre encores que la Garde ayt vsé en son endroit d'ex-
treme cruauté. Quelques iours se passent, durant les-
quels Lydie à qui l'apprehension de tomber entre les
mains du Pere de Floridan auoit osté presque le sens
vient à se reconnoistre, & à se représenter l'honneur
qu'elle auoit receu d'estre l'espouse d'un grand Sei-
gneur, la faute qu'elle auoit faicte d'espouser si lege-
rement la Garde, qui parauanture portoit bien l'a-
uoir trahie, sous quelque faux entendre, & encores
cette

cette dernière, de prendre en mariage vn homme si esloigné de sa condition. Elle ressent vne telle douleur du ressouvenir de sa fortune passée, & de l'estat de sa misere présente, qu'elle en perd presque le boire, & le manger. Elle diminuë peu à peu comme vne fleur exposée à l'ardeur du Soleil, sans receuoir aucune humeur. Son vieillard qui l'ayme plus que luy-mesme, s'estonne, & participe à sa douleur. Il tasche de luy donner toutes sortes de contentemens, mais en vain car enfin vne maladie la saisit de telle sorte, que les Medecins desesperent de son salut. Estant presté à rendre l'ame, & apres auoir confessé ses fautes, & receu le saint Sacrement, elle prie son mary d'impettrer cette requeste de la Dame de Lauai, qu'elle puisse luy dire vn secret qu'elle a sur le cœur, auant que rendre l'ame; le bon homme, treuve sa Maistresse, & luy rapporte ce que sa femme luy auoit chargé, la Dame s'achemine à la chambre où Lydie estoit gisante. S'estant assise aux pieds de son liët, elle luy demande si elle auoit besoin de quelque chose, & l'assure que rien de sa maison ne luy sera espargné. La malade la remercia de sa courtoisie, & fait priere au Ciel, qu'il l'en vueille remunerer. Apres elle fait retirer de sa chambre tous ceux qui y estoient, hormis la Dame, & son mary: puis elle leur expose ce qu'elle estoit, & commence par le lieu de sa naissance, & par ses parens. Elle leur conte en suite comme Floridan se rendit amoureux d'elle: la sorte qu'il l'emmena en Auvergne, comme il l'espousa, & comme il partit pour aller à la guerre, la nouvelle de sa mort à elle apportée par la Garde. Ses secondes nopces, la cruauté de son frere, & enfin en quelle maniere, craignant la colere du Pere de Floridan, elle arriua à Lauai. Comme
bonne



Il fit faire les obseques de sa femme, fit prier Dieu pour son ame, prit vn accoustrement de ducil, & fit habiller toutes ses gens de mesme. O que s'il eust sceu ce qui en estoit, quelle cruelle vengeance eust-il exercée contre la Garde ! il n'y a supplice tant cruel soit-il qui peust égaler celuy qu'il luy eust fait souffrir. Encore n'eust-il sceu le punir suiuant qu'il l'auoit mérité. Aussi ce perfide, si tost que ce ieune Seigneur fut reuenu de la guerre, prit incontinent congé de luy, sous pretexte qu'il se vouloit retirer, & qu'il estoit las de suiure la Cour. Floridan luy fit donner vne honneste recompense, au lieu qu'il meritoit vne cruelle punition. Comme il se fut retiré en Poictou, vn seruiteur de Floridan, à qui le valet de la Garde auoit conté toute la trahison, tire vn iour son Maistre à part, & luy apprend qu'il portoit le ducil d'une personne qui estoit en vie. Il luy recite ce qu'il en auoit appris : la menée de son Pere, & de la Garde, luy assure qu'il estoit allé avec Lydie en Poictou. Floridan bien esbahy de cette nouuelle, & plus encores de la trahison de la Garde, iure qu'il s'en vengera, & de ce pas prend cinq ou six de ses seruiteurs bien armez, & s'achemina vers le poictou. Il faiët tant par ses iournees qu'il arriue à la maison du frere de la Garde. Il luy demande qu'est-ce qu'est deuenue vne ieune Dame, que son frere laissa dans la maison. L'autre luy respond, qu'à la verité il auoit logé quelques sept ou huit iour vne ieune Damoiselle chez luy : mais qu'elle estoit puis apres partie sans qu'il eût eu pouoir de la retenir. Ha ! traistre dit Floridan, vous estes cause de sa mort, si elle est morte, mais assurez-vous que i'en auray la raison en temps & lieu. Ce disant, il va & cherche les lieux d'alentour, & de fortune il arriue

riue à la grange de la pauvre femme qui l'auoit logée. Il ſçait d'elle la funeſte auanture de ſa femme, & paſſant plus outre dolent & affligé, va tant de coſté & d'autre, qu'enfin il arriue à Lual, deſeſperé de treuuer ce qu'il cherchoit. Et bien que le Seigneur du lieu fut ſon parent, il ne vouloit pas pourtant loger chez luy, car il auoit reſolu de ne ſe faire point connoiſtre qu'il n'eult nouuelles de ce qu'il cherchoit. Le Comte de Lual l'ayant rencontré comme il vouloit entrer en vne hoſtellerie, & iugeant à ſa mine qui il eſtoit, le preſſa tant, qu'il le mena à ſon Château ſans toutesſois le connoiſtre. La Comteſſe le reçut avec toute ſorte de bonne chere, ſuiuant l'honneſte Courtoisie, qui ſe pratique en France entre la Nobleſſe. Apres ſouper, la Dame de Lual luy recita l'auanture qui eſtoit arriué en leur maiſon depuis quelques iours, non ſans ietter des larmes : Floridan oyant ce qu'il ne cherchoit pas, fut à l'heure ſaiſi de tant de douleur, qu'il cheut à terre eſuanoüy. Le Comte & ſon eſpouſe croyans que ce fuſt quelque deſaillance, coururent à l'eau & au vinaigre pour luy faire reprendre ſes eſprits. Quand il reuint à ſoy, il ietta vn profond ſoupir, & puis en voix baſſe & debile, il proféra ces paroles : *Ha ! cruelle mort, qui m'as rany celle pour qui j'ay tant pris de peine en la cherchant, que tardes tu d'acheuer le reſte de ta cruauté ?* A ces mots le Comte & la Comteſſe conneurent que c'eſtoit Floridan. Ils raſchent de le conſoler, mais ſon mal eſtoit trop grand. Quand il vſnoit à ſe ramener, uoir la trahiſon de la Garde, la ſimpe credulité de Lydie, & ſa facilité à entendre ſi toſt à vn nouveau mariage, il creuoit de deſpit, de ſorte qu'abhorrant le lieu où il ſe trouuoit, il commanda à l'vn de ſes gens de

faire promptement brider son cheual pour partir sur le champ. Quelques paroles que luy sceussent faire ses parens, il ne fut iamais possible de l'arrester. Il chemina vers Paris toute la nuict sans reposer, toujours soupirant & se plaignant. Au poinct du iour il re-peut quelque peu, & reposa : mais avec mille fantaisies, & mille imaginations. Celuy estoit son ennemy, qui s'ingeroit de le consoler. Estant arriué à Paris, il alla descendre à son ancien logis, & se mit dans vn liect accablé de douleurs & d'angoisses. Là il se mit à detester la cruauté de son Pere, & la trahison de la Garde. O cruel Pere! (disoit-il) vous avez creu me procurer du bien en me priuant de ce que j'auois aussi cher que moy-mesme, & pensiez en ce faisant traiter vne autre alliance plus aduantageuse pour moy selon vostre opinion: mais vous ne consideriez pas la force de l'amour, & mon inclination qui ne pouuoit estre forcée que par la mort: & quel fruit receurez-vous de vostre cruauté, sinon que vous ne verrez iamais plus celuy, pour qui vous avez eu autresfois tant de soin? Et toy perfide & cruel, qui non content d'auoir abusé mon espouse, & souillé par la plus grande trahison du monde ma couche; as encores exposé à toutes sortes d'inhumanitez celle que tu estois obligé d'honorer, ie n'ay d'autre regret en la fin de mes iours que de ce que ie ne puis te payer comme tu merites, & laisser à la posterité vne marque memorable de iuste vengeance. Je prie à Dieu qu'il l'exerce pour moy, il est iuste Iuge, ie ne doute point que tu ne ressenties l'effect d'une Iustice diuine, quoy qu'il tarde. O miserable Lydie que vous fustes bien credule & plus encore prompte à quitter nos amours! Helas! si vous excuse. La misere où vous estiez reduite, estant abandonnée de tout le monde, estoit capable de forcer à cette extremité la plus constante du monde.

Floridan



que consolation que des bons Religieux luy donnent pour remede à son mal , il ne peut bannir le desespoir qui s'est emparé de son ame. Enfin estant prest à rendre son mal-heureux esprit , il recite publiquement sa trahison , & le succez de l'avanture que nous avons raconté , & charge vn sien fils unique qu'il auoit , d'en escrire l'Histoire tout au long , & de la porter à l'Euesque de Tarbes , & de luy demander pardon du tort qu'il luy auoit fait. Son fils apres son trespas se dispose à executer sa volonté , & se met en chemin. Mais il meurt en vne hostellerie proche de la demeure de l'Euesque. En mourant il charge son hôte d'accomplir ce qu'il n'auoit peu faire. L'hoste apres son deceds prend le memoire , & le rend à l'Euesque. Luy qui iusques à lors s'estimoit estre bastard de Floridan , met en procez ses parens qui iouÿssient du bien de son Pere , produict le contract de mariage que la Garde auoit tousiours retenu , & l'attestation du Curé. La Cour de Parlement retenant la connoissance de la cause , apres auoir meurement pesé cette affaire , reconnoit qu'à la verité l'Euesque Gentian est vray , & legitime fils de Floridan , & que par consequent l'heritage luy appartient de droict : neantmoins pour ne dissiper point vne si grande maison qui eust peu estre ruinée si elle tomboit entre les mains d'vn Prestre , elle ordonna que l'heritage ne seroit point osté à ceux qui le possedoient : mais qu'vne pension de dix mille liures de rente annuelle seroit seulement payée à l'Euesque pour en iouyr durant sa vie : declarant en outre , bon & valable contract de mariage passer entre Floridan & Lydie , & Gentian leur fils legitime , & qu'il fut permis de prendre & de porter les armes de la maison. Voila l'histoire Tragique & lamentable

mentable de ces deux infortunez amoureux. Je l'ay escrite succinctement. Si i'eusse voulu m'estendre, il eust fallu composer vn gros volume, & non vne simple narration. Passions maintenant au recit d'un autre non moins funeste & pitoyable.



DE LA CRUELLE VENGEANCE
exercée par une Damoiselle, sur la personne
du meurtrier de celuy qu'elle aymoit.

HISTOIRE X.



Ruelle vengeance que tu as bien souuent du pouuoit sur les hommes! Tu bannis la raison de l'ame, & sans te soucier de sa perte, tu reduits les personnes en de telles extremitez, qu'elles executent des entreprises si horribles, qu'à peine ceux-mesme qui les voyent en peuuent imaginer les effects. Mais particulierement le sexe qui est le plus benin, est subiect à cette passion. Mille histoires en rendent tesmoignage & particulierement celle-cy que ie donne à la posterité pour l'un des plus pitoyables & tragiques qu'on puisse lire.

Du temps que le zele inconsideré de Religion armoit nos Prouinces les vnes contre les autres: qui les sacrileges, les meurtres les vols les raiuissemens, & les autres maux infinis estoient en regne, & le plus fleurissant Royaume de la Chrestienté deschiré de toutes parts, il y auoit vn Gentil-homme François, qui apres auoir rendu vne infinité de marques de sa valeur & de son courage en Hongrie contre les infi-

delles, retourna au pays de sa naissance. Je le nomme-
 rois de son propre nom, & dirois le lieu de son origi-
 ne: mais pour le mal-heur arriué à sa maison, ie m'en
 tairay pour le present, & l'appelleray Adraсте. Le long-
 temps qu'il auoit demeuré sans voir ses parens & ses
 amys, fit qu'à son arriué tous accouroient à sa mai-
 son pour le voir & pour le saluer. Ce n'estoient que
 resioiuyssances & compliments reciproques. Apres
 qu'il y eut seiourné quelques mois, fasché de suiure
 deormais le train des armes, & importuné de ses
 plus proches, il se resolut de s'arrester aupres de ses
 amys, & de prendre femme. Il auoit honnestement
 des moyens, & auoit acquis assez de reputation par-
 my les hommes, de sorte qu'il estoit recherché de
 l'alliâce de plusieurs nobles familles. Il espousa donc-
 ques vne Damoiselle fort sage, fort vertueuse, & pour-
 ueüe de beauté & de noblesse auant qu'autre du
 pays. Ils passerent quelques années ensemble sans
 auoir lignée, heureux s'ils n'en eussent iamais eu.
 Tant de subiects de mal-heurs n'employeroient pas
 maintenant ma plume à descrire vne histoire si san-
 glante. Enfin ils eurent vne fille, que le Ciel & la Na-
 ture doiierent à sa naissance d'vne bauté si rare qu'à
 peine en eust-on trouué vne pareille en toute la Pro-
 uince: Nous l'appellerons Fleurie. Le Pere & la Mere
 la firent instruire en sa plus tendre ieunesse en toutes
 sortes d'honestes gentilleses: comme à iouer de l'es-
 pinette & autres instrumens, à chanter en musique, à
 lire, à escrire, & peindre, où elle profitoit si bien
 qu'elle surmontoit le desir des personnes qui en
 auoient la charge. A mesure que ses ans croissoient, ses
 perfections croissoient pareillement: de sorte qu'à l'â-
 ge de 13. à 14. ans, le bruiet de sa beauté & de sa bon-
 ne

ne



noient souvent visiter , estoit aux bords de ce coulant ruisseau , sous des saules verts , & qu'elle y passoit la chaleur du iour à deuiser, & à se gausser entre elles des hommes , & qu'elles asseuroient que la plus grande partie d'eux n'est que dissimulation , & qu'inconstance ; & qu'il faut bien que les filles au siecle où nous sommes , prennent bien garde à elles , afin de n'estre point abusées , la belle Fleurie prit vn luth , & puis mariant sa diuine voix au son de cét instrument , elle se mit à chanter ces vers contre l'amour.

*Auant que m'engage à ce Dieu des Amours,
De qui la tyrannie est par tout si connue :
Je prie aux Immortels, qu'ils retranchent mes iours,
Et qu'ils courent mes yeux d'une eternelle nue :
Je despire ses traicts , mon cœur est vn rocher¹,
Aussi dur pour ses coups , comme il est insensible :
Il a beau contre moy ses flesches décocher ,
Il trouuera tousiours que ie suis inuincible.*

Toute la compagnie prenoit vn singulier plaisir à ouyr la douceur incomparable de sa voix meslée aux accords du luth, lors qu'un ieune Gentil-homme passant le long de ce riuage , planté , comme nous auons dit, de saules verts , s'arresta oyant cette voix Angelique. Et pour mieux l'entendre , il s'approcha tout doucement , le plus à couuert qu'il peut de cette belle troupe.

A l'heure le Soleil commençoit à plonger ses rayons dans l'Occident & les ombres se preparoient de couvrir la face de la terre , tandis que ce beau Soleil, qui jouoit de l'instrument , & qui chantoit si melodieusement , allumoit les lieux d'alentour de si clairs rayons, qu'il sembloit que l'autre qui luit dans le Ciel, courust plus viste que de coustume , pour se cacher de honte.



de larmes, qu'ayant repris ses sentimens, il ouvrit les yeux, qu'aussi-tost il referma, voyant deuant luy celle d'où son mal procedoit, & en éuanoüissant derechef, profera ces paroles: *O Dieux, dit-il, faut-il que ie meure pour auoir trop veu?* Fleurie estonnée de ce nouuel accident, ne peut estre si bien se contenir, qu'apres auoir consideré la beauté de ce Gentil-homme, de qui les cheueux estoient plus blons que l'or, & le teinct plus blanc que les lys que l'on vient tout fraichement de cueillir, elle ne se retira à part pour pleurer, tandis que les autres apportans de l'eau du prochain ruisseau, luy en arrouserent le visage, & tournerent tant, qu'elles luy firent reprendre ses esprits. *Helas Amour*, cria-il alors, *combien tes effets sont contraires à ton nom! ô dommageable regard!* Acheuant cette plainte, il ietta ses yeux d'un costé & d'autre, & voyant tant de belles Damoiselles empeschées pour le secourir, il se leua tout honteux, & apres leur auoir fait la reuerence, dissimulant son mal, il les pria de l'excuser, s'il ne les auoit pas plustost salüées, reiettant la coulpe sur vne foiblesse qui l'auoit prins, lors qu'il s'apprestoit de s'acquitter de son deuoir. Comme il acheuoit ce discours, trois ou quatre Gentil-hommes qui le cherchoient, arriuerent à son grand regret: parce que de peur qu'ils ne s'apperçeussent de sa nouvelle amour, il fut contrainct de prendre congé de cette belle compagnie: mais auparauant il tira à part sa Cousine Cloris de laquelle il aprit le nom de la Damoiselle qui ioüoit du luth, & qui elle estoit. Estant de retour chez luy, au lieu de se resiouyr comme il auoit de coustume, il se retira dans la chambre à part, & puis se jettant sur son lict, il commença de tenir ce langage. *O Ciel, pourquoy m'anez-*

vous esté iusques icy tant fauorable, puis que vous me deniez faire mourir d'une si cruelle mort. Que me seruent tant de dons de Nature, il faut desormais que ie passe les iours & les nuits, à plaindre & à soupirer ? Helas ! Amour, que tu te venges bien maintenant de moy. I'auois iusques icy mesprisé ton pouuoir : mais maintenant ie voy bien qu'il n'est puissance mortelle qui puisse résister à ta force : au moins si i'esperois que celle pour qui ie meurs si cruellement eust pitié de moy, i'aurois quelque consolation en ma douleur : mais las ! quel espoir puis-je auoir d'enrecevoir allegement, puis que les Dieux mesmes ne sont pas dignes de la servir.

Plusieurs autres plaintes & regrets faisoit nostre amoureux quand la belle Fleurie, qui commençoit déjà d'ouurir son cœur aux traits de l'Amour par le souuenir de l'incomparable beauté de Lucidamor, que ce petit Dieu luy representoit à toute heure, soupiroit tout basement lors qu'elle estoit couchée dans son lit. D'où me vient, disoit-elle, cette nouvelle blesseure ? Faut-il que ie quitte le rempart de ma franchise gardée si longuement, contre cette Deité, qui ne peut sur nous que ce que nous luy donnons. Je veux arracher de bonne heure cette mauuaise semence, & passer desormais mes iours, comme i'ay fait cy deuant sans passion, & sans inquietude. Vne fois elle faisoit resolution d'oster Lucidamor de sa fantasie : mais venant auis après à s'imaginer ses graces, & ses perfections elle estoit forcée de dire ; Helas ! ie voy bien, Amour, que ton pouuoir est infiny. C'est en vain que ie tasche de repousser celuy qui donne des loix au Ciel & à la Terre.

Fleurie balançoit de la sorte, comme vn cheueu agité de deux vents contraires. Tantost elle estoit resoluë de n'assubjectir iamais sa liberté sous les loix

de

de l'amour, & tantost elle protestoit de les reconnoistre.

Cependant que le fils de Cypris se jouë de ces deux Amants, & qu'il traaverse leurs cœurs d'une seule fleche, il arriue qu'une parente de Fleurie se marie : Les nopces s'en preparent en grand pompe & magnificence. On y doit courir la bague, que la nouvelle mariée doit donner avec un bracelet de perles de grande valeur à celuy qui la gaignera. Toute la Noblesse du pays s'appreste pour y faire paroistre sa disposition, chacun y veut avoir pour témoins de son adresse les yeux des parfaites Beutez qui s'y doivent treuver. Ceux qui aspiroient à l'acquisition des bonnes graces de Fleurie, ne manquoient pas de dresser des parties. Lucidamor en faict une avec trois de ses intimes amis. Desia tout le monde est assemblé pour avoir le plaisir des courses. Et Lucidamor desguisé sous le nom du Cheualier de la Renommée, apres une grande dispute l'emporte par dessus tous. Nul hormis ceux qui estoient en sa compagnie & sa cousine Cloris, à qui il auoit declaré auparavant son entreprise ne le connoissoit point. Apres avoir gaigné l'honneur, il s'approcha de l'échaffaut de la mariée, qui estoit au milieu de Fleurie & de Cloris, & ayant receu de sa main la bague, & le bracelet, il attacha le diamant avec les perles, & puis ayant mis le tout au bout de sa lance, il s'adresse à Fleurie, & luy tint ce langage : *C'est vous (ô belle Deesse) qui avez remporté le prix de ces courses. Mon bras n'a esté guidé que par vous, ie n'ay point esté esclairé que par les rayons de vos beaux yeux, plus luyfans que la clarté qui nous donne le iour. Je vous supplie doncques de recevoir ce qui vous appartient si iustement.* Fleurie
route

toute honteuse d'ouyr proferer ces loüanges, ne sçauoit au commencement que respondre, si elle deuoit prendre ou refuser le present: toutesfois ayant appris par vn signe que fit Cloïs, que c'estoit Lucidamor elle le prit, & respondit en cette sorte: *Vostre courtoisie plustost que mon merite, vous faiët tenir cel langage. Je ne refuse point neantmoins ce que vous me presentez, car ie ne doute pas que ce present ne parte d'un courage noble & genereux. Toutesfois c'est à condition que vous osterez ce masque, qui nous priue du bien de vous voir, & de vous connoistre, afin que ie sçache qui ie dois remercier, & recompenser de la bonne volonté qu'il fait paroistre enuers vne personne de si peu de merite:* Lucidamor ne pouuant refuser la premiere requeste que luy fit sa Maistresse, osta son masque, & à l'heure tout le monde le reconneut. La joye qu'il auoit d'auoir emporté le prix de voir celle sans qui il ne pouuoit viure, augmentoit de beaucoup sa beauté naturelle. Il n'y auoit Damoiselle en la troupe qui ne iettast les yeux sur luy, & qui ne portast desia de l'enuie à la beauté de Fleurie, qui auoit eu le pouuoir d'acquerir vn si braue Cavalier. Aussi s'estimoit elle heureuse de cette acquisition, plus que si elle eust acquis le plus grand Monarque du Monde. Ce fut à l'heure que les affections qui ne commençoient que de naistre s'accrourent avec telle violence, qu'ils ne pouuoient estre l'un sans l'autre. Si quelquesfois ils estoient priuez du bon-heur de se voir, ils se visitoient par lettres, & se consoloient de l'esperoir d'estre bientôt ensemble. Ils n'auoient qu'un mesme desir. Iamais amour ne lia deux ames d'une esteinte si ferme. Ils n'outrepassoient pourtant les bornes de l'honnesteté: mais attendoient que l'vniõ du saint mariage

la comme desia cette folle passion luy faisoit ourdir la trahison qu'il executa ainsi que vous verrez en la suite de ce discours. Ce fut doncques depuis que palliant son amour, il faisoit l'entremeteur des amours de son amy & de sa maistresse, & par mesme moyen il scauroit tous leurs secrets. Il sondoit plus souuent avec vne grande dexterité le cœur de Fleurie, pour prendre garde s'il y auoit moyen de gagner ses bonnes graces, & la destourner de l'amour qu'elle portoit à Lucidamor : mais voyant que c'estoit tenter l'impossible, il prit vne autre voye cruelle & detestable. Desia le bruiet de la recherche que Lucidamor faisoit de Fleurie, estoit espandu par tout le pays. Sa beauté, sa courtoisie, sa valeur, & sa noblesse auoient gagné le courage du pere & de la mere ; de sorte que voyans l'inclination de leur fille, disposée d'aimer ce Cauallier, ils auoient resolu de la luy donner en mariage. On n'attendoit plus sinon que les parens s'assemblassent d'un costé & d'autre, pour conclurre l'affaire, lors que Clorizande desesperé de iouyr de celle pour qui il mouroit iour & nuict, faict tant par promesses & par presents, qu'il induict vn sien valet, mauuais garçon, de se cacher vn soir dans cette forest dont nous auons cy-dessus parlé, & d'attendre à vn mauuais passage, avec vne harquebuse pour la descharger sur Lucidamor, à vn signe qu'il luy donnera lors qu'ils y passeront tous deux. Cét Arfacide ne manque point. Il charge vne grande harquebuse de chasse, pendant que le traistre Clorizande va à l'accoustumée voir celuy qui ne se doutoit nullement de la trahison. Il le treuve prest d'aller voir sa maistresse, mais Clorizande luy dit qu'il faut attendre que la chaleur du iour soit passée, si bien qu'ils ne partent du logis que bien tard.

O

Quand ils furent arriuez dans la forest , & qu'ils s'approcherent du passage , où le cruel assassin estoit caché , Clorizande se mit à chanter vne chanson qui estoit le signe qu'il luy auoit donné. La Lune estoit fort claire & luisante, le Ciel sans brouillars. On y voyoit presque aussi bien que de iour. Le meurtrier ayant bien remarqué celuy , sur qui il deuoit exercer sa cruauté, delascha l'harquebuse : le coup fut si funeste & si mal-heureux pour le pauvre Lucidamor, qu'une des bales luy donna au trauers du corps , & l'autre dans la teste. Malheureuse destinée , la fleur de la beauté , & de la valeur du monde fut contraire de payer le tribut que l'on doit à l'auare Nautonnier. Ce braue Cavalier n'eut point loisir de proferer vne parole , tant s'en faut qu'il eut le moyen de mettre la main à l'épée. Sa belle ame quitta soudain sa premiere demeure , toute despitée de ce qu'elle ne délogoit de son corps en quelque Theatre d'honneur, pour son Prince, & pour la patrie. Le meschant qui fit le coup, fauorisé de l'espaisseur du bois & de la nuit, gaigna soudain au pied , tandis que Clorizande mit la main à l'espée , avec les deux valets qui les accompagnoient. Il se fourra dans la forest faisant semblant de poursuivre le meurtrier , pendant que le pauvre valet de Lucidamor, ayant mis pied à terre, & couché dans son gyron son maistre, faisoit les plus pitoyables regrets qu'on scauroit imaginer. Clorizande arriua bien tost apres les bras croisez , & les yeux vers le Ciel. Helas, (disoit ce traistre) mon fidel & loyal compagnon , comment est-il possible que ie reste viuant , puis que vous estes mort ? Faut-il que la Parque des-vnisse deux mœurs qu'un amitié sainte auoit si bien assemblez. Au moins si ie scauois qui est le meurtrier de
mon

mon cher amy , i'atározerois sa tombe du sang de ce meschant, & rascherois par vne cruelle vengeance de rendre ce dernier deuoir aux Manes de Lucidamor. Acheuant ce discours, il se battoit la poitrine, & se iettoit sur le corps du deffunct, de qui les playes s'ouurirent & ensanglanterent ce maudit autheur de l'assassinat. Chose qui arriue le plus souuent, soit que ce soit vn miracle, ou vn cas naturel. Mon intention n'est pas icy de decider cette matiere que j'ay traitée au long en l'histoire d'un parricide dans cét ouurage. Quiconque sera curieux d'apprendre les raisons, que i'en donne, qu'il prenne la peine de les y lire.

Le valet remarquant ce pitoyable spectacle, se douta aussi-tost de la trahison. Il n'en fit point pourtant aucun semblant sur l'heure. Il pria seulement Clorizande & son valet de l'assister à mettre son Seigneur sur son cheval, pour conduire le corps chez luy. La renommée qui a tant de langues, & tant de bouches, annonce bien-tost par toute la contrée cette pitoyable auanture. Fleurie l'apprend comme les autres, encores qu'on tasche de la luy celer. Mais que dit cette Damoiselle explorée ? Ou que ne dit-elle pas ? Elle accuse les astres innocents, elle maudit la mort ; & par vn cruel desespoir, elle veut accompagner son amy dans le tombeau. Son Pere & sa mere taschoient de la consoler, mais elle ne veut pour toute consolation que sa douleur. On la tient de court, on la veille, de peur qu'elle n'inuite Alcione ou Porcie. Tandis qu'elle se plainct & se lamente sans cesse Clorizande pour faire du bon valet, la vient visiter, toutesfois ce n'est que rengregement de douleur.

Le voyant elle se pasme, elle se lamente, elle arrache ses blonds cheueux. Son pauvre pere recherche

tous les moyens pour donner quelque remede à son desespoir, & le meilleur & le plus expedient, & qu'un bon & saint Religieux sçait si bien vser des remonstrances puisées dans les Sainctes Escritures, & luy mettre deuant les yeux la perte qu'elle faict de son ame, qu'elle modere pour quelque temps sa passion. Sa resolution fut dès l'heure de faire eslection de quelque austere Religion pour y passer le reste de ses iours. Comme elle pense à quitter le monde, voicy vn accident qui l'en destourne, comme vous verrez presentement.

Clorizande se voyant déliuré de celuy qui luy donnoit empéchement en ses amours, & craignant d'estre découuert du meurtre, prit vn iour vn grand laquay qu'il auoit chez luy, & de qui il se fioit fort, & l'ayant tiré à part, il luy dit que Maubrun, ainsi s'appelloit l'homicide, luy auoit faict le plus grand déplaisir du monde, & que s'il le vouloit venger, en le tuant qu'il luy donneroit cent escus. L'autre ouvrant l'oreille à cette somme de deniers, promit à son maistre d'en depécher le monde, & de faict il receut de luy cinquante escus d'auance. Ce laquay alloit souuent à la chasse avec Maubrun, & il n'attendoit que de trouuer quelque lieu fauorable, & écarté pour faire son coup. Vn iour après auoir tous deux chassé dans vn bois, Maubrun s'endormit sous vn arbre. Le laquay voyant que l'occasion s'offroit d'executer ce que son maistre luy auoit commandé, tire son poignard, prest à le luy fourrer dans le sein, lors qu'un remords de conscience le saisit. Dieu le permettant ainsi, afin que la trahison de Clorizande fust découuerte, & que les méchants en fussent punis, comme ils meritoient : de sorte que se proposant la cruauté de
de

de son maistre , & se representant que peut-estre il luy en pendoit autant sur la teste , il remit son glaiue dans le fourreau, & éueillant Maubrun, apres quelques paroles il luy demanda pardon de ce qu'il auoit pensé faire. Et de faict, il luy raconta la charge qu'il auoit de le tuër , & la recompense qu'il en receuoit, dont il en auoit desia touché la moitié, Maubrun bien estonné de cette chose , remercie ce Laquay de ce qu'il luy auoit descouuert vne telle trahison , & luy conseille de retourner vers son Maistre pour luy dire qu'il auoit executé son dessein , à fin d'auoir les autres cinquante escus. Quand à luy, il auoit delibéré de s'en aller habiter en quelque autre pays, puis qu'au lieu où il demeueroit pour le present , les seruices estoient si mal reconneus. Il luy apprit en suite comme Clorizande se vouloit despescher de luy, parce qu'il l'auoit induit à tuër Lucidamor. Que luy sans autre, auoit fait le coup induict par la persuasion de son maistre , qui maintenant , de peur que la trahison ne fust conneuë vouloit l'enuoyer en l'autre monde.

Ce Laquay ayant ouy la trahison de Clorizande, commença à le detester, resolu de quitter aussi son seruice si tost qu'il auroit touché les autres cinquante escus. Il prit doncques congé de son maistre , à qui il fit entendre la mort de Maubrun , dont il fut extrêmement aise , croyant que son crime ne viendroit iamais à la notice d'aucun.

Mais Dieu qui ne laisse rien impuny , & qui apres auoir long temps attendu le pecheur à penitence paye avec vsure le fruiet du peché , ne voulut que Maubrun auant que s'esloigner de la Prouince , alla trouver le valet de chambre de Lucidamor, qui s'estoit re-

tiré en vn village prochain , auprès de son pere , resolu de passer ses iours , sans engager sa liberté à quelque autre maistre, puis qu'il auoit faict perte du meilleur qu'il eust sçeu recouurer. Ils se connoissoient familièrement , de sorte qu'il fut aisé à Maubrun de le tirer à l'escart , là où il luy raconta tout au long la trahison de Clorizande , & ce que nous vous auons recité , & puis gaigna le bois prochain. Ce valet qui n'auoit ny espée ny baston , & qui sçauoit que l'autre estoit vn dangereux garniment , n'osa crier apres luy, de peur qu'il ne retournast , & ne le mist à mort. Tout ce qu'il fit , c'est de s'en retourner chez luy , & de penser comme il pourroit venger la mort de son bon maistre. Apres auoir beaucoup ruminé en sa ceruelle , il treuve que le plus expedient estoit d'aduer-tir Fleurie , qui passoit les iours & les nuits à plaindre, & à regretter la mort de son amy. La belle ne l'eût pas plustost veu que ses cris & ses douleurs se renfor-cerent , au souuenir de la ioye passée qu'elle rece-uoit lors que ce valet fidele secretaire de leur chastes affections , leur rendoit des lettres mutuelles. Mon amy , disoit cette dolente , qu'elle perte commune auons nous faicte : toy d'auoir perdu vn si bon Mai-stre, & moy vn si digne seruiteur ? Au moins si ie pou-uois auoir connoissancce du meurtrier , la cruelle ven-geance que i'en prendrois , allegeroit parauanture le mal que ie souffre.

Mademoiselle , respond l'autre en sanglottant , ie ne suis venu icy que pour vous apprendre la plus grande trahison qui ayt iamais esté perpetrée. Clorizande en qui mon maistre se fioit autant qu'à luy même , en est l'auteur. C'est luy sans autres qui a priué de vie la personne pour qui nous soupirons. O Ciel !
(s'escrie

(s'escrie-elle) comment le sçais-tu ? Alors l'autre luy raconte tout ce qu'il en auoit appris de Maubrun, & le salaire qu'il en auoit pensé receuoir.

Qui eust veu alors Fleurie, on l'eust iugée comme vne personne qui est transportée de fureur & de rage. Ses beau yeux où la douceur de l'amour souloit faire sa residence, sont maintenant deux astres qui preparent vne mauuaise influence à Clorizande. Ses ioües auparauant teintes, de lys, & de roses vermeilles, sont rouges comme vn Montgibel. Elle est tellement transportée de colere, qu'elle iroit dès l'heure mesme toute forcenée plonger mille fois vne dague dans le sein du traistre, si puis apres reprenant vn peu ses esprits esgarez, elle ne deliberoit d'en faire vn plus rigoureux chastiment. Mon amy, dit-elle, ie te prie de tenir secret ce que tu viens de me rapporter, & sois assuré que ce maudit & execrable assassin receura le salaire digne de sa meschanceté. Cependant ne bouge point du logis de ton pere, iusques à tant que ie te mande pour venir vers moy. Le valet luy obeyt, & prend congé, & en partant elle luy donna vne chaisne d'or de la valeur de cent escus, & vne bague de pareille valeur, à fin de l'obliger à l'assister en ce que elle auoit entrepris d'executer. Tandis que les choses ses passent de la sorte. Clorizande visite souuent Fleurie, pour voir si le temps qui adoucit toutes les passions humaines, ne donnera point de remède à la sienne.

La premiere fois que cette Damoiselle le vid, depuis qu'elle eut connoissance de sa trahison, elle fut en resolution de luy sauter dessus, & le dagner : mais les considerations que nous auons dictes l'ayant retenuë, elle desstimula dès l'heure son mal-talent, & se

montra vn peu plus ioyeuse que de coustume , au grand contentement de son pere & de sa mere : mais plus encorés de Clorizande, qui se promettoit de succeder bien-tost à la place de Lucidamor. De faict elle commença à luy faire les doux yeux , & à luy donner des perites priuantez , afin de mieux paruenir à bout de son dessein.

Ces amorces rendirent plus courageux Clorizande à luy declarer sa passion, & à luy remonstrer l'iniustice qu'elle commettrait d'employer ses beaux yeux aux larmes , lors qu'elle les deuoit exercer aux conquestes de l'amour. Que si elle vouloit le receuoir au rang qu'elle tenoit son compagnon , elle ne perdrait rien au change, puis qu'il ne luy cedit ny de courage , ny de valeur , ny de noblesse , & qu'il le surpassoit en amour, qu'il auoit iusques alors recelée, pour l'amitié qui estoit entr'eux deux. Elle feignant d'estre desia esprise de semblable ardeur , escoutoit ces paroles, & luy promettoit, que pourueu qu'elles ne fussent point dissimulées , elle perdrait la memoire de sa premiere amour , pour ne penser deormais qu'à luy complaire.

Clorizande croyant d'estre desia possesseur de la place , la voyoit presque tous les iours , & le bruiet couroit que le mariage s'en accompliroit. Enfin Fleurie impatiente de se venger , tint vn iour ce discours à Clorizande. Mon cher amy, il faut que i'aduouë que vos perfections sont telles , qu'il m'est impossible de plus celer l'amour que ie vous porte. Je vis neantmoins contente , de ce que ie sçay que vous m'aymez aussi. Vous sçavez les accidents qui arriuent tous les iours aux mortels. Je vous prie que i'aye ce bien de vous voir demain au soir à ce petit pavillon , qui est au coin de nostre iardin , afin que nous puissions là
discourir



d'Appollon , & se plainct que son frere va trop lentement. Vn moment luy est vn siecle. Mal-heureux ! si tu sçauois ce qu'on te prepare , tu voudrois qu'il ne fust iamais nuict , & i'esloignerois du lieu dont tu t'approches , aussi viste que le berger qui a marché sur vn serpent qui vomit feux & flammes , & qui se iette apres sur luy , pour luy planter son venimeux aiguillon. Le Soleil s'estoit à la fin plongé dans le gyron de l'Ocean , & la troupe des estoilles brilloit sur nostre Orizon , lors que Clorizande arriue à la porte assignée. Il y treuve Fleurie , de qui la beauté luy soit parmy les tenebres , comme vn nouuel astre paré de mille rayons.

Elle n'auoit qu'un simple couure chef d'un ouurage , au trauers duquel l'on voyoit ses cheueux blonds & deliez. Elle portoit vne cotte de satin incarnat , avec des bandes des cliquant d'argent. Ses bras n'estoient couverts que d'une chemise fine & desliée. Lors que ce Gentil-homme l'appetceut , à peine que le contentement qu'il receuoit ne le fit mourir dès l'heure mesme. L'excez de la joye le rendoit insensible & muet, lors qu'elle luy prit la main, & luy tint ce langage : Mon cher amy, l'extreme amour que ie vous porte , m'a forcée de vous octroyer tant de priuautez, ie vous prie entrons dans la salle de ce pavillon , où nous aurons plus de moyen de discourir de nos amours. Clorizande sans se douter du piege , entre : mais il n'y eut pas plustost mis le pied , que le voila pris d'autres liens que de ceux de l'amour. O maistre ! (s'écria alors Fleurie) c'est à ce coup que tu recevras le chastiment de l'assassin que tu as commis en la personne da Lucidamor. Ce qui me fasche , est que ie ne te peux donner qu'une mort, car mille ne seroient pas suffisantes pour

pour expier ton crime. Ce disant, elle se ruë sur luy, & à belles ongles luy esgratigne tout le visage. Le misérable veut crier, mais Maubrun est là tout prest, qui luy met vn baillon dans la bouche. Fleurie tire vn petit cousteau dont elle luy perce les yeux, & puis les luy tire hors de la teste. Elle luy coupe le nez, les oreilles, & assistée du valet, luy arrache les dents, les ongles, & luy coupe les doigts l'un apres l'autre. Le mal-heureux se demene, & tasche de se dessempestrer, mais il s'estreint plus fort. Enfin apres qu'elle a exercé mille sortes de cruautez sur ce miserable corps, qu'elle luy a ietté des charbons ardents dans le sein, & proferé toutes les paroles iniurieuses que la rage apprend à ceux qui ont perdu l'humanité: elle prend vn grand cousteau, luy ouure l'estomach, & luy arrache le cœur, qu'elle iette dans le feu qu'elle auoit auparauant fait allumer dans cette salle. Quand cette execution fust acheuée, & qu'elle void que l'aube du jour commence d'ouurer les portes de l'Orient, elle donne deux cens escus d'or qu'elle auoit sur elle au valet de Lucidamor, & le fait sortir par cette petite porte du jardin. Tandis elle ferme l'huys du pauillon, r'emporte la clef, & se retire tout bellement à sa chambre. Lors qu'elle y est, elle prend de l'ancre & du papier, & escrit sommairement la trahison commise par Clorizande, & la iuste vengeance qu'elle en auoit prise. Ce fait elle ouure vn petit cabinet, & prend du poison qu'elle destrempe dans vn verre avec de l'eau. Auant que l'aualer, elle tient ce discours: *Reçois, mon cher Lucidamor à gré la vengeance que j'ay prise du traistre, qui t'a priué de vie, en la fleur de tes ans. Mon ame qui est liée avec la tienne d'une estrainte si ferme que la Parque ne sçauroit la desunir, te seroit desia*

desia allé treuver, soit que tu fasses ta demeure dans le Ciel Empirée ou dans les campagnes plantées de mirthes amoureux: mais ie voulois que ton cruel meurtrier reçeust auparavant le salaire digne de sa cruauté: Proferant ce discours, elle aualle courageusement le poison, & puis se couche dans son liât. La violence & la quantité du breuvage, s'estant bien-tost emparé de son cœur, elle commence à fermer ses beaux yeux, où l'amour cachoit ses traicts & les flammes, & avec vn grand soupir qu'elle tire, son ame quitte ce beau corps, miracle de la Nature. Ce soupir fut tel, qu'il fut ouy d'une Damoiselle de chambre, qui couchoit en vne garderobbe prochain. Elle se leue, & court vers le liât de sa Maistresse, où elle void le triste spectacle de ses yeux mourans, & de sa bouche qui tiroit les derniers traicts. Cette fille crie aussi-tost, & tout le monde accourt au secours: Le pere & la mere y arriuent, & font les plus pitoyables plaintes qu'on puisse descrire. Quelqu'un void vn papier sur la table, il le lit, & apprend vn autre estrange accident. On va vers le paillon, qu'on ouvre, & l'on y reue vne cruelle & sanglante execution. La clameur se redouble. Le pere & la mere sont au desespoir, & on y fait venir la Iustice. Le corps de Clorizande ainsi mutilé est remporté chez luy, au grand regret de ses parens, qui intentent procez contre le Pere. Pendant que les affaires s'alterent, vn Preuost prend par cas fortuit Maubrun, qui confesse tout le faict, sans attendre la question. Il est mis sur vne roüe, & le pere de Fleurie hors de Cour & de procez. Tout le monde accuse la trahison de Clorizande & regrette Lucidamor & Fleurie. Il y en a neantmoins qui blasment quelquesfois la grande cruauté qu'elle exerça sur Clorizande: mais
quand

quand ils viennent à considerer puis apres sa iuste douleur & sa perte , l'on la met au rang de ces genereuses Dames tant celebrées dans les Histoires des anciens. Elle fut mise dans vn mesme sepulchre avec Lucidamor. L'on fit leur Epitaphe en cette sorte.

*Cy gisent deux Amans, dont le cruel destin.
Trancha les plus beaux iours au poinct de leur matin :
L'un mourut par la ialouse enuie ,
L'amant desolée ayant vengé sa mort ,
Se priua puis apres elle mesme de vie ,
Pour monstrier qu'ils n'auoient tous deux qu'un mesme
sort.*



*DV PARRICIDE D'VN GENTIL-
homme , commis en la personne de son
Pere, & de sa mal-heureuse fin.*

HISTOIRE XI.

Est-il possible que ce siecle soit si maudit , & si execrable, qu'il produise des monstres que l'Afrique auroit honte d'aduouër : Je croy que c'est l'esgout des autres siecles , & l'infame Theatre où tous les vices ioüent leur personnage , & où les fureurs exercent leur plus grande forcenerie. O France autre fois mere de pieté , & de religion , & maintenant de tant d'horreurs & de prodiges que ton infamie a bien obscurcy l'ésclat de ton ancien renom ! A la mienne volonté qu'une autre plume que la mienne s'occu-
past

pas à descrire cette Histoire , que ie ne puis donner à la posterité , sans la vergogne qui te demeure empraincte sur le front , pour auoir mis au monde vne personne , qui donna la mort à celuy qui luy auoit donné la vie. Cét accident Tragique & execrable arriua en cette sorte.

Il n'y a pas long-temps qu'au pays de Brie estoit vn Gentil-homme que i'appelleray Alderan , yssu de fort bonne maison. Il possedoit plusieurs belles terres que son pere luy auoit laissées. Il se maria avec vne Damoiselle belle & sage , s'il y en auoit en toute la contrée. Tant que sa femme vescu , sa maison se maintint en sa premiere splendeur : mais apres son trespas elle commença bien tost à decliner. Ils passerent neuf ou dix ans sans auoir aucuns enfans , & au bout de ce terme ils eurent vn fils Heureux s'ils n'en eussent poin eu du tout , ou s'il fust mort au point qu'il receut la vie. Sa naissance donna le trespas à sa mere , & sa meschanceté perpetra depuis vn double parricide. Il est vray que l'innocence de l'aage excuse l'vn de la peine : au lieu que l'autre merite le sac de cuir. Ce fils nommé Syluestre , fut nourry en la maison de son pere avec beaucoup de soin. Il donnoit en ses premiers ans esperance d'estre vn iour ce qu'il ne fut pas , tant les iugements des hommes sont incertains & abusez. Tandis qu'il est instruiet aux vertueux exercices , par des personages capables , son pere qui depuis la mort de sa femme n'auoit point eu enuie de se marier , se donnoit du bon temps , & se laissoit emporter à ses plaisirs desordonnez , sans auoir gueres soucy de son mesnage. Il fit si mal ses affaires qu'apres auoir emprunté de notables sommes d'argent , il fut contraint de vendre aujourd'huy vne ter-

re

re , & demain vne autre. Quoy que ses proches parrens luy remonstraissent d'auoir plus de soin de la conseruation de sa maison , il ne quitta pas pourtant ce train de vie : si bien que de iour en iour tout alloit de mal en pis. Cependant Syluestre deuint grand, Lors qu'il se vit en liberté , le mauuais exemple de son pere , & son inclination , que la crainte de ceux qui auoient eu la charge de sa personne , auoient iusques alors retenuë , le porterent bien-tost à vne grande licence ; il ne s'amusoit qu'à hanter d'hommes vains , & dépenfiers qui ioüioient incessamment , ou qui voyoient les Dames. En tels exercices il faut auoir des moyens , & encores on est assuré de les espuiser bien tost. Déjà la maison de son pere estoit incommodée , à cause de son mauuais ménages , & luy la vouloit rendre du tout vuide. Il empruntoit des vns & des autres qui luy prestoient pour vn temps , mais qui enfin voulurent estre payez , de sorte que se trouuant redevable enuers beaucoup de personnes il fut contraint de se retirer en vn Chasteau qu'il auoit en Brie , quatre ou cinq lieuës près de Paris. Ce fut là qu'il comença d'apprehender la necessité , & qu'il tâcha à releuer sa maison par l'espargne qu'il se mit à faire. Et parauanture fust-il venu à bout de son dessein si son pere se fust voulu reduire comme luy , sans vendre & engager tous les iours , & continuer vn mesme train. Syluestre luy representoit bien souuent lent incommodité , & le coniueroit de considerer , que s'il venoit à rechercher quelque honneste party on feroit difficulté d'y entendre , pour le desordre qui estoit en leur maison : qu'il estoit desia temps qu'il se mariait , afin de sortir d'affaires , dont il estoit impossible qu'ils se débrouillassent que par la voye du mariage. Le Pere
apres

apres plusieurs prieres & remontrances , permit à son fils de faire tout ce qu'il voudroit pour son aduancement , & de ne se mesler plus des affaires de la maison. Et d'effect dès l'heure mesme il luy fit donation de tous & chacuns ses biens , excepté d'une terre qu'il se reserua pour en faire à sa volonté, à la charge que son fils luy donneroit son entretient tant qu'il viuroit. Ce contract passé, Sylvestre prend le maniement de tout , & commence dès lors à mettre quelque ordre en sa maison. Toutesfois il y auoit tant de debtes qu'il vid bien qu'il ne les acquiteroit iamais , si ce n'estoit en se mariant richement. Il y auoit vn Gentil-homme voisin , qui n'estoit pas de si illustre extraction qu'Alderant : mais neantmoins fort riche , & principalement en argent. Entre autres enfans , il auoit vne fille nommée Amaranthe , belle & gentille au possible. Sylvestre se mit à la courtir , & tascher par vn continuel seruice d'acquérir ses bonnes graces. Il estoit assez agreable, & bien accort. Les bonnes lettres qu'il auoit apprises luy seruoient de beaucoup en compagnie , de sorte qu'il sceut tant faire par ses belles paroles , & par sa perseuerance qu'il fleschit aucunement le cœur de cette Damoiselle à luy vouloir du bien. S'il n'eust tenu qu'à elle leurs nopces eussent esté bien tost accomplies. Mais le pere qui ne regardoit pas tant à la Noblesse qu'aux moyens , n'estoit gueres porté à prêter l'oreille à cette recherche. Sylvestre luy estoit bien assez agreable , & il n'ignoroit pas que ce luy estoit assez d'honneur qu'il fust son gendre : toutesfois il se representoit la charge qu'il auoit prise sur son dos, d'entretenir son pere dans sa maison tant qu'il viuroit , que c'estoit vn homme insupportable , & grand des-

pensier



Tant s'en faut , i'en ay fait plus d'estime que de toute autre. S'il estoit si bien en mon pouuoir de vous allegger de vostre mal , comme i'en ay la volonté, asseurez-vous, que vostre desir seroit bien-tost satisfait. Mais vous sçavez que ie suis retenuë par deux chaînes que ie ne puis rompre. Avant endure-rois-je mille morts par celle de l'honneur , qui m'est plus chere que la vie , & la volonté de mon pere, à qui ie me dois conformer. Ie vous ayme bien, ie l'ad-uouë , & parauanture plus que toute autre personne ; neantmoins cét amour n'est pas si desordonné , que ie n'aye tousiours deuant les yeux ces deux respects , dont ie ne passay iamais les bornes. Si vous auez desir de posseder ce que vous desirez , demandez-moy à mon pere en mariage. Ie croy qu'il ne vous refusera pas pour gendre. Pour moy ie vous en donne ma foy, de n'espouser iamais autre que vous, pourueu que mon pere y preste son consentement. Sylvestre louant l'honneste resolution de sa maistresse, protesta que iamais il n'auoit eu autre dessein que de paruenir par cette voye, à ce qu'il pretendoit : que plustost voudroit-il mourir d'une cruelle mort , que d'attenter à chose , qui pût apporter du preiudice à son honneur , & que puis qu'elle luy auoit déclaré son intention, il mettroit peine à faire l'ouuerture de leur mariage le plustost qu'il luy seroit possible. Apres auoir pris congé de sa maistresse , & l'auoir coniuurée de sa promesse , il s'achemine à Paris pour y communiquer cette affaire à quelques siens proches parens personnes notables , & qui exerçoient des charges des plus honorables de la Iustice. Ils trouuerent bonne cette alliance , & à la priere de Sylvestre , ils allerent à la maison du pere d'Amaranthe, pour tascher à terminer
cette

qu'ils font cause du mal que i'y souffre, plus cruel que la mort mesme. Ainsi parloit ce desesperé, despitant tantost son pere, & proferant maintenant de propos contre son Createur, indignes d'un Chrestien. Cependant qu'il se tourmente, & qu'il se desesperé, Sathan qui est tousiours en sentinelle pour attrapper quelqu'un se fourre parmy les execrables pensées qui naissent dans le cœur de ce miserable. Apres s'estre saisi de son ame, il luy met en teste de perpetrer vn crime horrible & detestable. C'est de se depescher de son pere, estimant par ce moyen paruenir puis apres à son attente, puis que le refus qu'on luy faisoit de luy donner en mariage Amaranthe, n'estoit fondé que sur ce qu'il estoit obligé d'entretenir son pere durant sa vie. O cruel & abominable Parricide! serois-tu bien si dénaturé, que de lauer ton execrable main dans le sang d'une personne que tu deurois rachepier au prix du tien propre? Où est ta pieté? Où est la religion? Où est la crainte de Dieu? Mais à qui adresse-ie mon discours? A vn Tigre, & à quelque chose encores de plus barbare. Durant qu'il se resout à cette execrable execution, & qu'il en recherche vn moyen plus aisé, il s'aduiſe de la communiquer à vn sien valet, homme d'aussi bonne farine que luy, & qui auoit merité cent fois le gibet pour plusieurs crimes, dont il estoit atteint. Il luy promet vne bonne somme d'argent, en cas qu'il l'assiste à executer son maudit dessein. Ce valet prompt à obeyr aux commandemens de son Maistre & attiré de l'espoir d'une telle recompense, se prepare à luy seruir de bourreau. La voye la plus courte est, que tandis que tous les domestiques du Chasteau seront aux champs, à la cueillette des bleds, (car c'estoit la saison des moissons) & qu'il n'y aura que son



Quand l'execrable veid qu'il estoit expiré, luy & son homme sortent du Chasteau, & se vont recacher au lieu d'où ils estoient venus. Ils reuiennent puis apres le soir au logis, & y treuvent les domestiques bien dolents, & bien effrayez de cette mort. Qui eust veu alors Sylvestre lamenter la mort de son pere, il ne l'eut iamais soupçonné d'en estre la cause. O mon pauvre pere, disoit-il qui est le mal-heureux qui a osé en mon absence vous oster la vie. L'ay esté bien mal-heureux de m'en aller aujourd'huy hors du logis. Si i'y eusse esté, cet assassin n'eust eu garde d'executer sa cruelle entreprise. Je ne cesseray iusques à tant que j'aye descouvert ce meurtrier, afin de le faire punir comme il a merité. Tenant ce discours, il s'attachoit les cheveux, & alloit baiser mort celuy qu'il auoit eu en telle horreur durant sa vie. Mais ô merueille ! comme il s'approche du corps ses narines & ses playes s'ouurent, & iettent contre luy vn ruisseau de sang, dont il est tout souillé au grand estonnement des assistans. Ce n'est pas la premiere fois que ces miracles ont paru. Plusieurs en ont recherché la cause. Les vns s'appuyans sur l'autorité de Moyse, qui escrit que Dieu inspira aux narines de l'homme vne ame viuiante, estimant que les meurtriers ayant priué le corps de vie, & forcé l'ame raisonnable & viuiante, à quitter son domicile, ils offensent en ce faisant les deux vies de l'homme, l'ame immortelle, & la sensitive. Le corps de ceux qui ont esté tuez en rendent tesmoignage, lors que de leurs narines, où Dieu auoit infusé les deux vies humaines, du sang vient à ruisselet. Platon qui n'ignoroit pas les escrits de Moyse, dit que la personne de libre condition forcée à mourir de mort violente, se courrouçoit contre son meurtrier



Comme cét homme n'en peut retirer payement, il le fit actionner au Chastelet, où il dénia la dette, & à faute que l'Armurier n'auoit point de promesse, ny de témoins pour verifiet ce qui luy estoit deu, l'autre fut relaxé de la demande : L'Artisan bien fâché de perdre ainsi son bien, dit tout haut en presence de plusieurs personnes, que puis qu'il n'auoit peu se payer en argent, il se payeroit en chair. Syluestre prenant cette occasion en main, court dès l'heure mesme vers Paris, aduertir ses parens du desastre arriué en sa maison, & assure que c'est l'Armurier qui a tué son pere. Il presente requeste, & a commission de faire informer. Decret de prise de corps est dècerné contre cét homme. Il est interrogé s'il ne s'estoit point vanté de ce dont on l'accusoit. Il répond qu'emporté par la iuste douleur de perdre son bien il auoit tenu vn discours : mais que pourtant il n'auoit iamais eu dessein d'executer cét homicide : tant s'en faut qu'il l'eust commis, que dire & faire sont deux choses differentes, & que l'un n'obligeoit pas necessairement l'autre : Au reste, il s'offre à prouuer comme le iour qu'Alderan fut tué, il assilla à la nopce d'un de ses amis, d'où il n'estoit reuenu à son logis qu'à la minuit avec sa femme. La Iustice luy permet de prouuer sa deffense. Ce qu'il fait par le témoignage de cent personnes. On le met hors de Cour, & de procez. Les parens aduertissent Syluestre de rechercher vn autre & que l'Armurier n'estoit nullement celuy qui auoit osté la vie à son pere. Quelques-uns de ses plus proches se transportent à son Chasteau, pour assister à la sepulture du deffunct ; mais ils ne veulent point qu'on l'enterre, que premierement

mierement Sylvestre n'aye faict mettre la main sur son valet. Ils disent qu'autre que luy ne peut auoir fait le coup, & le fondent sur deux raisons apparentes. La premiere est, qu'ils ont fait recherche de tous les costez du Chasteau, pour y remarquer quelques traces, & qu'ils n'en ont trouué aucunes, horsmis celles des domestiques. La seconde est fondée sur l'argent que le Pere auoit receu fraîchement d'une terre qu'il auoit vendue, & que sans doute ce valet pour l'emporter auoit esté induit à perpétrer ce meurtre. Raisons fort valables, si ce maudit & execrable fils n'eust point esté le principal coupable; Aussi ne veut il entendre à leurs raisons, & allegue que ce sont des fausses imaginations qu'ils s'impriment dans la ceruelle. Les parens courroucez de voir que cét homme supportoit vne telle méchanceté, partitent à l'instant, & retournerent à Paris. Tandis le parricide donne sepulture au corps en l'Eglise de la Parroisse du lieu : mais son pere n'est pas plustost mis dans la tombe, qu'il se sent picqué d'un remord de conscience. Les furies l'agitent, il ne peut reposer ny nuict ny iour. Son crime luy represente à tout moment l'image de son pere tout sanglant. Il tasche de se diuertir : mais il ne peut. Il y a vne Diuinité, disoit vn Payen, qui gchenne les consciences des méchans d'une torture insupportable, & qui les agite incessamment. Ce poignant aiguillon les presse iusques au dernier soupir de leur vie. Sylvestre reconnoissant son crime, & desesperant de la misericorde de Dieu, prie son valet de charger son pistolet, & de luy en donner dans la teste, & puis de prendre cinq cens escus que son Pere auoit laissez de reste de la terre vendue, & de s'enfuyr : Aussi bien, disoit-il, nous

sommes découverts. Tu seras pris & mis sur vne rouë, & pour moy ie seray condamné à vne plus grieve peine. Mais quelque supplication qu'il sceust faire à son valet, il ne peust iamaïs l'induite à le mettre à mort. Tout ce qu'il fit, c'est de prendre deux cens escus, & vn bon courtaud, & de gagner au pied. Sylvestre s'enferme cependant dans vne chambre & se iettant par terre, commence à proferer contre luy-mesme ce discours: *Ha ! maudit execrable parricide, est-il bien possible que la Iustice du Ciel puisse supporter ton iniquité ? O terre ! ouvre ton sein, & engloutis celuy qui ne merite point de voir la lumiere du Soleil, puis qu'il en a priné celuy qui luy en auoit donné l'usage ; ou trouueray-je maintenant de la compassion ? Sera-ce entre les hommes, moy qui n'ay rien d'humanité que l'apparence ? Et ce grand Dieu iuste punisseur des execrables, aura-il bien de la misericorde pour celuy qui l'a déniée à son propre pere. Je ne voy point que ie puisse éuiter la peine temporelle ny le iugement eternal ! Meurs miserable ; & recherche par vn violent trépas quelque repos à ta conscience.* Acheuant ce discours, il se leue tout furieux, & tout transporté de l'esprit malin, il prend vn pistolet qu'il charge d'vne balle de plomb, & apres il le porte à son front, pour s'en percer la teste. Comme il vouloit descharger, la main luy varia, la peur de la mort s'offrant deuant luy, de sorte que le coup donna seulement à costé, & luy emporta vn loppin de chait. Voyant qu'il auoit failly son coup, il se mit à crier. *Ha ! cruel Bourreau, tu as bien eu le courage d'enfoncer ta main parricide dans le sang innocent, & tu n'as pas le cœur d'en expier le forfait sur toy-mesme ? Non, non, il faut mourir, & n'épargner non plus ton propre corps que tu n'as fait le corps de celuy qui t'auoit*

noit

voit donné naissance. Ce disant , il ouure la fenestre de la chambre où il estoit, vne des plus hautes de la maison , & se precipite la teste premiere du haut en bas. Mais Dieu, qui ne vouloit pas que ce parricide mourust sans auoir auparauant déclaré son forfait execrable , permit qu'il cheust dans vn fossé , remply de ronces , où il demeura tout le iour sans en pouuoir sortir. Cependant les domestiques reuenus des champs , & estonnez de ne voir ny maistre ny valet, cherchent de tous costez pour le treuuer. En fin il y eust quelqu'un qui estant monté en la chambre haute, & ayant ouuert la porte, veit sur la table vn pistolet & du sang espendu par la chambre. Il voit encores la fenestre ouuerte, & regardant en bas, il ouït vne voix qui se plaignoit. Ayant appelé ses compagnons , ils vont vers le lieu , & treuuent que c'estoit leur maistre. Ils le tirent de là , & le portent dans vn liçt. Mais il leur tient ce discours. *Pourquoy, mes amis, usez vous d'un si doux traitement enuers un homme si abominable ? C'est moy & non autre , qui ay donné la mort à celui de qui i'auois receu la vie. De grace quelqu'un de vous venge sur moy la mort de son maistre. Aussi bien ne puis-je eschapper de mourir, puis que i'ay violé les loix Diuines & humaines.*

Les seruiteurs estonnez d'un tel langage firent soudain aduertir ses plus proches patens qui se trouuerent le lendemain à son Chasteau. Quand il les vid il renforça ses cris & ses plaintes. Il maudissoit sa vie en leur presence , & publioit son horrible forfait. Sa conscience , qui ne luy donnoit point de tréue , estoit son iuge , son tesmoin & sa partie. Dieu vouloit qu'il decelast luy mesme son crime, comme fit autresfois Bessus parricide comme Syluestre. Les patens ne sçauoient

noient que dire oyans sa propre confession. Toutes-
fois ayant consulté l'affaire, & pensé que si la iustice
en estoit informée, le bien seroit confisqué, tâsche-
rent à le remettre. Ils luy représenterent l'infinie mi-
sericorde de Dieu qui tend toujours les bras ouverts
à ceux qui recourent à elle : bien que son peché
soit grand, que la bonté de Dieu est encores plus
grande. Au reste, ils luy apprennent qu'il n'est pas
si mal qu'il en puisse mourir : qu'il peut faire telle pe-
nitence, qu'elle sera capable d'expier son peché, qu'il
change donc de langage parce que si la iustice en a
le vent, on luy fera souffrir la plus cruelle mort qui
se puisse imaginer : que le moindre supplice sera
d'estre tenaillé tout vif. Toutes ces raisons eurent
bien quelque pouuoir de luy refrener vn peu la lan-
gue : mais non pas de luy oster l'enuie de mourir.
Par intervalles les furies se faisoient, de sorte que si
l'on n'eust pris garde à luy, il eût couru les champs, &
publié son crime. Le Poëte Euripide introduit Mene-
laus dans l'vne de ses Tragedies, qui demande à son
Neveu Oreste, d'où luy procedoit la maladie qui le
tourmentoit incessamment l'ame & le corps. C'est la
conscience, respond Oreste, d'auoir perpetré vn mé-
chant acte. Les Payens croyoient que ceux qui auoient
commis quelque meurtre secret, ou quelque autre
detestable peché, estoient accompagnez de furies, &
qu'ils erroient vagabonds par le monde afin que pour
le moins s'ils éuitoient la vengeance des hommes, ils
ne peussent éuiter celle de Dieu. On a souuent veu
des scelerats, qui à l'heure de leur mort pressez de la
fureur de leur mal estoient contraincts de confesser ce
qu'ils auoient celé toute leur vie. Ils pensoient voir
tousiours le Bourreau qui les traistroit au supplice :
tant





DE L'ABOMINABLE PECHÉ

*que commit vn Cheualier de Malte , assisté
d'un Moine, & de la punition qui
s'en ensuiuit.*

HISTOIRE XII.



'Ay hôte de publier les horribles & detestables pechés qui se commettēt tous les iours au siecle où nous sōmes. La posterité ne les croira qu'à peine. Je n'ay entrepris d'escrire en ce volume que des choses qui sont arriuées depuis peu de temps , & dont i'ay veu vne grande partie. Je m'estonne que la Iustice de Dieu n'extermine le monde comme il fit du temps du Deluge vniuersel , puis que le vice y est monté en vn si haut degré , qu'il est impossible que la patience du Ciel le puisse plus longuement supporter. Voicy vn Histoire non moins veritable qu'horrible & exectable. Elle se represente sur le Theatre, au grand des-honneur des Chrestiens , parmi lesquels on treuve des monstres qui donnent sujet à ma plume de le descrire en çette sorte.

Vn ieune Gentil-homme de Pologne , de qui ie rais le propre nom , pour les considerations que j'ay cy deuant dites en autre part , & que ie nommeray Eranthe, de fort bonne maison, & d'illustre famille, allumé du desir d'aller en Italie , Prouince tant renommée par toute la terre , & particulièrement à Rome, tant pour y voir ces vieux monuments , & ces antiquitez , qui font paroistre encore en leurs ruines la gloire & la pompe de ce peuple , qui fit de l'Vniuers
vne



de n'acheuer pas l'entreprise qu'il auoit resoluë , lors qu'il partit de son pays , qu'à la verité l'amour n'estoit pas deffenduë en l'aage où il estoit ; mais qu'aussi il ne faut point s'empêtrer si fort dans ce Dedale, qu'on ne reserve tousiours quelque fil pour s'en retirer , qu'il luy conseilloit doncques de quitter pour vn temps ces passions de ieunesse , pour suiure la raison , & pour cet effect qu'il se disposast de partir bien-tost pour aller à Rome , autrement qu'il s'en plaindroit à ceux qui l'auoient mis sous sa charge. Ce ieune Gentil-homme esueillé comme d'un profond sommeil , reconnut aussi-tost que son gouuerneur auoit sujet de se fascher. L'honneur se representa par mesme moyen incontinent deuant ses yeux , de sorte qu'il se resolut de prendre congé pour quelque temps de celle qui auoit rauy sa liberté , (encores que ce luy fut vn extreme desplaisir) & d'acheuer son voyage , faisant neantmoins estat qu'à son retour il poursuiuroit le seruice qu'il auoit voüé à cette beauté , qu'il ne pouuoit oster de sa memoire. Cette resolution fut presque aussi-tost mise en execution que prise. Virginie ayant sçeu son départ par vne lettre qu'il luy escriuit, pensa mourir de regret. Elle maudit mille fois le iour qu'il se separoit d'elle. Ses yeux se changerent en deux torrens débordez , & sa bouche ouuerte à la douleur , proferoit des plaintes guidées de fureur & de rage. Sans la promesse qu'Eranthe luy faisoit de n'aymer iamais d'autre qu'elle , & sans l'espoir qu'elle auoit de son retour, elle se fust donnée mille fois d'un cousteau dans le sein. Tandis qu'elle pleure , son seruiteur n'a pas moins de passion. Le tourment qu'il ressentoit fut si grand , qu'un petit accez de fièvre le prit à vne iournée du lieu d'où il

il estoit party de sorte qu'il fut cōtraint de seiourner deux iours au village, où il alla coucher. Durant ce sejour, vn Cheualier de Malte, que nous appellerons Flaminio, & de qui nous tirons le nom, pour le respect que nous portōs à l'illustre famille d'où il est issu, arriue au logis où Eranthe logeoit. Flaminio l'auoit veu à la Cour du grand Duc, & le maudit & execrable amour l'auoit tellement rendu passionné de la beauté de ce ieune Gentil-homme, qu'il en estoit aux peines de la mort. Il ne songeoit qu'au moyen d'en auoir l'infame jouissance. Peché maudit & detestable, abhorré de Dieu & de nature. Je remercie le Ciel de ce que pour le moins la France n'est pas si encline à ce vice, que beaucoup d'autres nations. Cette abominable passion l'auoit arresté quelque temps à Florence, pour voir si l'occasion s'offriroit, à tel prix que ce fust, d'accomplir ses desirs: mais voyant qu'il tentoit vne chose impossible, il auoit resolu d'en laisser la poursuite. Lors qu'il sceut que ce ieune Gentil-homme estoit au logis où il arriua, & qu'il estoit prest de partir le lendemain pour aller à Rome, il treuua vne inuention autant subtile pour l'imagination, que maudite pour l'execution. Il fit semblant de n'auoir iamais veu Eranthe, mais ayant accosté vn de ses domestiques, il s'informa particulièrement du lieu de son origine: du nom de ses proches parens, & du rang qu'ils tiennent en Pologne. Apres en auoir appris plus qu'il ne demandoit, & qu'il l'eut mis en escript, pour mieux s'en ressouuenir, il partit le lendemain apres Eranthe, le suiuant tousiours pas à pas, pour sçauoir où il logeoit, sans iamais parler à luy, ny se donner à connoistre: Eranthe alla loger aupres de l'Ourse, & ce Cheualier tout contre.

Q

Le Gentil - homme Polonnois ne fut pas plustost arriué à Rome, qu'il commença d'y employer le temps aux Academies , où les actes vertueux se pratiquent. Sa beauté & son adresse , ioinctes à son humeur franche & courtoisie , luy acqueroient l'amitié de tout le monde. Flaminio songeoit à tous les moyens qu'il pouuoit pour en faire à sa volonté, soit de gré ou de force : mais plustost par la voye de l'un que de l'autre. car il n'ignoroit pas que iamais Eranthe n'y presteroit son consentement. Le peu d'esperoir de paruenir à son dessein , le fit enfin resoudre à partir de Rome pour aller à Naples , lieu de sa demeure , pour s'oster cette execrable fantaisie de la teste , qu'il tenoit si bien secrette : qu'autre que luy n'en auoit la connoissance. Tandis qu'il estoit à Naples en sa maison , & que le temps luy en esteignoit presque le souuenir , Eranthe est à Rome en reputation d'un des plus adroits Gentils-hommes estrangers. Durant son sejour il escrit souuent à sa maistresse , & reçoit responce de sa part. Par ses lettres il luy resmoigne comme l'absence a bien eu le pouuoir de separer loing d'elle son corps mais non pas son ame qui la luy represente tousiours. Qu'autre beauté n'aura iamais la puissance de le debaucher de son seruice , qu'elle est son Soleil , & que sans elle toute autre lumiere ne luy est qu'une obscurité : qu'il ferme sa paupiere à tous les astres qui pensent l'esclairer comme fait la fleur de soucy, lors que la belle splendeur du iour se cache dans les flots de Tethys. Virginie luy escrit d'autre costé que la douleur qu'elle ressent pour son absence , luy fait souffrir incessamment vne mort plus cruelle que la mort même. Le coniuere de luy escrire souuent, afin que ses lettres luy seruent de consolation mais bien plus enco-

res

res d'en estre luy mesme le porteur. Qu'il s'assure que plustost le Tybre retournera vers sa source, avant qu'e le oublie son amour.

Tandis que l'amour entretient leur ardeur par des lettres reciproques, il prend fantaisie à Eranthe d'aller à Naples, pour voir cette Cité que l'on surnomme la Gentille. Il fait doncques disposer ses gens à partir avec luy. O miserable & infortuné ! où vas tu ? Le plus grand affront qui puisse iamaïs arriuer à vn Gentil-homme de ta sorte, t'y attend : Pleust à Dieu que tu fusses encores en ton pays, sans dessein de passer iamaïs les Alpes.

Eranthe y arriva durant qu'on y faisoit les feux de joye, & qu'on y celebrait les nopces du Roy des Espagnes. On n'y parloit que de triumphes, de carrozels, de combats à la barriere, & de courses de bague. Les Espagnols, & les Italiens taschoient à l'enuie des vns & des autres d'y faire paroistre leur adresse. Comme ce Gentil-homme Polonnois alloit vn iour à la place, où l'on celebrait la feste ; Flaminio l'entreveit, & le reconnut incontinent. L'amour maudite & execrable, que le temps luy auoit vn peu esteincte dans le cœur, commença de s'y rallumer avec plus de violence qu'auparavant. Quand il eust sceu où il estoit logé, il l'attendit vn iour en vne rue, où Eranthe devoit passer. Si tost qu'il l'apperceut, il descendit de cheval & courut l'embrasser ; Eranthe estonné de cette nouvelle caresse, mit aussi pied à terre, s'excusant du peu de connoissance qu'il auoit de luy ; Ha ! Monsieur, (dit l'autre) si vous ne me connoissez point, ie n'ignore pas qui vous estes. Vostre Pere s'appelloit le Comte de Plest braue Cavalier, s'il en fut iamaïs au monde. Il rendit & signalée sa valeur en cette bataille

fameuse , que les Polonnois gaignerent contre ceux de Tartarie , que la memoire en demeurera eternelle. Vous avez vn oncle qu'on nomme le Baron d'Anty, j'ay receu mille courtoisies de luy , du temps que j'estois en Pologne , où j'ay demeuré près de quatre ans , pour quelques affaires concernans nostre Religion. Enfin ie suis tellement obligé à vostre sang, que ie ne possède rien au monde , qui ne soit à vostre seruice. Eranthe esbahy encores de cette connoissance, & croyant que ce que l'autre luy disoit fust veritable le remercia de sa bonne volonté, & luy offrit en échange tout ce qui dépendoit de luy. Ce n'est pas tout, dit l'autre , ie ne souffriray jamais que fassiez autre logis que le mien. Vous y serez mieux accommodé & seruy avec plus de deuotion, qu'en celuy où vous estes. J'ay bien receu d'autres plus grandes courtoisies de vos parens. Le Gentil-homme Polonnois continua de le remercier , & s'excusa sur l'offre qu'il luy faisoit d'aller loger chez luy, craignant de l'importuner. Toutes-fois l'autre le pressa si fort , qu'il fut contrainct pour ne paroistre inciuil , & mal appris , de luy accorder ce qu'il desiroit. Le voilà doncques chez luy , logé au plus beau quartier de son Hostel. Flaminio s'efforce de le traiter le plus magnifiquement qu'il luy est possible. Il tasche aussi de luy donner toutes sortes de plaisirs. Il luy faict voir les meilleures compagnies, & toutes les singularitez de cette ville. Cependant qu'il endort par ses artifices & par ses feintes caresses Eranthe , ce malheureux & detestable ne pouuant plus souffrir l'amour dénaturé qu'il luy porte, gaigne vn Moyne aussi malheureux & detestable que luy

Cet execrable & abominable Moyne se tenoit
dans

dans vn Conuent qui est situé en vn lieu assez escarté. Ils prennent ensemble resolution, qu'un iour Flaminie y menera Eranthe dans sa chambre, & que là il receura de luy tout ce qu'il desire, soit de gré, soit de force. Ha ! pestes abominables, qui faites servir à vostre horrible impudicité, vn lieu destiné pour le ieusne, pour la pudicité, & pour l'oraison, où est maintenant vostre conscience ? Ignorez-vous Dieu, & ne croyez-vous pas que son œil est tout voyant, & qu'il penetre les lieux les plus obscurs & cachez, mieux que l'œil humain ne fait vn verre clair & net. O temps ! ô siecle ! ô meurs ! que les mortels sont dépravez !

Cette resolution prise, ces mal-heureux l'exécuterent en cette sorte : Flaminio mene vn jour pour mener Eranthe dans son carrosse ; Ils sortent hors de la ville, & puis y r'entrent, & le Cheualier de Malte passe expressement aupres du Conuent que nous auons desia dict. Lors qu'il en est proche, il feint d'y auoir quelque affaire d'importance, de sorte qu'il commande à son cocher de s'arrester à la porte. Monsieur, dit-il au Polonnois, vous me permettrez, s'il vous plaist d'entrer ceans, & y dire vn mot à vn bon pere qui y faict sa demeure. Il n'est pas besoin, respond l'autre, de me demander permission d'une telle chose, ie vous y accompagneray s'il vous plaist, Flaminie faisoit semblant de ne l'en vouloir pas importuner, avec vn refus qui l'y conuioit plustost, qu'il ne l'en destournoit. Enfin il sort du carrosse, & entre dans le Conuent accompagné du Polonnois. Il le mene en vn lieu escarté, où le Moyne les attendoit. Ce Moyne possédé de Sathan, les fait entrer dans vne chambre, où la collation estoit preparée. Il leur faict poser la cappe & l'es-

pée, & puis il les fait boire d'autant. Quand ils eurent goûté, Flaminio s'approche d'Eranthe, & luy tient ce discours.

Seigneur Eranthe, il n'est pas maintenant besoin que j'use de longs discours pour vous apprendre ce qui est de mon intention. Vostre beauté, & vostre bonne grace, m'ont si bien allumé d'amour, qu'il faut que j'obtienne de vous ce que ie desire, ou bien que vous mouriez presentement. Faites election de deux choses ou de contenter mes desirs, ou de mourir. Si vous m'ôtroyez de bon gré l'un, vous estes assuré de vostre vie, & d'avoir un amy qui vous sera eternellement acquis. Disposez vous à me rendre satisfait tout maintenant, ou bien de souffrir cela.

Ce disant, il luy porte à la teste un pistolet prest à le lascher. Le Moyne de l'autre costé s'estoit saisi de son espée, qu'il tenoit toute nue à la main, le menaçant de la mort, s'il ne consentoit à leurs desirs. Ce pauvre Gentil-homme fust bien estonné, se voyant surpris de la sorte, sans espée ny sans baston. L'image de la mort se presentoit d'un costé deuant ses yeux, & de l'autre le peché detestable qu'on vouloit exercer sur luy. Une fois, il estoit resolu de souffrir le trespas, & balançoit tantost d'un costé, & tantost d'un autre. Dépêchez-vous, dit Flaminio, autrement vous estes mort. Je vous prie, répond ce Gentil-homme, ayez pitié de moy, & ne me traictez pas si indignement. C'est trop attendu, repart le Moyne, il faut qu'il meure. Ce disant, il feint de le vouloir traverfer d'un coup d'espée, & Flaminio de luy lascher le pistolet. Ha ! messieurs, (dit le Polonois, que la frayeur de la mort avoit saisi,) ie feray tout ce que vous voudrez, pourveu que vous me donniez la vie.

N'ayez

N'ayez peur de mourir, respond Flaminio, ie sacrifierois plutoſt la mienne pour vous, apres que vous m'avez accordé ce que ie ſouhaite. Voilà comme la crainte de mourir fit que le Polonnois laiffa faire au Cheualier de Malte ce qu'il voulut. Le Moyne en prit auſſi ſa part. O Ciel où eſt voſtre foudre ? Que n'eſcrazez vous ces execrables ?

Lors qu'ils eurent acheué cette belle beſongne, ils eſtoient en reſolution de le faire mourir, pour mieux celer leur meſchanceté, ſi Eranthe qui ſe doutoit toujours de leur deſſein, n'eut apres ce mal-heureux acte, ſauté au col du Cheualier, le baiſant & le careſſant le mieux qu'il luy eſtoit poſſible. J'ay treuvé, diſoit-il, Monſieur, ſi doux vos embraſſemens, que ie vous ſupplie de ne nous ſeparer point deſormais l'un d'avec l'autre. Je ſçay bien que ce que vous avez exercé ſur moy, ne procede que de la grande amour que vous me portez : mais ſi vous m'aimez croyez que ie vous ayme encores plus. Telles & ſemblables paroles douces & flatteuſes, joinctes à tant de careſſes, eurent ce pouuoir que d'empêcher la reſolution qu'ils auoient priſe de l'enuoyer en l'autre monde. Ils beurent encores enſemble, & le Gentil-homme Polonnois feignoit d'eſtre le plus content du monde, à fin qu'il peuſt par cette feintife eſchapper de leurs mains. Enfin la nuit eſtant venue, Flaminio & Eranthe prindrent congé du Moyne, ſortent du Conuent, s'entrerent dans le carroſſe, & retournerent au logis, où le Cheualier penſoit coucher avec le Polonnois. Mais luy ſortant du carroſſe, fit ſemblant d'aller au garderobbe & il ſ'achemina auſſi-toſt vers la poſte. Il demanda vn cheual, & il paya ce qu'il falloit, & ſans autre compagnie que d'un poſtillon, il

courut dès l'heure mesme vers Rome. Il fit vne telle diligence , qu'il y arriua le lendemain de fort bonne heure. Ce iour le Pape Clement V I I I. de qui la memoire est celebrée par la bouche des ennemis mêmes de l'Eglise Romaine , donnoit audience publique à tout le monde. Le Gentil-homme Polonnois s'en va au Vatican , entre dans la sale où le saint Pere estoit assis , s'approche & se jette à genoux , & luy demande iustice du plus indigne & execrable affront qu'un homme puisse recevoir. Le bon Pape , voyant un si beau Gentil-homme, si dolent, & si esploré, en eut compassion , s'informe de la cause de son dueil. Helas ! saint Pere, ce dit-il , le sujet de ma douleur est si execrable , que j'ay horreur de vous le reciter. Permettez qu'un autre que moy l'apprenne à vostre Sainteté.

Le Pape esmerueillé de cette nouveauté, commanda incontinent au Secretaire des memoriaux , qui est comme un Maistre des Requestes en France , de s'informer particulièrement de cet affaire. Il le fit & apprit de ce Gentil-homme tout le succès d'un acte indigne des Chrestiens. Il rapporta puis apres au Pape ce que l'autre luy auoit dit. Le bon Pere ayant entendu un tel forfait , en ressentit vne si griefue douleur , qu'il en pleura à chaudes larmes. Cependant il fait depescher un Preuost , avec des Archers , & de patentes , qui s'adressoient au Vice-Roy , luy commandant sur peine d'excommunication de leur prestre main forte. Le Preuost arriue en peu de temps à Naples, & la premiere chose qu'il fait , est de surprendre Flaminio , qui auoit pris resolution de desloger le iour mesme , se doutant bien de ce qui en aduiendroit. Apres il va au Couuent, & y entre, mon-

stre

Are les lettres du Pape, & constitué prisonnier le Moyne. Le Vice-Roy vouloit au commencement se formaliser pour la capture de Flaminio, parce qu'il appartenoit à de nobles familles : mais le peuple crioit qu'on ne deuoit point laisser telles meschancetez impunies. Enfin il fut arresté avec son complice entre les mains du Preuost, qui les mena à Rome. On les enferma dans la tour de Nonne, où ils ne demurerent gueres, Leur procez leur fust biē-tost fait & eux ayans confessez le crime, ils furent condamnez, le Cheualier-d'auoir la teste tranchée au pont S. Ange, & son corps d'estre bruslé & le Moyne d'y être pendu, estranglé & bruslé.

Le Vice-Roy s'employa avec plusieurs autres des plus grands d'Italie pour obtenir la grace de Flaminio, mais le Sainct Pere ne la voulut iamais accorder, quelque instance qu'on luy fist, sçachant bien que s'il le sauuoit, Dieu qui peut seul iuger de ses actions luy en feroit vn iour rendre conte.

Tandis que cette exécution se faict, le pauvre, Eranthe est si honteux de l'affront qui luy est arriué, qu'il n'ose sortir de son logis, non pas mesme de la chambre. Toute compagnie luy desplaist. Il ne fait que se tourmenter & que s'affliger, & se resolut à quitter Rome, & de s'en aller confiner en quelque pays desert pour y passer le reste de ses iours, ne voulant plus paroistre desormais par deuant les hommes; sans la peur qu'il a de perdre son ame, il se donneroit cent fois la mort de sa propre main. Helas ! (disoit-il) que ie fus bien couïard & pusillanime, quand pour crainte d'une chose qu'il faudra que i'espreue vn iour necessairement, j'ay perdu mon honneur ! Aurois-je bien le courage de me presenter desormais à mes pa-

rens, ayant fait vne bresche à mon honneur & reputation ? Non, il faut que i'expie par vne austere penitence vn si grand défaut, puis que i'ay fait perdre de la gloire qu'avec tant d'ennuys & de trauaux i'auois recherchée, & l'espoir de reuoir iamais ma Maistresse.


Acheuant ce discours, il se desrobe secrettement de ses gens, & se rend si bien inuisible, que personne depuis n'en a point ouy de nouuelles, quelque trauail qu'on ait employé à la treuuer. La nouuauté de ce fait court cependant par toute l'Italie. Virginie en apprend l'Histoire, & la perte d'Eranthe, qu'on ne treuua point.

Ce fut donc alors que la belle maudit son infortune, qu'elle accuse son destin, & qu'elle veut mourir. Sans vne de ses compagnes elle eust aduancé ses jours, ou par glaïue, ou par poison. Mais la mort de l'ameluy estant représentée deuant les yeux, & la peine des Enfers, qui est preparée au desesperez, elle arreste la violence de sa main, & se dispose dès l'heure mesme de quitter le monde, & d'entrer dans vne austere Religion. La penitence qu'elle y fit est assez renommée par toute l'Italie. Elle y passa deux ans, exerçant sur son corps toutes sortes de rigueur pour acquerir l'heritage du Ciel, où son ame s'enuola au bout de cette espace de temps. Dieu nous y vueille receuoir vn iour par sa misericorde.



*DE LA CONIVRATION DE
Bajamont Tiepoli, Gentil-homme Venitien,
contre sa patrie & de sa fin
mal-heureuse.*

HISTOIRE XII.



Exécrable faim de regner! à quoy ne nous-
ses-tu le courage des Mortels? S'il est per-
mis de violer le droict, on le peut faire, dit
vn ambitieux, pourueu que ce soit pour
auoir domination sur les autres. O parole indigne d'un
homme de bien, & qui ressent la Tyrannie, quelque es-
pece de douceur qu'on y melle parmy. Iamais ce Pa-
radoxé n'a esté receu parmy la commune société des
hommes, & ceux qui l'ont voulu mettre en effect ont
veu bien rarement leur vie paisible. Ils ont le plus sou-
uent terminé leurs iours par vne fin funeste & tragi-
que. Mille exemples de l'antiquité le témoignent, & ce
moderne confirme la verité de mon dire.

Au temps que Pierre Gradeuigo gouuernoit la
Seigneurie de Venise, comme quarante & huities-
me Duc en ordre, il y auoit vn ieune homme Veni-
tien nommé Bajamont Tiepoli accompli en rares
dons de Nature, si l'ambition ne l'eust possédé. Son
pere qui n'auoit que ce fils vnique, & qui l'auoit fait
instruire en tout ce qui peut rendre recommanda-
ble vn homme de sa sorte, le laissa riche apres son
trespas de plus de trente mille escus de reuenu. Il ne
comprends

comprends point avec cette rente les maisons & les possessions, les vaisseaux & les galeres, dont il le fit possesseur, qui luy rendoient encores par trafic, autant ou plus de commodité. Ce Gentil-homme voyant qu'il auoit tant de moyens, & que neantmoins il ne luy estoit point permis de les despenser extraordinairement, suivant les loix de sa patrie, qui pour la frugalité, a quelque Symbole avec l'ancienne Sparte, s'en alloit le plus souuent aux bonnes villes d'Italie, pour y passer le temps, & y paroistre plus qu'à Venise, où il ne pouuoit qu'employer mille escus tous les ans, soit en habits, soit en seruiteurs ou en despense ordinaire de bouche. Quand il estoit de retour en sa maison, contraint de reprendre le premier train de vie. Il blamoit en son ame le mesnage de sa cité, & mesprisoit la Lezine. Considerant neantmoins qu'il falloit y passer sa vie, il entreprit vn dessein autant execrable pour l'entreprise, que mal-aisé pour l'exécution. C'est de se rendre Seigneur souuerain de la Republique, & par mesme moyen de faire mourir le Duc, la Seigneurie, & tous ceux qui s'y voudroient opposer. Le temps luy estoit alors fort fauorable; car les rudes secousses que l'Estat auoit souffertes en deux fresches batailles que les Venitiens auoient perduës, l'vne en Dalmatie & l'autre au destroit de Gallipi, l'auoient fort esbranlé. La saison doncques, les calamitez publiques, & la foiblesse de la ville luy seruans de supports, il fit vn voyage à Rome, où il demeura cinq ou six moix. Quand il fust de retour il commença de pratiquer les artizans qu'il connoissoit hommes de faction, & dont la plus part auoient porté les armes aux guerres passées. Il achetoit de leurs marchandises encores qu'il n'en eust pas de besoin,

&

& par ce moyen faisant connoissance avec eux , il disoit à chacun qu'il auoit vne querelle contre vn Gentil-homme Romain, à qui il auoit donné vn soufflet. Que ce Gentil-homme , qui n'auoit deu se ressentir sur le champ de l'affront , estoit resolu , suiuant l'avis qu'on luy en auoit donné , de venir à Venise en habit dissimulé , & accompagné d'un nombre d'hommes armez pour l'attaquer, & pour l'assassiner. Tenant ce discours, les vns s'offroient de le secourir, les autres non. A ceux qui faisoient offre de l'assister en cette feinte querelle , il fait déliurer de l'argent pour acheter des armes, tant pour eux que pour leurs valets , & sous main leur donnoit pension. Cependant il les prioit chacun à part de tenir la chose secrète , de peur que le Duc & la Seigneurie aduertis de cecy, suiuant leurs loix rigoureuses , & leurs soupçons ordinaires , ne crussent qu'on voulust brasser quelque nouveauté contre l'Estat. Cette coniuration fut si bien faicte & si couuerte que iamais vn voisin ne reuela à son voisin l'entreprise, pensant tousiours estre tout seul , & qu'il n'y auroit que luy & les siens qui assisteroient Tiepoli, lors qu'il en seroit de besoing. Il attira en cette sorte tant d'hommes à sa cordelle, que le nombre en monta iusques à trois ou quatre mille, qu'il coniuroit tousiours par paroles gracieuses, par dons , & par pensions de se ressouvenir de leur promesse , & d'accourir armez au secours lors qu'ils ouyroient hautement proferer *Tiepoli, Tiepoli*, Tandis il viuoit retiré en sa maison en si bon mesnager, qu'on n'eust iamais creu qu'il attentast ce où il aspirait. Son dessein estoit, de tuer de premier abord le Duc & la Seigneurie , & puis sous pretexte de liberté, descharger le peuple de daces & d'impôts , & par mesme moyen

de

de se rendre Prince souverain de l'Estat.

L'on celebre tous les ans à Venise au mois de May vne feste en l'honneur de S. Vito. Ce iour là le Duc & toute la Seigneurie, accompagnez du reste & de la noblesse de la ville, & generalement du peuple, sortent de saint Marc, en grand pompe, & en grande ceremonie & cheminent en procession iusques à l'Eglise de sainte Marine pour y rendre graces à Dieu d'vne bataille memorable que les Venitiens gaignerent contre le Turcs. Comme cette feste s'approche, Tiepoli va de rue, en rue de boutique en boutique & de maison en maison. Il y sollicite tous les partisans & les somme de leur promesse, en leur racontant comme il a appris que son ennemy sera bien tost en ville, resolu de luy faire vn affront, & chacun luy promet toute assistance. Et bien que neuf ans se fussent desia escoulez depuis le commencement de la coniuration, que le long temps en eut faict mourir plusieurs de ceux qu'il auoit pratiquez, toutesfois il en auoit gaigné d'autres à leur place, de la volonté desquels il pouuoit librement disposer. Non content de ces menées, quelques iours auparauant l'execution, il inuita quinze ou vingt Gentils hommes de la ville, de ses plus intimes amis, qu'il traicta magnifiquement. Apres auoir fait bonne chere, il commença à leur ouuir vn discours de l'Estat où la Republique estoit alors. Des grandes foules & impositions que le pauvre peuple estoit contrainct de soustenir, pendant que le Duc & les Seigneurs du Senat s'engraissoient, & comme des sang-suës humoient le sang des Citoyens. Que cette calamité le faisoit souuent soupirer en luy-mesme, & desirer s'il estoit possible, quelque reformation. Quelques vns de la troupe

pe

pe que la maluoisie, & autres douces liqueurs auoient échauffez sous leur bonnet, plus que de coustume, approuuants son dire, se mirent à crier tout haut, qu'il seroit bon d'y employer le remede, & puis tous d'un commun consentement exhorterent Tiepoli d'y mettre la main. Que c'estoit luy qui comme vn Alcide estoit destiné du Ciel à repugner leur cité de Monstres, & à y introduire les bonnes mœurs. Tiepoli oyant leur langage, feignit au commencement de n'en estre pas bien aise : mais voyant puis apres comme on le pressoit de le faire, il leur dit en fin, que s'ils vouloient l'assister, le moyen estoit tout ouuert pour venir à bout de cette entreprise. Sur cela il leur apprit ses intelligences, comme il auroit quand il voudroit, quatre ou cinq mille hommes armez à sa deuotion. Les autres louants son dessein, luy iurerent tout secours, & luy promirent d'exposer leurs vies, & leurs moyens pour ce subject, & de n'auoir iamais de repos, iusques à tant qu'il fust absolu dans la ville. Tiepoli les ayant remerciez, leur fit aussi promesse de donner à l'un la maison, & les biens de Foscarini, à l'autre d'Antoli, & à l'autre de Troni, & en fin à chacun sa part des autres meilleures maisons.

Voila vne terrible entreprise, & vne temerité la plus grande qui se puisse imaginer. Iamais celle de Catiline ne luy fut égale, ny maniée avec tant de dextérité : car plusieurs Senateurs assistoient le perfide Romain, & mesme celuy qui fut plus heureux quelque temps apres, à rauer la liberté de sa patrie, & encore c'estoit en vn siecle où la licence estoit débordée à Rome, & où le peuple commandoit à baguette. Au lieu que la police si exactement bien réglée à Venise, deuoit faire perdre tout espoir à ce Coniurateur
de

de venir à bout de ce qu'il entreprenoit, par vne ruse la plus estrange dont on ayt iamais ouy parler, si long-temps couuée, sans estre descouuette. Il falloit bien qu'il fust accort, pour tromper si longuement des hommes si oculez, & si prudents entre toutes les nations du monde. Si cét homme se fust appliqué à des choses concernant le bien du public, & non sa ruyne sans doute il eût remply les Histoires du bruit de son nom. La conjuration estant ainsi resoluë, Tiepoli ne cessoit tous les iours de voir ceux qu'il auoit pratiquez, pour leur ramenteuoir leurs promesses, iusques à ce que le iour fut venu. Ceux qui n'ont iamais esté à Venise apprendront que la ville est composée de telle façon, que toutes les petites ruës, basties sur les fondemens dans la mer, respondent à certaines grandes places, de mesme que font les lignes paralleles à leur centre. Si tost que le iour de la feste de saint Vito fut arriué, Tiepoli deputa ces quinze ou vingt coniurez pour estre de bon matin, l'un à la place de Santa Fosca, l'autre à celle de Santi Ioanne, & Paulo, & consecutiuelement chacun des autres à l'une des places de la ville, où ces petites ruës aboutissent, leur commandant qu'aussi-tost qu'ils iugeroient estre temps qu'ils se missent à crier. *Tiepoli, Tiepoli.* Cependant il se deuoit rendre à vne autre place, où tous les chefs des coniurez viendroient puis apres le treuuer avec le peuple qu'ils auroient ramassé, pour executer l'entreprise. Le dessein estoit, comme nous auons desia dit, de tuer le Duc, & la Seigneurie & puis d'aller de maison en maison acheuer le reste de la Noblesse, sous couleur de liberté publique. Cette entreprise estoit grande, & releuée : mais si la plupart des choses se doiuent iuger par l'euene-
ment,

ment, elle fut aussi mal executée que resoluë. Il faut croire, qu'il y a des intelligences celestes qui consentent & maintiennent les Etats, des Anges Gardiens des Provinces, & des Genies tutelaires des Republiques. Quand le changement des dominations temporelles arrive, il faut que le Ciel y consente: autrement les hommes ont beau brasser & entreprendre, ils perdent leur temps & leur peine, le vent emporte leurs desseins, & leurs resolutions sont inutiles. Le grâd Moreur de l'Vniuers, qui a si long-temps maintenu cette Republique, qu'elle n'a jamais souffert aucune mutation depuis onze siecles, fit bien paroistre que cette coniuration luy estoit desagréable, par les signes euidens qu'il enuoya. Les iours precedens auoient esté serains, sans trouble & sans nuage: mesme la nuit qui deuança cette sanglante journée, luisante & claire par la lueur des astres, qui brilloient plus que de coustume. Mais toutesfois si-tost que le Soleil appelé par la courriere du iour, eut commencé de monstrier ses cheueux dorez, & de jaunir la cime des Apennins, & des Alpes, voila vn broüillard qui se leue si épais & si noir, qu'on n'y voyoit goutte. Il estoit entremeslé de foudres, d'orages, & d'éclairs si épouuantables, que plusieurs croyoient que la fin du monde estoit venue. Cette tempeste dura deux grosses heures. Elle fut cause que la Seigneurie n'alla pas en procession de si bonne heure, comme elle auoit accoustumé les mesmes iours. Tandis que les Coniurez n'auoient pas laissé de se rendre aux places destinées pour émouuoir la sedition, & voyant que le temps s'éclaircissoit, l'un d'eux impatient de venir aux mains, & de les tremper au sang de ses concitoyens, commença à crier *Tiepoli, Tiepoli*. Au bruit

R

de ce nom les Coniurez habitans aux ruës aboutissantes à cette place accoururent armez. Les autres oyans le grand bruit & l'emotion, crient pareillement, *Tiepoli, Tiepoli*, & se voyent à l'instant environnés d'un grand nombre de satellites. Les principaux les menent en la place, où estoit l'Antheur assemblé avec une infinité d'autres. Quand Tiepoli voit toutes les gens rassemblés, & en deuoir de bien faire, il fait crier, *Liberté, Liberté*, & puis monté sur un eschaffaut qu'il auoit fait dresser exprès, harangue en cette sorte: *Il est temps (mes amis, & mes bons Citoyens) que vous secouiez le ioug pesant qu'on vous impose. Ce n'est pas le desir de vengeance, ou d'acquiescer quelque puissance sur vous qui m'a conuie de vous faire prendre les armes. C'est plutost une enuie à vous voir affranchis de tant d'impositions, dont vous estes surchargés, & que vous recourriez vostre liberté. Souffriez-vous tousiours qu'une iniuste tyrannie, sous pretexte d'équitable Seigneurie, vous foule aux pieds, & vous rende plus esclau que les bestes brutes; ô Nation belliqueuse, digne semence de ces grands Romains, qui firent iadis de tout le monde une seule Monarchie, animez vostre iuste courroux contre ceux qui vous traittent si indignement. Tesmoignez par des effets genereux & memorables que vous estes yssus de ces grands hommes, que la rage des Gots & des Vandales ne peut iamais surmonter. Allons, mes chers freres, punir les tyrans comme ils l'ont merité. La gloire qui vous attend, ne fera iamais assez recommandée par des dignes loüanges.*

Ayant acheué ce discours, il saute de la Tribune, met la main à l'espée, & s'appreste à son execrable execution. Le Peuple affriadé de ce doux nom de *franchise*, crie avec luy, *Liberté, liberté*. Chacun le suit les
armes

armes à la main vers le Palais de saint Marc. Le Duc qui estoit sur ces entrefaictes desia accompagné de bon nombre de personnes de la Seigneurie, ayant esté aduerty de cette sedition rasche par sa prudence d'y apporter vn prompt remede. Il enuoye d'un costé des personnes honorables qui courent par la ville, & appelle au secours dans les Palais les bons Citoyens qui desirent de conseruer leur repos & de secourir leur Prince & leurs Seigneurs. De l'autre il depute Marc Michel, & Cuy Canal, personnages de qualité vers Tiepoli, pour luy remonstrer de la part des Superieurs qu'ils ne vueillent rien attenter contre la Patrie, ny contre le repos de ses Citoyens. Mais c'est en vain, ils courent fortune d'estre assommez, & sauuent leur vie à grande peine. Le tumulte croist d'un & d'autre party: car si Tiepoli attire beaucoup de personnes, plusieurs autres viennent au secours du Duc. Le Palais de S. Marc est bien assailly, mais il est encore mieux defédu. Tous ont cette croyance de combattre pour la cõune liberté. C'est ce qui les fait plus librement exposer leur vie. Sanglante & pitoyable journée, où les amis meurent de la main de leurs amis. & les proches parens de celle de leurs plus proches. Les assaillis sortent dehors, & en nombre égal attaquent ceux de Tiepoli. La place de saint Marc est toute pavée de morts. On n'entend que cris & hurlemens confus & épouuantables. La victoire balance incertaine, tantost vers vn party, tantost vers l'autre. Miserable cité, les sãglantes saignées que tu auois receuës par la perte de deux si funestes batailles, ne t'auoient-elles pas assez affoiblie, sans que toy-mesme tu t'en tirasses encor avec si peu de mesure? Iamais cette si fleurissante Republique ne

fut en si grand danger de faire naufrage : si Dieu protecteur des iustes querelles ne l'eust assistée de son secours & permis qu'en en la Seigneurie gagnast la victoire. Elle fut neantmoins Cadmeane & acheptée à grand prix de sang Tiepoli fit ces iours le deuoir d'un vaillant homme, mais sa valeur fut surmontée par le bon droict, il taschoit de rallier toujours ses gens en leur representant la liberté, & quand il vid que tout estoit perdu, il prit la fuite comme les autres par la rue Merciere, appelée vulgairement *Fresqueria*, à où il tient encore ferme avec vne troupe des siens, & arresta ses aduersaires. Au bruit qui retentissoit par cette rue vne pauvre femme ouurit vne fenestre pour voir le sujet du tumulte, & de frayeur donna un si grand coup contre un pot de terre, remply d'œillels, qu'il tomba du haut en bas, & en tombant rencontra la teste de Tiepoli, si rudement qu'il l'assomma. Ainsi mourut le cruel meurtrier de ses freres, par la main d'une foible femme, comme nous le lisons au liure des Iuges. Vne mesme aduventure termina les iours de ce grand Pyrrus, Roy des Epirotes, suivant le recit que nous en fait Plutarque. Les autres coniurez & seditieux voyans Tiepoli estendu par terre, perdent courage, & prennent la fuite. Ceux qui peuent estre attrapez sont pendus & estranglez sur le champ. Le corps pareillement de Tiepoli est pendu, & puis trainé, & ietté dans la mer come indigne de sepulture. La sedition estant appaisée & les auteurs de la coniuration punis comme ils meritoient, le Duc fait assembler le peuple seditieux, & se contente de le reprendre aigrement, commandant à chacun de se remettre en besongne, & de n'attenter iamais plus

contre

contre l'Estat. Cette douceur luy acquit la bienveillance de tous generalement, & supprimatout ce qu'il pouvoit estre resté de faction.

Tandis que les choses passent de la sorte, la femme qui auoit fair tomber le pot d'œillets, est appelée par deuant le Duc & la Seigneurie, & interrogée en quelle maniere elle auoit si bien sçeu atteindre Tiepoli que de l'assommer. Cette pauvre femme éreplie de simplicité, respondit qu'elle estoit bien marrie d'auoir tué vn homme, & d'auoir perdu son pot. Que neantmoins elle estoit excusable pour ce meurtre, puis qu'elle l'auoit commis sans y penser. La Seigneurie luy dit qu'elle n'en deuoit pas estre marrie puis que c'estoit vn perturbateur du repos public & vn ennemy de la patrie. S'il est ainsi, repart-elle, ie ne plains pas mon pot, ny mes œillets. La Seigneurie admirant sa simplicité, luy commanda de demander ce qu'elle voudroit pour la recompense qu'elle meritoit d'auoir fait mourir Tiepoli, & qu'on la luy octroyeroit. Mes Seigneurs, dit-elle, ie suis vne pauvre femme vefue, & chargée de beaucoup d'enfans. Ie ne possède rien que ce que ie gaigne en travaillant de mes mains, si bien que i'ay beaucoup de peine à les nourrir, toutesfois ie les entretiendrois honnestement suiuant leur qualité, s'il ne me falloit mettre en reserve tous les ans 20. ducats que ie paye pour loüage de la maison où ie demeure. Si vous auez desir de me faire quelque bien, ie vous supplie me donner vne rente de pareille somme, & ie seray obligée, moy & mes enfans de prier Dieu pour le soustien de la Republique, & pour vostre prosperité. Le Duc, & les Seigneurs assemblez entrans en plus grande admiration, pour la naïfue façon de parler, & de requerir,

la voulurent recompenser dignement, afin qu'elle seruiſt d'exemple à la poſterité, pour ceux qui deſi-
rent de ſervir leur patrie. On luy ordonne mille eſ-
cus de rente annuelle, payables pour elle, & pour
marque éternelle de ce qui eſtoit arrivé, elle voulut
que tous les ans au meſme iour de ſaint Vito, on
plantaſt vn eſtendart, & qu'on le mit à la fenestre.
Cet eſtendart eſt de taffetas cramoify. On y voit
peint S. Marc Patron de la Cité de Veniſe. Agenoux
eſt vne femme, & devant elle vn pot d'œilllets. Le
Duc avec la Seigneurie, & tout le reſte des Ci-
toyens, paſſent devant en proceſſion ce meſme iour,
& de là on va à l'Egliſe S. Vito. En outre il eſt or-
donné que les armoiries de Tiepoli, & de tous les
conjurez qui eſtoient avec luy, ſeront effacées,
oſtées & rompuës, la part où elles ſeront trouuées,
ſoit en plate peinture, ſoit pierre, ou en bois, &
que ceux qui les garderont, ſeront punis corporelle-
ment comme complices de ſon execrable attentat,
Que la maiſon de *Tiepoli*, aſſiſe ſur *Realto*, ſera ra-
zée, & qu'en ſa place on dreſſera vne boucherie pu-
blique, afin que cela témoigne à la poſterité, que le
lieu, où le deſſein auoit eſté pris de répandre le
ſang innocent des Citoyens, meritoit d'eſtre deſtiné
pour eſtre abreuvé du ſang des beſtes. La Seigneu-
rie veut encor que ceux qui portent le nom ſoient
deſormais tenus & declarez incapables de pouoir
monter à la dignité Ducale, comme indignes de la
qualité, qu'un de leur race auoit voulu uſurper par
la tyrannie. Elle enioint auſſi qu'ils ayent à changer
leurs armes, & qu'au lieu de celles qu'ils portoient
auparauant, ils portent vn eſcu de gueulles, broüillé
de ſang, à vne queue de ſcorpion d'argent. Armes di-
gnes

gnes de l'auteur d'une si grande & si abominable trahison. L'escu & le sang signifioient la marque perpetuelle, & le dessein desesperé, qu'il auoit pris de répandre tant de sang. Et la queue de scorpion, le venin de Tiepoli, qui auoit paru sur la fin en la queue de ses actions. Cette queue estoit d'argent, parce que par argent il auoit corrompu les volontés du Peuple, & fondé son execrable project d'usurper la Republique, au prix du sang, & de la mort du Duc, & de la Seigneurie, & de ses Citoyens. C'est la fin miserable & tragique de Tiepoli, commune presque à tous ceux qui se laissent emporter si auant à leur ambition, qu'à la mienne volonté que son exemple seruiſt d'instruction à tous les perturbateurs du repos commun. Tant de mal-heurs qui en succedent tous les iours n'ensanglanteroient pas les publics eschaffauts. De si grands Capitaines & conducteurs d'armées, qui ont tant de fois deſſié la mort au milieu des plus sanglans hazards, n'auroient point finy leur vie par la main d'un infame bourreau. Il m'estonne que ceux qui voyent ces spectacles, ou qui les entendent reciter, n'en deuiennent plus sages. Il faut bien dire que l'ambition qui est aueugle, remplit aussi d'aueuglement tous ceux qu'elle possede une fois. Ils courent aussi librement à leurs funerailles, qu'à des nopces, & il n'y a espee de méchanceté qu'ils n'attendent pourueu qu'ils esperent de dominer.


O Ange tutelaire de la France, qui auiez si longtemps conserué nostre grand Roy, & détourné de son chef les pointes homicides, & qui pour nos pechés auez souffert qu'il nous fust rany, veuillez garder la sage & genereuse Marie. Benissés toutes ses

entreprises, & permettez, ô grand Dieu, qui avez commandé à vos Messagers volants, de planter leur camp tout à l'entour de ceux qui vous craignent, que le bon Ange accompagne toujours nostre Monarque. Acheuez par sa main ce que les Oracles luy promettent, & qu'à mesure que ces ans croistront, vostre grace s'augmente avec luy de telle sorte, que les autres Roys apprennent de luy à regir leurs Empires. Que la valeur de ce digne successeur du grand Henry, arbore vn iour vostre Croix aux terres idumées, & que le bruit de sa sagesse attire les Princes les plus éloignés pour luy venir offrir leurs sceptres, & s'vnir avec luy, à estendre la domination de vostre Christ par toutes les Prouinces de la terre: afin que viuant sous vne mesme foy, & sous vn mesme Roy, nous celebrions vostre gloire, & meslions nos Cantiques de louanges, avec ceux des esprits bien-heureux.



*FLAMINIE DAME ROMAINE,
pour espouser son amoureux, fait mourir
Altomont son mary, & de ce
qui en aduint.*

HISTOIRE XII.



'Ay protesté au commencement de cet ouvrage, que ie ne voulois point nommer de propre nom ceux de qui ie publie la fin funeste & tragique.

Pour

Pour quelques particuliers, ie ne veux diffamer plusieurs honnestes familles. Je me contente de rapporter la verité de ce sujet, les lieux, ou les Prouinces où les choses sont arriuées ; ensemble le temps à peu près, encore qu'il n'en soit pas trop de besoin, puis qu'il n'y a point icy d'Histoire en ce volume, qui ne soit aduenüe depuis vingt ans. Il n'y a gueres dauantage de celle que ie vay vous reciter.

Ceux qui sçauent tant soit peu les affaires du monde, n'ignorent point que nous auons veu assis dans la Chaire de S. Pierre, vn Pape sorty de fort bas lieu. Il estoit fils d'un pauvre Conradin, ou Paysant, d'un village qui est situé près de Senogaille, en la marche d'Ancone. Deux Cordeliers l'amenerent du lieu de sa demeure à Rome, & là il profita si bien aux bonnes lettres, qu'estant paruenü en âge, son sçauoir le rendit enfin Pere Gardien de leur Conuent. Et comme quelque different touchant la religion fut surueü en Espagne, il y fut enuoyé par Pie V. en qualité d'Inquisiteur, reformateur, où il s'acquitta si dignement de sa charge, qu'estant de retour à Rome, il y receut le chapeau de Cardinal. Quand il fut paruenü à cette tres-illustre dignité, il commença à faire du bien à ses pauvres parens, & mémemment il retira chez luy vn sien frere que nous appellerons Altomôt. Cét homme, bien que nourry toute sa vie au village, se rendit neantmoins en peu de temps si bien versé aux affaires que l'on fait en Cour de Rome, qu'on eust dit qu'il n'en auoit iamais bougé. Il auoit vn bon sens qui ayant esté cultiüé, meritoit d'estre employé.

Le Cardinal son frere qui étoit vn ds grands hommes de nostre siecle, ayant aussi remarqué son iuge-

ment, luy acheta vn office honorable qu'il exerçoit sans reproche. Il passa en l'exercice de cette charge quelques années, sans qu'il luy prist enuie de se marier. Durant ce temps il y auoit en la ville vne Dame d'honneste famille, fort accorte & fort galante, nous la nommerons Flaminie. Ses parens luy auoient fait apprendre en sa plus tendre iuuesse tout plein d'exercices vertueux. Entre autres elle ioüoit si parfaitement du luth, qu'il n'y auoit Maistre en Italie qui osast s'égalér à elle. Ses traits & ses appas joints à sa beauté, bonne grace, & autres louables parties, eurent tant de puissance sur Altomont, qu'il en deuint extrêmement amoureux. Le Cardinal ayât sçeu cette nouvelle amour, par l'ouuerture que son frere luy fit du mariage qu'il pretendoit contracter avec Flaminie, ne vouloit nullement y prester son consentement, soit qu'il presageast le malheur qu'il en succederoit, soit qu'une autre occasion l'en diuertist. Neantmoins vaincu par les larmes & par les supplications d'Altomont, il s'y accorda enfin, & fit demander cette fille à ses parens. Eux voyans que cét homme auoit des moyens, & vn fiere encore colloqué en vn si haut degré d'honneur, de qui il pouuoit retirer beaucoup de commodités, la luy accorderent fort librement, sans s'informer si elle l'auoit agreable. Faute notable, où tombent le plus souvent les peres & les meres qui ne regardent qu'à ce qui leur semble bon & expedient, & ne considerent pas que tous les enfans ne sont pas de si bon naturel que de se conformer à leurs volontés. Flaminie est donc accordée outre son gré à Altomont. Elle n'ose contredire à ses parens, & toutesfois elle ne peut oublier l'amour qu'elle porte au Seigneur Saluste.

Saluste. C'estoit vn Gentil homme Romain des plus accomplis de la ville. Il auoit long temps fait l'amour à cette fille, & par sa perseuerance, & par son merite, acquis ses bonnes graces. Comme il pensoit jouyr du fruit de ses amours par l'honneste voye du mariage, voila qu'un autre que l'on croit plus riche que luy, est preferé, & luy fraudé de son attente. Quand il scût que le mariage d'Altomont & de Flaminie estoit conclud, il se mit à maudire l'Amour & son infortune. Il accusa les Astres non coupables de son mal-heur, & profera tout ce que la rage profere, lors qu'elle s'est renduë maistresse de nostre raison! Ha (disoit-il) cruel Amour faut-il qu'apres tant de peine & de traual i'aye battu les buissons, & qu'un autre prenne le oyseau? Est-ce cecy le salaire que recoiuent ceux qui passent les soirs & les nuits à seruir. O indigne recompense! ô mal-heureuse fortune! à quoy me reseruois-tu le iour que ie receus naissance? Et vous astres complices de mon cruel destin, pourquoy ne répandiez-vous toute vostre mauuaise influence à mon berceau: Si ie fusse mort au point que ie venois de naistre, ie serois bien-heureux, & ne ressentirois pas maintenant le plus cruel martyre que le desespoir fait souffrir.

Tandis que Saluste lamente la perte de ses amours, Flaminie soupire la sienne. Elle appelle cent fois la mort à son secours, & accuse d'iniustice les Parens. Quelquefois elle entre en vn si cruel desespoir, qu'elle veut ouurir son sein d'une dague, ou aualler des charbons ardens comme Porcie. Cependant Altomont la visite, & elle dissimule sa passion, & luy fait assez bon recueil en apparence pour ne donner point suiet à ses pere & mere, de se fascher contre elle, &

de

de l'accuser iustement de desobeyllance. Enfin le mariage s'accomplit, & Altomont recueille la premiere fleur de sa virginité. Toutesfois vn autre en la pensée. Elle ne peut l'arracher de s^o cœur, quelque soin qu'elle y puisse mettre, tant cette premiere amour y estoit enracinée. Saluste apres s'estre aucunement resolu à cette affection, par la visite qu'il faisoit d'autres suiets, & le temps commençoit peu à peu à rendre ce feu languissant, lors qu'il se trouua vn iour aux champs au mariage d'une siene parente, où Flaminie auoit esté invitée avec son mary. Ils n'eurent pas plustost ietté les yeux sur l'un, sur l'autre qu'amour comença de r'allumer son estincelle presque esteinte. Si Flaminie eust si bien osé s'approcher de Saluste, comme elle luy lançoit à tous momens des regards doux & pitoyables, elle luy eut bientost déclaré le mal qui la possedoit. Mais la crainte qu'on ne decouvrist sa passion, ne luy donnoit point d'autre permission, que l'usage des œillades, qui témoignent assez à Saluste ce que s^o cœur vouloit dire. Apres dîné le nouveau marié fit apporter vn luth, qu'il mit sur la table, & avec la cōpagnie pria Flaminie d'en vouloir iouïr. Son mary mesme l'en requit. Elle apres quelques excuses se voyant pressée par les prieres d'une si hōneste assemblée, prit l'instrument & l'ayāt mis d'accord se mit à le toucher si melodieusement, & à y marier si bien la douceur de sa voix qu'on eust dit que quelque esprit celeste estoit descendu en terre, pour y faire entendre la douce harmonie du Ciel. Apres plusieurs airs qu'elle accorda sur le luth, elle se mit à jeter vn regard sur Saluste, capable de faire mourir & reuiure à mesme temps, & puis chanta ces vers qu'elle mesme auoit composez en la langue Italienne. Vn
micm

mien amy me les donna à Rome. Ils commencent ainsi, *Cruel Amour*. Je les ay traduits mot à mot en cette sorte, sans y adiouster ny diminuer.

CHANSON.

*Cruel amour cesse de me poursuivre ;
Ne vois tu pas que mon cœur est à toy,
Et que plutôt ie cesseray de viure,
Que de changer, de constance & de foy ?
Je ne m'en puis, ny ne m'en veux distraire,
Amour a sçeu nos cœurs trop bien lier ,
Quoy que le Ciel me soit tousiours contraire,
Je ne sçaurois son merite oublier.*

Toute l'assemblée ne cessoit de louer les parties & louables qualitez dont cette Dame estoit accomplie, lors que Saluste touché au vif de son amour, taschoit de l'accoster, pour luy declarer l'estat, où il estoit réduit, & pour la requerrir d'auoir pitié de son mal. Elle n'estoit pas en moindre peine, & si la crainte de son mary ne l'eust retenüe , elle eust bien tost accompli le desir qu'elle auoit de parler à luy. Enfin l'heure de partir estât venue, la compagnie prit congé des nouveaux mariez. Altomont r'amena sa femme à son logis, & Saluste s'en retourna aussi accompagné de quelques siens amis, avec le regret de n'auoir pas eu la liberté d'entretenir sa Maistresse. La coustume du Pais n'est semblable à celle de France, où les femmes mariées discoutent avec les hommes.

Les Italiens sont plus jaloux & tiennent pour maxime, qu'on doit garder & enfermer les femmes aussi bien que les poules, autrement on est en danger de les perdre. Coustume que ie ne sçaurois approuuer, puis qu'il est impossible d'empescher vne femme de mal-faire, quand elle en a fait la resolution. Les murailles

raillies, ny les tours d'airain, ne sont pas capables de les retenir. Toutes les Histoires anciennes & modernes le témoignent, & cette cy encore vous l'apprendra, si vous prenez la peine d'en voir la suite.

Quand Flaminie fut arriuée au logis avec son mary, elle feignit de se trouver vn peu mal, de sorte quelle se retira dans vne chambre écartée pour s'y reposer. Ce fut à l'heure que la violence, de son amour ne pouuant plus se contenir, sa bouche proféra ces paroles. *Viuray ie doncques. disoit-elle, toujours en cette misere, sans que ie donne remede à mon mal? Seray- ie comme la biche blessée, qui porte le dard qui luy perce le corps, & qui au lieu de rechercher le dielame, pour l'en retirer, fuit par monts, par valées, & par plaines, sans considerer qu'elle ne s'esloigne point de la cause de sa blessure? Porteray ie toujours dans mon cœur la cruelle fiesche de l'Amour, en fuyant la douce Panacée qui l'en peut arracher? Non, non, il est temps que la guerison s'en ensuiue, & que ie foule aux pieds tous les vains respects de cette chimere d'honneur qui prend naissance du cerueau creux des maris ialoux. Acheuant ce discours, elle prend du papier & de l'ancre, & puis si elle écrit à son Saluste cette lettre.*

L'Amour que ie vous porte ne permet pas que ie souffre dauantage, sans vous en donner vne entiere connoissance. La fascheuse estraincte dont ie suis liée, n'est pas assez forte, pour m'empescher de vous voir, si vous auez le courage de vous trouuer demain à l'heure, & au lieu que cette fidelle messagere vous assignera. Si vous m'aymez, comme vous m'auiez autrefois protesté, vous y trouuerez celle qui meurt mille fois le iour, pour ne vous voir pas, & qui vit l'esper qu'elle a de bien tost vous voir. Adieu seul espoir de mes desirs.

Ayant

Ayant clos cette lettre , elle appelle vne sienne fille de châtre nommée Lucie en qui elle auoit vne entiere confiance, & apres l'auoir coniuurée de tenir secretes ses amours, elle la prie de porter cette lettre & de la donner habilement à Saluste. Lucie sçeut si bien faire son message, qu'ayant expié l'occasion que Saluste sortoit de chez luy, elle le tira à part, & luy ayât rendu la lettre luy exposa ce que sa Maîtresse luy auoit commandé de luy dire particulièrement, & de peur d'estre découuerte, s'en retourna aussitost vers elle. Si cette nouuelle fut agreable à nôtre amoureux, i'en laisse le iugement à ceux qui desesperez de jouyr du fruct de leurs amours voyent en vn moment la fortune leur tourner son regard amiable. Quand il eut ouuert la lettre, & leu ce qu'elle contenoit, il benit mille fois l'Amour, de la recôpense qu'il luy donnoit, & de tât de trauaux qu'il auoit endurez, & ce reste du iour avec la nuit qui suruient, luy semble vn siecle, tant ils retardent, comme il luy est aduis, leurs courses. *Que ta venue, disoit-il, est longue, ô belle Courriere du iour. Si l'amour a quelquefois possédé ton ame, prens pitié d'un pauvre amoureux, qui attend la recompense de ses trauaux par tō heureuse arriuée, Helas! ie pense que le plaisir que tu reçois à baiser ton Cofale, te retient ainsi dans le liêt paresseuse, sans te soucier de la peine des autres.* Enfin apres auoir long-temps inuocé le iour, l'Aurore vient, qui rend vermeil l'azur du Firmament, & qui chasse les tenebres de la nuit. Nôtre amoureux de qui le repos auoit esté interrompu, saute du liêt, & de peur de manquer au lieu de l'assignation, & à l'heure que Lucie luy auoit donnée, il aime mieux y aller de bonne heure, & y attendre, que d'y estre attendu. C'estoit en vne Eglise au delà du Tybre,

Tybre, où le rendez-vous s'estoit donné prophanes, qui d'un lieu d'Oraison, font vne spelonque d'adultere ! O maudits & desespererez ! n'ayez-vous point de honte de vostre vilenie, & ne craignez-vous pas que celuy qui voit tout ne vous chasse plus rudement de sa presence, qu'il ne fit ceux qui faisoient autrefois de son temple vne cauerne de larcins ? O Dieu ! où est vostre foudre, que vous n'employez la rigueur sur ceux qui commettent ces sacrileges. Il n'y en a que trop aujourd'huy : & il faut bien dire que vostre patience est infinie ; puis qu'elle voit & qu'elle souffre de telles ordures.

Saluste n'eut gueres demeuré dans ce lieu sacré, qu'il y vit entrer Flaminie, qui pour contrefaire la deuote, s'en va agenouïller deuant vn Autel & son Chappellet entre les mains, marmoter des oraisons. Luy s'approche & s'agenouïlle pareillement auprès d'elle, & fait semblant de prier Dieu, mais en effet, ils commencent à discourir de leurs sales amours, & à se plaindre de ce qu'ils viuoient ainsi separez l'un d'auec l'autre. Ce n'estoient que soupirs & que regrets. Enfin Flaminie appréd vn moyen de Saluste pour la venir voir. C'est vne petite porte qui répondoit à vn jardin par où il pouuoit entrer dans sa chambre, s'as estre apperceu de personne. Le logis où Altomont se tenoit, est vn lieu fort escarté, entre sainte Marie Major, & la Trinité du Mont. On l'appelle la vigne du Cardinal son frere. Il n'y a que bien peu de maisons à l'entour, & encore ce sont maisons de plaisance, & qui ne sont pas ordinairement si habitées que celles du cœur de la ville. Ainsi ayans disposé du moyende se voir, & de satisfaire à leurs desirs impudiques, ils se separent, de peur de ne donner point de soupçon de leurs

leurs amours à quelqu'un de leur connoissance, qui eust peu suruenir. Saluste ne manque pas le soir mesme tandis qu'Altomont est chez son frere, d'aller treuuer sa Maistresse qui le faisoit attendre par Lucie à l'huy de ce jardin, où cependant Flaminie se pourmenoit. Quand il fut entré, & qu'ils se virent, ils coururent l'un vers l'autre. Ce n'estoient que baisers, & qu'embrassements. A peu pres que leur ame à demy folle de plaisir, ne quitta la demeure de leurs corps. Enfin ayans repus leurs esprits, que le trop grand contentement leur auoit presque osté, Flaminie mena dans sa chambre son amoureux, là où commença de souiller le lit d'autrui, & de violer la couche honorable, & sans macule, dont Dieu a fait un grand Sacrement en son Eglise. Apres auoir assouuy leur volupré, ils confirmerent par vne promesse qu'ils se firent reciproque de s'aimer iusques à la mort. Ils continuèrent en leurs sales passe-temps plusieurs iours, sans que personne s'en aperceust. Mais il n'est rien de si caché, qui ne se decouure à la fin. Il n'est point de feu, qui sorte sans fumée? & principalement celuy de l'Amour, qu'on ne peut receler que fort difficilement.

Tandis qu'ils se voyent presque tous les iours, & qu'ils en ont la commodité, parce qu'Altomont est ordinairement au Vatican ou bien chez son frere de qui il gouuernoit la maison il arriue qu'une seruante du logis, natifue du village du mary, estât entrée dās ce jardin, pour y cueilir certaines herbes s'y endormit si bien qu'elle y passa tout le iour soub vn arbre sans que personne s'en aperceust. Comme la nuit fut venue, elle ouurit les yeux, bien estonnée d'auoir tant dormy & comme elle vouloit se leuer, elle entendit des personnes qui parloient ensemble. La curiosité luy

fit rendre l'oteille, de sorte qu'elle onyt quelque discours amoureux, que Saluste & Flaminie tenoient l'un à l'autre, & entreten des baisers qu'ils se donnoient, lors qu'il prenoit congé de la Dame. Cette seruant ne dit mot, mais elle se leua tout doucemēt & entra dans le logis. Apres ne pouuant supporter l'iniure qu'on faisoit à son Maistre, elle luy recite à son retour ce qui se passoit à son desauantage. Altomont fut bien esbahy de ces nouuelles. Il deuint dès l'heure mesme tout pensif, & ne pūt si bien dissimuler sa passion, que sa femme qui estoit la plus fine & la plus accorte de son temps, ne s'apperceust aussi-tost, qu'il auoit martel en teste. Et se doutāt bien de ce qui en estoit, elle fit aduertir le lendemain au maxin Saluste, de ne reuenir plus à son logis, iusques à tant qu'elle luy mandast, parce qu'elle craignoit que son mary n'eust descouuert quelque chose de leurs amours. Cependant Altomont commence à prendre plus particulieremēt garde sur les deportemens de sa femme. Il met à l'entour d'elle des personnes qui espient ses actions & celle de Lucie, qui ne peut si bien faire ses messages, qu'on ne la descouure enfin parlant à Saluste. Quand Altomont en eut appris la nouuelle, il fut assure de ce dōt il estoit aucupemēt en doute. Il auoit desia sçeu comme ce Gentil-homme auoit aimé sa fēme durant qu'elle estoit fille, de sorte qu'à l'heure mesme qu'il sçeut de la seruāte ce qu'elle auoit apperceu dans le jardin, il eut soupçon de ce qui se passoit entr'eux. Leurs amours ayās ainsi esté descouuertes, il commence à mal traicter sa femme luy reproche sa faute, la tiēt enfermée, & chasse Lucie. Le Cardinal sō frere est aduertit de ce mauuais meinage, & n'en dit autre chose, sinon que s'il a cō-

mis la folie, il faut qu'il la boiue. La ville de Rome en est aussi abreuee. Saluste n'ose plus approcher du logis de sa Maistresse. Il pleure, il laméte, nō tant pour son malheur, que pour la captiuité de celle qui depend toute son esperance. Si la crainte & le chastiment des hommes ne le retenoit, il iroit vn iour rompre les portes du logis, pour s'en aller avec elle en vne autre contrée. Six mois se passerēt en ces tumultes, durant lesquels Flaminie sceut si bien regagner les bonnes graces de son mary par ses allechemens, qu'elle eut plus de liberté qu'auparauant. Elle luy auoit iuré de ne voir iamais Saluste, mais c'estoiet des sermens amoureux, dont le miserable croyoit les Dieux ne tenir point de conte, & n'en faire que rire. Sous cette promesse, sō mary auoit mis toutes choses sous le pied, & les tenoit comme iamais non arriuees. Mais qu'il est mal-aisé de detourner vne mauuaise ame de sa malice ! Flaminie n'eut pas plustost la clef des champs, qu'elle fit pis qu'auparauant. Et au lieu que son Adultere auoit accoustumé de la venir voir à son logis, elle l'alloit trouuer à vne autre, où il l'attendoit aux heures entr'eux assignées. Là ils se moquoient de la patience & de la sottise d'Altomont, que sa femme sçauoit si bien endormir qu'il n'y voyoit plus goutte. Toutefois fachez à la fin de n'auoir pas toute la liberté qu'ils desirerent d'auoir, ils attenterent vne chose horrible & detestable cōtre la personne du mary. Le projet fut de s'en defaire, & de l'enuoyer en l'autre monde, afin d'auoir puis apres moyé de se marier ensēble. Vne fois Flaminie auoit resolu d'y employer le poison, mais Saluste craignāt qu'elle ne fust decouuerte, prit sur luy la charge de le depescher. Je vous ay dit cy-dessus,

qu'le lieu où faisoit sa demeure Altomont, est écarté du cœur de la ville ; car du costé où est la vigne du frere, il y a peu de maisons, si ce n'est des Palais & autres bastimés des grands de Rome, qui y vont pour s'y pourmener, & pour y prendre l'air. Le mary auoit accoustumé de se retirer bien tard, tantost il venoit du Vatican où son Office l'appelloit tous les iours: tantôt de chez son frere, comme ayât la charge & l'administration de sa maison. Saluste voyant que la plus assurée & la plus secrette voye estoit de l'attaquer comme il s'y retiroit, fait si bien qu'il gagne vn valet qu'il auoit & par belles promesses l'induit à estre complice de l'assassinat qu'il vouloit faire. Ils se cachent donc vn iour à vn coing proche du logis d'Altomont, où ils l'attendent pour luy oster la vie. La chose estoit plus horrible pour l'entreprise, que mal-aisée pour l'exécution, car le pauvre homme qui ne songeoit à aucun mal venoit ce soir du coucher du Cardinal son frere, pour se retirer en son logis qui estoit contre. Ces homicides, sans rien dire l'assaillent, & luy donnent deux ou trois coups d'espee au trauers du corps, auât qu'il ait moyen de crier. A peine peut-il proferer, à l'aide qu'il vomit son sang avec sa vie. Vn de ses domestiques entendit son cry, & courut pour voir que c'estoit, mis ce fut trop tard. Il le trouua estendu de si long tout souillé de son sang. Il se mit à crier & tout le logis y vint au secours, & entr'autre sa femme. Voyant ce sanglant spectacle, la fausse femelle tombe de son haut, & contrefait l'éuanoüie, tandis que ceux du logis dolens & eslovez emportent le corps dans le logis, & le couchent sur vn lit.

Flaminie monstroït en apparence le plus grand d'ouï. Son pouïsse imaginer. Elle arrachoit ses cheveux,

ueux, esgratignoit son visage, ba-toit cruellement son sein, & proferoit des regrets pitoyables. O Ciel! (disoit-elle) que t'ay-ie fais, que tu me priues de la compagnie d'un si cher espoux? Faut-il que ie perde si tost le meilleur mary qui fust iamais au monde, & encore par vne aduanture si triste, & si funeste? Cruel, quiconque tu sois qui as commis vne telle meschanceté, sçache que si ie la découure, j'en poursuiray la vengeance par les voyes de la Iustice, & ne cesseray iusques à tant que j'ay par ta vie appaisé ses Manes. Que si cette voye me manque, assure-tny, que moy-mesme ie tremperay mes mains dans ton sang, & t'arracheray le cœur, sans auoir aucune pitié: non plus que tu n'en as eu de celuy qui ne meritoit pas de ressentir vne telle cruauté. O mort auance la fin de mes iours, puis que j'ay perdu tout mon repos, & mets dans le tombeau ceux qui n'auoient qu'un mesme cœur, & qu'une mesme volonté. Finissant ces regrets, elle s'alloit iettant sur le corps mort de son mary, qu'elle baisoit & embrassoit estroittement, & sembloit qu'elle y vouloit laisser la vie. Les domestiques auoient bien de peine à l'en retirer, & à la consoler. Tandis le logis du Cardinal est abreuué de ces tristes nouvelles. Il dormoit déjà de son premier sommeil, lors que son valet de chambre l'éueilla, & l'aduertit du meurtre de son frere. Luy cōme un homme dissimulé, s'il en fut iamais au monde, ne s'en émeut autrement en apparence, mais il ne laisse pas pourtant d'en ressentir vne extreme douleur: car il l'aimoit à l'égal de luy-mesme. Il croit dans son ame aussi-tost que Saluste & Flaminius ont perpetré cet acte, & le iuge' parce que son frere estoit un homme paisible qui s'acqueroit tout

le monde pour amy, & qui n'offençoit iamais personne. Or il auoit connoissance de leurs amours, & du different qui estoit interuenu pour ce sujet autresfois, entre le mary & la femme. Mais ce qui le confirma encore plus au iugement qu'il en faisoit ce fut quand on luy rapporta les plaintes & les regrets de Flaminie, qu'elle proferoit avec tant de passion, qu'on croyoit qu'elle en denoit mourir. *Meschant louue*, disoit ce indiciex Cardinal à part luy, *tes souffirs sont des souffirs de Musique. Ils partent de ta bouche, & non pas de ton cœur. Tes larmes ressembtent à celles du Crocodile, qui pleure pour attraper quelque passant au riuage du Nil : Dieu me fasse la grace de me venger de vostre meschanceté, que ie dissimuleray pour encores, attendant que ie vous puisse donner à tous deux le payement que vous meritez.* Ruminant ce discours dans son ame, il monstrois en apparence autre chose qu'il n'auoit dans le cœur, & proferoit tout haist ces paroles: *Dieu soit loüé du bien & du mal qu'il me donne. Dieu vuoille pardonner à ceux qui ont perpetré cet acte indigne & malheureux.* Quand le soir fut arriué, toute la ville de Rome fut remplie de la nouuelle de cet assassinat. Tout le monde regrettoit ce mary, qui estoit en estime d'estre vn fort homme de bien. Plusieurs faisoient diuers iugemens de cette mort, & presque tous se rapportoient à Saluste, & à Flaminie, dont l'on scauoit les anciennes frequentations. Si le Cardinal eust voulu, il les eust fait saisir tous deux & constituer prisonniers, & par des indices qui n'estoient que trop grands, joints à son auctorité, il estoit capable par vne question de tirer la verité du fait. Mais il consideroit que s'il en commençoit vne fois la poursuite, son honneur l'obligerait

bligeroit d'en voir vne fin à son aduantage, & par
mesme moyen il acquerroit force ennemis, parce
que ces adulteres, & principalement Saluste, auoient
pour patens les principaux de la ville, & apparte-
noient à beaucoup de Prelats, & de Cardinaux. Cet-
te consideration le retient. Il croy fermement qu'il
aspiroit au Papat, il iugeoit qu'on ne paruenoit pas
en ce supreme sonmet d'honneur, en faisant des
ennemis. Quelquesfois vn petit compaignon en
peut destourner la fortune. Les exemples en sont
ordinaires. Ce Cardinal, d'ocques supporte cette per-
te constamment: pendant que tout le peuple admi-
re sa douceur & sa patience. Flaminie qui faisoit
tant l'esplorée, voyant qu'apres que son mary fut
mis dans le tombeau, on n'en faisoit non plus de
bruit que de chose non iamais aduenüe: commence
à prendre courrage, apres s'estre retirée en la maison
de son Pere. Tandis Saluste apres cet assassinat,
ayant appris que le peuple murmuroit contre luy,
& qu'il l'en croyoit estre l'autheur, pour se purger
de ce soupçon, va trouuer le Cardinal en son logis,
qui le reçoit fort humainement & avec des feintes
embrassades. Saluste luy dit, qu'il vient pour luy
rendre raison d'un mauuais bruit qu'on publie par
la ville, qu'il estoit l'assassin de son frere. Que c'e-
stoit la plus grande calomnie qui fut iamais inuen-
tée contre vn homme de bien. Qu'il auoit tousiours
faict profession de l'honneur du monde, & plus en-
cores de celuy de Dieu: & que iamais vne si dete-
stable pensée n'estoit entrée dans son ame, & qu'a-
uant que de perpetrer vn acte tant indigne d'un
Cauallier, il voudroit souffrir mille morts. Qu'à ces
fins, il suplioit son Illustrissime Seigneurie de n'a-

voir pas cette croyance, que les ennemis taschoient d'imprimer par tout, afin de le rendre odieux: mais de le tenir au rang de les plus humbles seruiteurs pendant que le temps descouvroit la verité du fait. Le Cardinal dissimulant tousiours tout ce qu'il en pensoit, luy respondit qu'il pouuoit dormir en assurance de ce costé-là: que iamais il n'auoit creu qu'un gentil-homme d'honneur & de reputation, comme il estoit, eût voulu commettre vne chose si esloignée de ceux qui portent le tiltre de Nobles. Je vous estime (disoit-il) Seigneur Saluste, trop homme de bien & d'honneur. Je fais trop cas de vostre merite, & de la franchise de vostre ame. Et pour preuue que ie n'adiouste point de foy à ces medisances, vous me ferez plaisir de me visiter souuent comme bon amy. Je n'ay rien qui ne soit à vostre seruice. Voilà comme ce fin vieillard endormoit Saluste. Il en faisoit autant à Flaminie qui l'alloit voir ordinairement: Ainsi nos amoureux croyants que tout estoit calme, iouyssoient librement de leurs amours, attendants que l'an du ducil estant expité ils peussent s'espouser ouuerement. Toutesfois comme ceux qui ont commis de telles meschancetez, sont tousiours en peur, ils delibeterent d'entasser crime sur crime.

Le valet qui auoit assisté Saluste en son assassinat estant seul qui les pouuoit descouurir, ils reslurent de l'enuoyer tenir compagnie à Altomont. Ce qu'ils firent par le moyen du boucon qu'ils luy donnerent. Iuste punition de Dieu, qui punit les meschans par les meschans. C'est le fruit du peché. On est contrint de le goustier tost ou tard. Nos adulteres en scauront que dire, sur la fin de cette tragedie.

Les voilà doncques deliurez, comme ils estiment,
de

de toute crainte. La fortune leur rit. Il semble que tout contribuë à leurs meschancetez. La feinte bô-
té du Cardinal les endort. Ils croient que c'est vn
homme qui ne pense qu'aux choses de l'autre vie, &
que celles de ce siecle luy sont toutes indifferentes.
Ce iugement qu'ils en font est cause, qu'apres que
l'an & le iour est passé depuis la mort d'Altomont,
Saluste espouse impudemment Flaminie. C'est à
l'heure que toute Rome vid à l'œil que ce qu'on
auoit soupçonné n'estoit que trop veritable. Les
amis & les parens du premier mary en crient tout
haut. Sa sœur, mere d'un grand & renommé Cardi-
nal qui vit à present, les mettroit en-Iustice, si son
frere ne luy commandoit de se taire. En effect il ne
vouloit pas perdre si temerairement le souuerain
degré où il aspiroit. Tout vn temps on ne parloit
que de ce mariage : mais enfin quelque autre sub-
iect estant suruenu, cestuy-cy vint à s'esteindre de
sorte qu'on ne s'en souuenoit plus. Ioinct que le
Cardinal passant en carrosse deuant le logis des
nouveaux mariez s'y arrestoit bien souuent & les
visitoit : comme pareillement aussi eux luy rendo-
yent sa visite. En apparence Saluste estoit vn des
meilleurs amis de ce Cardinal, au grand contente-
ment de ceux qui voyent ces choses, & qui auoient
appris le meurtre de son frere, & les iustes ressenti-
ments qu'il en deuoit auoir.

Comme cecy passe de la sorte, il arriue que le bon
Pape, qui tenoit alors les clefs de saint Pierre, vint
à deceder, Dieu mette en paix son ame. Toute la
Chrestienté luy est grandement obligée, tant pour
la reformatiō qu'il fit du Calendrier, que pour celle
du Clergé. On ne dira iamais de luy qu'il soit entré
au Pontificat comme vn Renard, qu'il y ait regné

comme vn lion , & qu'il y soit mort comme vn chien. Ses vertueux deportemens ont tousiours tesmoigné la sincerité de son ame , qui sans doute recueille maintenant au Ciel le fruit de ces travaux. Mais pour revenir à nostre Histoire , dont ie m'estois destourné par la memoire d'un si grand Pasteur de l'Eglise ; les Cardinaux s'assemblerent au Conclave pour proceder à l'election d'un nouveau Pape. On eut bien de la peine en cette election Il y avoit tant de brigues , que quand on pensoit avoir achevé, tout estoit à recommencer.

Enfin par l'inspiration du S.Esprit, & par l'entremise de ce grand Cardinal Farnese, dont le souvenir vit encore dans Rome , & y viura eternellement, pour tant d'obligations que les Citoyens luy ont, le Cardinal frere d'Almont est crée Pape contre l'opinion de tout le monde, & contre l'espoir de plusieurs. Apres les ceremonies acheuées, il est assis en la chaire de saint Pierre. Ses amis le viennent feliciter. Ce ne sont que recompenses, & que biens faicts, qu'il distribue envers ceux qu'il chérit. Iamais il n'y eut Pape si reconnoissant. Saluste & Flaminie furent bien estonnez du succez de sa souveraine grandeur. Ils pensent alors à leurs consciences , & leur semble de via qu'ils recoivent de la main d'un bourreau le chastiment qu'ils ont merité. Ils s'en fussent fuis dès l'heure mesme, n'eust esté que la douceur que tout le monde attribuoit à l'ame du S.Pere, & qu'il leur avoit tousiours tesmoignée en apparence, fit que Saluste delibera de luy aller baiser les pieds, come les autres, & de le feliciter. Il y fut en compagnie de certains ses parés, & les amis. Le Pape le receut assez courtoisemēt, & apres luy avoir rendu l'honneur accoustumé

consumé, supplia sa Sainteté de se ressouvenir du
 tesmoignage qu'elle luy auoit tousiours rendu, de
 n'adiouster point de foy aux calomnies qu'en luy
 auoit imposées, touchant le meurtre de son frere:
 dont il n'estoit nullemēt coupable: qu'il estoit prest
 de luy porter tousiours sa tēste, en cas qu'il en fust
 conuaincu. (Non répōd le Pape) ie ne croy pas que
 cela soit, & quand cela seroit, ie vous pardonne à la
 charge que désormais vous soyez sage, & que ie
 n'aye nul reproche de vous en quelque chose que
 ce soit. Ie vous le commande expressement. Retirez
 vous, & que ie n'en oye plus parler. Saluste ayāt re-
 ceu cette réponse, apres l'auoir remercié, retourna
 à son logis, où il communiqua à sa femme ce que le
 Pape luy auoit dit. Elle fine & rusée, comme nous
 auens dit, interpreta aussitost en mal cette responce.
 L'exemple de Semei fils de Boëri, se representa sou-
 dain deuant ses yeux. C'estoit vn hōme qui fit mille
 indignites à Danid, du tēps qu'il fuyoit la persēcu-
 tion d'Absalon. Lors que Salomō fut assis au trône
 de sō pere, Semei vint implorer sa grace. Le Roy luy
 pardonna, mais à condition qu'il ne sortiroit iamais
 hors de Ierusalem sans cōgé. Le succez qui en attri-
 ua est écrit en l'histoire d's Rois. Ce Pape imitant
 Salomon en ce fait icy, Saluste & Flaminie ne vou-
 lurent pas attendre qu'on leur fust fait quelque ac-
 cusatiō. *le voy biē*, dit elle, *mō amy*, *que si nous ne pensons*
à nos affaires nous sōmes perdus. Ce n'estoit que dissimu-
 lation tout ce que ce Pape a pratiqué en nostre endroit,
 afin de ne trouver point d'obstacle pour paruenir au saint
 Siege. Maintenant qu'il y est assis, & qu'il ne craint plus
 persōne, cōme celuy qui peut inger tout le mōde, & n'estre
 sugé d'autre que de Dieu, il exercera toute la cruauté qu'il
 pourra

pourra s'imaginer à l'encontre de nous. Fuyons, ie vous prie son iuste courroux, & allons desormais passer le reste de nos iours en quelque lieu où sa main vengeresse ne s'étende point. Ie ne me soucie pas tant de ma vie, répôd Saluste, que ie suis en peine de l'incommodité que vous allez receuoir. Pleust à Dieu que ie vous en peusse retirer par ma mort. Ie vous tesmoignerois bien-tost que ie n'ay rien de plus cher que vostre repos. Helas! (dit-elle) vous me faites mourir d'une mort plus cruelle que la mort mesme, de parler à moy de ces choses. Ma vie ne dépend que de la vôtre. Si elle estoit esteinte, la mienne finiroit aussi-tost. Ie vous prie, laissons ce discours, & pensons où nous nous pourrons retirer promptement pour euitier l'orage qui se leue pour nous perdre. Il me semble, repart Saluste, que Venise est la ville la plus propre pour nous y confiner. I'y ay des parens & des amis qui nous y assisteront en vn besoin : joint que c'est vne ville de franchise où les estrangers sont bien recueillis. Cette resolution semble fort bonne à Flaminie, de sorte que le iour mesme ils commencerent à plier le bagage, & à prendre les choses plus precieuses qu'ils auoient, & à vendre les meub'es qu'ils purent, & puis le lendemain ils sortirent de Rome déguisez, avec Lucie que Flaminie auoit retirée chez elle, & firent tant qu'ils arriuerent à Ancone où ils s'embarquerent, & de là à Venise. Le Pape ayant appris leur fuite, fut bien fasché de ne les auoir pas punis comme ils meritoient. C'estoit vn homme qu'on estimoit auât qu'il fust assis en la chaire de S. Pierre plus doux qu'un Agneau, mais l'effet fit bien paroistre puis apres le contraire. Il estoit seuer en ses iugemens, grand ennemy de la Noblesse, à qui il roignoit

gnoit tous les iours les aïles, & la contenoit si bien en son deuoir, qu'elle n'osoit respirer. Il sçauoit commander, & se faire obeyr en temps & lieu & punissoit griefuement les rebelles, & les coupables. On disoit communement de luy, qu'il n'eust point pardonné à IESVS-CHRIST. Ce fut luy qui authorisa la ligue qui sous le zele de Religion donna tant de traueries à nostre grand Roy s'il fit bien ou mal, i'en laisse le iugement à la posterité. Enfin ce fut vn grand Pape, qui a fort embelly la ville de Rome, & presque mise au lustre où nous la voyons maintenant, & quand il n'auroit faict que la digne action d'exterminer les bannis d'Italie, sa memoire doit estre celebrée à iamais. On ne luy peut reprocher que sa trop grande rigueur, qu'il exerçoit principalement sur ceux qui l'auoient offensé : mais en recompense, il reconnoissoit ainsi que nous auons desia dict, ceux qui luy faisoient seruice.

Les hommes qu'ils esleua en de si haut & de si dignes degrez d'honneur, outre leur attente, tesmoignent ce que ie dis. Saluste & Flaminie firent bien pour eux de fuyr sa presence; mais ils eussent encors mieux fait s'ils eussent peu de fuyr celle de Dieu, de qui la Iustice regne par tout l'Vniuers. Mais il n'y a lieu de frâchise qui soit exempt d'une main si equitable. Comme ils croyent estre en vn port exempt de toute tempeste, il faut qu'ils rendent conte de leur vie passée. La compagnie qu'ils ont ordinairement chez eux, n'empesche pas que leurs iours ne soient fauchez en herbe. L'homme de sang, & principalement le perfide ne void iamais toutes les années que la Nature luy pourroit donner. Car Saluste est bien tramé de la vie en la fleur de ses iours apres l'auoir

l'auoir miserablement fait languir quelques mois, sans que la charge que les Venitiens luy donnerent de General de leur armée, luy puisse seruir de gâté, ainsi que vous verrez tout maintenant Et Flaminié meurt de pareille mort qu'elle fit mourir l'innocent Altomont. Mort encore trop douce & trop honorable pour elle. Il falloit qu'un Bourreau y mist publiquement la main, pour seruir d'exemple à ceux qui violent ainsi le droit diuin & humain. Il n'y en a que trop au monde. Ce siecle ne produit que trop de ces monstres abominables, indigne de porter non seulement le nom de Chrestiens : mais encore de conuerser parmy les Canibales, & parmy les Tygres & les Ours, puis qu'on n'y pratique point ces execrables meschancetez. O cruel siecle ! Le Ciel ne luit qu'à grand tort sur nous, puis que tu es tout plein de Tiestes, de Tantaies, & d'Atées.

Ces homicides passerent quelques mois à Venise avec assez d'honneur & de contentement, portans neantmoins tousiours dans leur ame le ver de la conscience, qui les rongoit sans cesse Saluste qui estoit à la verité vn brave & vaillant Cavalier, & digne d'honneur s'il ne l'eust souillé d'une tache, qu'il ne pouuoit lauer, fut élu des Venitiens qui reconnoissoient la valeur, & l'experience qu'il auoit aux exploicts de la guerre, pour General de leurs armées Comme il croit estre à l'abry & hors de tout orage, sous la protection du Lion Marin il faict ordinairement sa demeure à Padoüe en vn beau Palais situé aux bords de cette delicieuse riuere que les Anciens nommoient Anasse ou Medoasse, si ie ne me trompe. C'est là que Flaminié pour estre bien discrete, & pour iouer parfaitement du luth, comme nous auons

auons déjà dit, est visitée d'une infinité de Cavaliers. Sa maison est comme une Academie où la ieune Noblesse apprend tousiours quelque chose. Et surtout les François, attirez du bruiet qu'elle auoit d'estre la plus galante Dame d'Italie, y passent les heures destinées aux honnestes loisirs. Et elle ne manquoit point de charmes, & d'artifices à fin de gagner l'amitié d'un chacun, pour s'en seruir, si la necessité luy contraignoit. Durant que la Lombardie ne parle que de ses rares qualitez un ieune Seigneur que nous nommerons Timante, neveu de Saluste deuiant amoureux de Flaminie. Cette amour illicite, qu'il tasche au commencement de bannir, prend une telle possession de son ame, qu'elle en chasse le iugement & la raison. Enfin ne pouuant la supporter dauantage sans mourir, il la descouure à sa Tante. Encores que la beauté, la ieunesse, la bonne grace, & la Noblesse de ce Gentil-homme jointes à tant de belles paroles, accompagnées de soupirs & de larmes fussent capables d'esmouuoir un roc; elles ne sont pas neantmoins suffisantes d'induire Flaminie à le contenter. Soit qu'elle se representast l'enormité du crime, soit qu'elle creust que Timante le fist à dessein pour la ruiner enuers son Oncle, toutes ces recherches ne moissonnerent que du vent. Comme il est aux peines d'un cruel desespoir, Voilà que la fortune semble de la fauoriser, & luy ouurir une voye pour paruenir à l'accomplissement de sa passion. Une fièvre lente qui s'estoit insensiblement coulée dans l'estomach de Saluste, commence à le miner si bien peu à peu, qu'en fin apres beaucoup de langueurs, il est contrainct de comparoistre deuant le rhosne de celuy qui iuge en dernier ressort.

Après

Après que Flaminie eut versé vn torrent de pleurs sur le corps de son mary, qu'elle eut outragé son sein, & son vilage, & en arracheant ses beaux cheueux, appelé par plusieurs fois la mort, recours des misérables, le temps qui est le medecin de tous maux, adoucit peu à peu sa douleur. Sa maison ne laissoit pas d'estre comme auparavant, ouuerte aux bonnes compagnies, pendant que Timante, qui pour lors auoit succédé aux charges de son Oncle, taschoit de se rendre son successeur en la possession de cette femme.

Il y auoit pour lors à Palouë vn ieune Gentilhomme de la Marche d'Ancone, doué d'vne excellente beauté, & accompli en toutes les plus rares perfections, qui peuuent rendre recommandable vn mortel. Ce Gentil-homme nommé Adonio estoit veu de bon œil de Flaminie, avec vn deplaisir si grand de Timante, qui prenoit garde aux contenance, comme font ordinairement les Amoureux, qu'en fin la peste de la jalousie s'emparant de son ame, son amour se change en vne rage desesperée.

Les desdains, le refus, & enfin tous les martyres de l'Amour, sont consolez de l'espoir qui flatte toujours, & qui promet de l'allegement. Mais la jalousie est vne infection de si estrange & insupportable guerison, que mesme la jouyssance n'est pas assez capable de la bannir.

Sera-il dit, disoit Timante tout transporté de cette fureur, que ie recherche vne ingrante qui me fuit. & qui se cache de moy ? Dois-je priser vne meschante, qui me desprise : Prieray ie tousiours vne cruelle, qui ne respond iamais, & qui neantmoins ne cesse de prier vn autre qui possede moins de merite ? Souffriray ie que
mon

mon ame viue esclauue d'une qui m'a en haine ? Non, non, ie luy veux monstrier, que si iusques icy i'ay commis vn si grand crime que de l'aimer, puis qu'elle en estoit tant indigne, ie veux expier cette erreur par la punition que i'exerceray sur vn cœur, qui s'ouure pour tout le monde, hormis pour moy. Acheuant ce discours, il prend la resolution d'vn desesperé. Avec vingt ou trente de ses amis, il entre vn iour dedans la maison de Flaminie. Le temps estoit desia venu, qu'il falloit qu'elle rendist compte de la mort de son mary. Mais Lucie, qui auoit manié ses folles amours, fut la premiere executée. Timante qui croyoit qu'elle maniait encore les secondes passions de sa Maistresse, luy donna dans l'estomach deux ou trois coups d'une petite dague quarrée qu'il tenoit à la main. La malheureuse estant atteinte mortellement, iette vn grand cry. Flaminie auoit vn frere qui voulut faire quelque resistance, quand il apperçeut cette violence mais il fut bien-tost porté a terre, & priué de vie. Elle sortit cependant de son cabinet, ayant ouy la larme, & alors Timante en l'embrassant du bras gauche, commença à la caresser à coups de dagues qu'il enfonçoit dans son sein, & en poussant ce petit poignard, il tenoit ce discours : *C'est maintenant, Madame, qu'avec cette poincte ie vous touche ce cœur que la pitié ne peut oncques toucher. C'est ores que ie le trouue sensible.* La miserable iette vn grand cry, & avec son sang vomit son ame malheureuse.

Lors que cette execution est faite, Timante sort froidement de ce logis avec tous ses compagnons & se retire au sien. Ses charges, son courage, & la grâdeur de sa maison, le rendent si bien assésuré qu'il méprise & reiette le conseil que quelques - vns de

T

ses amis luy donnent , de sortir de la ville. Il croit qu'il n'y a nul qui l'osast regarder de travers , tant s'en faut qu'on eust la hardiesse d'informer à l'encontre de luy

Mais cependant Padouë est toute remplie d'une grand rumeur. Le peuple tout scandalisé de cét acte extraordinaire crie tout haut qu'on ne doit point laisser impuny vn tel excès. Qu'il y va de l'honneur, du bien & aussi de l'autorité du public: & que si l'on souffre cette meschanceté, ce sera tracer vne voye à toutes sortes d'excès & de desordres

La Seigneurie de Venise aduertie de cette cruauté assemble le Conseil & decerne vn adjournement personnel à Timante. Quand on luy intime, il ne fait que rire, & se mocquer des Ministres de la Justice, & les menace de les assommer à faute de pouoir comparoistre vn Decret de prise de corps il est laxé. Commandement est fait à la Justice ordinaire de Padouë, & aussi à tout autres Officiers de prester main forte, de se saisir, & d'amener ce Gentilhomme deuers la Seigneurie. Comme doncques les Magistras & les Preuosts le veulent prendre , il se retire dans son logis avec trante ou quarante mauuais garçons. On tasche de les forcer: mais ceux qui sont plus prompts que les autres à commencer l'assaut, y refroidissent bien tost leur chaleur. Timante & aussi tous ses compagnons rendent des preuues admirables de leur valeur, & auant que le jeu cesse, ils en tuent plus de cent. On n'entend que cris & que lamentation par la ville. Quand on voit qu'il ne peut estre forcé on informe tout incontinent la Seigneurie de tout ce qui se passe: de sorte quelle est instantement courroucée, & trouuant qu'il y alloit trop de son

son autorité, si elle ne chastioit vne si grande insolence, commande qu'on mene le Canon, & qu'on foudroye le logis de Timante, s'il ne se veut rendre. L'artillerie commence doncques à jouier avec tant de violence que Timante enfin se rend apres auoir perdu la plus grande partie de ceux qui l'assistoient, & fait mourir vne infinité de personnes. On pendit tous ceux qui resisterent, & pour luy à cause de la noblesse de sa race, on le fit mourir en prison.

C'est la fin tragique & funeste de Flaminie, que le Ciel auoit doué de beaucoup de perfections. Elle en abusa follement par son impudicité, & encore plus par le meurtre qu'elle fit commettre en la personne de son mary. Dieu qui iuge, & qui retribue à chacun selon ses œuvres, vueille que la cruauté exercée sur son corps soit l'expiation du vice de son ame.



*DES HORRIBLES EXCEZ
commis par vne ieune Religieuse, à
l'instigation du Diable.*

HISTOIRE XV.

Vis que j'exerce ma plume à décrire les choses funestes & tragiques arrivées en nos iours, ie ne veux point en oublier vne qui merite d'estre publiée à la posterité: pour seruir d'exemple à plusieurs personnes, encore qu'elle soit aduenüe en vne estrange Prouince, & bien esloignée de nos contrées, toutesfois puis qu'elle est nouuelle i'ay entrepris de

la donner au public afin que par le malheur d'autrui l'on apprenne à fuir ce qui peut faire tomber aux dangers euidens qui en procedent. L'histoire que ie raconte est doncques arriuée en cette sorte.

Au pays des Troglodytes, est vne Isle qu'on appelle Meroë que le renommé fleuve du Nil rend celebre. C'est vne terre la plus douce, & la plus fertile qu'autre qui soit en tout le reste de l'Vniuers. Ceux qui y font leur demeure sont tous Chrestiens, & fort deuots. Mais particulièrement il y a vne noble maison que l'on nomme d'Abila, fort prisée pour la profession qu'elle a tousiours faite de la Religion Catholique, sans iamaïs auoir esté entaschée des heresies des Abyssins. Or il n'y a pas longtemps que le chef de cette maison, brave & religieux Cavalier, s'il y en a en toutes les Prouinces du Midy, espousa vne belle & sage Dame, yssüe de l'illustre famille de Merala. Ce Seigneur se nommoit Nicandre, & cette Dame Gallice. De leur legitime mariage ils eurent six fils & dix filles. L'aînée que l'on nommoit Melisse, fut doiüée d'une si grande beauté, qu'elle rauissoit les yeux de tous ceux qui la regardoient. La Nature l'auoit renduë accomplie de tant de dons extérieurs: qu'à peine ayant atteint l'aage de douze ans, elle étoit recherchée en mariage d'une infinité de Gétils, hommes yssus des meilleures maisons de la contrée. La mere presta l'oreille particulièrement à la poursuite d'un brave Cavalier, dont le nom estoit assez connu en ce pays, & auquel elle auoit de l'inclination. Elle fit tant, qu'elle disposa son Espoux à luy donner leur fille en mariage. Les Noces en furent célébrées avec toute la pompe qui s'observe parmy de personnes de cette qualité: & le nouveau marié se re-

aira dans peu de iours en vne maison de plaifance, qu'il auoit aupres de Syenné. Mais la fortune, qui trauefle ordinairement les plus grandes felicitéz du Monde ne permit pas à Meliffede iouir longuement des embrasemens de son Mary Il fust tué à la chafse par vne auanture estrange, qui n'est pas besoin de raconter. Quand Micadre eust appris la mort-lamentable de son gendre, il reieta sa fille, laquelle n'auoit pour lors que treize à quatorze ans. Cette ieune vefue, croiffant en aage, croiffoit tousiours en beauté de sorte qu'en peu de iours on parla de la remarier. Toutesfois le pere, qui se voyoit chargé de beaucoup d'enfans estoit desia resolu, afin de conseruer sa maison illustre, de la mettre en Religion, ensemble quatre autres de ses fræurs, & trois de ses fils Il se representoit que si sont bien estoit partagé également entre ses enfans, suiuant les loix des Abyssins, l'ainné qui doit conseruer le nom & les armes s seroit bien peu de chose C'est poureuoy pouffé de ces humaines considerations il sontraignit la ieune vefue d'entrer dans vne Abbaye de Dames, nommée de Roche-perse, fondée par la Princeffe Dorothee de la maison Royale de Sitim, & femme du vaillant Prince du Saba Cette Abbaye, soit qu'on regardast la grandeur des batimens & la structure de l'Eglise, soit que l'on considerast les fondations, & les reuenus, ressentit fort la magnificence du Fondateur La ieune vefue Melisse n'auoit pas encores quatorze ans lors qu'elle y fut conduite, neantmoins elle qui auoit desia gousté du monde, & auoit plus d'inclination à la terre qu'au Ciel, elle aymoit à se parer, & à se rendre propre Ses yeux iettoient des regards vagues par tout, & sa conte-

dormant, tantôt en veillant, Sathan luy apparuoist vn iour comme elle estoit retirée toute seule dans sa chambre, pour mieux entretenir ses plaisirs impudiques. Ce malin esprit par la permission de Dieu, s'estoit déguisé en Ange de lumiere. Il auoit vn accoustrement blanc comme de la neige. *Bien vous soit, Belle Melisse,* dit cét aduersaire, *il y a long-temps que la compassion de vôtre mal m'a touché de pitié le courage, & que vostre beauté m'a rayé le cœur. Je suis venu vers vous à cette intention pour contenter vostre desir, & pour vous servir désormais, si vous voulez m'auoir pour vostre seruiteur.* Melisse toute estonnée au commencement de cette apparition, eut vne grande frayeur: Toutesfois s'estant vn peu rassurée elle demanda à cét esprit, qui auoit apparence d'homme, qu'il estoit.

Sathan qui ne peut se déguiser quand on l'interroge de son nom, respondit en ces termes: *Je suis le Roy de l'Air, & de toute la Terre. Tout ce qu'on vous raconte de moy, n'est pas croyable, je suis plus doux que vous ne pensez pas. Demandez-moy tout ce que vous voudrez, & ie vous l'octroyeray.* Cette mal-heureuse prestant l'oreille à cette Syrene tromperesse, se laisse piper aux amorces de son chant, de sorte qu'après quelques contestations que ie ne veux point escrire elle passe des accords avec le diable, & entr'autres, elle voulut estre la plus sçauante, & la mieux disante de toutes les Religieuses, & chanter mieux qu'aucune autre. Voila comme le malin esprit en la forme que nous auons dite, habita charnellement avec elle & ne cessoit tous les iours depuis de la voir, tantost en la mesme figure, & maintenant celle d'un cochon, & en autres formes detestables. Ses compa

gues furent estonnées de remarquer en elle vn si merueilleux changement. Celle qui ne sçauoit ny lire ny écrire, huit iours auparauant, étoit deuenue en vn instant bien lisante, bien écriuante, & bien parlante de toutes sortes d'Histoires. On admire son esprit, & on le tient à miracle. Cependant on la voit tousiours parée & attiffée, plus que la Religion ne le permet. Ses discours sont remplis de vanité, de propos mondains, & traiçts lascifs, au lieu de ses Heures, elle a tousiours entre les mains quelque Amadis de Gaule, ou quelque autre liure traitant de l'Amour desordonné.

Quelques bonnes Religieuses l'en reprennent, & luy remonstrent que cela est indigne de sa profession mais elle ne fait que s'en rire & que s'en mocquer. Lors qu'elle est avec celles qui sont ses plus familières, on n'entend de sa bouche que propos dissolus. Elle se vante d'auoir acquis depuis peu de iours vn amoureux, qui la vient voir toutes les nuits, & qui luy apprend l'art de bien parler. On en fait le rapport à l'Abesse, qui ne pouuant comprendre ce qu'elle vouloit dire, fait neantmoins prendre garde à ses actions. & la fait coucher accompagnée. Comme elle se voit tenuë de court, elle fait ses plaintes à son amoureux qui l'induit à se venger, & à mettre le feu dans le Conuent. L'ennemy luy donne luy-mesme le feu, & l'incite à commencer par le plus beau corps de logis de l'Abbaye. Le feu s'épand, & sans qu'on le puisse esteindre, il s'élace de chambre en chambre, & rauageant ce bel edifice, qui auoit tant cousté, il court jusqu'au Temple, où toutes les Religieuses s'estoient retirées, comme à vn saint Azyle. Mais ô cas déplorable! Si tost que c'est incédiable sortoit d'un coing,

coing de flamme y estoit portée avec tant de violence, qu'en moins de rien ce beau & superbe Vaisseau, avec ses Cloistres, ses Chapitres, ses Refectoirs, & ses Dortoirs, fut reduit en cendre.

Les pauvres Religieuses furent contraintes pour se sauuer d'abandonner tout à la mercy des flammes. Elles sont depuis esparées de costé & d'autre, & vont questant de toute parts, pour la restauration de leur edifice, qui ne sera iamais tel qu'il estoit, si quelque main Royale n'y respand les liberalitez.

Après que cette enragée eut assouuy ce desir de vengeance, ses parens l'enfermerent dans vn autre Monastere plein de pieté, & de religion. Son insolence accoustumée, ses paroles desbordées, & la lecture qu'elle faisoit ordinairement des liures lascifs, forcerent quelques deuotes Religieuses de ce Conuent à la reprendre de ses deportemens. Elles luy remonstroient à toute heure sa vanité, & luy mettoient deuant les yeux la crainte de Dieu & l'obeyssance. Mais c'estoit perdre sa peine. Au lieu de leur sçauoir bon gré de ces bons & saints conseils, elle fit mourir par le moyen du Demon qui couchoit avec elle, trois de ces bonnes Religieuses d'une mort soudaine. Toutes les autres estonnées de cette mort, & craignans vn mesme danger, presenterent requeste au Prince souuerain de Meroë, & le firent prier instamment de les deliurer de cette peste. Le Roy ayant appris les deportemens de cette fille, commanda qu'on la renuoyast à Abyla chez ses pere & mere qui ne pouuoient croire ce qu'on publioit de leur fille, & qui en ressentoient dans leur ame vn grand creue-cœur. Ils la tindrent quelque temps chez eux, & l'y eussent retenu dauantage, n'estoit

que ces personnages craignans Dieu, faisans conscience de retenir au monde vne personne professe, se resolurent de faite bastir & fonder en l'une de leurs terres vne petite Abbaye pour y enfermer Melisse. Sa Majesté mesme promet de contribuër à l'augmentation du dot de cette Abbaye, mille liures parisis, qui font quelques six cens liures tournoises, ou environ. Tandis qu'on bastit ce Monastere, le Seigneur, & la Dame d'Abila, prennent garde de plus près à leur fille. Ils la font coucher en vne chambre proche de la leur, & luy donnent quelques Damoiselle d'aage, & de bonnes mœurs, pour l'accompagner. La meschante les chassoit de sa chambre avec iniures, & disoit, qu'il luy estoit impossible de reposer, si elle n'estoit seule. Ceux qui auoient l'oreille tendue vers les actions, l'oyoient les nuicts parler sans sçauoir à qui. Vne voix mal articulée luy respondoit, & luy donnoit l'intelligence de ce qu'elle luy demandoit. Cecy est rapporté à son pere, & à sa mere, qui ne pouuans encore adiouster foy à ces discours, entrant vn iour à l'impourueüe dans sa chambre, afin de la surprendre. Mais ô cas hideux & espouuantable! ils apperçurent à l'instant vn petit pourceau, qui se veautroit sur le ventre de leur execrable fille. Mon intention n'est pas icy d'écrire si cette vision estoit veritable ou illusoire. J'ay desia traicté cette matiere dans ce volume en autre part. Le Seigneur d'Abila mit la main dessus pour le chasser, lors que ce monstre gissoit vers l'un & l'autre flanc de Melisse, & enfin disparut au grand estonnement des assistans, & au grand creue-cœur du pere: mais particulièrement de la mere qui perdât toute patience, & pleurant à chaudes larmes, se mit à
profeter

proferer ces pitoyables paroles: *Ha ! maudite & execrable geniture , faut il qu'une maison si illustre , & si renommée de tout temps pour sa pieté , soit maintenant des-honorée par tes horribles meschancetez ? O bon Dieu ! est ce cecy l'instruction que ie t'ay donné en ta tendre ieunesse , que tu ayes accointance avec l'ennemy de nostre salut ? Quand tu fis profession , & que tu t'enfermas dans un Cloistre, ne renonças tu point au Monde, au Diable, & à la Chair, & n'espousas-tu pas celui qui respendit son Sang precieux en l'arbre de la Croix , pour nous rachapter de la mort eternelle : Et maintenant rompant tes vœux, & faussant la foy que tu dois à ton Espoux, tu prens accointance avec le Prince des tenebres ? Sera il dit , que mon ventre ait porté une sorciere ? Ha ! plustost la mort termine mes iours , avant que j'oye parler de tel scandale : Recommande-toy à ton Dieu , miserable que tu es ; supplie sa bonté qu'elle te delivre de ce malin , & use souvent des Sacremens qu'il a instiuez en son Eglise, vrayes armes pour chasser cet ennemy du genre humain. Ainsi le Fils de Dieu t'assistera, & te recevra en sa grace.* Telles & semblables plaintes & remonstrances sortoient de la bouche de cette vertueuse, & non iamais assez louïée Dame d'Abila, lors que son abominable fille entierement possédée de Sathan, ne faisoit que rire, & que se moquer de ses paroles. Et quoy, respondit-elle, est-ce vn si grand cas que de voir vn Demon amoureux d'une Damoiselle ? Est-ce vne chose si rare, qu'elle ne soit iamais arrinée au monde ? Faut-il conclurre que pour parler à vn Esprit ie me sois donnée à luy ? Socrates qui a esté le plus grand homme des siecles passez, & qui par le témoignage de l'oracle ; fut estimé tres-sage, n'auoit-il pas vn Demon qui le conseilloit

seilloit ? Estoit il pourtant Sorcier, ou Magicien ?
Je ne sçay pourquoy vous faictes vnsi grand bruit,
pour vne chose si commune. Et que diriez vous si
i'estoit de ces femmes, dont le nombre est infiny qui
font hommage en la partie plus sale d'un bouc puant
& infect ? Non, non, Sathan n'a point de pouuoir sur
moy, l'Esprit qui me visite toutes les nuicts est vn
bon Demon, qui me conseille ce que ie dois fai-
re. Si vous l'irritez, vous ressentirez bien tost son
ire, & la vengeance. Le pere & la mere, apres luy
auoit fait d'autres remonstrances, voyant à leur grād
regret, qu'ils perdoient leur peine, la menacerent
de l'enfermer dans vn cachot, si elle ne viuoit d'au-
tre sorte, & de la faire mourir miserablemēt, Cepen-
dant il la tiendrent encore plus de court que de
coustume, dont elle grommeloit de l'esprit, & disoit
tout haut aux Damoiselles, qui estoient à l'entour
d'elle, qu'en bref l'on verroit de terribles merueilles.
Il arriua sur ces entrefaictes que le Seigneur d'Abi-
la fit vn voyage à Syenné pour quelques affaires
qui concernoient son gouuernement de la ville de
Macua. Il pensoit ne faire qu'aller & reuenir aussi
tost, afin de metre ordre au mal qu'il voyoit naistre
en sa maison. Quand il fut party, la bonne & ver-
tueuse Dame de mere estoit tousiours proche de sa
fille, Elle luy representoit sans cesse la crainte & l'a-
mour de Dieu, l'incitoit à se confesser de ses pe-
chez, & à crier mercy de ses fautes : tandis que cette
execrable supportoit avec patience ces saintes ad-
monitions : Mais plus encōres la garde qu'on faisoit
d'elle lanuit, qui l'empeschoit de pouuoir librement
iouyr de son amoureux, Enfin ne pouuant plus souf-
frir les saints discours de Cette Dame douée de pio-

té & de religion: sans auoir égard au respect que l'on doit à ceux qui nous ont mis au monde, la detestable fille à l'instigation de sathan, qui auoit desia aquis sur elle vne entiere possession attenta la plus horrible meschanceté qu'on puisse imaginer, & contre qui le grád Legislateur Solon ne voulut point establir de peine parce qu'il ne pouuoit se persuader qu'un tel crime se commist parmy les hommes. C'estoit enuiron sur les onze heures de la nuict, lors que les tenebres amenant par tout le silence, que cette fureur infernale se leua du lit ou elle couchoit, & sortant de sa chambre entra dans celle de sa mere, qui dormoit d'un paisible sommeil dás sa chaste couche. Le plus ieune de ses fils, de l'aage de cinq à six ans estoit à ses costez. La patricide avec vn grand & large couteau, s'approche du liét, en donne si promptement dans la gorge de celle qui luy auoit donné naissance qu'à peine la pauure Dame put jetter vn cry. Vne Damoiselle d'aage couchoit tout auprès, qui ayant sauté du liét, accourut promptement, & trouuant sa Maistresse qui versoit vne source de sang ouurit la fenestre de la chambre, & se mit à crier au secours.

Les Domestiques du Chasteau viendrét promptement pour voir que c'estoit & entr'autres le puisné de la maison qui ayant apperceu ce triste & sanglant spectacle, cheut à terre tout éuanouy. Ayât repris ses sentimens, il courut à vne chambre prochaine, & y prit vne espée pour véger sur cette maudite la mort d'une bonne mere. L'effect s'en fust ensuiuy, s'il n'eust esté retenu par les assistans qui luy remonstrent qu'il falloit proceder en vne affaire de telle conséquence, par les voyes ordinaires de la Iustice, & qui
luy

luy osterent l'espée des mains. Neantmoins la douleur qu'il ressentoit de la perte qu'il venoit de recevoir par les mains de cette parricide, luy faisoit vomir tant d'iniures contre elle, & le pouffoit si vivement à vengeance, qu'on ne peut si bien tenir qu'il ne l'empoignast vne fois, & ne la defigurast toute à belles ongles. Si on ne la luy eût ostée, il'eust estranglée. Cette maudite fut enfermée sous vne seure garde, attendant la venuë du miserable Pere, qui vint trois iours apres.

Mais qui peut dignement exprimer sa cruelle douleur ? Trouver vne si chere compagne, avec qui il auoit vescu si long temps en paix, & en concorde, priuée de vie, par celle à qui elle l'auoit donnée ? *O Dieu ! (disoit ce dolent Gentil-homme) il faut bien que ie vous aye griefuement offensé, puis que vous permettez que tant de malheur arrive en ma maison. Je vous supplie, Seigneur, d'appaiser vostre courroux, ou bien d'exercer vostre ire sur mon coupable chef. Ha ! ma pauvre femme, comment est-ce que i'eu si peu de prudence que de vous laisser ainsi seule, sans premierement m'adviser des cruels desseins de cette furie. Si i'eusse esté icy, par aduanture cette execrable eust tourné sa main sur moy, & ma mort eust garany vostre vie, pour qui i'eusse exposé mille fois la mienne, cruelle vipere, quelle punition peut on imaginer, qui soit capable de te punir selon ton merite ?*

Ainsi se lamentoit ce bon Gentil-homme, sans toutesfois en vne si grande perte, sortir hors des bornes de la patience. Il ressembloit le iuste Iob qui parmy ses cruelles & extremes afflictions, ne maudit iamais son Createur, ny ne murmura point contre le Ciel. Aussi les vrayz seruiteurs de Dieu reçoivent
les

les aduersitez qui leur sont enuoyées de la mesme main dont ils recueillent les prosperitez. Cependant il fait mettre entre quatre murailles son execrable fille & informer du crime horrible & execrable par elle perpetré. Le procez fait, il enuoyé au Roy de Meroë & à son Conseil, pour en ordonner selon laquité. Sa Majesté ayant meurement delibéré sur cette affaire, & trouuant que le fer, le feu & tout autre supplice n'estoit que trop leger pour la punition d'un tel crime, condamne cette Parricide à tel genre de mort que le Pere voudroit exercer, luy donnant pouuoir d'augmenter, ou diminuer la peine, selon qu'il luy plairoit.

Si tost qu'elle fut condamnée, le Demon l'enaduertit, de sorte qu'elle ne vouloit ny manger ny boire, que premierement ceux qui luy apportoit ce qui luy estoit necessaire, n'en fissent l'essay. Et persistant tousiours en son abominable opiniastreté, elle disoit tout haut : *Je ne veux point mourir, que ie n'aye acheué la Tragedie. Il faut auparauant que mon Pere & mon frere aisné meurent de mes mains.* Plusieurs bons Religieux venoient pour l'admonester, & pour la reduire, mais ils n'y gaignoient rien. Elle vomissoit contre eux toutes sortes d'iniures. Ils auoient beau opposer à sa rage des saintes remonstrances tirées des sacrées Escritures. Elle n'en vouloit ouïr parler. Quand on luy disoit qu'elle estoit possédée du malin esprit, respondoit qu'ils mentoient, & qu'elle n'en estoit qu'accédée. C'est le mot dont elle vsoit pour exprimer les violens accez qui la transportoient d'heure à autre, comme vne Pithoness. O quel regret auoit ce bon Seigneur de Pere, ressentant avec la perte de sa chere Espouse, celle qu'il voyoit

voit de l'ame de cette miserable qui s'en alloit estre la proye de Satan. Cette iuste douleur digne d'un bon Pere & d'un bon Chrestien le forçoit à dilayer le châtiment qu'elle meritoit pour la ranger au train de salut. Il n'espargnoit de rechercher tous les iours les plus saints Religieux, qu'il appelloit de tous costez pour cet effect. Celuy qui eut tant de graces de Dieu, que de faire confesser à cette execrable l'horreur de son crime fut un de ces bons Archimandrites qui se tiennent en la Thebayde : mais toutesfois avec beaucoup de peine. Ce fut alors que le diable voyant qu'on luy vouloit rair ce qu'il pensoit luy estre acquis, desploya toutes ses ruses, & toutes ses finesses. Il luy disoit à l'oreille, qu'aussi tost qu'elle aduoueroit sa faute, on la feroit cruellement mourir, & qu'il ne falloit pas qu'elle eût peur qu'il ne l'aydast contre la peine qu'on luy vouloit faire souffrir, pourueu qu'elle fust ferme, luy promettant au reste de la transporter en un pays estranger, où elle receuroit toute sorte de contentemens. Enfin par la permission de celuy qui tient la bride à cet Aduersaire, elle presta l'oreille au saints discours du Religieux. Lors qu'il la vit chanceler, ce fut à l'heure qu'il commença le discours de la creation des hommes. Le péché introduit par le Prince des tenebres : l'Enfer préparé pour ce sujet aux mortels : l'antidote de nostre Redemption, par l'entremise du Verbe Fils de Dieu, seconde personne de la Trinité, qui a prit nostre chair humaine : & souffert vne cruelle mort, pour expier la coulpe de nos premiers parens : & les bras tendus & ouuerts, qu'il presente à ceux qui se repentent de l'auoir offensé. Ces remonstrances proferées d'un zele ardent, & guidées de l'esprit de

de Dieu , eurent tant de pouuoir , qu'elles tirerent premierement des larmes des yeux de cette miserable.

Après ayant naurée son cœur, la bouche profera ces paroles. *Ha miserable que ie suis , pourquoy est ce que la terre ne s'ouure pour m'engloutir. Je ne suis pas digne que la lumiere du Soleil m'eclaire : mais qu'une eternelle nuit me couure de ses ombres obscures, puis que i'ay rompu l'union que ie fis avec mon Dieu , lorsque ie receus le saint Sacrement du Baptesme, & l'accord passé avec le Fils de Dieu , pour m'allier avec l'esprit de perdition. Non contente de crime , i'ay bruslé un des beaux edifices de ce pays, & fait mourir trois Religieuses, & commis yne autre infinité d'horrible meschancez, i'ay coupe la gorge à ma propre mere. O Cruel vous avez veu toutes ces meschacetez, & ne les avez pas punies. Pardon Seigneur (poursuit-elle en s'agenouillant & esleuant ses yeux en haut) ne traitez pas mon ame d'un aussi rigoureux supplice , que mon corps l'a merité. O Fils de Dieu! ne me refusez pas yne goutte de ce sang precieux , qui est capable de laver tous les plus abominables pechez du monde. Arriere de moy, Satan , ie renonce à ton alliance, & implore désormais la misericorde de celuy qui ne la refuse iamais à ceux qui se repentent de leurs transgressions.*

Tenant ce discours elle baisoit la terre, en signe d'humilité, & de contrition. Le Religieux iugeant que Dieu l'auoit touché , luy demanda si elle ne vouloit point receuoir le Sacrement de Confession auriculaire. Elle luy respôdit que c'estoit non seulement son desir, mais encores de publier ses pechez deuant Dieu & les hommes. S'estant confessée, elle dit tout haut deuant tous , comme depuis l'age de


quinze ans le Diable auoit abusé de son corps charnellement, sous diuerses & horribles formes, & particulièrement sous la figure d'un petit porceau. Que parce que les Religieuses du Conuent où l'on l'auoit mise, la reprenoient de sa vanité, il l'auoit induite à brusler le Monastere. Que ce mauvais Esprit l'incitoit à la vengeance, luy promettant qu'elle sortiroit de Religion pour viure au monde suiuant ses plaisirs. Qu'en suite elle auoit faict mourir les Religieuses, dont nous auons parlé cy dessus, & depuis faschée des remonstrances que sa mere luy faisoit tous les iours elle luy auoit couppe la gorge. Qu'elle estoit deliberée d'en faire autant à son pere, & à son frere aisné. Desquels horribles & espouuentables meschancetez, elle requeroit humblement pardon & misericorde à Dieu, & à tous ceux qu'elle auoit offensez, & supplioit qu'on ne luy déniast point le Sacrement de penitence. L'horreur des crimes qu'elle publioit deuant vn grand nombre d'assistans, faisoit dresser les cheueux. Apres qu'elle eut confessé ses pechez de la sorte que nous le venons de raconter, on l'enferma entre les quatre murailles, où elle estoit auparauant, & quelques iours apres on la trouua expirée, les bras en croix. On ne sçait point asseurement le genre de sa mort. Les vns croient que ce fut de la grande douleur, & du ressentiment qu'elle auoit de ses abominables pechez. Les autres pensent que ce fut par faute d'aliments ordinaires, dont elle n'auoit pas à suffisance, ou bien qu'on la priua de vie par poisson, ou par odeurs d'artifice. Quelques vns croient qu'on la suffoqua par vn licol. Il n'y a que ceux qui l'auoient sous leur garde, qui en peuvent rendre raison asseurée. C'est la fin tragique

tragique de cette malheureuse Damoiselle, qui doit servir d'exemple à ceux & à celles qui espousent vn Cloistre auant que d'éprouuer s'ils sont assez forts pour resister au Prince de ce monde, & pour surmonter les tentations de la chair.



DE LA MORT PITOYABLE
du valeureux Lysis.

HISTOIRE XII.



Cruels destins! qui ordonnez de nos iours comme il vous plait, pourquoy permettez-vous que la nature produise de si dignes fruits, puis qu'ils sont de si peu de durée? Est-ce point que vous aués ordonné du monde en cette sorte, que les plus belles choses passent tousiours legerement, & qu'un matin voir naistre & mourir les plus belles fleurs? Cette Histoire rend témoignage de la Iustice de ma plainte. Je ne puis l'écrire sans larmes, voyant toute la valeur, & tout le merite de la terre perdre si-tost leur lumiere, au point de leur Orient.

Lysis que le Ciel auoit produit au monde pour le plus beau chef d'œuvre des mortels estoit issu d'une des plus nobles & des plus renommées Maisons de France. A peine auoit-il atteint l'âge de dix-sept ans qu'il fit paroistre tant de courage & de valeur en deux sanglantes journées, qu'au iugement des plus vaillans & sages Capitaines qui comandoient en l'armée où il combattoit, il acquit le prix par dessus les

plus valeureux Cavaliers. Depuis il se trouua en tant d'assauts, en tant de rencontres, & en tant de soustenemens de places, que son renom s'espandit par toute l'Europe. Iamais la France depuis le valeureux Roland ne porta vn tel Palladin. Si les Dieux luy eussent accordé plus de iours, il eust effacé la gloire du Cheualier Bayard. Au reste, ce n'estoit que grace, que beauté, & que courtoisie. Apres que nos fureurs lassées, mais non pas assouuies d'exercer les armes ciuiles, eurent donné quelque respit à la plus florissante Monarchie de l'Europe, il vint à la Cour du Prince, qui venoit de quitter vne Couronne estrangere, pour receuoir celle qui luy appartenoit par les droits de la Loy Salique. Il n'eut gueres demeuré qu'il y acquit le surnom de Cavalier sans pair. Il y estoit esgalement chery, & reueré: Les plus mauuais garçons qui font estat de prendre tous les iours des querelles pour faire parler de leur vie n'auoient pas sujet de se vanter en l'attaquant. Il les chastioit si bien qu'ils n'auoient iamais plus enuie d'esprouuer la force de son bras. Et ceux qui le cherchoient d'amitié, trouuoient tant de franchise, & tant de douceur en cette belle ame qu'ils en estoient aussi tost entièrement contens & satisfaits. Les rares dons dont il estoit accompli luy acquirent tant de part aux bonnes graces du premier Prince du sang Royal, qu'il estoit tousiours aupres de luy. Il le voyoit de si bon œil, & faisoit tant d'estime de son merite que nul autre n'estoit rien à sa comparaison.

Mais l'enuie qui s'attache tousiours à la vertu, comme sont les cantarides aux plus belles fleurs ne pouuant supporter la splendeur de sa gloire, cherchoit cependant de le ruiner. Tous les iours elle faisoit de
mauuais

mauvais rapports à la Majesté de Lysis, de sorte qu'elle le voyoit d'aussi mauvais œil, que l'autre Prince son proche parent, faisoit conte de sa prouesse. Lysis se comportoit neantmoins avec tant d'honneur, & la fortune luy estoit si favorable en tous ses desseins, que les ennemis, quelque faueur qu'ils eussent du Roy, ne pouuoient gagner sur luy, ny couuertement, ny ouuertement. Plusieurs fois on tascha de l'assassiner : mais il échappa tousiours des embuches de ses aduersaires, & en mit à mort vn si grand nombre, que desormais on le tient comme vn homme qui ne pouuoit mourir. Durant que les choses passent de la sorte, ce braue Cauallier ne laisse pas d'estre le plus souuent à la Cour, & d'y viure avec tant de reputation, qu'elle obscurcit celle de tous les plus braues. Bien souuent aussi il va visiter les villes de son gouvernement. L'Amour n'auoit encores rien peu gagner sur sa liberté. Toutes les beautez du monde luy estoient indifferentes. Il passoit ses iours sans estre tourmenté dans les flots de ce petit Dieu, où les pilotes les plus experts decouurent tous les iours quelques nouveaux escueils, lors que les beaux yeux d'vne Dame luy firent perdre le titre d'invincible, en vne assemblée qui se fit dans la maison d'vn Iuge, en l'vne des villes dont il estoit le Gouverneur.

Celuy qui n'auoit iamais trouué de hazard assez difficile pour arrester son genereux courage, & qui auoit deffié mille fois la mort toute teinte de sâg & d'horreur au milieu de tant de perils, reconnut en vn instant l'effort d'vne beauré qui par ses charmes eut la gloire de le surmonter. Il s'efforçoit au commencement d'y faire resistance : mais s'il eust eu ce

pouuoir , il eust fait plus que tous les Heros tant vantez par l'antiquité. Cette beauté pour le respect que ie dois à ceux à qui elle appartenoit, sera nommée Syluie. Si Lysis est si viuement atteint de son amour, elle n'est pas moins amoureuse de son merite, non pas toutesfois pour s'abandonner à luy, puis qu'elle a tousiours fait trop de profession de l'honneur, quelque chose que la calomnie en ait semé par tout, mais seulement vne amitié loüable, si elle eust esté indifferente, veut auoir la gloire d'auoir dompté celuy qu'on croyoit indomptable si bien qu'elle tasche de l'arrester du tout à elle, & joignant les artifices à sa beauté, l'empescher de n'en aimer point d'autre. L'amour est vne belle chose, pourueu qu'elle ne passe point les bornes de la raisõ; il est impossible aux braues & gentils courages de viure & de n'aimer point, à la charge que les Loix du Ciel, & de l'Eglise ne soient point violées. Cette amitié que ie veux descrire, estoit illicite, & ne se pouuoit pratiquer sans le scandale des hommes, encore que Dieu n'y fust point offensé. Il n'est point permis à vne femme mariée de quelque condition qu'elle soit, de diuiser son cœur, qu'en presence de IESVS-CHRIST & de son Eglise, elle a donné à son Espoux, ny de donner tāt de priuautez à vn autre. Cette Dame dont ie vous parle, estoit mariée avec vn grād Seigneur, ieune, vaillant, sage, discret & courtois, s'il y'en a au monde: de sorte qu'auoir de l'amitié ou de l'amour pour vn autre, c'est vne chose digne de blasme. Quelle ne m'allegue point le merite de Lisis, capable d'allumer d'amour impudique les plus pudiques. Ce sont de foibles raisons, qui ne doiuent iamais estre receuës des Chrestiens. Lysis à la verité eut tort de jetter les yeux

yeux , & de se laisser prendre par vne personne qui estoit liée à vne autre. Il ne faut iamaïs faire à autrui ce que nous ne voudrions qui nous fust fait. Mais toutes ces considerations n'ont plus de lieu au siecle, où nous sommes, & principalement parmy ceux qui ont esté nourris à la Cour, où le vice est assis au trône de la vertu. Apres que Lysis se fut follement embarqué en cet amour, où les apparences luy promettoient ce qu'il n'obtiendra iamaïs il fit entédré à Syluie le tourment qu'il souffroit pour sa beauté, & elle donnoit de petites priuautez , sans neantmoins luy accorder ce qu'il desiroit avec tant de passion. Elle le carressoit de la sorte, & en partie pour le bien qu'elle luy vouloit, & en partie pour l'ébrazer d'auantage à son amour, & pour le rendre plus ferme à sa recherche. Aussi il n'y a point de doute que rien ne conserue mieux la flamme de l'amour que ces priuautez sans jouissance: puis que le chasseur poursuit le lièvre au froid, au chaud, par montagnes, & par plaines, & qu'il n'en fait plus de conte, lors qu'il en a fait sa prise : qu'il se faut donner de garde a ces ieunes mignons , qui en vn aage si tendre , ont vn visage si delicat, & dont l'ardeur est vn feu de paille, qui se consume aussi-tost qu'elle prend naissance. C'est pourquoy ces petits refus, & toutesfois accompagnez d'un ie ne sçay quoy qui inuitoit à la poursuite, l'engagerent tellement, que depuis il n'eut point de repos. Il passoit les iours & les nuicts à souspirer son ardeur. O Dieux! (disoit-il d'où me peut proceder ce nouueau trouble : ô Lysis ! où est ton courage ? Faut-il que tu te laisses dompter par les foibles puissance d'un enfant , toy qui n'as peu estre surmonté d'aucun autre pouuoir?

O doux regards ! vous m'estes cherement vendus. Mais s'il se tourmente d'un costé, Syluie n'a pas moins de passion, quoy qu'elle la dissimule.

Toutesfois elle est autre que celle de son Amoureux: car encore qu'elle ne refusast iamaïs de verser son propre sang pour luy: si est-ce pourtant qu'elle mourroit plustost de mille morts, que d'offencer en effect son honneur, qu'il noircissoit en apparence. Lysis cependant le voyoit tous les iours, & leurs regards se confondent, & se meslent dans leurs ames. Enfin ce Cavalier ne pouuant plus supporter tant de passion, se delibere de luy escrire. La teneur de la lettre estoit telle.

SI vous auiez aussi bien connoissance de ma douleur, comme vostre beauté est reconuë en mon ame, pour la premiere de toutes les autres beautez du monde, ie suis assure, belle Syluie, que vostre cœur de rocher seroit touché de quelque pitié en mon endroit: mais mon malheur est si grand que vous vous figurez, que mes recherches sont feintes, & que mon amour est suiet au changement. Bannissez, ie vous supplie cette folle croyance de vostre belle ame, & prenez desormais compassion de celui à qui la Parque auancera bien tost la trame de ses iours, si vous ne luy oëtroyez ce que sa foy & sa persuerance merite. L'attends avec impatience l'arrest de ma vie ou celui de ma mort, par la responce que vostre courtoisie ne peut iustement denier, puis que par elle vous serez deliurée de mon importunité, ou par la gloire que ie receuray ou par la fin de ma vie.

Cette lettre ayant esté fermée, il la consigna entre les mains de ce Iuge, que Lysis auoit gagné pour luy seruir de truchement. Cët homme de Iustice, angat s'il en fut oncque, comme qui tenoit tout son

son bien & tout son honneur de la maison de ^{mau}reaux Lyfandre, Mary de Syluie, s'estant rendu le cōratier de ces amours, rendit la lettre à cette Dame. Apres l'auoir leuë, elle ne sçauoit si elle y deuoit respondre, ou bien n'y respondre pas. D'un costé elle se representoit que si elle respondoit à sa lettre, ce seroit rendre trop cōtent Lysis, qu'elle vouloit tenir en attente. D'autre part la bien-vueillance qu'elle luy porte ne permet pas qu'elle ne soulage son mal pour le moins par vn espoir menteur. Ainsi balāçant entre deux extremitez, elle se resolut à faire vne respōce autant irresoluë que son ame. Quelqu'un pensera peut estre que ces deux lettres sont de mon inuenton: mais il faut qu'il croye autrement. Toutes les lettres qu'on escrit à la Cour, se voyent, tant la vanité des Courtisans est grande. Je les ay recourées d'un de mes amis, qui en a fait vn fidelle ramas de plusieurs autres, & qui a esté curieux de sçauoir le nom des personnes qui les ont escrites. Ceste response estoit doncques telles.

Si les hommes de ce siecle estoient aussi fidelles en effect qu'ils le sont en apparence, i'aurois occasion de viure heureuse, & contente, assurée d'auoir fait acquisition d'un si digne Cavalier. Mais les exemples de leur inconstance sont si communs, que ie suis plustost tournée à forcer ma volonté & mon inclination, qu'à contenter vostre desir. Quand vous m'aurez rendu des preuues de vostre fidelité, ie me resoudray à ce que ie dois faire. Peut-estre qu'alors ceste persenerance me fera reconnoistre vostre merite.

Si Lysis eust sujet de se plaindre apres en auoir faict entierement la lecture, ie le laisse imaginer à ceux qui ne viuent que de l'espoir de l'accomplisse-

O doux regards ! vous m'estes chèrement vendus. Mais s'il se tourmente d'un costé, Syluie n'a pas moins de passion, quoy qu'elle la dissimule.

Toutesfois elle est autre que celle de son Amoureux: car encore qu'elle ne refusast jamais de verser son propre sang pour luy: si est-ce pourtant qu'elle mourroit plustost de mille morts, que d'offencer en effect son honneur, qu'il nourcissoit en apparence. Lysis cependant le voyoit tous les iours, & leurs regards se confondent, & se meslent dans leurs ames. Enfin ce Cavalier ne pouuant plus supporter tant de passion, se delibere de luy escrire. La teneur de la lettre estoit telle.

S*I vous auiez aussi bien connoissance de ma douleur, comme vostre beauté est reconnüe en mon ame, pour la premiere de toutes les autres beautez du monde, ie suis assure, belle Syluie, que vostre cœur de rocher seroit touché de quelque pitié en mon endroit: mais mon malheur est si grand que vous vous figurez, que mes recherches sont feintes, & que mon amour est suiet au changement. Bannissez, ie vous supplie cette folle croyance de vostre belle ame, & prenez desormais compassion de celui à qui la Parque auancera bien tost la trame de ses iours, si vous ne luy oëtroyez ce que sa foy & sa persuerance merite. L'attends avec impatience l'arrest de ma vie ou celui de ma mort, par la responce que vostre courtoisie ne peut iustement denier, puis que par elle vous serez deliurée de mon importunité, ou par la gloire que ie receuray ou par la fin de ma vie.*

Cette lettre ayant esté fermée, il la consigna entre les mains de ce luge, que Lysis auoit gagné pour luy seruir de truchement. Cét homme de iustice, angrat s'il en fut oncque, comme qui tenoit tout son

son bien & tout son honneur de sa maison de genereux Lyfandre, Mary de Syluie, s'estant rendu le corratier de ces amours, rendit la lettre à cette Dame. Apres l'auoir leuë, elle ne sçauoit si elle y deuoit respondre, ou bien n'y respondre pas. D'un costé elle se representoit que si elle respondoit à sa lettre, ce seroit rendre trop cõtent Lysis, qu'elle vouloit tenir en attente. D'autre part là bien-vueillance qu'elle luy porte ne permet pas qu'elle ne soulage son mal pour le moins par vn espoir menteur. Ainsi balança entre deux extremitez, elle se resolut à faire vne respõce autant irresoluë que son ame. Quelqu'un pensera peut estre que ces deux lettres sont de mon inuent. on: mais il faut qu'il croye autrement. Toutes les lettres qu'on escrit à la Cour, se voyent, tant la vanité des Courtisans est grande. Je les ay recourües d'un de mes amis, qui en a fait vn fidelle ramas de plusieurs autres, & qui a esté curieux de sçauoir le nom des personnes qui les ont escrites. Cette responce estoit doncques telles.

Si les hommes de ce siecle estoient aussi fidelles en effect qu'ils le sont en apparence, i'aurois occasion de viure heureuse, & contente, assuree d'auoir fait acquisition d'un si digne Cavalier. Mais les exemples de leur inconstance sont si communs, que ie suis plustost tournée à forcer ma volonteé & mon inclination, qu'à contenter vostre desir. Quand vous m'aurez rendu des preuues de vostre fidelité, ie me resoudray à ce que ie dois faire. Peut-estre qu'alors ceste persëuerance me fera reconnoistre vostre merite.

Si Lysis eust sujet de se plaindre apres en auoir faict entierement la lecture, ie le laisse imaginer à ceux qui ne viuent que de l'espoir de l'accomplisse-

O doux regards ! vous m'estes chèrement vendus. Mais s'il se tourmente d'un costé, Syluie n'a pas moins de passion, quoy qu'elle la dissimule.

Toutesfois elle est autre que celle de son Amoureux: car encore qu'elle ne refusast jamais de verser son propre sang pour luy: si est-ce pourtant qu'elle mourroit plustost de mille morts, que d'offencer en effect son honneur, qu'il nourrissoit en apparence. Lysis cependant le voyoit tous les iours, & leurs regards se confondent, & se meslent dans leurs ames. Enfin ce Cavalier ne pouuant plus supporter tant de passion, se delibere de luy escrire. La teneur de la lettre estoit telle.

SI vous auiez aussi bien connoissance de ma douleur, comme vostre beauté est reconnüe en mon ame, pour la premiere de toutes les autres beautez du monde, ie suis assuré, belle Syluie, que vostre cœur de rocher seroit touché de quelque pitié en mon endroit: mais mon malheur est si grand que vous vous figurez, que mes recherches sont feintes, & que mon amour est suiet au changement. Bannissez, ie vous supplie cette folle croyance de vostre belle ame, & prenez desormais compassion de celuy à qui la Parque auancera bien tost la trame de ses iours, si vous ne luy oëtroyez ce que sa foy & sa persuerance merite. J'attends avec impatience l'arrest de ma vie ou celuy de ma mort, par la responce que vostre courtoisie ne peut iustement denier, puis que par elle vous serez deliurée de mon importunité, ou par la gloire que ie receuray ou par la fin de ma vie.

Cette lettre ayant esté fermée, il la consigna entre les mains de ce Iuge, que Lysis auoit gagné pour luy seruir de truchement. Cét homme de Iustice, Angat s'il en fut oncque, comme qui tenoit tout son

son bien & tout son honneur de la maison de genereux Lyfandre, Mary de Syluie, s'estant rendu le corratier de ces amours, rendit la lettre à cette Dame. Apres l'auoir leuë, elle ne sçauoit si elle y deuoit respondre, ou bien n'y respondre pas. D'un costé elle se representoit que si elle respondoit à sa lettre, ce feroit rendre trop cōtent Lyfis, qu'elle vouloit tenir en attente. D'autre part là bien-vueillance qu'elle luy porte ne permet pas qu'elle ne soulage son mal pour le moins par vn espoir menteur. Ainsi balāçant entre deux extremitez, elle se resolut à faire vne respōce autant irresoluë que son ame. Quelqu'un pensera peut estre que ces deux lettres sont de mon inuent on: mais il faut qu'il croye autrement. Toutes les lettres qu'on escrit à la Cour, se voyent, tant la vanité des Courtisans est grande. Je les ay recourées d'un de mes amis, qui en a fait vn fidelle ramas de plusieurs autres, & qui a esté curieux de sçauoir le nom des personnes qui les ont escrites. Cette responce estoit doncques telles.

*Si les hommes de ce siecle estoient aussi fidelles en es-
fiet qu'ils le sont en apparence, i'aurois occasion de
viure heurieuse, & contente, assuree d'auoir fait acqui-
sition d'un si digne Cavalier. Mais les exemples de leur
inconstance sont si communs, que ie suis plustost cournée
à forcer ma volonte & mon inclination, qu'à contenter
vostre desir. Quand vous m'aurez rendu des preuues de
vostre fidelite, ie me resoudray à ce que ie dois faire.
Peut-estre qu'alors ceste persēuerance me fera reconnoi-
stre vostre merite.*

Si Lyfis eust sujet de se plaindre apres en auoir faict entierement la lecture, ie le laisse imaginer à ceux qui ne viuent que de l'espoir de l'accomplisse-

O doux regards ! vous m'estes chèrement vendus. Mais s'il se tourmente d'un costé, Syluie n'a pas moins de passion, quoy qu'elle la dissimule.

Toutesfois elle est autre que celle de son Amoureux: car encore qu'elle ne refusast jamais de verser son propre sang pour luy: si est-ce pourtant qu'elle mourroit plustost de mille morts, que d'offencer en effect son honneur, qu'il nourrissoit en apparence. Lysis cependant le voyoit tous les iours, & leurs regards se confondent, & se meslent dans leurs ames. Enfin ce Cavalier ne pouuant plus supporter tant de passion, se delibere de luy escrire. La teneur de la lettre estoit telle.

SI vous auiez aussi bien connoissance de ma douleur, comme vostre beauté est reconuë en mon ame, pour la premiere de toutes les autres beautez du monde, ie suis assure, belle Syluie, que vostre cœur de rocher seroit touché de quelque pitié en mon endroit: mais mon malheur est si grand que vous vous figurez, que mes recherches sont feintes, & que mon amour est suiet au changement. Bannissez, ie vous supplie cette folle croyance de vostre belle ame, & prenez desormais compassion de celuy à qui la Parque auancera bien tost la trame de ses iours, si vous ne luy oëtroyez ce que sa foy & sa persuerance merite. L'attends avec impatience l'arrest de ma vie ou celuy de ma mort, par la responce que vostre courtoisie ne peut iustement denier, puis que par elle vous serez deliurée de mon importunité, ou par la gloire que ie receuray ou par la fin de ma vie.

Cette lettre ayant esté fermée, il la consigna entre les mains de ce Iuge, que Lysis auoit gagné pour luy seruir de truchement. Cét homme de iustice, Angat s'il en fut oncque, comme qui tenoit tout son

son bien & tout son honneur de la maison de genereux Lyfandre, Mary de Syluie, s'estant rendu le cor-
 rariet de ces amours, rendit la lettre à cette Dame.
 Apres l'auoir leuë, elle ne sçauoit si elle y deuoit
 respondre, ou bien n'y respondre pas. D'un costé elle
 se representoit que si elle respondoit à sa lettre, ce
 feroit rendre trop cōtent Lyfis, qu'elle vouloit tenir
 en attente. D'autre part la bien-vueillance qu'elle
 luy porte ne permet pas qu'elle ne soulage son mal
 pour le moins par vn espoir menteur. Ainsi balāçant
 entre deux extremitez, elle se resolut à faire vne res-
 pōce autant irresoluë que son ame. Quelqu'un pen-
 serra peut estre que ces deux lettres sont de mon in-
 uent on: mais il faut qu'il croye autrement. Toutes
 les lettres qu'on escrit à la Cour, se voyent, tant la
 vanité des Courtisans est grande. Je les ay recou-
 urées d'un de mes amis, qui en a fait vn fidelle ra-
 mas de plusieurs autres, & qui a esté curieux de sça-
 uoir le nom des personnes qui les ont escrites. Cet-
 te responce estoit doncques telles.

*Si les hommes de ce siecle estoient aussi fidelles en ef-
 fait qu'ils le sont en apparence, i'aurois occasion de
 viure heureuse, & contente, assurée d'auoir fait acqui-
 sition d'un si digne Cavalier. Mais les exemples de leur
 inconstance sont si communs, que ie suis plustost tournée
 à forcer ma volonté & mon inclination, qu'à contenter
 vostre desir. Quand vous m'aurez rendu des preuues de
 vostre fidelité, ie me resoudray à ce que ie dois faire.
 Peut-estre qu'alors teste perséuerance me fera reconnoi-
 stre vostre merite.*

Si Lyfis eust sujet de se plaindre apres en auoir
 fait entierement la lecture, ie le laisse imaginer à
 ceux qui ne viuent que de l'espoir de l'accomplisse-

pouuoir , il eust fait plus que tous les Heros tant vantez par l'antiquité. Cette beauté pour le respect que ie dois à ceux à qui elle appartenoit, sera nommée Syluie. Si Lysis est si viuement atteint de son amour, elle n'est pas moins amoureuse de son merite, non pas toutesfois pour s'abandonner à luy, puis qu'elle a tousiours fait trop de profession de l'honneur, quelque chose que la calomnie en ait semé par tout, mais seulement vne amitié louable, si elle eust esté indifferente, veut auoir la gloire d'auoir dompté celuy qu'on croyoit indomptable si bien qu'elle tasche de l'arrester du tout à elle, & joignant ses artifices à sa beauté, l'empescher de n'en aimer point d'autre. L'amour est vne belle chose, pourueu qu'elle ne passe point les bornes de la raisõ; il est impossible aux braues & gentils courages de viure & de n'aimer point, à la charge que les Loix du Ciel, & de l'Eglise ne soient point violées. Cette amitié que ie veux descrire, estoit illicite, & ne se pouuoit pratiquer sans le scandale des hommes, encore que Dieu n'y fust point offensé. Il n'est point permis à vne femme mariée de quelque condition qu'elle soit, de diuiser son cœur, qu'en presence de IESVS-CHRIST & de son Eglise, elle a donné à son Espoux, ny de donner tât de priuautez à vn autre. Cette Dame dont ie vous parle, estoit mariée avec vn grád Seigneur, ieune, vaillant, sage, discret & courtois, s'il y'en a au monde: de sorte qu'auoir de l'amitié ou de l'amour pour vn autre, c'est vne chose digne de blasme. Quelle ne m'allegue point le merite de Lisis, capable d'allumer d'amour impudique les plus pudiques. Ce sont de foibles raisons, qui ne doiuent iamais estre receuës des Chrestiens. Lysis à la verité eut tort de jetter les

yeux

yeux , & de se laisser prendre par vne personne qui estoit liée à vne autre. Il ne faut iamais faire à autrui ce que nous ne voudrions qui nous fust fait. Mais toutes ces considerations n'ont plus de lieu au siecle, où nous sommes, & principalement parmy ceux qui ont esté nourris à la Cour, où le vice est assis au trône de la vertu. Apres que Lysis se fut follement embarqué en cét amour, où les apparences luy promettoient ce qu'il n'obtiendra iamais il fit entédré à Syluie le tourment qu'il souffroit pour sa beauté, & elle donnoit de petites priuautez , sans neantmoins luy accorder ce qu'il desiroit avec tant de passion. Elle le caressoit de la sorte, & en partie pour le bien qu'elle luy vouloit, & en partie pour l'ébrazer d'auantage à son amour, & pour le rendre plus ferme à sa recherche. Aussi il n'y a point de doute que rien ne conserue mieux la flamme de l'amour que ces priuautez sans jouyssance: puis que le chasseur poursuit le lièvre au froid, au chaud, par montagnes, & par plaines, & qu'il n'en fait plus de compte, lors qu'il en a fait sa prise : qu'il se faut donner de garde à ces ieunes mignons , qui en vn aage si tendre , ont vn visage si delicat, & dont l'ardeur est vn feu de paille, qui se consume aussi-tost qu'elle prend naissance. C'est pourquoy ces petits refus, & toutesfois accompagnez d'un ie ne scay quoy qui inuitoit à la poursuite, l'engagerent tellement, que depuis il n'eut point de repos. Il passoit les iours & les nuicts à soupirer son ardeur. O Dieux! (disoit-il d'où me peut proceder ce nouveau trouble : ô Lysis ! où est ton courage ? Faut-il que tu te laisses dompter par les foibles puissance d'un enfant , toy qui n'as peu estre surmonté d'aucun autre pouuoir?

O doux regards ! vous m'estes cherement vendus. Mais s'il se tourmente d'un costé, Syluie n'a pas moins de passion, quoy qu'elle la dissimule.

Toutesfois elle est autre que celle de son Amoureux: car encore qu'elle ne refusast jamais de verser son propre sang pour luy: si est-ce pourtant qu'elle mourroit plustost de mille morts, que d'offencer en effect son honneur, qu'il noircissoit en apparence. Lysis cependant le voyoit tous les iours, & leurs regards se confondent, & se meslent dans leurs ames. Enfin ce Cavalier ne pouuant plus supporter tant de passion, se delibere de luy escrire. La teneur de la lettre estoit telle.

SI vous auiez aussi bien connoissance de ma douleur, comme vostre beauté est reconnüe en mon ame, pour la premiere de toutes les autres beautez du monde, ie suis assuré, belle Syluie, que vostre cœur de rocher seroit touché de quelque pitie' en mon endroit: mais mon malheur est si grand que vous vous figurez, que mes recherches sont feintes, & que mon amour est suiet au changement. Bannissez, ie vous supplie cette folle croyance de vostre belle ame, & prenez desormais compassion de celui à qui la Parque auancera bien tost la trame de ses iours, si vous ne luy oëtroyez ce que sa foy & sa persuerance merite. L'attends avec impatience l'arrest de ma vie ou celui de ma mort, par la responce que vostre courtoisie ne peut iustement denier, puis que par elle vous serez deliurée de mon importunité, ou par la gloire que ie receuray ou par la fin de ma vie.

Cette lettre ayant esté fermée, il la consigna entre les mains de ce Iuge, que Lysis auoit gagné pour luy seruir de truchement. Cët homme de Iustice, àngtat s'il en fut oncque, comme qui tenoit tout son

son bien & tout son honneur de la maison de genereux Lyfandre, Mary de Syluie, s'estant rendu le corratier de ces amours, rendit la lettre à cette Dame. Apres l'auoir levée, elle ne sçanoit si elle y deuoit respondre, ou bien n'y respondre pas. D'un costé elle se representoit que si elle respondoit à sa lettre, ce seroit rendre trop cōtent Lyfis, qu'elle vouloit tenir en attente. D'autre part la bien-vueillance qu'elle luy porte ne permet pas qu'elle ne soulage son mal pour le moins par vn espoir menteur. Ainsi balāçant entre deux extremitez, elle se resolut à faire vne respōce autant irresoluë que son ame. Quelqu'un pensera peut estre que ces deux lettres sont de mon inuent. on; mais il faut qu'il croye autrement. Toutes les lettres qu'on escrit à la Cour, se voyent, tant la vanité des Courtisans est grande. Je les ay recourées d'un de mes amis, qui en a fait vn fidelle ramas de plusieurs autres, & qui a esté curieux de sçauoir le nom des personnes qui les ont escrites. Cette responce estoit doncques telles.

Si les hommes de ce siecle estoient aussi fidelles en effect qu'ils le sont en apparence, j'aurois occasion de viure heurieuse, & contente, assurée d'auoir fait acquisition d'un si digne Cavalier. Mais les exemples de leur inconstance sont si communs, que ie suis plustost tournée à forcer ma volonté & mon inclination, qu'à contenter vostre desir. Quand vous m'aurez rendu des preuues de vostre fidelité, ie me resoudray à ce que ie dois faire. Peut-estre qu'alors ceste persēurance me fera reconnoistre vostre merite.

Si Lyfis eust sujet de se plaindre apres en auoir faict entierement la lecture, ie le laisse imaginer à ceux qui ne viuent que de l'espoir de l'accomplisse-

ment de leurs desirs insenséz. Helas! Madame, disoit-il tout seul retiré dans sa chambre, qu'elles marques d'infidelité auez-vous reconnues pour differer si longuement la recompense que mon amour extreme a meritée? Voulez-vous que j'escriue de mon propre sang la promesse que j'ay faict de n'aymer autre que vous? Il n'y a veine en tout mon corps que ie n'épuise pour ce sujet. Helas! si vous tardez plus long-temps à me secourir, vous perdrez le plus fidel des mortels. Pleust à Dieu! que vous peussiez aussi bien voir le fond de mon cœur, comme ie ressens la blesseure que vos beaux yeux y ont faicte: vous me iugeriez aussi tost digne de vostre bonne grace Tandis que Lysis se tourmente, & accuse son cruel destin, & sa mauuaise fortune, sa Maistresse a bien de la peine à surmonter d'autre part les assauts que tant de rares dons du Ciel liurent contre son honneur, assistez de l'inclination qu'elle a d'aymer Lysis. Toutesfois elle demeure tousiours ferme comme vn rocher au milieu des vagues pour ce regard: bien qu'en apparence il n'y ait nul qui ne croye qu'il y a entre eux d'autres plus estroicts liés. Car elle dōne le vray moyen à Lysis de la voir sans se soucier qu'on en parle, pourueu que sa conscience la deffende. Et particulièrement ce fut en vn jardin qui est à l'vn des faux bourgs de la ville. Ce lieu fut le tesmoing des plainctes que Lysis fit à sa Maistresse, capables d'arrester de pitié la course du Soleil: mais il n'en retire pourtant que de simples baisers, & de semblables faueurs qui ne font qu'aigrir le mal de l'Amour, au lieu de le soulager. Tandis qu'ils continuent à se voir dans ce Paradis, plusieurs qui croient les actions des hommes autres qu'elle

qu'elles ne sont, y prennēt garde, & en font vn mauvais iugement. Lylis, qui comme nous auons desia dit, auoit beaucoup d'enuieux de sa gloire, ne peut pas si secrettemēt poursaiure l'accomplissement de cette amour, que ceux qui veillent sur ses actions ne descouurent quelque fumée de son ardeur. Ils en parlent sourdement, & beaucoup de ceux qui ont plus de credit à la Cour, & plus de faueur de leur Prince en donnent secrettement des aduis à Lysandre. Ce Seigneur est neantmoins si assuré de la fidelité de son espouse, qu'il a recōnuë en d'autres occasions, qu'il croit que ce sont des impostures. Et puis il s'assure que Lylis l'aimoit trop, pour luy tramer vn tel deshonneur. Toutesfois pour oster tout sujet aux hommes de parler de luy, il prend vn iour sa femme, & se retire en vne sienne maison, qu'il a non gueres esloignée de la ville. Qui pourra dignement exprimer la douleur de ces Deux Amans, lors qu'une absence les priua du plaisir de se voir ? Lylis se plaint & soupire, & dit en luy-mesme qu'il falloit bien que son cœur fust vne roche dure, lors que sa Maistresse le quitte, puis qu'il ne mourut point à ce départ Il ne repose ny iour, ny nuict. Le souuenir de ses lieffes passées l'importune incessamment, & ne luy donne point de tréue. Lors que le Soleil se leue, il souhaite la nuict, & desire la clarté du iour durant les tenebres. Syluie qui sent vn pareil déplaisir, accuse cependant la cruauté de son mary, & maudit la rigueur de la loy, qui assujettit les femmes aux loix des hommes. Lors que son amitié luy représente la beauté, la courtoisie, & la valeur de son Lylis, elle dit que l'amour luy auoit fait goustier tant de fruits delicieux, non pour la pitié qu'il eut de sa souffran-

douces fleurs du iardin des Amours. Mais que ces roses produi ont d'espines! Apres que Lysis a demeuré deux ou trois iours en cette douce vie, il préd cōgé de Syluie pour retourner à la Cour, avec promesse de la reuoir bien souuēt. Mais son cruel destin qui veut bientoist trancher le fil de ses iours, luy suscite vne grande querelle. Sa valeur, sa beauté, & son courage, luy auoient acquis, & comme nous auons desia dit, les bonnes graces du premier Prince du sang, qui n'estoit pas de trop bonne intelligence avec le Roy. Ceux qui gouernoient sa Majesté, & qui redoutoient l'espée de Lysis, entretenoient tous les iours nostre Monarque de l'ambitiō de ce Cavalier & luy donnoient à entendre qu'il estoit cause du mauuais mesnage, qui estoit à desia cy-deuant contre luy & le Prince. Que sa Majesté y deuoit pouruoir de bonne heure, autrement que son insolence monteroit à telle extremité, qu'elle pourroit atterrer à de choses de plus grande importance. Le Roy, encore qu'il eust assez de suiet de se de fier, voyant tant de partis contraires à sa Cour, ne vouloit pas neantmoins traiter indignemēt Lysis. Biē qu'on luy donnast de mauuaises impressions, toutesfois sa douceur accoustumée ne pouuoit se resoudre à la perte d'un si braue Cavalier. Ces mignons n'eurent pas toutes ces considerations: mais dès l'heure même ils coniuèrent à luy ôster la vie, de sorte qu'un soir comme Lysis se retiroit, sept ou huit mauuais garçons l'attaquerent: Toutesfois il se deffendit si bien, qu'avec l'assistance qu'il receut d'un valeureux Marechal de champ, quatre demeurerēt sur la place & les autres gaignerent au pied. Lors que les aduersaires virēt qu'il n'y auoit moyen de le faire mourir
de

de viue force, ils euiēt recours à d'autres artifices. Ils sçauoient desia ses amours, de sorte qu'ils firent tant de faux rapports, & donnerēt tāt de sinistres impressions à sa Majesté, qu'à leur importunité elle procéda contre Lysis de la sorte que nous l'allons escrire.

Tandis qu'on ne parle à la Cour que de querelles & de dissentions, & que le Monastere a tāt de testes qui parut bientoſt apres, se forme, Lyſandre arriue de son voyage, Syluie le reçoit à l'accoustumée avec mille caresses. Apres auoir seiourné quelques iours à sa maison, il va à la Cour: Comme il saluē sa Majesté, elle qui estoit desia induite à rendre vn mauuais office à Lysis, vit Lyſandre de mauuais œil, & le tirant à part luy tint ce langage.

Infame que tu es, est il possible, qu'estant issu de si noble extraction, tu souffres la honte de ta maison? Fuge en quelle estime ie peux auoir ton courage, qui n'ose tesmoigner le iuste ressentiment qu'on doit auoir d'un tel affront. Pendant que tu es absent, Lysis souille ta couche, & tu le sçais, & tu l'endures. Va & ne te represente iamais deuant ma face que tu n'ayes vengé vne telle iniure. Mes yeux ne sçauroient voir un homme qui est la fable & la risée de ma Cour.

Lyſandre fut bien estonné de ces paroles. Il ressemble à cel y qui est comme perclus lors que le foudre qui tombe à ses pieds tuē quelque personne qui estoit proche de luy, ou qu'il brise vn grand arbre contre lequel il s'appuyoit: il demeure de mesme tout confus, & ne peut respondre vn seul mot. La honte qu'il vient de receuoir de son Prince, le touche si viuement, que lors qu'il a repris ses sentimens égarez, il part tout morne, & tout pensif, & va vers sa maisō pour y executer vne cruelle resolutiō.

il y catesse plus que d'ordinaire sa fême, afin qu'elle n'entre point en quelque deffiance. Cependant il recouvre vn poison le plus violent qui se puisse trouver, & l'ayant detrempé dans v. verre avec de l'eau, il va treuver sa femme qui se reposoit encore dans sa chambre. Il commanda aux domestiques qui y estoient dans sortir. Lors qu'il s'y void seul il ferme la porte, & ouurant les vitres il esueille sa femme; apres il met vne escrutoire & du papier sur la table & tenant de la main gauche le poison, & de la main droite vn poignard tout nud, il luy tient ce discours, *Encores*, dit-il, *que ton impudicité me deust forcer à n'auoir aucune compassion de toy neantmoins ie te veux monstrier que ie suis plus soigneux de ta conuersion, que tu n'es de mon honneur, ny du tien. Fait eslection de l'une de ces trois choses, d'aualer ce poison, ou de mourir par ce fer, ou bien d'escrire tout presentement à Lysis, que ie suis absent & que tu le coniures par l'amour qu'il te porte de te venir voir.*

Iamais la belle Cypris ne fut plus honteuse lors que son mary l'exposa toute nuë avec Mars son amoureux, aux yeux des immortels. Mais les extremittez ou elle se void reduite de mourir, ou de trahir celuy qu'elle ayme à la verité, & qui neantmoins ne se peut vanter d'auoir receu d'elle que des priuantez plus estroites en apparence qu'en effet, la rendoient bien plus confuse. D'un costé l'image de la mort, qui est cōmunement plus horrible aux sexe femenin qu'aux hommes, s'offre deuant ses yeux, & d'autre costé elle void bien que si elle escrit la lettre, Lysis ne peut eschapper de mourir. Helas ! Monsieur, dit enfin cette dolente, d'où vous peut venir vn si cruel dessein, de donner la mort à l'innocence ! Auez, vbus
iamais

iamais reconnu en moy tant d'impudicité, que vous me reduifiez à vn tel precipice? Voulez vous que i'escrive à Lysis vne chose qui n'est pas, & qui ne sera iamais, & que i'aduouë vn crime que ie n'ay point commis? Que ie meure plustost de vostre main, ou que i'auale ce cruel breuuage. Le voy bien, respond Lysandre, vous taschez à me tromper encores par vos belles paroles: Mais par le Dieu vivant, vous boirez tout presentement ce poison, ou mourrez de ma main, si mieux vous n'aymez escrire ce que ie desire. Acheuant ces mots, il luy porte la dague près de son sein, & fait semblant de la vouloir plonger dedans. Helas! Monsieur, poursuit-elle, ie vous crie mercy, Attendez, & ie feray ce que vous voudrez. Depeschez vous, dit le mary, autrement vous mourrez. Syluie estoit desia morte de la frayeur qu'elle auoit de mourir, prèd la plume, & le papier, & puis escrit ces paroles que s^{on} mary luy dicté.

***S**I vous m'aimez, mon cher Lysis, comme vous m'en sauez tousiours donné des preuues, vous ne manquerez point de venir demain consoler vne amante affligée, qui meurt de desir de vous voir. L'absence de Lysandre vous y doit semondre. Il ne reuiendra point de quelques iours. Le vous attend avec autant d'impatience, que vous possédez de merites: Bon iour ma chere vie, ne defferez point nostre contentement.*

Le m'estonne que cette passionnée ne mourut de regret en escriuant cette lettre, & comme elle eut le pouuoir de l'acheuer. Les larmes qui tomboient dessus, & les soursirs qu'elle tiroit à peine de son estomach, rendoient assez de tesmoignage de la douleur qu'elle en ressentoit. Quand elle fut escrite, Lysandre la prend, & puis la baille à vne ieune gaicon, qu'il

qu'il avoit instruit à jouir son personnage. Le laquay part, & treuve Lysis qui ioyeux de recevoir des nouvelles de sa Maistresse, que l'arrivée de Lyfandre luy defendoit de voir, & croyant enfin de recevoir d'elle apres tant de faueurs ordinaires, ce que tous les Amoureux recherchent avec tant de passion, se dispose à l'instant de partir accompagné de ce messager. Il se mit en chemin, & fait tant qu'il arrive près du Chasteau de Lyfandre. Hal malheureux, tu cours trop volontairement à la fin de tes iours, Retourne au lieu d'où tu es party. Ta valeur qui iusques icy n'a trouué rié d'invincible sera contraincte de succomber aux pieges que l'on te tend. Ainsi parloit vn bon Ange, ce dit-on, à l'oreille de Lysis lors qu'il estoit prest d'entrer dans ce Chasteau. Luy qui n'auoit iamais veu la peur, que sur le front de ses ennemis, commença d'entrer en quelque apprehension, de sorte qu'une fois il s'arresta tout court à la porte. Allons Monsieur, disoit celui qui le menoit, Madame receura vn extreme contétement, lors qu'elle sçaura vostre venue. Mon amy, respondit Lysis, ie ne sçay que i'ay; quelque chose me dit que ie differe de la voir à vn autre iour. Je me doute de quelque trahison. Comment Monsieur, repart l'autre, il semble que vous ayez peur! allons seulement en assurance. Qu'il soit dit que i'aye eu peur, dit Lysis, plustost souffrois ie mille morts, avant qu'on eust cette opinion de moy. Ce disant, il pousse son cheual, & entre dans la cour du Chasteau. Si tost qu'il y fut entré, ceux qui auoient de coustume de l'y recevoir, luy viennent à l'encontre. L'un luy reprend son cheual, l'autre son mâteau, l'autre son espée. Je ne sçay pas comme il la quitta,

S'il l'eust eüe, il eust bien vengé sa mort d'autre façon qu'il ne fit. C'estoit en la saison de Juillet, lors que les chaleurs sont plus violentes. Il monte vers la chambre de sa Maistresse comme il auoit de coutume. Si tost qu'elle le vit, elle jetta vn haut cry, & tomba sur son liët pasmée. Luy estonné de cette aduanture, veut s'approcher pour luy demander le sujet de son mal, mais à l'instant il se voit enuironné d'vne douzaine d'hommes armez qui de pistolets, qui d'espées nuës, & qui de halebardes. Leandre est parmy eux, qui luy crie. C'est maintenant que tu recevras le salaire de la honte que tu as faite à ma maison. Ce disant, il lasche vn pistolet, & luy perce vn bras. Les autres le chargent avec leurs halebardes, & avec leurs espées. Qui a veu quelques fois vn puissant sanglier enuironné de dogues, & de veneurs, ou quelque taureau indompté à qui l'on met les chiens à la quenë dans quelque parc, si fortune les barrières viennent à se rompre, ce puissant animal se lance sur la foule du peuple, & en appriéd vn, & puis vn autre avec ses cornes, & escarte tout le monde. Qu'il s'imagine de voir le valeureux Lysis, qui avec vn escabeau qu'il tient en main, donne si rudement sur la teste de l'vn de ses aduersaires qu'il en fait sortir la ceruelle. Il en assomme encore deux autres: mais que peut-il faire contre tant de gens, & ainsi desarmé qu'il est? Son corps percé comme vn crible, verse vn grand ruisseau de sang. Enfin il se iette sur Lysandre, & bien que par derriere on luy baille cent coups de poignards, il le prend, & le souleue, prest à le jetter du haut en bas d'vne fenestre, si tous les autres ensemble en se iettant sur luy, ne l'en eussent empesché. Il les escarte encore à coups de poings,

poings, & neantmoins il se sent tousiours percer de part en part. Voyant qu'il ne pouuoit eschapper la mort, il s'approche de la fenestre, & puis tout sanglant qu'il est, il saute legerement en bas. Mais ô mal-heur ! il portoit vn accoustrement decouppé, qui est arresté par le fer d'un treillis. Ses aduersaires le voyant ainsi empestre comme vn Absalon, luy donnent tant de coups de halebardes, qu'à la fin ils priuent le monde du plus grand courage, & de la plus grande valeur du siecle. O valeureux Lysis ! que ie plains l'iniustice de ton sort. Tu deuois mourir à la teste de quelque armée, pour la Foy, pour ton Roy, & pour ta patrie. Le bruit de cette mort pitoyable fut bientoist espanduë par toute la France. Les vns blasmoient la cruauté de Lysandre : les autres louoient son iuste ressentiment. Sa mort a esté neantmoins depuis cher vendue. Elle en a attiré plusieurs autres, & en attire tous les iours. Son corps est rendu à ses parens, qui l'inhument au sepulchre de ces Ancestres. Ils veulent poursuiure par les voyes de la iustice. Lysandre : Mais sa Majesté luy donne la remission qu'il fait interiner. Tandis que ses parens, & ses amis le pleurent, ceux qui le redoutoient à la Cour, en font des feux de ioye. L'on dit qu'à l'heure qu'on l'assassinoit, vne grande Dame qui l'aimoit fut esueillée par la vision qu'elle eut de sa mort. L'on en fit des vers sur ce suiet, qui sont assez communs, & assez passables pour le temps d'alors. Je les inferé icy, parce qu'il est à propos, pour apprendre à beaucoup qui les approprient à feu Monsieur de Guise, qui se trompent grandement.

L'ESPRIT DE LYSIS

parlant à Flore.

STANCES.

Sur le point que la nuit pliant son noir manteau,
 Pour faire place au iour, r'appelle ses lumieres
 Et qu'un profond sommeil arrose de son eau,
 Charms de nos ennuis les humides paupieres,
 J'entens pres de mon liét une dolente voix,
 Elle estoit à la voix de mon Lysis pareille.
 Je sens des bras plus froids que marbre mille fois,
 Dont l'un en me poussant, l'autre en sursaut m'éveille
 Un ieune homme couuert de playes, & de sang,
 Se prosterne à mes pieds, ma poitrine me glace.
 Mon cœur saisi d'effroy, pantele dans mon flanc,
 Et à ce triste objet je tombe sur ma face.
 Madame, dit-il alors, assurez vostre peur,
 Je suis vostre Lysis, qui deuant que descendre
 Dans le val tenebreux de l'infemale horreur,
 Ce funebre deuoir ie vous suis venu rendre.
 Je reconnois sa voix, en ouurant mes deux yeux,
 Je reconnois maints traits de sa beauté premiere,
 Lysis, dis-ic, en pleurant, quelle fureur des Dieux
 T'a fait si tost quitter nostre belle lumiere ?
 Les Dieux ne sont. Autheurs du massacre inhumain,
 Un cruel ennemy par vne fausse lettre,
 Dans sa propre maison l'a commis de sa main,
 Avec plusieurs bourreaux compagnons de leur Maistre
 Quoy tant de riches dons dont le Ciel t'honoroit,
 Ta force, ta valeur. ta grace, ta faconde :
 Et tant d'exploits guerrier que la France admiroit,
 Ne te deuoient-ils pas rendre amy a tout le monde ?
 Flore vous vous trompez l'esclat de ma vertu,

Est

Est l'inique venin, qui m'a privé de vie,
C'est le foudre cruel dont ie suis abbatu,

Le rocher de ma nef, la butte de l'enuie.
Ceux qu'on voit à la Cour premier rang tenir,
Rodomons de piaffe, & garces de courage,
Ne pouuans de mon los le renom soustenir,
On achene ma mort pour assouvir leur rage.

O detestables mœurs ! ô siecle rigoureux !

Forge de trahison, escole d'injustice.
Des siecles le dernier, & le plus mal-heureux,
Tu esteins la vertu pour allumer le vice,

Lysis mon bien, mon tout, mille & mille trespas,
Me feront chaque iour voir d'Acheron la rive,
Si par tant de malheur ton ombre soit là bas,
La gloire de tes faits restera tousiours vine.

I'eusse bien désiré mourir au lit d'honneur,
Mettant un champ en route, ou forçant une place:
Mais ce qui plus helas ! augmente ma douleur,

C'est que mourant, ie perds les raiz de vostre face ;
Le genre de ta mort tesmoigne ta valeur,

Et de tes ennemis la couardise infame :
Tant qu'en moy restera de vie & de chaleur,

Tousiours mon cher Lysis, tu viuras en mon ame,
Tousiours ie garderay dessous l'obscur tombeau,

Ta grace, ta vertu dedans mon ame empreinte:
Et le Lethe oublieux m'abreuuant de son eau,
Ne fera que i'oublie vne amitié si sainte.

L'excessiue douleur ne me permettra pas

De suruiure apres toy : les maux qu'amour me liure,
Sont beaucoup plus cruels, que le cruel trespas.

Tu m'emporte le cœur sans qui l'on ne peut viure.
Quiconque veut guerir, est ja sain à demy.

Madame au moins tenez vostre douleur couuerte,

L'ESPRIT DE LYSIS

parlant à Flore.

STANCES.

Sur le point que la nuit pliant son noir manteau,
 Pour faire place au iour, r'appelle ses lumieres
 Et qu'un profond sommeil arrose de son eau,
 Charms de nos ennuis les humides paupieres,
 J'entens pres de mon liét une dolente voix,
 Elle estoit à la voix de mon Lysis pareille.
 Je sens des bras plus froids que marbre mille fois,
 Dont l'un en me poussant, l'autre en sursaut m'éveille
 Un ieune homme couuert de playes, & de sang,
 Se prosterne à mes pieds, ma poitrine me glace.
 Mon cœur saisi d'effroy, pantele dans mon flanc,
 Et à ce triste obiet je tombe sur ma face.
 Madame, dit-il alors, assurez vostre peur,
 Je suis vostre Lysis, qui deuant que descendre
 Dans le val tenebreux de l'infemale horreur,
 Ce funebre deuoir ie vous suis venu rendre.
 Je reconnois sa voix, en ouurant mes deux yeux,
 Je reconnois maints traits de sa beauté premiere,
 Lysis, dis-ic, en pleurant, quelle fureur des Dieux
 T'a fait si tost quitter nostre belle lumiere ?
 Les Dieux ne sont. Autheurs du massacre inhumain,
 Un cruel ennemy par une fausse lettre,
 Dans sa propre maison l'a commis de sa main,
 Avec plusieurs bourreaux compagnons de leur Maistre
 Quoy tant de riches dons dont le Ciel t'honoroit,
 Ta force, ta valeur. ta grace, ta faconde :
 Et tant d'exploits guerrier que la France admiroit,
 Ne te denoient-ils pas rendre amy a tout le monde ?
 Flore vous vous trompez l'esclat de ma vertu,

Est

Est l'inique venin, qui m'a privé de vie,
 C'est le foudre cruel dont ie suis abbattu,
 Le rocher de ma nef, la butte de l'ennuie.
 Ceux qu'on voit à la Cour premier rang tenir,
 Rodomons de piasse, & garces de courage,
 Ne pouvant de mon los le renom soutenir,
 On achene ma mort pour assouvir leur rage.
 O detestables mœurs ! ô siecle rigoureux !
 Forge de trahison, escole d'injustice.
 Des siecles le dernier, & le plus mal-heureux,
 Tu esclins la vertu pour allumer le vice,
 Lysis mon bien, mon tout, mille & mille trespas,
 Me feront chaque iour voir d'Acheron la rive,
 Si par tant de mal heur ton ombre soit là bas,
 La gloire de tes faits restera tousieurs vine.
 I'eusse bien désiré mourir au lit d'honneur,
 Mettant un champ en route, ou forçant vne place:
 Mais ce qui plus helas ! augmente ma douleur,
 C'est que mourant, ie perds les raiz de vostre face ;
 Le genre de ta mort tesmoigne ta valeur,
 Et de tes ennemis la couardise infame :
 Tant qu'en moy restera de vie & de chaleur,
 Tousiours mon cher Lysis, tu viuras en mon ame,
 Tousiours ie garderay dessous l'obscur tombeau,
 Ta grace, ta vertu dedans mon ame empreinte:
 Et le Lethe oublieux m'abreuvant de son eau,
 Ne fera que i'oublie vne amitié si sainte.
 L'excessive douleur ne me permettra pas
 De survivre apres toy : les maux qu'amour me liure,
 Sont beaucoup plus cruels, que le cruel trespas.
 Tu m'emporte le cœur sans qui l'on ne peut viure.
 Quiconque veut guerir, est ja sain à demy.
 Madame au moins tenez vostre douleur couverte,

L'ESPRIT DE LYSIS

parlant à Flore.

STANCES.

Sur le point que la nuit pliant son noir manteau,
 Pour faire place au iour, r'appelle ses lumieres
 Et qu'un profond sommeil arrose de son eau,
 Charms de nos ennuis les humides paupieres,
 J'entens pres de mon liét vne dolente voix,
 Elle estoit à la voix de mon Lysis pareille.
 Je sens des bras plus froids que marbre mille fois,
 Dont l'un en me poussant, l'autre en sursaut m'éveille
 Un ieune homme couuert de playes, & de sang,
 Se prosterne à mes pieds, ma poitrine me glace.
 Mon cœur saisi d'effroy, panteie dans mon flanc,
 Et à ce triste obiet je tombe sur ma face.
 Madame, dit-il alors, assurez vostre peur,
 Je suis vostre Lysis, qui deuant que descendre
 Dans le val tenebreux de l'infernale horreur,
 Ce funebre deuoir ie vous suis venu rendre.
 Je reconnois sa voix, en ouurant mes deux yeux,
 Je reconnois maints traits de sa beauté premiere,
 Lysis, dis-ic, en pleurant, quelle fureur des Dieux
 T'a fait si tost quitter nostre belle lumiere ?
 Les Dieux ne sont. Autheurs du massacre inhumain,
 Un cruel ennemy par vne fausse lettre,
 Dans sa propre maison l'a commis de sa main,
 Auoc plusieurs bourreaux compagnons de leur Maistre
 Quoy tant de riches dons dont le Ciel t'honoroit,
 Ta force, ta valeur. ta grace, ta faconde :
 Et tant d'exploits guerrier que la France admiroit,
 Ne te deuoient-ils pas rendre amy a tout le monde ?
 Flore vous vous trompez l'esclat de ma vertu,

Est

Est l'inique venin, qui m'a privé de vie,
C'est le foudre cruel dont ie suis abbatu,
Le rocher de ma nef, la butte de l'ennuie.
Ceux qu'on voit à la Cour premier rang tenir,
Rodomons de piaffe, & garces de courage,
Ne pouuans de mon los le renom soustenir,
On achene ma mort pour assouuir leur rage.
O detestables mœurs ! ô siecle rigoureux !
Forge de trahison, escole d'injustice.
Des siecles le dernier, & le plus mal-heureux,
Tu esteins la vertu pour allumer le vice,
Lysis mon bien, mon tout, mille & mille trespas,
Me feront chaque iour voir d'Acheron la rive,
Si par tant de malheur ton ombre soit là bas,
La gloire de tes faits restera tousiours vine.
I'eusse bien désiré mourir au lit d'honneur,
Mettant un champ en route, ou forçant une place:
Mais ce qui plus hélas ! augmente ma douleur,
C'est que mourant, ie perds les raiz de vostre face ;
Le genre de ta mort tesmoigne ta valeur,
Et de tes ennemis la couardise infame :
Tant qu'en moy restera de vie & de chaleur,
Tousiours mon cher Lysis, tu viuras en mon ame,
Tousiours ie garderay dessous l'obscur tombeau.
Ta grace, ta vertu dedans mon ame empreinte:
Et le Lethe oublieux m'abbreuuant de son eau,
Ne fera que i'oublie une amitié si sainte.
L'excessive douleur ne me permettra pas
De suruiure apres toy : les maux qu'amour me liure,
Sont beaucoup plus cruels, que le cruel trespas.
Tu m'emporte le cœur sans qui l'on ne peut viure.
Quiconque veut guerir, est ja sain à demy.
Madame au moins tenez vostre douleur couuerte,

L'ESPRIT DE LYSIS

parlant à Flore.

STANCES.

Sur le point que la nuit pliant son noir manteau,
 Pour faire place au iour, r'appelle ses lumieres
 Et qu'un profond sommeil arrosé de son eau,
 Charms de nos ennuis les humides paupieres,
 J'entens pres de mon liét une dolente voix,
 Elle estoit à la voix de mon Lysis pareille.
 Je sens des bras plus froids que marbre mille fois,
 Dont l'un en me poussant, l'autre en sursaunt m'éveille
 Un ieune homme couuert de playes, & de sang,
 Se prosterne à mes pieds, ma poitrine me glace.
 Mon cœur saisi d'effroy, panteie dans mon flanc,
 Et à ce triste obiet je tombe sur ma face.
 Madame, dit-il alors, assurez vostre peur,
 Je suis vostre Lysis, qui deuant que descendre
 Dans le val tenebreux de l'infemale horreur,
 Ce funebre deuoir ie vous suis venu rendre.
 Je reconnois sa voix, en ouurant mes deux yeux,
 Je reconnois maints traits de sa beauté premiere,
 Lysis, dis-ic, en pleurant, quelle fureur des Dieux
 T'a fait si tost quitter nostre belle lumiere ?
 Les Dieux ne sont. Autheurs du massacre inhumain,
 Un cruel ennemy par une fausse lettre,
 Dans sa propre maison l'a commis de sa main,
 Avec plusieurs bourreaux compagnons de leur Maistre
 Quoy tant de riches dons dont le Ciel t'honoroit,
 Ta force, ta valeur. ta grace, ta faconde :
 Et tant d'exploits guerrier que la France admiroit,
 Ne te deuoient-ils pas rendre amy a tout le monde ?
 Flore vous vous trompez l'esclat de ma vertu,

Est

Est l'inique venin, qui m'a privé de vie,
C'est le foudre cruel dont ie suis abbatu,
Le rocher de ma nef, la butte de l'enuie.
Ceux qu'on voit à la Cour premier rang tenir,
Rodomons de piaffe, & garces de courage,
Ne pouuans de mon los le renom soustenir,
On achene ma mort pour assouvir leur rage.
O detestables mœurs ! ô siecle rigoureux !
Forge de trahison, escole d'iniustice.
Des siecles le dernier, & le plus mal-heureux,
Tu esteins la vertu pour allumer le vice,
Lysis mon bien, mon tout, mille & mille trespas,
Me feront chaque iour voir d'Acheron la rive,
Si par tant de malheur ton ombre soit là bas,
La gloire de tes faits restera tousiours vine.
I'eusse bien désiré mourir au lit d'honneur,
Mettant un champ en route, ou forçant une place:
Mais ce qui plus helas ! augmente ma douleur,
C'est que mourant, ie perds les raiX de vostre face ;
Le genre de ta mort tesmoigne ta valeur,
Et de tes ennemis la couardise infame :
Tant qu'en moy restera de vie & de chaleur,
Tousiours mon cher Lysis, tu viuras en mon ame,
Tousiours ie garderay dessous l'obscur tombeau.
Ta grace, ta vertu dedans mon ame empreinte:
Et le Lethe oublieux m'abreuuant de son eau,
Ne fera que i'oublie vne amitié si sainte.
L'excessiue douleur ne me permettra pas
De suruiure apres toy : les maux qu'amour me liure,
Sont beaucoup plus cruels, que le cruel trespas.
Tu m'emporte le cœur sans qui l'on ne peut viure.
Quiconque veut guerir, est ja sain à demy.
Madame au moins tenez vostre douleur couuerte,


S'il l'eust eue, il eust bien vengé sa mort d'autre façon qu'il ne fit. C'estoit en la saison de Juillet, lors que les chaleurs sont plus violentes. Il monte vers la chambre de sa Maistresse comme il auoit de coutume. Si tost qu'elle le vit, elle jetta vn haut cry, & tomba sur son liét pasmée. Luy estonné de cette aduanture, veut s'approcher pour luy demander le sujet de son mal, mais à l'instant il se voit environné d'une douzaine d'hommes armez qui de pistolets, qui d'espées nuës, & qui de halebardes. Leandre est parmy eux, qui luy crie. C'est maintenant que tu recevras le salaire de la honte que tu as faite à ma maison. Ce disant, il lasche vn pistolet, & luy perce vn bras. Les autres le chargent avec leurs halebardes, & avec leurs espées. Qui a veu quelques fois vn puissant sanglier enuironné de dogues, & de veneurs, ou quelque taureau indompté à qui l'on met les chiens à la quenë dans quelque parc, si fortune les barrières viennent à se rompre, ce puissant animal se lance sur la foule du peuple, & en appréd vn, & puis vn autre avec ses cornes, & escarte tout le monde. Qu'il s'imagine de voir le valeureux Lysis, qui avec vn escabeau qu'il tient en main, donne si rudement sur la teste de l'un de ses aduersaires qu'il en fait sortir la ceruelle. Il en assomme encore deux autres: mais que peut-il faire contre tant de gens, & ainsi desarmé qu'il est? Son corps percé comme vn crible, verse vn grand ruisseau de sang. Enfin il se iette sur Lysandre, & bien que par derriere on luy baille cent coups de poignards, il le prend, & le souleue, prest à le jeter du haut en bas d'une fenestre, si tous les autres ensemble en se iettant sur luy, ne l'en eussent empesché. Il les escarte encore à coups de poings,

poings, & neantmoins il se sent tousiours percer de part en part. Voyant qu'il ne pouuoit eschapper la mort, il s'approche de la fenestre, & puis tout sanglant qu'il est, il saute legerement en bas. Mais ô mal-heur ! il portoit vn accoustrement decouppé, qui est arresté par le fer d'un treillis. Ses aduersaires le voyant ainsi empestre comme vn Absalon, luy donnent tant de coups de halebardes, qu'à la fin ils priuent le monde du plus grand courage, & de la plus grande valeur du siecle. O valeureux Lysis ! que ie plains l'iniustice de ton sort. Tu deuois mourir à la teste de quelque armée, pour la Foy, pour ton Roy, & pour ta patrie. Le bruit de cette mort pitoyable fut bientost espanduë par toute la France. Les uns blasmoient la cruauté de Lysandre : les autres louoient son iuste ressentiment. Sa mort a esté neantmoins depuis cher vendue. Elle en a attiré plusieurs autres, & en attire tous les iours. Son corps est rendu à ses parens, qui l'inhument au sepulchre de ces Ancestres. Ils veulent poursuiure par les voyes de la iustice. Lysandre : Mais sa Majesté luy donne la remission qu'il fait interiner. Tandis que ses parens, & ses amis le pleurent, ceux qui le redoutoient à la Cour, en font des feux de ioye. L'on dit qu'à l'heure qu'on l'assassinoit, vne grande Dame qui l'aimoit fut esueillée par la vision qu'elle eut de sa mort. L'on en fit des vers sur ce suiet, qui sont assez communs, & assez passables pour le temps d'alors. Je les insere icy, parce qu'il est à propos, pour apprendre à beaucoup qui les approprient à feu Monsieur de Guise, qui se trompent grandement.

Est l'inique venin, qui m'a privé de vie,
C'est le foudre cruel dont ie suis abbatu,
Le rocher de ma nef, la butte de l'enuie.
Ceux qu'on voit à la Cour premier rang tenir,
Rodomons de piaffe, & garces de courage,
Ne pouuans de mon los le renom soutenir,
On achene ma mort pour assouvir leur rage.
O detestables mœurs ! ô siecle rigoureux !
Forge de trahison, escole d'injustice.
Des siecles le dernier, & le plus mal-heureux,
Tu esteins la vertu pour allumer le vice,
Lysis mon bien, mon tout, mille & mille trespas,
Me feront chaque iour voir d'Acheron la rive,
Si par tant de malheur ton ombre soit là bas,
La gloire de tes faits restera tousiours vine.
I'eusse bien désiré mourir au lit d'honneur,
Mettant un champ en route, ou forçant une place:
Mais ce qui plus hélas ! augmente ma douleur,
C'est que mourant, ie perds les traits de vostre face ;
Le genre de ta mort tesmoigne ta valeur,
Et de tes ennemis la couardise infame :
Tant qu'en moy restera de vie & de chaleur,
Tousiours mon cher Lysis, tu viuras en mon ame,
Tousiours ie garderay dessous l'obscur tombeau,
Ta grace, ta vertu dedans mon ame empreinte:
Et le Lethe oublieux m'abbreuuant de son eau,
Ne fera que i'oublie une amitié si sainte.
L'excessiue douleur ne me permettra pas
De suruiure apres toy : les maux qu'amour me liure,
Sont beaucoup plus cruels, que le cruel trespas.
Tu m'emporte le cœur sans qui l'on ne peut viure.
Quiconque veut guerir, est ja sain à demy.
Madame au moins tenez vostre douleur couuerte,

Que si vous ne pouuez oublier vostre amy,
 Songez au bien passé, & non pas à la perte.
 Puis que la vertu seule en ayment ie poursuis,
 Peu me chaut que chacun fonde en larmes me voye,
 Me souuenir de l'un, de l'autre ie ne puis,
 Le dueil entre en nos cœurs plus auant que la ioye.
 Adieu Madame, Adieu le Messager des Dieux
 Pour passer le noir fleuve incessamment m'appelle;
 Adieu beaux yeux, plus clairs que les flammes des
 Cieux,
 D'un eternal adieu, adieu Flore la Belle.
 Lors ie saute du liēt pour sa fuite arrester,
 Mais pensant l'embrasser, rien que vent ie n'embrasse
 Adieu mon cher Lysis, l'eternel Iupiter
 Guerdonnant tes vertus, te recoine en sa grace.

C'est la fin tragique du brave Lysis, de qui la va-
 leur estoit incomparable, iamais le Ciel ne mit dans
 vn corps tant de beauté, de grace & d'adresse, ny vn
 courage si franc & si genereux. Si ce cruel mal-heur
 ne l'eust si-tost rauy d'entre les mortels, la France se
 pourroit maintenant vanter d'auoir vn Mars aussi
 bien que la Thrace. Les Lauriers, & les Palmes
 puissent naistre sur sa tombe.



DE LA CRVAVTE' D'VNE
*Femme exercée sur son Mary: de sa
 fin mal-heureuse, & de celle
 de son Amoureux.*

HISTOIRE XVII.



EST-il douceur au monde qui soit comparable au contentement que reçoit vn amoureux, lors qu'il possède le bien pour qui il a versé tant de larmes? Mais y a-il martyre égal à la crainte ou soupçon, & au mal tel que donne cette fureur, que l'on nomme jalousie? Les dédains, les rigueurs & les refus, & enfin toutes les peines de l'amour sont agreables, puis qu'on se console de l'esperoir de la iouissance. Au contraire si cette peste d'Enfer gagne vne fois nostre ame, l'allegresse est pour iamais bannie, quelque plaisir qui arrive. Et de là sortent puis apres les desfiances, & les cruelles resolutiōs dont les effets sanglans remplissent les theatres de meurtre & d'infamie. L'Histoire que ie me prepare vous racōter, témoigne que mon dire est veritable. Elle est si bien arriuée en nostre siecle, que mille & mille personnes la sçauent peut-estre mieux que moy. Or quoy qu'elle soit si connue, ie ne laisseray pas de l'écrire en cette sorte.

Les orages qui auoient battu continuellement la France l'espace de tant de lustres, cedoient à la bonace que le Ciel luy enuoyoit. Henry le Grand, de qui les malheurs ont esleué la gloire au plus haut

thiosne de la vertu, venoit de receuoir de son peuple de Paris autant de tesmoignages de fidelité, qu'il auoit receu de marques de rebellion, quand vn zele incôsidéré que les boute-feux allumôient en l'ame de toutes sortes de personnes emporroit mesme vne infinité de gens de bien à la felonnie. Apres, dis-ie, tant de confusion que les guerres ciuiles auoient causées, il y auoit en la premiere des Citez de l'Europe, vn homme que je veux nommer Corneille. Il épousa vne des plus belles femmes que la Nature ayt iamais produicte. Vn Peintre industrieux qui voudroit représéter pour plaisir quelque rare beauté, ne scauroit en tirer vne plus excellente. Ses cheueux estoient blonds crespez, & plus luisans que fin or. Sa face estoit d'vne couleur meslée de lis & de roses, & son frôc estoit vne large table d'yuoire bien poly. Soubz deux arcs d'hebene on voyoit deux yeux noirs, mais plustost deux clairs Soleils, doux à les voir, & auates de leurs regards. Il sembloit que l'Amour voloit tout à l'entour, & que là vuidant toute sa trouffe, il en déroboit visiblement tous les cœurs. Enfin elle estoit si belle, que l'enuie mesme n'eust sçeu qu'y reprendre. Son nom estoit Calamite. Corneille s'estimoit le plus heureux & le plus content homme du monde, en la possession d'vne si rare chose. Il n'auoit pas trop de moyens lors qu'il l'épousa: mais il fut si heureux dès la premiere année de son mariage, qu'ayant remply plusieurs magazins de pieces de vin, il y gagna en vne grande cherté qui suruint, vne notable somme d'argent, & puis il sçeut si bien augmenter son lucre, que dans deux ans il se treuua riche de cét mille escus. Se voyant ainsi à son aise, il quitta le train de la marchandise,

dise, & se mit à viure en Bourgeois de ses rentes, & de ses commoditez que la fortune luy auoit données. Calamite qui auoit de la vanité, comme ont ordinairement toutes les belles femmes, fut celle qui le fit resoudre à passer ses iours, sans auoir autre soucy que de faire bonne chere, puis qu'ils en auoient le moyen. Cependant elle commença à leuer le front & à s'habiller plus pompeusement que de coustume. Ce n'estoient que perles & que brillans qui paroient sa gorge & ses cheveux. Ses robes estoient d'une Princesse, & tant d'orgueil aux habits, ioinct à tant de beauté, attiroient les yeux de plusieurs personnes, de qui elle captiuoit insensiblement les ames. Il y eut plusieurs grands de la Cour, que estans abreueuez du bruiet de ses perfections, se sentoient arracher la cœur par cette Calamite, de mesme que le fer est attiré par la Pierre d'Aymant. Mais parmy tant d'Amoureux qui souspiroient pour elle, n'y en eut pas vn qui se peust vanter d'auoir receu quelque faueur extraordinaire.

Tandis que cette Bourgeoise a la reputation d'estre la plus belle de toutes les plus rares beautez de la ville, & qu'elle n'a d'autre contentement que de plaire aux yeux de son mary, sasse soucier des plaintes, ny des larmes de ceux qui perdent inutilement le temps à gagner les bonnes graces, vn ieune homme de Gascogne vint à Paris, à fin de poursuiure quelques affaires au Conseil. Sa fortune, ou plustost son malheur le fait loger aupres du logis de Calamite, & le rend aussi tost espris de ses perfections. Il se nommoit Cilandre, homme aagé de vingt-deux à vingt trois ans. Soudain qu'il apperceut ce beau visage qui n'auoit point de pareil en toute cette

grande & peuplée Cité, l'Archer qui a des ailles commença à le brusler, & à croistre de iour en iour son feu. Il quitte bien-tost toutes affaires, & n'a d'autre soin que de penser à la guérison de son mal. La veue de celle qui l'a blessé, luy est neantmoins si chere qu'il ne cesse de la contempler par tous les lieux où il a le plaisir de la regarder. Mais en la considerant il s'aveugle en la lumiere de ses beaux yeux, & sa blessure s'ouure, & s'envenime d'autant plus qu'il jette sur elle ses regards qui demandent mercy. Calamite n'y prenoit pas garde au commencement: ou si elle s'en apperceuoit, elle n'en faisoit non plus de conte, que de tant d'autres, qui luy estoient tous indifferens. Or vn jour comme elle oyoit la grande Messe en sa paroisse, Cilandre s'alla agenouïller deuant elle, & au lieu de prier Dieu il se mit à jetter ses regards languissans & mourans, capables d'amollir les rochers, sur cette Beauté qui estoit composée d'une matiere plus fragile & plus molle. Elle qui vit vn ieune homme qui auoit des cheveux frisez & dorez, des yeux noirs & brillans, & des ioües qui ne faisoient que commencer à pousser vn premier cotton, & qui estoient pareilles à la couleur de la roze qui sort du bouton, & qui croist avec le Soleil levant, & au reste fort bien vestu, prit plaisir, contre sa coustume, à le considerer reciproquement, & au mesme instant le rempart de son ame gardé si longuement pour son bon mary, sentit vne cruelle bresche. Elle n'en fit, pourtant gueres de semblant, & toutesfois elle ne sceut si bien se contenir, que Cilandre ne l'eust en ses yeux de la bienveillance. Si tost qu'elle fut à son logis, au lieu de ses occupations ordinaires, les pensées & les desirs viennent troubler l'aise de sa vie.

Si

Si elle vieille, l'amour luy represente la beauté, & la bonne grace de ce ieune homme ; & elle dort, les songes images vaines des choses que l'on a veüe, & que l'on souhaite, ne luy figuroient pas moins le sujet de sa passion. Elle s'efforça au commencement d'y resister, mais tout cet effort estoit trop languissant. En telles attaques il faut implorer l'assistance d'en haut, qui ne refuse jamais grace à ceux qui la requierent comme on doit. La pluspart des rigueurs & des resistances des Dames de ce siecle, sont suivies de leur consentement, quelque excuse qu'elles puissent alleguer, en reietant la coulpe sur l'Amour ou sur le destin. Quoy que ce soit, Calamite commence d'ouvir son cœur aux tentations, & ne se souviert plus de la promesse solemnelle qu'elle a faite en vn Sacrement à qui l'Apostre donne le surnom de grand. Or comme elle resue sur sa Passion, elle ouvre vn iour vne fenestre de sa chambre, & apperçoit Cilandre en vne maison prochaine à vne autre fenestre. Si tost que ce ieune homme la descouvre, & qu'il voit qu'elle prend plaisir de le regarder, il luy fait vne grande reuerence, & elle luy rend vn pareil honneur, & en luy iettant des regards capables de faire à mesme temps mourir, & reuiure, elle referme sa fenestre. Ce fut alors que l'amour qui ne commençoit que de naistre dans l'ame de Cilandre s'espandit par toutes ses moüelles : ce fut alors que mille pensers amis & ennemis le flatterent, & l'agiterent. Les vns en luy representant cet objet si desirable, enyuroient son ame du contentement qu'il venoit de recevoir de ces diuins regards. Et les autres les faisant songer à vne perte qui l'auoit priué de son heur, aussi soudain qu'un éclair, il estoit contraint

de soupirer, & de tenir ce langage. Où fuyez-vous (disoit-il) doux sujet de mes vœux ? Pourquoi me cachez-vous cette agreable lumiere, dont la priuation me rend tout couuert de tenebres, & tout rempli de soucy ? Ne voyez-vous pas que ie suis moy-mesme vn vray soucy, qui ne fais que mourir & que languir, si vous qui estes mon seul Soleil, ny daignez l'entretenir de vos raisons ? Je me ferme à toute autre clarté, & ma paupiere ne scauroit supporter la venue d'un autre Astre. Si ie voulois reciter toutes les paroles & toutes les plaintes que faisoit Cilandre, il me faudroit resoudre à faire vn discours aussi long que ces liures d'Amour, qui parent la boutique des Libraires du Palais, & dont le Galimatias perpetuel fait dōner le plus souvent des pensions à ses Autheurs par la recommandatiō des personnes qui prisent ce que l'on n'entēd pas, pendant que les beaux esprits qui peuuent arracher des mains des Parques, & de l'eternel oubly le nom de ceux que la nature a eslevés au dessus des autres, sont miserablēment reculés. Mais pour reprendre le fil de nostre Histoire, ie dis qu'apres que nos amoureux se furent plusieurs iours entretenus avec des regards mutuels, & que Cilandre eut reconnu que Calamite le voyoit de bon œil, il s'enthardit de luy écrire cette lettre, que i'insere icy mot à mot, suivant que ie l'ay recourée.

IE ne doute point que vous ne blasniez ma temerité, & que vous ne me iugiez digne de chastiment, si tost que vous receurez cette lettre. Toutesfois si vous regardez aux perfections dont vous estes accomplie: i'espere, Madame, que vous excuserez mon crime, & aduoüerez qu'il est impossible de vous voir sans vous aymer. Le doux espoir qui me console en mon martyre, & qui me promet

promet que vostre beau iugement l'ouvrera plutost mon election qu'il conlammnera ma passion, me fait auoir recours à vostre grace, sans laquelle il m'est autant possible de vivre qu'il est aisé de conseruer sa liberté deuant la plus belle chose du monde. Ma mort, & ma vie ne dependant que de vous.

Cilandre eust moyen de faire tenir cette lettre à sa maistresse, par le moyen de son Hostesse, à qui il auoit desia descouuert sa passion, & laquelle comme voisine, connoissoit non seulement Calamite, mais parloit souuent à elle familièrement. Cette belle Bourgeoise se rendoit au commencement difficile aux assauts de cet Amoureux, afin de l'allumer dauantage de son amour, & cependant elle mesme brusloit toute dans son ame. Enfin apres beaucoup de messages & de paroles que les bornes de mon Histoire ne scauroient contenir, les deux Amans se voyent, & cueillent les fruits de leurs desirs. Ces fruits leur sont au commencement si delicieux, que pour eux ils ne se soucient desormais de la gloire du Ciel, qu'ils iugent estre moindre que leurs folies. Mais comme telles douceurs ne sont iamais sans amertume, tandis qu'ils se perdent en leurs folies, Corneille prend garde aux priuantez que la femme donne à ce ieune homme. Il le trouue souuent chez luy, & neantmoins la liberté de la France, le voisinage, & la fidelité que sa femme luy auoit tousiours auparauant gardée, ne le portent pas du tout à la ialousie. Si est-ce qu'apres auoir longtemps supporté toutes ces façons de faire, il croit qu'il y va de son honneur, que cet homme parle à toute heure avec sa femme, qu'il la meine sous le bras à la pourmenade, & qu'elle le reçoine avec tât de familiarité

liarité. C'est pourquoy il luy en fait vne petite reprimande, la presche de bonne renommée, & la cōiure de viure d'autre sorte. Elle qui voit sō mary pīeure de l'ombrage, contre son naturel, se met en colere, & en pleurant luy tient ce discours : *D'où vous vient, dit-elle, ce soudain caprice ? M'avez-vous doncques en reputation d'une femme desbauchée ? N'estes vous pas vous mesmes celui qui m'avez tousiours permis de voir toutes sortes d'honnestes compagnies ? Avez-vous remarqué iamaïs en moy aucun traitt qui vous doive iustement pousser à faire un mauvais iugement de moy ? Ne sçavez-vous pas que si i'eusse voulu fouler aux pieds mon honneur, i'auois moyen de passer mon temps avec telles personnes que pour leur grandeur, vous ne m'auriez osé regarder, tant s'en fait que vous eussiez usé d'un tel langage ? Ostez, ie vous supplie de vostre teste ces nouvelles impressions, & croyez que toutes les priuantez que les hommes ont avec moy sont autant de rempars pour vous en conseruer tousiours ce que la Loy de Dieu ne permet pas que ie violē.* Ainsi parloit Calamite à son mary, qui ne sçeut pour lors que respondre à ces belles raisons. Il se resolut à passer de formais le reste de ses iours, sans se mettre plus en peine de la maniere de viure de sa femme. Aussi ces Adulteres voguerent quelques mois depuis sur vne mer sans orage. Si leur impudence n'eust esté extreme, iamaïs ce mary n'eust troublé le calme de leurs folles amours. Mais ils passerent tellement les limites de la modestie, que dés lors ils faisoient à porte ouuerte. Tout le monde s'en scandalisoit, & chacun s'estonnoit de la patience d'un si bon homme. Tandis que ces deshonestes frequentations continuënt, il arriue vn iour que Corneille en reuenant de

de la ville entendant dans son logis surprend Cilandre, qui suçoit avec ses levres le miel de la bouche de sa femme assise en vne chaire à la basse-cour de son logis. Ce fut alors que la jalousie commença de s'allumer plus que iamais, qu'il entra en vn excez de colere. Il s'approcha de sa femme, & en presence de Cilandre luy bailla vn grand soufflet. Apres il s'adressa à l'adultaire, & luy dit qu'il voidast promptement de sa maison; & luy deffendit, s'il estoit sage, de n'y mettre plus de sa vie le pied. Ceux qui se plongent ordinairement dans de pareilles delices, & qui tout à coup en sont priuez iugerônt de l'ennuy que cette defence leur apporta. Elle fut encore plus fascheuse à Calamite, laquelle se voyant bannie de ses folles amours, se representant à toute heure le coup qu'elle auoit receu, estoit toute transportée de rage. Ce n'estoient que soupirs, que larmes, & qu'iniures qu'elle vomissoit contre son mary. Doncques, disoit-elle, cruel que tu es, as-tu bien le courage de me traiter avec tant d'indignité? Tu me veux doncques forcer à viure en Capucine, toy qui m'as ouuert autresfois le chemin de la liberté. N'est-ce pas le vray moyen de deuenir en effet ce que tu es de nom, si n'estois moins soigneuse de la crainte de Dieu, que tu n'es de ton honneur? Plusieurs semblables discours proferoit cette belle & fausse femme, capables de renuerser toute la coulpe sur son mary, s'il n'eust desia reconnu que ses actions estoient plus frauduleuses que celles d'un vieil renard. Aussi il luy coupa court, & luy dit, que si iamais elle parloit ny en bien ny en mal à cet homme, il luy apprendroit le pouuoir qu'il auoit sur elle.

Cependant que ces amoureux n'ont pas la licence

ce

ce de voir avec tant de priuauté qu'auparauant, ils se visitent par lettres, & se donnent des assignations, où ils se rendent sans estre apperceus, quelques épies que le mary mette en campagne. C'est vn abus que de s'ingérer de garder des femmes qui ont enuie de mal faire. Quand leurs maris auoient autant d'yeux que de cheueux, ils ne scauroient pourtant euitier leur trahison. Calamite trompe si bien tous les aguets de Corneille, qu'elle void Cilandre, & se mocque de tous ses soins, & de toutes ses veilles: neantmoins elle ne laisse pourtant de se plaindre de cette contrainte à son amy, qui prenant l'occasion aux cheueux, & ayant desia pensé au moyen d'exécuter vne sanglante & detestable resolution qu'il auoit prise, commence de représenter à Calamite l'amour extreme qu'il luy porte, Accuse le Ciel, de ce qu'vn autre à la possessiō entiere d'vne chose que son destin luy auroit acquise, s'il eust esté si heureux que d'en auoir eu plütoist la connoissance. Il luy met encores deuant les yeux la profession qu'il fait, & comme il est prest d'auoir vn office en la Chambre des Comptes. Au contraire il luy depeint la rigueur de son mary, sa basse condition, & le peu d'experience qu'il auoit aux affaires du monde, qui le rendent tousiours indigne d'vne charge honorable, quelques moyens qu'il possède. Et enfiu il luy dit quelle n'aura iamais d'honneur avec vn tel homme, puis qu'il ne peut estre plus qu'il est, ny contentement, puis que la ialousie a perdu sa raison. Calamite charoüillée de toutes ces belles paroles, repondit à son Amoureux, qu'elle est bien faschée de sa mauuaise fortune. Qu'elle n'en accuse pas moins à toute heure les Astres, comme complices de son malheur: & que

que s'il y auoit moyen de délier vne si fâcheuse chaîne tout son souhait ne seroit iamais autre, que de viure & de mourir avec luy. Cilandre luy repart, que cela estoit si aisé, pourueu qu'elle s'y voulust resoudre, qu'il ne trouuoit rien de plus facile. Sur cela apres auoir premierement soupiré pour la captiuité où elle estoit detenuë, afin de l'induire mieux au consentement d'une execrable meschanceté, il luy ouvrit la voye pour faire mourir son mary: & luy allegua que le plaisir & la felicité de leur vie, ne dépendoit que de la fin de son Espoux. Calamite auoit au commencement de l'horreur à se resoudre à cette sanglante procedure: mais l'excez de son amour, la jalousie de son mary, & l'imagination d'une plus que vaine, & plus que folle vanité, eurent tant de force, que cette mauuaise femme se laisse emporter & se rendre à ces allechemens. Vne fois ils vouloient que le poison en fit l'office, mais puis apres Cilandre prit vn autre dessein, dont il vint à bout, comme ie vous reciteray maintenant.

Après que cet execrable ieune homme non content de souiller la couche d'autrui, eut pris congé de sa Maistresse, pour venir à bout d'un fait que Dieu ne laisse iamais impuny, suivant que les exemples ordinaires le tesmoignent; il eut moyen de parler à deux soldats qui alloient en Flandres, où pour lors le valeureux Comte Maurice bornoit & arrestoit la fortune de ceux qui donnerent tant de trauerses à nostre grand Roy. Et comme on ne manque iamais d'Arfacides & de desesperez, il ne fut guere malaisé à Cilandre de les gagner par argent, & de les induire à mettre à mort Corneille. Il auoit accoustumé de s'aller souuent promener sur vn petit cheval en vne

sienne maison, esloignée de quelques deux petites lieues de la ville. Et tousiours quand il y'alloit ; il partoit de bon matin, & puis reuenoit sur le soir. Ces deux meurtriers accōpagnez du cruel Cilandre, qui auoit eu aduis de Calamite, que son mary iroit le lendemain aux champs, se cachèrent en vn estroit passage, & ne manquerent pas de donner la mort au mal-heureux Corneille. Apres qu'ils eurent répandu le sang de l'innocence qui crie déjà vengeance, & de qui le Ciel sçaura bien faire rendre compte, à ceux qui en ont empourpré la terre, ils prirent le corps, & le traîsnerent hors du chemin dans vn fossé, & puis firent payer incontinent à Cilandre cinquante escus, qu'il leur auoit promis. Ayant touché cette somme ils luy demanderent, où est ce qu'il faisoit dessein d'aller. Cilandre leur dit qu'il vouloit retourner à Paris: Et nous repart l'vn des autres, allons gagner le Pays-bas, tandis que vous tâchez de monter sur vn échaffaut. Ce disant luy & son compagnō s'escartent legerement, pendant que Cilandre prend vn autre chemin, & reuient à la ville.

Ce meurtre ne demeura gueres sans estre descouvert. Quelques vns ayant apperceu du sang en ce passage, & regardé d'vn costé & d'autre, & treuvé encōres des traces rouges, firent vne si soigneuse recherche, qu'enfin ils treuuent vn corps tout souillé & de sang & de poussiere, & priué de vie. Le bruit vole promptement par toutes les demeures prochaines. Entre plusieurs personnes qui s'assemblent à l'entour de ce corps, vn homme le reconnoit. Soudain il court à Paris, & en porte la nouvelle à sa femme, qui se iette incontinent à terre, arrache ses menus cheueux, outre son beau visage, & plombe
de

de coups son sein d'yuoire: O Dieu! disoit-elle mon cher Corneille, quelle influence mal-heureuse me vient priuer d'un si bon mary, & si cher mary? Quel peché ay-je commis qui merite vne telle rigueur? Helas! que dois-ie faire desormais, ou plus tost que puis je faire, ayant perdu celuy sans lequel il m'est impossible de viure: Si au moins j'auois ce contentement d'apprendre ton meurtrier, la vengeance que ie ferois exercer sur son corps, allegeroit peut-estre le coup que je viens de receuoir pour vn tel delastre, & ie m'en irois plus contente te trouuer en l'autre monde, soit que tu fasses desia ta demeure dans le Ciel ou aux campagnes Elizées: Ha! Parque inique & cruelle, qui me ravis tout mō bien, pourquoy n'as-tu permis que le cruel Assassin de mon repos, n'ait acheué entierement l'homicide: Ne scauois-tu pas que nos iours estoient indiuissibles, & qu'il falloit couper également la trame de l'un & de l'autre? Mais si tu l'as fait pour me donner plus de tourment, par le moyen de la mal-heureuse vie que tu me laisses: tu te trompes bien fort, puis qu'un iour, qu'une heure, ny vn moment ne sont pas capables de me retenir en cette misere.

Acheuant ces plaintes, l'on eust dit qu'elle esteit poussee de tant de fureur & de rage, qu'elle se vouloit donner d'un cousteau au trauers du corps. Tous ses domestiques la retiennent, & les voisins qui arriuent au secours, ont bien de la peine à la coucher dans le lit, où elle contrefait si bien la dolente, qu'à la voir en cette action, ou l'eust pris pour l'image de l'ennuy-mesme. Mais cependant toutes ces larmes de Crocodile ne sont pas suffisantes de tromper le Lieutenant Criminel, qui se transporte en son lo-

gis ce Magistrat, sage, prudent, & bien aduisé, s'il y en eut iamais au monde, ayant desia sourdement appris quelque chose des amours de Calamite & de Cilandre, & puis considerant tant de façons de faire & tant de larmes, & oyant tant de plaintes, & tant de regrets inutiles, ne doute nullement qu'elle & son amoureux n'ayent commis ce meurtre. Cependant pour le descouvrir aisément il s'approche du liect de Calamite, & s'estant assis sur vne chaire il luy tint ce langage, Madame, la compassion que j'ay de vostre mal-heur, m'a fait venir icy. Je ne viens pas afin de vous consoler sur la mort de vostre mary: mais plustost pour vous assister de mon conseil, sur vne accusation que le Procureur du Roy va former contre vous. L'on vous accuse d'auoir vous-mesme esté l'Auteur du meurtre, & en y sollicitant ceux qui l'ont executé. Pensez de bonne heure à vos affaires, si vous estes vn des complices, regardez promptement à ce que vous voulez que ie fasse pour vous, ie porterois vn regret eternal dans mon ame, si vne telle beauté receuoit vn affront.

Qui eust consideré alors Calamite, eust bié remarqué des mouuemens contraires en son ame, par les signes differens qui paroissoient en son visage. Elle pallissoit maintenant, & puis rougissoit à l'instant mesme. La parole qu'elle vouloit proferer pour respondre se confondoit dans sa bouche, & ne pouuoit nullement estre exprimée. Toutesfois elle commença à crier, & à se plaindre plus haut qu'elle n'auoit point encor fait, & à contrefaire la plus affligée personne qui fut iamais. On l'eust peu comparer à la forcenée Hecube, qui fut changée en rage, lors qu'elle apperçeut sur les bords de la mer, le corps de son
fils

filz Polydore. Ses plaintes, ny ses cris n'abusent pas pourtant ce sage Magistrat. Quand il voit les mouuemens de cette femme, il poursuit son discours en ces termes : L'employe rout ce que ie puis pour vous sauuer, & vous ne taschez qu'à vous perdre. Ia m'efforce de vous tirer en vn port de salut, & vous mettez le voile au vent contraire qui vous menace de naufrage. Je plains vostre condition, indigne d'une si rare, & si parfaite creature. Le Ciel vous denoit estre plus fauorable en l'eslection que vous avez faite d'une personne qui sera le sujet de vostre perte; si vous n'y prenez garde. Enfin pour vous le dire en vn mot i'ay pris Cilandre, sur vn aduis qu'on m'a donné. A peine a-il comparu deuant moy, qu'il s'est jeté à genoux, m'a conté l'histoire de vos amours : & m'a apprts que vous avez fait tuer vostre mary par des hommes que vous avez pratiquez pour en faire l'execution. Vous sçauiez ce qui est du deuoir de ma charge. Je seray contraint de me saisir de vostre personne, & de vous mener dans vn lieu, d'où l'on ne sort pas en telles preuentions, quand on veut. Songez doncques, vous dis-je encore à vos affaires, pendant qu'on y peut apporter du remede. Lors que le mal se sera rendu incurable, il ne sera pas temps de courir au Medecin.

Comme les neiges & les torrens glacez se fondent soudainement aux vents tiedes du Midy, ainsi le cœur de Calamite obstiné en sa dissimulation, commença de s'ouurir & de se fondre si-tost que le Lieutenant Criminel eut proferé ces dernieres paroles. Est-il possible, dit alors l'imprudente, que ce mal-heureux ait tenu vn tel discours? Ha le meschant ! c'est luy-mesme, qui non content de m'auoir

seduite par ses douces paroles , a tasché encores de m'induire de consentir à la mort de mon mary. Iay fait tout ce que i'ay pû pour le distraire de ce dessein & il n'a jamais voulu croire aux persuasiõs que i'employois pour l'en'detourner, l'ay tousiours en moy-mesme , repart le magistrat , fait ce iugement de vous : ie n'ay jamais creu, qu'une Beauté si rare fust accompagnée de tant de cruauté. Neantmoins habillez-vous, Madame, Il faut que vous sousteniez à Cilandre ce que vous venez de dire , afin que vous soyés déchargée de ce crime, que l'on vous pourroit autrement imputer. Voilà comme Calamite se p'it elle même par ses propres paroles. Vn Greffier escriuit cependant toute cette procédure, & les discours qu'elle auoit laschez luy seruiēt déjà de condamnation. Tandis le Lieutenant Criminel, qui auoit desia posé en sentinelle des Sergens au deuant du logis de Cilandre , où il estoit pour lors dépesche vn des siens, avec commandement de le prendre & de le mettre dans le Chastelet. Et au lieu de mener Calamite en son logis, ainsi qu'il luy auoit promis il la fit pareillement enfermer dans vne prison obscure, où nous la laisserons penser à ses pechez & à pleurer son crime detestable, & reciterons ce qu'on fit de son Adultaire.

Le bruiet de la mort de Corneille s'estant épan-
du par la ville ensemble de la capture des deux cou-
pables , tout le monde crioit qu'on en deuoit faire
vne punition exemplaire. Ce mary estoit si homme
de bien , qu'il estoit aymé de chacun , & l'ingrati-
tude de cette femme se representant aux yeux du
peuple, il eüst sans doute bien-tost pratiqué sur elle
la Loy de Moyse, s'il l'eüst eu en son pouuoir sans
attendre

attendre qu'un Bourreau y mist la main. Cilandre est cependant ouy, & puis confronté à Calamite, que s'estant desia lauisée qu'elle auoit trop legerement parlé vouloit se dedire de ce qu'elle auoit aduoué. Mais Cilandre d'autre part, sans attendre par la voye de la question ordinaire, ou extraordinaire d'estre forcé à cōfesser le delict, plublia deuant tous son crime detestable : & protesta que luy seul l'auoit premedité, & executé, & que Calamite n'en estoit aucunement coupable : si bien que c'estoit sur luy que la Iustice deuoit exercer sa rigueur, & qu'elle deuoit estre eslargie. Comme cette femme l'ouyt parler de la sorte, & autrement que le Lieutenant Criminel ne luy auoit figuré ; alors connoissant qu'elle auoit esté surprise, elle se mit à l'interrompre, & à tenir ce langage : *Ce mal-heureux, disoit-elle pour me sauuer veut perdre la vie. Que l'on n'adiouste point de foy à ses paroles, elles sont toutes fausses & mesongeres. C'est moy mesme qui ay induit deux soldats à couper la gorge à mon mary, parce qu'il me traictoit indignement. Si i'ay mal fait, c'est de moy seule que la punitiō se doit faire, non de ce ieune hōme qui poussé de quelque biē vneillance qu'il me porte ne se soucie de perdre l'honneur, la vie, & son ame propre, en auuiant un crime que i'ay commis.* Elle vouloit poursuiure : mais elle estoit pareillement interrompuë de son Amoureux qui supplioit les Iuges de ne vouloir point auoir égard à vne femme priuée de bon sens. Que l'alteration de son ame pouuoit clairement paroître à son visage. Et puis disoit-il, l'apprehension de ce voir icy deuant des Iuges, rencontrant vn cerueau leger, n'est que trop capable pour luy broüiller la ceruelle.

Jamais Oreste & Pilade, ne souhaitterent avec

tant de passion de mourir, pourueu que chacun pût sauuer la vie à son amy, que ces deux personnes complices. Mais la Cour de ce grand, de ce iuste, & de cet auisé Parlement, qui auoit voulu prendre la connoissance d'un fait si extraordinaire, n'eut pas tant de peine à iuger de cette cause, qu'eust le Roy Thoas à connoistre qui des deux estoit Oreste. Cet auguste Senat ayant rendu plus claires que le iour toutes ces fuites, & ces desguisemens, il condamna Cilandre à estre rompu tout vif sur vne rouë, & Calamite à estre pendue & estranglée. Iuste iugement, puis qu'il estoit raisonnable que celuy qui auoit brisé toutes les Loix Diuines & humaines, & qui non content d'abuser de la femme de son prochain, & d'aller braue à ses despens, luy auoit encore fait perdre la vie, par la plus detestable trahison que l'on puisse imaginer fust brisé & rompu luy-mesme à la veüe de tant de peuple qu'il auoit scandalisé. La raison vouloit aussi que cette belle cause qui produisoit tant d'effets vilains & abominables, fust fletrie par vn infame spectacle, auant mesme que l'air luy seruist de monument, & qu'une corde la rendist le jouët des vents & de la pluye.

Il y eut plusieurs Grands de la Cour, qui osèrent importuner la Maiesté, pour le salut de la vie de cette femme, non moins belle qu'exécrable, mais nostre grand Monarque, à qui les homicides commis en trahison estoient mortellement odieux, ne voulut iamais prester l'oreille à cette grace. Ce fut à la place Maubert, où l'exécution en fut faite. Iamais on ne vid vne telle foule de routes sortes de personnes. La beauté de Calamite, & la curiosité de voir quelle fin cette Belle tesmoignerait, y attiroit tout le monde.

Toute

Toute la place estoit pleine de gens. Mille échaffaux en estoient remplis, & les fenestres & les couuertes des maisons n'estoient pas capables de contenir tant de personnes. Les deux criminels furent menez dans vne mesme charette, l'un d'un costé, & l'autre de l'autre. Calamite fut la premiere qui fut traînée au supplice. Les regrets que faisoit retentir cette folle eussent esté capables d'émouuoir les Ours, les Lions & les Tygres, & d'arrester de pitié la course du Soleil, s'il eussent esté employez pour vne iuste cause. Je les infererois icy, s'ils meritoient d'y estre : Mais puis que toutes ses plaintes n'estoient fondées que sur la folie de ses amours, que j'accuse, & que ie ne deffends pas, ie les passe sous silence. Lors qu'elle eut finy miserablement ses iours par vn infame licol son Amoureux monta sur le Theatre, où il fit paroistre beaucoup de contrition & de repentance. Apres auoir esté brisé bras & iambes, on le laisse viure tout ce qui restoit du iour, & sur la minuit on l'estrange. Or comme il y a des esprits d'estrange humeur, & des hommes qui se plaisent à flatter le vice, & faire honte à la vertu, il y eut quelqu'un qui fit à la verité de beaux vers : mais neantmoins indignes de voir la lumiere du iour, puis qu'ils sont composez à la loüange de ces deux cruels Adulteres, & à la gloire de leurs amours abominables. Vn autre y fit response, & parce qu'ils sont assez bons, & remplis de pieté, j'ay iugé qu'il estoit fort à propos de les donner à la posterité.

LA CALAMITE' DE
Calamite.

STANCES.

CE n'est pas une Muse, ains une maquerele,
Qui deplore le sort des funestes Amans,
Dont les crimes punis par une main bourrelle,
Ont bien plus merit  que receu de tourmens.
Il ne suffisoit pas   ces perfides,
De violer d'Hymen le serment & le li t,
Si pour gagner encor le tiltre d'homicides,
Elles n'eussent combl  d'un meurtre ce delict.
Malheureux nostre siecle, o  les diables sont Anges,
Falloit il que le vice en vertu se tournast?
Les falloit il nommer par exce  de loiianges,
Martyrs de l'Adultere, & de l'assassinat?
Doit-on nommer d'amour les furieuses rages,
Qui sur tels fondement bastissent leur bon-heur,
Quand l'aveugle desir qui pousse leur courage,
Leur fait aimer la honte, & trahir leur honneur?
Croyons plutost qu'Amour dont la sainte puissance.
Concilia iadis les Elemens diuers
S'offence extremement quand il a connoissance,
Qu'on prophane son nom que l'on donne aux peruers,
Que vains sont les regrets de cette beaut  vaine,
Que mesme se flectrit auant que le cordeau
Eust ferm  le passage au vent de son haleine,
Et que l'air luy seruist seulement de tombeau.
Car estant viue encore il estoit raisonnable,
Que pour mieux expier les maux qu'elle auoit faits,
Elle vid effacer la cause abominable,
Qui belle produisoit tant de sales effets,
Et celuy qui honnit la couche coningale


D'un

D'un qui iusqu'à la mort il a fait aguetter,
 Deuoit estre brisé puis que fier Canibule
 Il brisa tant de loix qu'il deuoit respecter,
 Le Soleil ennuyé de prester sa lumiere,
 A des corps si pollus, s'eclipsant tristement,
 Ne voulut redonner sa clarté coustumiere,
 Que pour nous faire voir leur iuste chastiment,
 Toy, qui pour les priser en astres les transforme,
 Engouffre-les plustost dans le fleuve oublieux,
 Car voulant releuer leurs crimes plus enormes,
 Tu les vas retrainant au supplice odieux ;
 Et souhaite en ton cœur qu'en son throsne supreme,
 Le Iuge souuerain des viuans, & des morts,
 En changeant sa Iustice en sa Clemence extreme:
 Traite plus doucement leur ame que leurs corps.

L'acheuois cette Histoire, lors que le bruit de la
 guerre remplissoit de frayeur les plus gens de bien
 qui apprehendoient les horreurs de nos calamitez
 passées. La Sage Marie, de qui les actions ont tou-
 jours le Soleil pour tesnoin, & à qui la France est
 non moins obligée de sa conuersation, que sa Maje-
 sté est redeuable au Ciel qui l'a renduë la plus belle
 & la plus vertueuse Princesse du monde, taschoit en
 toutes sortes d'accords d'esteindre les estincelles d'un
 si dangereux embrasement.

Toutes ces rumeurs, toutes ces allumettes de sediti-
 ons & tous ces écrits pernicioeux & dignes de chastiment
 que l'on publioit, débaucherent ma plume, & amu-
 serent mon esprit assez curieux de luy-mesme à lire
 les raisons des vns & des autres. Je croyois au com-
 mencemēt que le discours estoit conforme au tiltre;
 mais ayant veu que la pluspart de ces libelles ne
 tendent qu'à la sedition, ie supplie celuy qui main-
 tient

tient les puissances souveraines qu'il destourne de nostre chef les mal-heurs qui nous menacent, & que si ie dois continuër cet ouvrage, les funestes auantures du passé m'en fournissent la matiere & non celles qui pourroient bientost succeder, si nous sortons des bornes que le deuoir & la raison nous ont prescrites.



L A F A V S S E T R A H I S O N
*commise contre un Marchand nommé Be-
 liard, son innocence reconnüe, sa deliurauce
 du supplice, & la punition de l'accusateur,
 & des faux tesmoins.*

HISTOIRE XVII.



IL est impossible qu'entre les plus barbares peuples de la terre, on puisse trouuer, qu'il se soit iamais inuenté vne plus detestable méchanceté, ny pernicieuse trahison, que celle dont ie vais maintenant décrire les particularitez, bien qu'il fust plus seant d'en taire le recit, que de le faire voir aux mortels.

La ville de Marseille, qu'un chacun sçait estre vne des plus riches & marchandes du fleurissant Royau-me de France, est la premiere & plus renommée du pays de Prouence, pour le grand trafic qu'elle fait d'ordinaire aux terres estrangeres qui fait qu'on y trouue grande quantité de Marchands, desquels les richesses sont comme sans nombre, tant en argent
 comme

comme en marchandises qu'ils debitent par toutes les parties de la terre.

En icelle il y eut n'y a pas long-temps vn riche Marchand, nommé Iean Beliard, qui ne cedit à nul autre, tant en richesses d'argent monnoyé, qu'en obligations, & biens terriens.

Or entre ceux qui se trouuerent estre ses debiteurs, il y eut vn ieune homme nomme Gregoire Melue, habitant de sainte Telle, lequel se trouuant en necessité d'argent, s'adressa audit Iean Beliard, qui luy fit prest de la somme de cinq cens escus, sous la caution d'un sien Oncle nommé Esprit Ventier, habitant de Manosque, & Notaire Royal en ladite ville, homme de moyens & de commoditez, s'il y en auoit en tout le pais.

Deux ans estoient desia passez depuis le prest de cinq cens escus, sans que Beliard eust fait aucune poursuite, ny demande de son argent, qu'il n'auoit presté que pour le terme d'un an, lors que desirant de faire vn voyage au Leuant, il se transporta vers son principal debiteur Gregoire Melue, lequel come amy il sollicita de luy payer ce dont il luy estoit redevable. Melue luy respondit, que pour le present il ne le pouuoit contenter: mais que s'il pouuoit prendre la peine d'aller avec luy iusques à Mano que vers son Oncle Ventier, il tascheroit de le rendre satisfait, Beliard luy accorde librement d'y aller, sans penser au mal-heur qui luy deuoit bien-tost arriuer. Mais quoy, il est impossible de fuir le mal-heur de nostre destinée, ny d'empescher ce que le Ciel a resolu. Estans arriuez à Manosque au logis de Ventier, ils furent receus avec toute sorte de courtoisie. Et estant desia le Soleil plongé dans l'Occident, & la nuit commençant à estendre son noir manteau sur la

la face de la terre. Beliard fut prié par Ventier de ne prendre point d'autre logis, pour cette nuit que le sien, ce qu'il accorda apres beaucoup d'importunité, & cependant qu'on faisoit les apprests de soupper Ventier les mena pourmener dâs vn beau iardin qu'il auoit au derriere de sa maison, auquel estant arinez, Melue recita à son Oncle le suieût de son voyage, & que Beliard n'estoit venu avec luy pour autre suieût que pour receuoir la somme dont il luy estoit caution.

Ventier auquel on ne pouuoit faire plus grand déplaisir, que luy demander d'argent respondit qu'il n'auoit moyen de contenter ledit beliard pour lors: mais que s'il le vouloit croire, il trouueroit vn bon expedient pour se faire bailler encore du terme, & que s'il ne le vouloit faire, il auoit moyen de l'en faire repentir. Le miserable dès lors commença à inuenter la plus horrible & inouiye meschanceté dont les Histoires ayent iamais fait mention. Apres qu'ils eurent fait leur cōplot ils retournerent trouuer leur homme qui les attendoit en ce pourmenant le long du iardin, & apres s'estre excusé de l'auoir tant fait attendre, ils reprindrent le chemin du logis où ayans trouué le souppé prest, se mirēt à table: & entre plusieurs discours qu'ils tindrent, ils se dellecterent plus à raconter des voyages que ledit Beliard auoit fait aux terres estrangeres. Apres le souppé, Ventier dit à Beliard, qu'il sçauoit bien le suieût de son voyage, lequel il auoit appris de son Neueu, estant bien marry que pour l'heure, il n'auoit la commodité de le rendre content, qu'il le supplioit d'attendre encor vn peu de tēps & que cepédant il trouueroit le moyē de le rendre satisfait, le supliant que
pour

pour vne petite somme, il ne fust déplaistr à son neveu, ny à luy, s'il ne s'en vouloit repentir. Beliard entendant ce discours bien esloigné de son attente, voyant qu'on le menaçoit en demandant son bien, luy respondoit comme en colere, que ce n'estoit pas ainsi qu'il le falloit remercier apres leur auoir fait du plaisir, & qu'il n'estoit pas resolu de s'en retourner sans auoir son argent, & que pour ses menaces il ne s'en formalisoit pas beaucoup.

Ce fut alors que Ventier prit entiere resolution de faire voir à qui il auoit affaire, & dissimulant ce qu'il en pensoit, luy donna le bon soir, luy disant que le lendemain il feroit moyé de le rendre cōtent. Cependant que Beliard se retire dans sa chambre, sans songer au desieuner qu'on luy apprestoit, la nuit Ventier en presence de son Neveu, & de ses deux fils qu'il faisoit tesmoins de sa meschanceté, commence de penser le moyen, comment ils pourroient mettre leur homme entre les mains de la Iustice pour luy faire connoistre à quelles gens il auoit affaire, ils prennēt ensemble plusieurs resolutions sans qu'ils en pussent trouuer aucune plus propre à leur damnable entreprise, que celle qui machinerent sur l'heure, qui fut que le lendemain sur les huit heures du matin. Ventier luy feroit accroire qu'il auoit trouué vn hōme qui luy auoit promis de luy prester les 500. escus dont son neveu luy estoit redeuable, & par ce moyé il le meneroit en vne maison de la ville, où il accosteroit trois ou quatre témoins qui soustiendroient audit Beliard, qu'il auoit proferé des paroles execrables & crimes d'impieté contre Dieu, la Vierge & les Saints, & contre l'autorité du Roy, qu'au mesme instant l'ayant mis en-
tre

tre les mains de la Iustice, il se porteroit pour partir. comme zélé & affectionné au service de Dieu, & jaloux de son honneur & de celui de son Roy, & scandalizé de l'horreur d'un tel blâme, étant asseuré que la Iustice ne manqueroit d'en faire vne punition exemplaire, & que le moins qu'ils pouuoient auoir de recompense seroit la moitié du bien de l'accusé, qu'ils départoient entre eux par égale portion.

Impie & plus que detestable trahison! O môstres, d'Enfer! ô furies infernales! comment osez-vous faire un tel complot deuant la face de Dieu, qui ne laisse aucune meschanceté impunie, & qui veille toujours pour la conseruation de l'innocent? Est-il possible que la terre puisse supporter de si detestables cloaques de meschancetez, sans les engloutir au plus profond de ses entrailles.

En quelle Histoire a-t'on iamais leu vne plus perverse & diabolique tromperie que celle dont s'aduisse encore Iudas d'obstination? Quel peuple, fust-il le plus barbare de la terre, ayant entendu le recit d'une Histoire si lamentable n'en aura horreur, & ne blâmera la misere de nostre siecle. Pleust à Dieu qu'une telle aduerture fust arriuée en quelque pays ou Royaumes estrangers, où les hommes ignorent la connoissance de Dieu, ou en quelque climat esloigné de nous, afin que j'eusse plus de sujet d'en d'escire les particularitez sans y espargner le labeur ny la peine: mais puis que c'est la France qui a engendré & produit de tels monstres, & que c'est en icelle qu'une si pitoyable Histoire est arriuée, ie me cōtenteray d'en écrire au b e f la verité, pour seruir d'exemple à la posterité du iugement de Dieu, & de la grandeur de sa misericorde enuers ceux qui esperent en sa bonté.

Après

Après que ce barbare, plus cruel & sanguinaire que les Canibals, ou Antropophanes eut proposé le suiet de la trahison, & que les coadiuteurs de sa meschanceté en eurent dit leur aduis, ils n'eurent pas grande peine d'en trouuer, puis que Ventier en auoit de tout faits & dressez à tels badinages, aussi n'estoit-ce pas la premiere trahison, que ce miserable instrument de Sathan auoit mis en pratique, ainsi que luy mesme declaira, estant prest de receuoir le digne chastiment de ses meschancetez.

Ceux desquels il luy fit election pour luy seruir de faux tesmoins, furent Pierre Lardayret Notaire Royal, Pierre Bremond Practicien, Iean Odul aussi praticien, & Iean Roland vigneron, lesquels il enuoya querir par vn de ces deux fils, & cependant il les attendoit en vne chambre basse du logis, où personne ne les pouuoit entendre, ny apperceuoir. Et afin qu'ils ne feussent apperceus de personne il les fit entrer par le derrier de sa maison, où nul ne passoit. Estans arriuez dans la chambre où il les attendoit. Après leur auoir donné le bon soir, il leur dit: Que s'ils vouloient croire son conseil, il auoit treuvé vne bonne occasion pour se faire tous riches: mais que c'estoit vne affaire en laquelle il se failloit gouverner sagement, afin de n'estre descouverts; & que s'ils luy vouloient promettre de faire ce qu'il leur diroit il leur decouvroit son entreprise. Eux qui ne demandoient autre chose que quelque suiet pour mettre en pratique leur ordinaire malice, luy respondirent d'un commun consentement que ce n'estoit pas la premiere fois qu'il leur auoit descouvert ses secrets, & s'estoit seruy d'eux pour l'execu-

Z

tion de ses desseins , & que maintenant il ne doutast de leur raconter tout son affaire , luy promettans au reste d'employer tout leur pouuoir pour le rendre content. Luy se voyant asseuré de leur bonne volonté , leur descouvrit premierement comme Beliard estoit venu en sa maison pour recouoir vne certaine somme d'argent , dont il luy auoit respondu pour son neveu là present , & que l'ayant supplié d'attendre encotes vn peu, il n'en auoit rien voulu faire, disant qu'il y auoit assez long-temps , & que mesme le terme entr'eux conuenu, estoit écheu depuis vn an. Apres il leur recita de poinct en poinct toute la trahison qu'il auoit conclud contre luy , ses richesses , & le grand profit qu'ils pourroient faire, s'ils venoient au-dessus de leur entreprise, & pour leur bailler meilleur courage leur fit promesse de leur donner à chacun la somme de dix escus qu'il vouloit aduencer de ses propres deniers. Iamais les Syrenes que les poëtes feignent faire leur demeure au destroit de la mer Elepontique ne charmerent si bien les oreilles des mariniers , que la seule promesse de gagner de l'argent charma celles de ces miserables, qui ayans entendu ce qu'il leur falloit faire , pour l'exécution de leur entreprise , & receu chacun dans vn papier l'instruction comme il se falloit gouverner tant en leur deposition , qu'en tout le reste de l'affaire, afin de se conduire si couuertement , que personne ne se doutast de leur trahison.

Après leur auoir recommandé le silence, & de n'en dire mot à personne, il les fit sortir par le même lieu qu'ils estoient entrez iusques au lendemain sur les sept heures du matin qu'il leur bailla pour assignation de le venir trouuer dans son logis, & de se gouverner

verner, selon le billet qu'un chacun auoit receu en particulier le lendemain ils ne manquerent de venir à son logis, où ils le trouuerent parlant avec Beliard: le traistre les ayant apperceu, faisant semblant de ne scauoir rien de leur venue, s'enquit d'eux quel bon vent les conduisoit là si matin: Lardayret luy répondit que c'estoit Pierre Bremond, & Jean Hodoul, qui auoient à ce matin fait eschange de terre ensemble, & qu'il y auoit vn escu de bon, & n'étoient venus-là pour autre sujet que pour le conjurer d'en aller manger sa part: qu'ils faisoient apprestre le déjeuner en la maison de Ieanne Perronet. Le traistre Indas voyant vn si beau commencement en sa conspiration leur dit qu'il ne le refusoit pas, qu'ils se missent deuant, & qu'il y seroit aussi tost comme eux avec Mons.^r Beliard, que voila, dit-il, alors à ceux qui l'auoient conuie, qui nous fera l'honneur d'être de la partie. Si tost qu'ils furent sortis, Ventier pria ledit Beliard de luy faire l'honneur de l'accompagner, & qu'après auoir déjeuné, il ne faudroit à le contéter, pour ne luy faire retarder son voyage. Par ces belles paroles, ce malheureux dissimulé conduisoit ce pauvre Agneau à la boucherie, sans qu'il se doutast nullement d'une telle trahison. Estant arrivez au logis, où les autres les attendoient, ils trouuerent que tout estoit prest, & qu'on n'attendoit plus que leur venue. Lardayret leur vint au deuant leur disant qu'ils estoient les bien venus, & leurs ayant fait poser les manteaux, & lauer les mains ils s'assirent à table. Et afin qu'il n'y eust personne dans les logis qui leur empeschast de paracheuer le complot qu'ils auoient desia commencé. Bremond enuoya la maistresse de la maison pour querir vne bouteille de vin

à son logis, disant que c'estoit le meilleur qui fût en toute la ville. Et alors qu'ils virent que personne ne pouuoit decourir leur impie méchanceté, s'estant fait vn signe qui leur deuoit seruir de mot pour se saisir de Beliard & luy imposer de faux crimes. Apres le mot, ils se iettent tout d'un coup sur le pauvre innocent. L'un l'appellant blasphemateur execrable, l'autre Antechrist, ainsi chacun luy disant la sienne, ils le lierent, comme si c'eust esté quelque voleur, s'as qu'aucunes de ses excuses luy peussent seruir de iustification. Le pauvre affligé se voyant réduit en telle extremité, & ne trouuant aucune douceur entre ces barbares, tournant sa parole vers Ventier, qui faisant l'estonné, ne s'estoit encore leué de sa place, auquel il dit: Et quoy, Monsieur, permettez-vous que ces gens icy me traittent si rudement en vostre compagnie, mesme voyant que c'est vne trahison faite expres, & de laquelle ie ne suis nullement coupable: le maudit-déloyal luy répondit: tirant vn triste soupir de l'estomach: Et qui eust iamais pensé, dit-il, Monsieur Beliard, que de la bouche d'un si homme de bien, comme vous auez tousiours esté estimé, fussent forties de paroles si impies & execrables que celles que vous venez tout presentement de proferer. I'en tremble, & ne peux croire ce que ie viens d'entendre. Si c'estoit autre crime que celui dont vous estes coupable; ie tascherois de vous secourir, selon mon possible: mais si ie m'employois pour vous en vn affaire si digne de punition, ie craindrois que Dieu ne m'en punist tout le premier, pour auoir soustenu l'horreur d'une telle meschanceté. Le pauvre Beliard entendant ses paroles si fausses & calomnieuses, vid bien que c'estoit l'accomplissement de la menace que

Ventier

Ventier luy auoit fait le iour auparauant dans sa maison, & que les cinq cens escus estoient cause de sa perte, ne trouuant aucune pitié parmy ces traistres barbares se mit du tout entre les mains de Dieu, le suppliant de vouloir soustenir le droit de son innocence, puis que les hommes la vouloient conuertir en ce crime. le ne sçay si l'antiquité nous pourra produire vn acte si execrable, & digne de punition que celui que ces partisans de Satan forgerent contre l'innocence d'un homme, dont la vie auoit esté vrayement Chrestienne, & sans reproche. Apres qu'ils l'eurent assez iniurié & mocqué, ils le conduirent en la prison de ladite ville, & au mesme instant vont faire leur plaintes aux Iuges ordinaires du lieu, & ayans dressé leurs accusations criminelles cõtre l'accusé, les pieces du procez furent mises entre les mains du Greffier criminel du Seneschal, Ventier s'estant porté partie contre Beliard. Pendant que ces choses se passent à Manosque, le vent porte les nouvelles à Marseille d'une si triste aduenture. Tout le monde plaint le desastre & infortune de ce pauvre homme. Quelques vns qui estoient plus iudicieux que le commun n'estoit pas, se doubterent bien que c'estoit vne fourbe pour perdre ce pauvre infortuné. Ses parens se transporterent avec diligence à Aix, obtiennent vne commission pour faire conduire le prisonnier aux prisons de la Conciergerie du Palais & deffences expressement faites à la Iustice de Manosque, de ne poursuiure en aucune façon le procez & luy fait commandement de ne transporter les piece d'iceluy entre les mains du Greffier Criminel de la Cour. vn Commissaire est député du Parlement, pour entendre la deposition, des tesmoins

& del'accusé, lequel est conduit aux prisons d'Aix sous bonne & seure garde, & mis aux profonds cachots d'icelle. La Cour depnta vn autre Commissaire à Marseille pour s'enquerir de la vie de l'accusé. Y estant arriué, il n'entend autres choses que plaintes lamentables que font les habitans de la ville, sur la malheureuse infortune de leur pauvre concitoyé, il est contraint de s'en retourner à Aix, sans auoir pû decouurir la moindre maluerfation en la vie du prisonnier; au contraire vn chacun le tient pour vn homme de bonne vie, & qui n'auoit iamais porté aucun dommage à personne. Cependant qu'on s'enquiert de sa vie à Marseille, il est ouy & confronté avec la deposition des témoins, contre lesquels il ne se peut deffendre qu'avec les larmes & soupirs qui consecutiuellement les vns apres les autres sortoient en abondance de sa bouche, & de ses yeux.

La Cour considerant l'horrible impieté & heresie contenuë es paroles dont il estoit accusé, voyant que c'estoit vn crime dont les hommes, ny mesmes les Roys ne pouuoient octroyer aucune grace ni pardon, s'assemblent en robe rouge le propre iour de nostre Dame de Septembre, mil six cens dix-neuf. Chose non encor vstée dans aucune Cour souveraine de France: mais l'horreur d'un tel crime les incitoit d'en faire iustice remarquable. La Cour estant assemblée, on confronte la deposition des tesmoins avec l'accusé, qui ne peut soutenir son innocence contre l'accusation de son aduersaire, qui deposedoit contre luy. La Cour le iugeant coupable des crimes à luy imposez, le declara par vn Arrest solennel digne veritablement de chastiment & expiation d'une telle méchanceté, pour reparation de laquelle il est
condamné

condamné à estre liuré entre les mains de l'exécuteur, & conduit par toutes les ruës & carrefours de la ville d'Aix, & puis à l'Eglise Metropolitaine de S. Sauueur, pour y faire amende honorable, la hant au col, tenant vn flambeau ardent au poing de deux liures, & là à genoux crier mercy à Dieu, au Roy, & à Iustice : & de là conduit à la place des Peres Prescheurs de la ville, où la langue luy seroit coupée & iettée au feu : & seroit ledit Beliard ars & bruslé tout vif avec son procez, & ses cendres iettées au vent, tous ses biens confisquez au Roy, desquels seroit tiré la somme de cinq cens liures applicable pour chacun des tesmoins, & deux mil liures pour Esprit Ventier, tant pour les frais faits à la poursuite du procez, que pour recompense de ses peines. Quelle patience n'eust esté surmontée par vn tel iugement ? Quel cœur, fust-il le plus constant, dont les Histories ayent iamais fait mention, ressentant vn furieux & changeant effet de la fortune, n'eût esté contraint de s'affliger, & confesser l'imbecillité de la vie humaine, & le peu de sujet que nous auons de nous assurer sur de si foibles fondemens, qui sont les aisles du monde, puis que, comme dit le Prouerbe, pour vn plaisir mille douleurs.

L'Arrest de la mort estant conclud, prest à estre prononcé, les amis & parens presentēt vne requeste à la Cour, pour auoir permission de soustenir sa cause, s'offrans de faire voir son innocence, s'il plaisoit à la Cour d'octroyer leur requeste, & apres plusieurs deliberations & conclusions, la Cour leur octroya huit iours de terme, pendant lesquels il fut ordonné que les tesmoins comparoistroient en personne au premier iour pour estre confrontez avec le prison-

niers. Ses parens prenant la cause en main, poursuivirent diligemment l'assignation faite contre les temoins, qui comparurent tous au iour assigné, excepté Iean Roland, qui se trouua grandement incommodé de maladie, & Gregoire Melue qui craignant ce qui aduint, fit dire par ses domestiques, qu'il estoit allé en quelque voyage iusques à vingt lieues de Manosque. Cette equitable Cour ayant estably deux Commissaires, pour connoistre & auoir connoissance des depositions & confrontations des temoins avec l'accusé. Ils les interrogent & oyent leurs confessions, lesquelles ils treuuent semblables à leur premiere deposition.

Ils sont confrontez deuant Beliard, qui pour toute deffence n'a autre recours qu'à celui qui connoit les secrets des hommes, auquel il remet l'entiere innocence de sa cause. Cependant que Beliard est prisonnier, & que ses amis taschent de le prendre, pour le rendre la fable du monde, DIEU qui veille toujours pour la conseruation des innocens, luy decouuroit vne voye extraordinaire pour decouurer son innocence.

L'ay dit cy-dessus comme Iean Roland estoit detenu malade, Dieu le permettant ainsi, afin de decouurer toute la tromperie. Le malade se voyant reduit à l'article de la mort, commença d'auoir apprehension de ses pechez, & de craindre le iugement de DIEU, deuant lequel il luy falloit bien-tost rendre compte de toute sa vie, & pour décharger sa conscience, il fit venir vn Pere de l'Ordre des Carmes qui ont vn Couuent dans Manosque. Le Pere estant arriué, entreautres choses qu'il luy dit en sa Confession, il declara les méchancetez qu'il auoit fausement

ment tesmoignées contre Beliard, & le pria qu'après sa mort, il fit le rapport à la Cour de toute sa confession, & que cela seruiroit beaucoup pour prouuer l'innocence de l'accusé. Le Religieux luy respondit qu'il ne pouuoit descouvrir sa Confession sur peine de grande punition : mais que s'il vouloit declarer tout deuant des tesmoins, cela seroit vne grande œuvre de misericorde, & que par ce moyen il se rendroit coupable deuant Dieu du suiet & d'une telle trahison. Le Notaire luy dit qu'il ne pouuoit declarer la confession deuant des tesmoins, de peur que reuenant en conualescence ils ne témoignassent contre luy, & ne le fissent pendre. Tout ce que ie feray, dit-il, c'est de declarer le tout deuant vn Notaire, sans tesmoins, afin qu'après ma mort, si tant est, que ie vienne à mourir, il puisse après produire deuant la Cour ma confession, & par icelle tascher de sauuer vne personne innocente. Le Pere Carme entendant quelle estoit son intention, & le but où tendoit son dessein, va luy mesme aussi-tost querir vn Notaire, deuant lequel, en presence du Moine, il declara toute l'accusation qu'il auoit faite contre l'innocent Beliard, sans rien oublier. Il leur fit vne ample confession du tout. Ce Notaire le fit signer au bas de la confession, y fait signer le Moine, & puis l'ayant bien fermée, feignant que c'estoit vn testament, met son signe au dessus du cachet, faisant signer dessous deux ou trois tesmoins, afin que leur faict fust mieux asseuré. Le Pere Carme s'en estant rendu entierement depositaire par sa propre & pure volonté, & enfin par le consentement du malade promet de n'en faire iamais aucune ouuerture ny recit qu'après la mort, qui fut bientoist après, au grand

contentement de ce bon Religieux, à qui il s'arroit déjà de paracheuer vne œuvre si bien commencée. Il demande congé à son Supérieur, qui luy octroye, apres auoir iceu le sujet de son voyage. Estant arriué au Conuent dudit Aix, il demande vn frere pour luy tenir compagnie & luy ayder à faire les affaires. Comme il sort du Conuent va droit au Palais en intention de produire sa deposition deuant la Cour.

Mais ainsi qu'il entroit dans la Salle, il apperceut l'innocent Beliard, qui venoit d'estre confronté deuant les tesmoins pour la seconde fois. Ne le reconnoissant point, il s'enquit du Procureur qui se trouua present, quel homme c'estoit qu'on conduisoit dans la prison. C'est dit le Procureur vn nommé Beliard qu'on doit executer demain. S'il y meurt, dit le Religieux, on le fait mourir innocent. Et comment le sçavez vous, dit le Procureur, qui s'estonnoit d'entendre ces paroles? Je vous le feray voir dit le Pere Carme, si vous me voulez introduire dans le lieu, où Messieurs de la Cour sont assemblez. L'autre luy dit, qu'il le suiuist seulement, & qu'il le feroit parler à Messieurs, & de ce pas le conduit en l'auditoire où Messieurs estoient assemblez. Vn Huissier luy demanda, que c'estoit qu'il demandoit. L'ay, dit-il, à decouurir deuant Messieurs, la plus grande & la plus inouïe trahison que iamais la malice aye inventée parmy les mortels, & là dessus il bailla à l'Huissier la declaration de Iean Roland, laquelle il presenta a vn des Conseillers qui l'ouurit, l'ayant communiqué à la Cour, la lecture de la deposition estant faite, la Cour interrogea le Moyne, qui decouurit toute la trahison que Iean Roland luy auoit faite,

&c.

leur faute, furent roüez tout vif, & Jean Hodoul qui s'estoit reconnu, & confessé le tout fut pendu & estrangié.

Le quatriesme Arrest fut prononcé contre Gregoire Melue absent, lequel fut condamne d'être roüé en effigie dans la ville de sainte Tulle, & contre les deux fils de Ventier. L'aîné fut pour tousiours banny du pays de Prouéce. Et le puisné fut absous & déclaré entierement inculpable, à cause de sa jeunesse.

Admirable effects de la diuine Iustice, laquelle decouure les plus occultes & plus cachées trahisons qui se commettent parmy les mortels, comme les actions de cette Tragedie nous le demonstrent par la iuste & équitable punition de ces traistres concitoyens de Sathan.


Voilà la fin tragique de cette Histoire, que ma plume vacillante vous a decrite, digne veritablement d'estre mise au nombre des prodiges de ce temps puis que les moindres parties sont prodigieuses & émerueillables, pour l'horreur d'une telle & si detestable mechanceté.

DIEU vueille par sa sainte grace priuer la France de tels monstres de malice & d'impieté, & en faire perdre la souuenance dans le fleuve d'oubly, faisant que iamais semblables Canibales ne naissent en la France En fin par le recit de cette Histoire tragique, ie prie Dieu que les mechans en puissent faire leur profit & se recognoistre, afin de venir à mandement voyans de si émerueillables effects de la puissance diuine, à laquelle nous ne scaurions trop rendre de graces & de louanges.



*DES GRANDES VOLERIES ET
subtilitez de Guillery, & de sa fin
lamentable.*

HISTOIRE XIX.



Villery estoit natif de la basse Bretagne, issu de noble race. Son premier exercice d'éfance fut à l'estude des lettres, où il profita si bien qu'il se fit admirer d'un chacun pour la gentillesse de son esprit. Son pere l'ayant enuoyé à Rhenes pour paracheuer le cours de ses estudes ayant atteint le dix-huictième an de son aage, il se rendit si redouté parmy les Escholiers qui sont en grand nombre dans cette ville, qu'il ny auoit nul qui ne craignoit & redoutast grandement de luy faire déplaisir. Quand il se faisoit quelque meurtre ou batterie la nuit par la ville tout le monde l'en accusoit, disant qu'autre que luy ne l'auoit commis, puis qu'il n'y auoit aucune compagnie pernicieuse en laquelle il n'eust tousiours le premier rang.

Son Pere estant aduertie de ses deportemens par quelques-uns de ses amis qui tenoient l'œil sur ses actions, luy escriuit vne lettre, par laquelle il l'exortoît à changer de vie, ou autrement qu'il luy baille-roit sujet de le desauoir & de ne le tenir plus pour son fils. Cette lettre luy fut portée par un de ses parens, qui auoient charge de son Pere de luy faire des remonstrances de bouche, & de luy escrire souuent de ses nouuelles.

Dés

Dés qu'il eust receu cette lettre, & qu'il eut cogneu que son Pere estoit informé de sa vie au lieu de se corriger & viure plus sagement à l'auenir pour bailler quelque consolation à celuy qui l'auoit mis au monde, il se comportoit tous les iours de plus en plus, se mocquant de ceux qui luy faisoient quelque remonstrance & qui luy conseilloient de prendre de la part de son pere, vn autre train de vie, leur disant: qu'il étoit assez sage pour se gouuerner, sans qu'ils se mélissent de ses actions son courage luy faisant proferer ces paroles & plusieurs autres qu'il disoit en se mocquant de son pere, & de ceux qui ne procuroient que son bien.

En ce temps nostre grand Henry d'heureuse memoire, s'estant resolu d'auoir raison du tort que luy faisoit le Duc de Sauoye luy detenant son pays auoit fait leuer vne belle armée en plusieurs endroits de son Royaume, qu'il vouloit mener en Sauoye. Le ieune Guillery en ayant eu le vent quitte, ses estudés, & s'entoolé pour simple soldat en vne compagnie, qui bien-tost après le rendit à l'armée ou il signala son courage en plusieurs rencontres qui se firent sur l'ennemy, desquels il sortoit tousiours chargé de palmes & de lauriers qu'il acquerroit au prix de son sang.

Son courage luy ayant acquis le commandement d'vne compagnie, il s'en acquita avec tant de generosité qu'vn chacun l'admiroit & le iugeoit deuoit estre vn iour quelque chose de grand.

L'accord & traicté de paix estant faict entre le Roy, & le Duc de Sauoye, l'armée fut congediée avec commandement à chacun de se retirer en sa maison. Guillery voyant que la paix luy empeschoit l'exercice

xercice des armes, & de l'entretenir parmy les grands, pour le peu de reuenu qu'il auoit, ayant vn iour assemblé vne quarantaine des plus resolus, & mauuais gaçons, qui fussent en sa compagnie, leur remonstre comme la paix les empeschoit de faire leur profit, & que par ainsi ils seroient tous contrains de faire election de quelque autre expedience pour gagner leur miserable vie.

Ces soldats qui ne demandoient autre chose, que d'estre employez en quelque entreprise luy demanderent quel dessein il auoit, qui luy fist tenir ce langage, & que s'il y auoit quelque chose à gagner, il s'assurast qu'ils ne luy manqueroient iamais : Guillery leur repondit, que son dessein estoit de ne poser point les armes, & que plutôt il se redroit en quelque forest pour destrousser les passans, & par ce moyen acquerir de quoy s'entretenir le reste de sa vie. Ses compagnons à qui on ne pouuoit faire plus grand plaisir que de leur parler de quelque gain, s'offrirent de le suivre par tout où il voudroit sans, le laisser iamais iusques à la mort, & luy ayant tous iurez foy & fidelité, ils commencerent à destrousser, & voler tous ceux qui par fortune se rencontrent deuant eux en leur chemin.

Sa retraicte fut en Xaintonge & pays circonuicins, où il n'eut long-temps exercé son mestier de pillage que les nouvelles en furent espanduës par toute la France. Plusieurs qui l'auoient cogneu aux guerres dernieres, s'estonnoient d'un tel changement voyans que de braue Capitaine il s'estoit rendu miserable voleur. Son Pere estant aduertty qu'il menoit vne vie si mal-heureuse en mourut de tristesse dans peu de iours, ne laissant qu'un autre fils aage de dix
neuf

neuf ans , qui apres la mort de son pere , se vint rec-
tirer avec son frere, où il apprint la vie de gueilleur de
chemins.

Si ie voulois entreprendre de descrire toutes les
meschancetez qu'il fit pendant neuf ou dix ans qu'il
exerça vne si detestable vie, il me faudroit en faire vn
gros volume, au lieu que ie me suis proposé de n'en
dresser qu'un petit discours. Je me contenteray donc
de reciter briefvement les plus remarquables subtili-
tez qu'il a excuté , pendant qu'il a exercé la vie de
voleur.

Vn iour qu'il se pourmenoit dans le grand che-
min qui va de Niort à la Rochelle , il rencontra vn
payfant qui s'en alloit pour plaider à vn Seneschal
qui est estably dans ladite ville , Guillery l'ayant ac-
costé, luy demanda où il alloit. L'autre luy respondit
qu'il alloit à la Rochelle. Et bien, dit-il, nous irons
donc de compagnie : car ie m'y en vay aussi , chemi-
nant il s'enquist du payfant , quels affaires le me-
noient à la Rochelle L'autre luy respōdit que c'étoit
pour plaider. Vous avez donc de l'argēt, repart Guil-
lery, l'autre luy respond qu'il n'en auoit point Guil-
lery, luy dict qu'ils estoient donc bien ensemble, puis
que l'un ny l'autre n'en auoit. Mais sçavez vous que
nous ferons ? dit le larron, qui se doutoit bien qu'il
n'estoit pas sans argent , que voulez vous que nous
fassions ? dit le payfant. C'est qu'il faut prier Dieu,
dit-il afin qu'il nous en enuoye , & aussi tost il
se met à genoux , disant au payfant qu'il fist comme
luy. Ce que le pauvre Diable fit avec beaucoup de
regret, se doutant bien qu'il ne sortiroit pas d'entre
les mains de ce loup d'auarice, sans y laisser vne par-
tie de sa peau. Pour le faire court, ils se mettent trois
ou

cu quatrefois à genoux, sans que Dieu eust enuoyé aucun argent au pauvre payfant, qui ne prioit Dieu pour autre suiet, sinon qu'il luy ostant ce diable de sa presence, Guillery au contraire toutes les fois qu'il se fouilloit, treuuoit que Dieu luy enuoyoit tousiours quelque chose. La premiere fois cinq sols: la seconde dix sols: & la troisieme vn escu, qu'il partissoit en deux, & en bailloit la moitié au payfant, & luy dict qu'il regardât en sa pochette, pour voir s'il n'en auoit point dauantage, ce que le pauvre homme ne voulut faire, disant qu'il estoit content de ce qu'il s'estoit trouué. Il faut donc que ie regarde sur vous, dit Guillery, pour voir si Dieu ne vous a point enuoyé aussi bien qu'à moy, & là dessus il le fouille par tout iusques à ce qu'il luy eust trouué sa bourse, où il y auoit cent cinquante escus d'or, qu'il mit en deux parts, baillant l'une au payfant, & retenant l'autre pour soy, luy disant: prenez la moitié de ce que Dieu vous a enuoyé. Je connois qu'il vous aime bien, puis qu'il vous enuoye tant d'argent à la fois, & ainsi il prit congé du pauvre desolé qui fut bien aise d'estre sorty à si bon marché d'entre ses mains.

Vne autre fois qu'il se pourmenoit dans le bois de la Chasteniere, où il faisoit ordinairement sa retraicte avec ses camarades, il rencontre vn Messager de Monsieur de la Rocheboisseau, Preuost de Niort, qu'il enuoyoit à la Rochelle de vers le grand Preuost de la ville pour le supplier de l'aller treuver en vn sien Chasteau à six lieues de la Rochelle, pour aller bailler la chasse à Guillery, qui estoit asseurement dans le bois mesme de la Chasteniere, tout ainsi qu'il auoit esté certifié par des gens qui l'auoient veu. Guillery ayant prit ledit Messager, & luy ayant fait

A a

confesser le sujet de son voyage, prend luy-mesme ses lettres, se déguise en habit de Messager, & s'en va à la Rochelle porter le paquet au Preuost, qui l'ayant receu, & leu la lettre qui estoit dedans, mōte tout aussi tost à cheual avec dix ou douze de ses Archers, & se met en chemin avec le Messager, qui les deuoit conduire au lieu de l'assignation. Or faut-il entendre qu'auparant que Guillery se mist en chemin pour aller à la Rochelle, il auoit baillé charge à ses hômes de s'embucher & cacher dans le bois tous armez, & qu'aussi tost qu'ils le verroient venir avec le Preuost qu'ils sortissent de leur embusche, & l'enfermassent si bien, qu'ils n'eût moyen de se sauuer, ni pas vn de ses gens, sans toutesfois les offencer aucunement. Comme il auoit pourpensé, il luy arriva, car ayāt conduit le Preuost avec ses Archers au plus épais du bois, en vn sentier où ils ne se pouuoient deffendre. Ses gens sortirent si à l'improuiste qu'ils eurent plustost saisi ces pauvres Archers, qu'ils n'eurent le moyen de mettre la main à l'épée, ny à la carabine pour se deffendre. Aussi tost qu'ils les eurent saisis, Guillery les fit dépouiller de leurs casagues, & fit vestir autant de ses hommes, attachans ces pauvres preneurs qui s'estoient laissez prendre à des arbres sans leur faire aucun mal, & estans montez sur les cheuaux de leurs prisonniers, Guillery se resolut d'attrapper aussi le Preuost de Niort: mais auāt qu'excuter son dessein il se transporte en vn Chasteau à demy lieuë de là, qu'il scauoit être plein de richesses que par plusieurs fois il auoit tâché de dérober, sans en estre iamais venu à bout, à cause que ceux de dedans faisoient trop bonne garde sur luy. Y estant arriué avec ses gens, on luy ouurit incontinent les portes,

Après qu'il l'eut salué, il le pria de luy faire vn plaisir. Et quel plaisir voulez-vous que ie vous fasse, dit le Preuost? C'est, dit l'Hermite, d'aller prendre Guillery, qui est à vn quart de lieuë d'icy, en vne maison où il dîne avec trois ou quatre de ses hommes. Et comment le sçavez-vous? luy dit le Preuost. Comment ie le sçay, dit l'Hermite? Parce qu'il m'a pris deux pistoles, ainsi que ie m'estois arresté pour dîner dans le logis mesme où ie crois qu'il est à present.

Le Preuost qui croyoit desia tenir Guillery entre ses mains, le prie de le conduire où il estoit. Ce que l'Hermite fit l'abusant si bien avec ses paroles, qu'il l'enferma au lieu où ses gens l'attendoient, qui mirent aussi tost les mains sur le Preuost & sur ses gens & leur ayans depouillez leurs casques, les renuoyèrent de la sorte, sans leur faire aucun dommage ny déplaisir.

Or comme la fortune luy auoit tousiours monstré bon visage, elle luy voulut faire voir vn tour de son accoustumée influence. Or vous auéz entendu les affronts qu'il auoit fait aux Preuost de la Rochelle, & de Niort, & iceux cherchans l'occasion de se venger de luy, & sçachans le lieu où il estoit avec dix ou douze de ses gens le vindrent surprendre, environnant la maison de telle sorte avec l'aide des gens qu'ils auoient menez avec eux, qu'il estoit impossible que ny Guillery ny ses gens se pussent sauuer sans vn euident peril de leur vie. Mais Guillery qui ignoroit quelle chose c'estoit que de peur, ayant exhorté ses gens à la deffence sortir le premier monte sur vn cheval, le pistolet en main, faussant genereusement la presse des ennemis, se sauua sans aucun

cun danger de sa personne. Deux ou trois des hommes qui estoient d'un courage plus genereux que les autres sont pris avec son frere, duquel le cheual fut tué entre ses iambes, & menez à Xaintes, où ils furent rompus sur vne rouë, son frere fut rompu tout vif la teste, ses membres mis en plusieurs lieux de passage, pour seruir d'exemple aux autres.

Guillery aduerty de la mort de son frere, ses plaintes commencerent à sortir du plus profond de son estomach, & eussent esté capables d'émouuoir vn Tigre à pitié, il le fust donné la mort de ses mains, sans le confort de ses gens. Il detestoit le Ciel, & maudissoit son mal'heur. Dés lors sa conscience commença de luy ronger le cœur, luy representant qu'il luy faudroit vn iour faire vne semblable mort que son frere, s'il ne venoit à amandement de vie. Il se mit dés lors sur ses gardes, ne se mettant plus en hazard d'estre pris comme auparauant. La mort se representoit à tout moment deuant ses yeux, & la crainte d'estre pris ne l'abandonnoit iamais. Il ne songeoit qu'au moyen de se retirer en quelque lieu inconnu, pour y passer le reste de ses iours avec la crainte de DIEU. Si ie me voulois estendre à décrire les ruses & subtilitez qu'il fit, durant qu'il menoit la vie de voleur, il faudroit vn volume entier & non pas vn abbrege, auquel ie me suis obligé dès le commencement,

Plusieurs ont éprouuez sa courtoisie. Ceux qu'il rencontroit qui n'auoient point d'argent, il les en aydoit : & aux autres qui en auoient, il leur en prenoit la moitié.

Il estoit ennemy mortel des meurtriers. Si quel-

qu'un de ses hommes auoit faict quelque meurtre, il le chastioit aigrement. Ses ruses estoient si subtiles, que jamais les cauteles des plus dressez Preuosts ne furent capable de trouuer aucune inuention pour le surprendre: au contraire il les surprenoit le plus souvent, & s'estant moqué d'eux les laissoit aller. Plusieurs tiennent qu'il auoit vn esprit familier, qui le conduisoit en ses entreprises I'en laisse le iugement à leur discretion, & me tais sur ce sujet.

Je me contenteray de ce que j'ay escrit de sa vie afin de n'estre trop prolix. Seulement ie décriray sa fin lamentable, qu'il deuoit plustôt terminer en quelque bataille, ou service de son Roy, à la teste de quelque genereux exercier, & non sur vne roüe pour seruit d'exemple à ses semblables. De tous ceux que Guillery auoit premierement, commençant de mener la vie de voleur, il ne luy en restoit plus que 15. ou 16. lesquels ayant vn iour, assemblé en vn lieu ordinaire & destiné pour consulter sur leur affaires, leur dit: Vous n'ignorez pas, mes amis la vie que nous auons menez depuis neuf ou dix ans que nous sommes dans ce bois, & que par le moyen d'icelle nous meritons vn chatiment exemplaire, qui ne nous peut fnyr, si nous continuons d'auantage nos deportemens, puis que Dieu ne laisse aucune meschanceté impunie, bien qu'il attende souuent le pecheur pour voir s'il se conuertira. Ce n'est pas d'aujourd'huy que nous auons veu des exemples remarquables de ses iugemens: Mon frere nous doit seruir d'exemple pour considerer nos actions. Je deplore grandement le desastre de sa jeunesse. Consideriez le peril où nous sommes. Le Roy est aduerty de nos mauvais deportemens. Sa iuste fureur ne nous laissera

ra iamaïs eſchapper, ſans punition condigné à nos merites. Cröyez moy nous auons aſſez de moyens pour paſſer le reſte de nos iours en quelque pays où nous ne ſoyons point connus & ce faiſant, euitons le chatiment qui nous menace. Ses compagõs faiſis d'autant ou plus de peur que luy firent reſponſe qu'ils étoient preſts de faire tout ce qu'il vouldroit. Entendant leur bonne volonté il les remercia & leur bailla à chacun vne bonne ſomme de deniers & les renuoya les vns d'un coſté, les autres d'un autre n'en tenant que deux avec ſoy auſquels il ſe fioit le plus. Quant à luy, il pris ſon chemin vers Bourdeaux, de-
guisé en Genil-homme. Il paſſe outre, iuſques à ce qu'il arriua à S. Iuſtin & s'y eſtant arreſté quelques iours, il iugea qui ne pouoit trouuer lieu plus com-
mode pour ſa retraite que cette ville, qui étoit aſſez eſcartée du monde & en vn lieu des plus deſerts de France. Il n'y eut ſeiourné longuement que toute la Nobleſſe du pais ne luy fiſt connoiſſance, luy reſ-
moignant beaucoup d'affection pour les bonnes qualitez qui étoient en luy, & des rares perfections dont il étoit doué. D'autre part, qu'il ſe diſoit être yſſu de noble maiſon. Ce qu'on croyoit de tant plus qu'il eſtoit liberal & courtois. Tandis que la fortune luy fut favorable, il ne māqua iamaïs de compagnie. Mais dès que la fortune commença de luy tourner
les eſpaules il n'y eut perſonne qui s'employaſt pour luy, ny qui fiſt vn pas pour ſon ſeruiſe.

Pendant qu'il ſe fait connoître par ſes liberalitez & courtoisie la fortune luy preſenta vn beau party pour ſon aduancement. Vne ieune veſue deuient
amoureuxſe de luy, luy decouurit ſa paſſion & le pria de la viſiter ſouuent, puis que ſa preſence luy étoit plus

agreceable que chose du monde. Lors qu'il vid que cette vefue l'aymoit entierement, & iugeant que s'il la pouuoit espoufer, c'estoit l'asseuré moyen pour viure à son aise : mais le miserable infortuné contoit sans son hoste, comme dit le Prouerbe, car au lieu de son profit, ce fut son entiere ruine. Il commença à se faire paroistre plus que iamais pour complaire à sa Maistresse, & pour mieux parvenir à son dessein, il pria quelques Gentil-hommes ses amis de parler au Pere de la vefue touchant la resolution de son mariage ; ils s'employèrent si bien pour son affaire que le mariage fut conclud avec la vefue, les nopces se font avec beaucoup de pompe & de magnificence. On n'y espargne aucuns despens ny frais, pour honorer son mariage. Le voilà esleué à l'un des plus hauts degrez de la fortune. Il se baignoit dans son aise, croyant que iamais personne ne se douteroit de luy : mais le miserable ne consideroit pas que Dieu scauoit tous ses desseins, & penetroit au plus profond de ses secrets.

Il auoit iouï trois ou quatre ans du doux fruit de son mariage, mais sa retraicte n'auoit pas esté si bien couuerte, que plusieurs ne fussent informez du lieu de sa demeure. Entre autres vn Marchand de Bourdeaux, à qui il auoit autresfois volé deux ou trois mille francs. Ce Marchand assure du lieu de sa retraicte, presente requeste au Preuost, le supplie de prester main forte pour prendre vn voleur qui s'estoit retiré à saint Iustin, & qui l'auoit autresfois volé pres de la Rochelle. Le Preuost mesme s'y achemine avec quinze ou seize de ses Archers bië armez. Il arriue à la porte du Chasteau, où Guillery faisoit demeure. C'estoit au mois de May sur les quatre heu-

res du matin, que le iour ne commençoit qu'à poindre. Il heurte à la porte, & demande à parler au maître du logis, qui entendant qu'on le demandoit saute du lit en chemise, & prenant vn pistolet à la main descend au portail de la maison, l'ouure & demanda qui s'estoit qui le demandoit. Le Preuost auoit fait, cacher ses hommes au derriere d'une vieille muraille qui estoit ioignant la porte du Chasteau, n'estant demeuré qu'avec vn sien homme, qui comme il vid que Guillery auoit ouuert la porte, s'approcha le priant de sortir: disant qu'il auoit vn mot à luy dire. Le pauvre mal-heureux qui ne se doutoit de la fourbe qu'il luy auoit dressé, sort hors de la porte & s'approche du Preuost, qui dissimulant d'auoir vne chose de conséquence à luy dire, le pria de s'approcher de luy. & cependant il faict signe à ses gens de s'aduancer & de couper chemin à leur homme, à fin qu'il ne peüst r'entrer au logis. Comme il se vid enfermé de tous côtez, il commence à iouer des talons, droist à vn bois distant de quelques deux mille pas du Chasteau. Le Prouost qui estoit à cheual se met à le suivre à grâd galop, pendant que ses gens qui s'estoient mis à pied, remontoient à cheual. Guillery poursuuy de si près retourne & decharge son pistolet si à propos qu'il donne dans la teste du cheual de celuy qui le poursuioit, qui cheut incontinent entre les jambes de son maître, & par ce moyen il eut le loisir de se sauuer au bois prochain. Le Preuost se voyant sans cheual, le poursuit à pied, pendant que ses gens arriuerent, qui le voyant à pied, le remonterent sur vn de leurs cheuaux afin de reprendre le chemin de Bourdeaux, puis qu'ils auoient manquez leur prise. Cependant qu'ils s'en vont, Guillery se sauue

au plus espais du bois. Comme il se vid asscuré, il comença à se lamenter. Il se voyoit en chemise denué de moyens. Il n'osoit retourner à son logis, de peur que le Preuost ne s'en fust saisi. Il ne scait où aller. Toutes places luy sont suspectes. Il craint qu'on ne le suive par tout. Apres qu'il eut assez tournoyé par les hayes & buissons, il se trouue enfin à l'issue du bois, en vn lieu assez éloigné des maisons & lieux habitables. Se voyant là, il ne scauoit à quelle chose se résoudre. Enfin il se ressouuiét d'une cache qu'il auoit laissé au bois de la Chasteniére, lors qu'il en partit pour se retirer à saint Iustin. Il prend resolution d'y aller voir, si elle y estoit encores, pour s'en accommoder, & se retirer en quelque lieu hors du Royaume. Estant arriué à Bourdeaux, il s'embarqua dans vn bateau pour passer à Blaye. Estant dans iceluy il fut reconnu par vn marchand de Xainctes qui l'auoit autresfois veu en plusieurs lieux. Du commencement il ne pouuoit croire que ce fust Guillery, il s'approcha tout exprés de luy pour le mieux connoistre. Estant asscuré que c'estoit son homme, il ne dit mot. Ayant pris terre à Royan, il remarqua le lieu où ledit Guillery s'alla retirer, & l'ayant veu entrer en l'Hospital, il s'en alla aduertir le Preuost de la ville, qui s'y transporta incontinent pour se saisir de luy. Estant arriué il s'enquit où estoit ce pauvre qui étoit entré depuis peu là dedans, le maistre de l'Hospital luy ayant montré, le Preuost luy demanda d'où il venoit? Je viens, dit-il, de Bourdeaux, & où allez-vous? Demanda le Preuost, ie m'en vay à la Rochelle pour chercher quelque maistre. Le Preuost luy demanda quel estat il faisoit. Guillery se voyant enquis si auant de ses affaires, dit qu'il étoit iardinier.

Et

Et bien, dit le Preuost, j'ay vn iardin à cultiuer. **Le** vous prenez donc pour le gouverner, puis que vous estes de l'estat, & ainsi il le conduisit de l'Hospital droit à la prison, & comme il passoit par vne petite rue estroicte voilà qu'un homme se ietta sur le jardinier disant : ha voleur ! c'est maintenant que tu me rendras les quatre vingts escus que tu m'es pris vne fois sur le chemin de la Rochelle. **Le** misérable se voyant descouvert ne scauoit quelle contenance tenir. Le Preuost s'enquit de cét homme, que c'estoit qu'il auoit contre cét estranger. **C'est vn voleur,** dit-il, qui m'a dérobé autres fois quatre vingts escus. Et si vous ne le corrigez pas, ie vous assure que c'est Guillery. On y dit Guillery, ie ne le peux nier, car ie vois biens que Dieu me veut chastier de mes fautes. Le Preuost oyant ces paroles, & ne demandant autre preuue, le conduit aux prisons de la ville, & de la deux iours apres à la Rochelle, où son procez estant fait, il fut rompu tout vif, pour chastiment des voleries & pillages qu'il auoit exercez durant sa detestable vie.


Voilà la fin lamentable de ce malheureux, qui cro-yoit euitter les iustes iugemens de Dieu par sa fuite : mais il fallut à la fin payer le tribut de sa méchanceté.





*D'VN HOMME QVI APRES
auoir demeuré vingt ans aux Galeres est
reconneu par son fils; de ce qui en
aduint, & autres choses dignes.
de remarque.*

HISTOIRE XX.



Enommeray en cette Histoire de leur propre nom les personnes dont ie vous veux parler, contre les protestations que i'ay cy-deuant faites. Leur condition vile & abiecte m'en dispensera: au lieu que le sang illustre de qui ie traicte quelque fois particulierement, m'oblige à la discretion. Les accidents arrivez en ceste aduventure sont si remarquables, qu'ils meritent d'estre sçeus de tout le monde. Je l'ay apprise par des resmoins irreprochables, & suiuant leurs memoires ie l'ay escrite en ces termes.

Il n'y a pas long - temps qu'à Paris habitoit vn homme nommé Iean Vaumorin, tailleur d'habits fort renommé pour son mestier. Les plus galants de la Cour se seruoient de luy lors qu'il estoit question de se bien habiller: & les autres tailleurs se formoient à son modele, pour contenter les bonnes maisons dont ils auoient l'entrée.

Après que cét homme eut passé à la Cour quelques années en garçon, il luy prit fantasie de se marier avec Ieanne Perrot, fille d'un autre tailleur de
la

la mesme ville de Paris. Ils eurent de ce mariage vn beau fils qu'ils appellerent Michel. Le Pere ayant toujours la vogue d'estre vn des premiers Maistres, cont'inuoit à trauailler, & commençoit à bien faire ses affaires. Mais comme les meilleures Maistresses, & principalement de cét art ne sont pas toujours les plus gens de bien, il arriva que cét homme fut accusé d'auoir acheté aux larcins d'vn qui fut pendu pour auoir volé de la vaisselle d'argent à la maison d'vn grand Seigneur. Et d'effect ayant esté conuaincu par le vol, dont il fut treuue saisi, il eust fait le faut aussi bien que l'autre, si beaucoup de personnes de qualité ne se fussent employées pour luy. A leurs prieres les Iuges modererent la peine, & le condamnerét aux Galeres perpetuelles, Henry II. marioit en ce temps Marguerite de France, cette rare perle de prix, à qui les Muses demeurent eternellement obligées, avec le Duc de Sauoye. Le Roy entre autres conferez en faueur de ce mariage, fit present au Duc d'vne Galere, qu'on équippa à Marseille. Ce fut là que Iean Vaumorin avec d'autres forçats fut mené, & attaché. D'escrire les plaintes & les regrets de sa fême, qu'il laissoit avec leurs fils qui n'auoit que deux ans, il n'est pas à propos. Le recit que i'entreprends de faire en seroit trop long. La Galere ayant esté conduicte iusques à Nice, elle demoura quelque temps au pouuoir de son Altesse, iusques à ce qu'vn Capitaine de la Marine du Roy d'espagne l'acheta, & la fit voguer à Naples. Plusieurs ans se passent, sans que Ieanne Perrot ait nouvelles de son mary. Cependant son fils deuiant grand, & comme il s'informe quelquesfois de sô Pere, elle pour couvrir leur infamie, luy fait entendre qu'il est mort. A mesure

lure, que ce garçon croist en aage il tasche aussi d'apprendre quelque mestier, pour s'en servir à passer le cours de cette vie. Son inclination le porte à chanter de sorte qu'en peu de temps ayant formé sa voix qu'il auoit fort bonne. par le moyen de la Musique, il s'introduit en vne bonne maison. Ayant atteint l'âge de vingt-deux ans le desir de uoir les nations estrange res luy fit prendre l'enuie d'aller a Rome. Vne commodité s'offre vn voyage qu'un Prelat y faisoit. Il se met à sa suite, & auant que de partir il prend congé de sa mere : laquelle, pour le long-temps qu'elle n'auoit ouy nouvelles de son mary, & croyant que veritablement il fust mort, s'estoit remariée a vn Escruain. Cette femme pleurant à chaude larmes l'embrassa mille fois, & le coniuira d'un brief retour. Michel Vaumorin estant arrive à Rome y trouua bien-tost vne honneste condition chez vn Cardinal, qui pour l'excellence de sa voix le retient à son seruice: Mais comme les François sont impatiens, & curieux de voir ? il demanda congé à son Maistre quelque temps apres, & l'ayant à grande peine obtenu, il s'en alla à Naples. Comme il est employé quelques iours à contempler la gentillesse de la ville, il s'achemina au Port, pour y voir les galeres, & pour s'informer par curiosité, s'il n'y auoit point de Forcats qui fussent François.

Le premier qu'il rencontra estoit vn homme tout blanc de viellesse qui portoit des marques de forcat: mais qui neantmoins auoit plus de liberté que les autres. Si tost que Michel Vaumorin l'apperceut il s'approcha de luy & le salua en ces termes *Dieu vous gard mon Pere.* L'autre luy repondit : *Dieu vous gard Monsieur,* A ce que ie vois (dit le ieune homme
vous

vous estes François ? le le suis vrayement repart le vieillard , mais il y a si long-temps que ie suis exilé de mon pais qu'il ne m'en souvient presque plus. Et combien de temps, poursuivit l'autre, y a-il que vous estes icy ? il y a plus de vingt-ans, respondit il.

Ce bon homme proferant ces paroles ; regardoit fixement Michel Vaumorin, & tiroit des soupirs du profond de son cœur : de sorte que l'autre fut contraint de s'enquerir de luy pourquoy il scûpiroit de la sorte. Ce n'est pas sans raison, dit le vieillard , si ie soupire. L'estat de ma vie presente, & le souuenir du paisé m'en donnent assez de sujet , mais particulièrement la memoire d'un fils que ie laissa à Paris, d'où ie suis nay en l'âge de 2. ans, dont vous m'avez fait ramentenir. Il me semble de le voir quand ie vous vois , encore qu'il fust si ieune lors que mon desastre me separa de mes plus proches. Et comment se nommoit ce fils dont vous parlez, répond le ieune homme. Il s'appelloit Michel Vaumorin, dit le vieillard. Et sur ce sujet il commença à faire vn brief discours de sa vie & de sa condition : nomma sa femme, designa le lieu où il habitoit, & representa tant d'autres circonstances que Michel Vaumorin croyoit au commencement que c'estoit vn Diable qui luy apparust pour le tenter. Il estoit si estonné qu'il ne scauoit que dire : neantmoins pour s'éclaircir plus à loisir de cet affaire, il prit congé de ce bon hōme, & luy dit que le lendemain il viendrait le trouuer avec vn bocal de vin pour déjeuner avec luy. Ils se separerent doncques , & le fils ne fit toute la nuit que ruminer aux discours que l'autre luy auoit tenus. Il ne scauoit qu'en dire. D'un costé il se ressouuenoit que sa mere l'auoit souuent assuré de la mort de son Pere, d'au

d'autre costé il voyoit tant de veritez apparentes, qu'il estoit forcé à croire, que son Pere n'estoit pas mort, & que sa mere luy auoit celé cette infortune. Il ne manqua pas le lendemain de se trouuer sur le port. Ce vieillard l'attendoit desia, & incontinent qu'il l'apperçeut il se mit à pleurer, & luy tenir ce langage : *Il m'est impossible, dit-il, de contenir mes larmes. Tant plus ie vous considere, tant plus vous me rameneuez les traits de mon fils Michel Vaumorin.* A ces mots, le ieune homme ne se peut plus contenir. La nature s'ouurit, le sang s'esmeut, & les afflictions qu'un fils porte à ceux qui l'ont engendré, operans leurs fonctions, firent qu'il courut les bras ouuerts vers son Pere. Il l'embrasse estroittement, & le baisant il luy arrose sa barbe blanche de ses larmes, & puis il luy tient ce discours: *Ie suis Michel Vaumorin vostre fils. Je louë Dieu de ce qu'il m'a fait la grace de trouuer ce que ie ne cherchois pas, & que ie deuois rechercher plus que toutes les choses du monde. Je suis pourtant excusable, puis que la croyance que j'auois de vostre mort, m'exemptoit de prendre cette peine.* Le vieillard saisi d'estonnement non moins que son fils ietta vn grand cry de resioüissance, & versant vn ruisseau de larmes de ioye, proféra ces paroles : *C'est moy, ô mon cher fils, qui ay sujet de louer Dieu, de la faueur que ie recois de reuoir ce que ie n'esperois pas. Je ne me soucie pas maintenant de mourir, puis que j'ay ce contentement.* Apres plusieurs caresses reciproques, ils entrerent dans la Galere, & desieunerent ensemble. Cependant le Pere dit à son fils que ce n'estoit pas le tout: mais qu'il falloit trouuer encore vn moyen pour le retirer de captiuité. Le fils qui desiroit la liberte de son

son Pere plus que luy-mesme s'offre d'y contribuer sa peine, les moyens & sa vie. Il s'achemine à l'instant vers le Capitaine de la Galere, & se ietant à ses pieds, il luy tient ce langage. Je vous supplie Monsieur de prendre pitié d'un miserable vieillard, & d'un pauvre ieune homme. Vne disgrâce plustost qu'un crime a reduict en vne cruelle seruitude l'un est privé de l'autre l'espace de vingt années d'auoir ce bien de voir celuy qui la mit au monde. Quand l'un auroit bien meritè ce châtiment toutes fois le long temps qu'il y a qu'il sert à la rame vous oblige à la misericorde, & vous semond à prendre pitié de la ieunesse de l'autre, qui vous faict vne requeste si iuste, & si réplie de pieté. Je vous coniure doncques d'oütroyer la liberté à mon Pere. C'est ce bon homme que vous voyez icy à vos pieds avec moy. Il priera désormais Dieu pour vostre prosperité, & ie vous seray obligé toute ma vie.

Il eust continué ses prieres si le Capitaine rude & barbare, cōme sont ordinairement telles personnes, qui hantent la marine, ne l'eust interrompu & avec des paroles mal-gracieuses ne luy eust refusé tout à plat sa demande, & commandé, qu'il se retirast. Michel Vaumorin, encorès qu'il se veid rebuter de la sorte, ne perdie pas pourtant courage. Il n'y auoit presque iour qu'il ne l'importunast de la liberté de son Pere, si bien que l'autre commença à la fin de se courroucer de telle façon, qu'il luy dict, que s'il luy venoit plus rompre la teste de cette affaire, il l'attacheroit à le cadene: Aussi bien, disoit-il estes vous plus propre (coquin) de seruir, que non pas celuy, pour qui vous m'importunez tant: & parauenture le meritez vous mieux que luy

Toutesfois si vous me baillez cent escus ie le liureray : autrement non. Ne m'en parlez doncques davantage, si vous ne voulez estre mis à la place. Ce ieune homme voyant qu'il employoit inutilement sa peine à penser feschir ce barbare, est bien ennuyé. Il ne sçait quelle voye prendre pour venir à bout de son dessein. S'il auoit l'argent que l'autre luy demande, il le luy auroit bien-tost deliuré, mais les moyens sont trop courts pour recouurer vn telle somme.

Luy & son pere lamentent leur infortune. Enfin Michel Vaumorin s'informe de son pere, du temps qu'il fut condamné à ce seruage, comment il estoit plustost à Naples qu'à Marseille, & d'autres circonstances sur ce sujet. Son Pere luy apprend que Henry deuxieme donna vne Galere au Duc de Sauoye, en faueur de son mariage, & que puis apres le Duc la vendit à ce Capitaine. Michel ayant ruminé sur ce qu'il venoit d'apprendre de son Pere, crioit à la fin que le plus expedient est qu'il aille en Piedmont se jeter aux pieds de son Altesse, & luy requerir vne lettre de faueur adressant à ce Capitaine. Il en communique le dessein à son Pere, & prend congé de luy avec larmes, d'une & d'autre part. Quand le fils est arriué à Turin, il attend le Duc à la porte de l'Eglise, & comme il sort avec la Duchesse d'ouyr le Service diuin, il se prosterne à genoux, & leur racontant la iuste douleur, les supplie de l'assister de leur faueur, pour la deliurance de son miserable Pere. Ces supplications accompagnées de pleurs & de sanglots toucherét le cœur de ces Princes, de sorte qu'ayans compassion de la pieté de ce ieune homme, le Duc parla à luy en ces termes : Mon amy, ie n'ay point de puissance absoluë de tirer tō Pere de captiuité. Ie
n'ay

n'ay plus de pouuoir sur ce que i'ay vendu. La liberté de ton pere dépend d'un autre. Tout ce que ie puis faire, c'est de t'ôter la lettre de faueur que tu me demandes. Je te la feray expedier ce iour mesme, & te donneray encores quelque chose, pour te subuenir à sa deliurance. Michel Vaumorin remercia la courtoisie de ce genereux Prince qui luy fit à l'instant depéscher vne lettre qu'il escriuit à ce Capitaine, telle que l'autre la demandoit, & avec cela il luy donna cinquante escus. La Duchesse luy donna autant avec cette somme il reprend le chemin de Naples, & passant par Rome, il visite certains amis qu'il y auoit, auxquels il raconte encores son infortune. Chacun ému de pitié, contribuoit de quelque piece d'argent, si bien qu'il fit encores vingt escus. Quand il fut à Naples, il alla trouver le Capitaine, & luy presenta la lettre de son Altesse. Cét homme, qui iusques alors auoit esté insensible à la compassion, en fut aucunement touché. Considerant sa perseuerance & sa pitié, il ne le receut point si inhumainement que de costume. Il luy demanda seulement s'il n'auoit point d'argent, l'ay, respond l'autre, quelques trente escus, Baille les moy, dit le Capitaine, & va t'en avec ton Pere là où tu voudras. Luy bien aise de ces paroles, tire de sa bourse trente escus, & les luy baille. Avant que l'homme sortes des Galeres où il à esté condamné, il fant qu'il paye certains droictz reduits à certaine somme d'argent. Il n'y eust ent pas vn de ceux à qui ces droictz appartiennent, qui ne les luy quittaist, tant la pieté est recommandable, mesme parmy les personnes qui menent vne viuauage, & denaturée. Ayant deliuré son Pere, ils s'en vont tous deux daas la ville de Naples,

en resolution de reuoir bien tost leur patrie, & de s'y acheminer dès le lendemain mesme. Ils logerent ce soir dās vn cabaret, & y firent si bonne chere que ce vieillard ayant pris du vin plus que de coustume, commença a faire le plus grand vacarme du monde. Il iniurie l'hoste & l'hostesse. Il vouloit tout battre. Son propre fils eut bien de la peine à s'empescher luy mesme à n'estre point froissé. Si l'hoste se fut adressé tout à l'instant à la Iustice, cét yuongne qui venoit tout freschement de recouurer sa liberté, étoit en grand danger d'en faire encores perte. Aussi son fils supplioit l'hoste d'excuser le bon Bacchus. A la fin on le fit coucher pour digerer son vin.

Quand il fut iour, Michel Vaumorin prit congé de l'hoste, & partit avec son Pere pour reuenir en France. Mais ô chose étrange de la mauuaise nature de l'homme. Il est bien impossible de la changer : si ce n'est par vne grace particuliere du Ciel, que les Payens ignorans le vray Dieu, attribuoient à l'estude de la Philosophie. L'exemple de ce grand personnage Socrate en fait foy.

Vn Phisionomiste contemploit vn iour ce Philosophe avec grande admiration, & disoit tout haut, que c'étoit le plus méchant, & le plus execrable homme que l'on sceut trouuer. Tout le peuple ayāt ouy ses paroles, se mocquoient de luy, comme d'un menteur & d'un ignorant : lors que Socrates leur dit : Il a raison de tenir le discours qu'il tient de moy. Ses paroles sont veritables. Mon inclination portoit à la méchanceté ; mais j'ay corrigé les deffaut de ma Nature, par le moyen de ma Philosophie.

Le Pere de Michel Vaumorin, n'auoit pas corrigé
le

les siens aux Galeres. Le tourment qu'il y auoit receu, ne l'auoit pas rendu plus homme de bien qu'il estoit auparauant. Il estoit tellement enclin de son naturel au larcin, qu'il n'eut pas cheminé deux iournées avec son fils, qu'il se leuoit la nuit pour fouiller en les pochettes cependant qu'il dormoit, & pour luy dérober son argent.

Ce pauvre ieune homme qui s'en apperceut, auoit bien de la peine à le cacher en quelque lieu où il ne le trouuaſt pas si librement. Il laissoit neantmoins quelque monnoye à ses chausses, afin d'en faire plus d'experience & neantmoins il ne luy en disoit iamais mot, parce qu'il craignoit de le fâcher.

Ce miserable à chaque fois iuroit & blasphemoit le nom de Dieu & iniurioit son fils & le maudissoit de ce qu'il l'auoit tiré des galeres, pour luy faire prendre tant de peine par les chemins. Ce pauvre ieune homme supportoit le tout patiemment, & le prioit d'auoir bon courage puis qu'en peu de temps, ils arriue-roient en France. Apres beaucoup de mal ils y arriue-rent Estans prests d'entrer dans Paris, Michel dist à son Pere, qu'il falloit qu'il l'attendist en quelque lieu, iusques à tant qu'il eust parlé à sa Mere.

L'autre qui ne s'estoit encore informé de sa femme luy demanda si elle estoit viuante. Michel luy respondit qu'il l'auoit laissée en assez bonne disposition lors qu'il partit de Paris : mais qu'elle s'estoit remariée avec vn Escrinain croyant qu'il fust mort, & qu'ils demeuroient à la rue des Carmes.

Le Pere oyant cette nouuelle commença à se mettre en colere & à proferer mille iniures contre sa femme iurant qu'il l'assomeroit de coups, pour s'estre ainsi remariée, sans leauoir asſeurement s'il estoit

mort Avec ce couroux il entre à la ville avec son fils par la porte de S. Victor, & vont droit à l'Eglise de Carmes où Michel Vaumorin prie son Pere de l'attendre iusques à ce qu'il reuienne, apres qu'il aura appris les nouvelles de sa venuë à sa mere Il. quitte doncques son pere, & entre au logis où elle se tenoit, Quand elle le vid, elle courut l'embrasser estroitement & verse en abondance des pleurs de ioye. Mon fils (disoit-elle) est-il possible que tu ayes peu demeurer deux ans sans auoir iamais faict sçauoir l'estat de tes affaires à ta pauvre mere, qui a fait tous les iours à Dieu milles vœux pour ton retour? Puis que ie te tiët maintenant, ie ne te laisseray pas échapper si aisément vne autrefois. Aussi ne dois-tu pas desormais t'esloigner de moy de la sorte: mais considerer que n'ayant d'autre enfant que toy, tu dois estre mon baston de vieillesse, & tout mon confort. Michel interrompant les plaintes maternelles, parla à elle en ces termes: Ma mere, ie louë DIEU de ce que ie vous reuois en bonne disposition. C'estoit vn de mes plus grands souhaits durant mon abience. Mais il y a bien d'autres nouvelles, dont paruenture vous serez bien estonnée. Vous m'avez souuent fait entendre que mon pere estoit mort. Je vous apprens qu'il est plein de vie, & qu'il n'est gueres loing d'icy. Je me trouue bien empesché pour vous conseiller de ce que vous devez faire, estant remariée comme vous estes. Cette femme fut bien esbahie d'ouyr parler son fils de la sorte, mais elle le fut encotes plus, quand elle vit entrer son mary tout blanc de vieillesse qui ayant suiuy son fils de loing, & impatient de bien froter sa femme, estoit entré dans le logis, & monté à sa chambre, Si tost qu'il vid la femme,

me,

me, il commença à tenir ce discours : Vous estes doncques remariée, chienne putain de voirie. Par le DIEU qui m'a crée, ie ne souffriray iamais vn tel affront, mais ie vous battray tant que vous mourrez. Ce disant il se ruë sur elle à coups de poings ; Sans le secours de son fils qui le retenoit, il l'eust sans doute mal acommodee. Cette femme cependant crioit au secours, & son second mary qui estoit en vne chambre plus haute avec ses escoliers à qui il faisoit la leçon descendit promptement au cry. Voyant sa femme escheuelée, il se iette sur Jean Vaumorin, & l'autre sur luy, & à coups de pieds & de poings ils s'estrillerēt à bon escient. Michel qui ne pouuoit pas tout seul les separer, crie à laide : Les voisins accourent, & ont bien de la peine à se mettre entre deux. L'vn dict à l'autre qu'il payera le tort qu'il luy a fait de battre sa femme. L'autre respond que c'est sa femme & non pas la sienne, & qu'il est vn meschant de la luy auoir desbauchée durant son absence. Le Commissaire arrive qui les fait tous deux prisonniers. Apres les auoir ouys ils son eslargis, & gros procez est par eux intenté Il y a appel en la Cour de Parlement. Les Aduocats plaident la cause, & remonstrent chacun leur fait, & alleguent de belles raisons d'vn costé & d'autre, que nous n'insérons point icy, pour estre trop prolixes. Enfin ce iuste & equitable Senat ordonne par vn Arrest deffinitif que Jeanne Perrot demeurera à Jean Vaumorin, & les meubles qui estoient, communs entre elle & son second mary appartiendroient à cet Escrivain. Il faut donc qu'il se pouruoye d'vne autre femme, & peut estre est il bien aise de s'estre de fait d'vne si pesante charge: la poursuite qu'il faisoit n'estant que pour

auoir les meubles. Ceux qui ont gousté du mariage
asseurent presque tous, que les mariés n'ont que deux
bons iours. Celuy des nopces, & le iour des funeraill-
les de la femme. Je m'en raporte à la verité, ie n'en
parle que par ouy dire, le peu denuie que i'ay de me
soubmettre sous la tyrannie d'une telle Loy, me faict
plustost croire ce qu'on ne dict, que ne le croire pas.
Tant y a que Iean Vaumorin estant Possesseur de la
femme, se retire avec elle, & avec son fils dans vn
mesme logis. Il commence de nouveau à racoustrer
pour les vns & pour les autres des vieux habis. Le
long-temps qu'il auoit demeuré sans exercer son
mestier, le luy auoit faict presque oublier, & puis la
façon de la Cour qui change tous les iours depuis
que les nations estrangeres s'y sont introduites, luy
estoit fort estrange. Son aage mesme luy auoit dimi-
nué de la veuë, & rendu ses mains engourdies au tra-
uail, mais non pas aux larcins, ainsi que nous ver-
rons maintenant. Je disois cy dessus qu'il est bien
mal-aisé de corriger les defauts de la Nature. Celuy
qui de sa ieunesse est addonné au vin, se ressent tout
le temps de sa vie de la contagion de ce vice. Nous
lisons que l'Empereur Tibere, fut seuré par sa Nour-
rice, avec du pain trempé dans du vin, & qu'elle con-
tinua à le nourrir de la sorte vn long temps. Aussi
fut-il vn si grand yuongne, que quelques vn pour
se mocquer de luy, le nommoit Bibere, au lieu de
Tibere. Caligula, Neron, Domitiam & autres pareils
Monstres cruels, & infames auoient esté nourris au
sang de leur ieunesse. On leur faisoit tuër des bestes
& puis lauer leurs mains de leur sang, ils en firent
vne telle habitude, qu'estans montez puis apres au
souverain degre de pouuoir, ils faisoient aussi peu
d'esta-

d'estat de respendre de sang humain, que celuy des animanx, Leurs plus proches parens, comme leurs freres, leurs sœurs, leurs femmes, & leurs propres meres n'en estoient pas exemptes. Autant en pourons-nous dire de ceux qui des leurs ieunesse se sont adonnez aux larcins. Combien d'hommes, autrement recommandables, soit pour leur valeur, soit pour leur sçauoir, ont esté attains & conuaincus de ce defect pour n'en auoir pas pris la correction en leur bas âge? Nostre siecle est tout remply de ces exemples, sans qu'il soit besoin de mandier l'antiquité Vn grand que ie connois, disoit vn iour, que ses yeux n'apperceuoit iamais quelque ioyaux, ou quelque autre chose precieuse, que les mains ne desirassent aussi tost de s'en saisir. DIEV sçait aussi comme durant les guerres ils exercent des pillages, & combien ils s'approprient des depouilles, par droit de bien sceance. Mais pour reprendre nostre discours Jean Vaumorin n'eust pas acheué l'année depuis son retour des galeres avec sa femme, qu'il ne fut soupconné d'estre tousiours larron. Quand il railloit quelque habit, il falloit auoir tousiours l'œil sur ses mains, autrement la piece luy en demeueroit. Misérable homme, que les rigueurs d'une mort ciuile n'auoient peu rendre homme de bien, Apres tant de perseuerance au mal, le Ciel se fache, & permet que nous soyons puny suivant que nous le meritons. DIEV est ptopt au pardon, & l'ent à la peine: mais enfin il paye avec usure le mépris que nous faisons de sa misericorde. Jean Vaumorin le temoigne, ayant esté toute sa vie larron; & n'ayant peu ou plusloft voulu se faire sage à ses depens, il receut à la fin le chastiment qu'il auoit deseruy. Vn homme de sa co-

gnoissance vint à se marier. Luy & sa femme sont inuitez à la nopce La coustume ordinaire du peuple de Paris, est d'en celebrer la feste en des salles que des Bourgeois louent, & qui sont particulièrement destinées pour ce sujet. L'on y dance au son des instrumens, l'on y rit, on y fait bonne chere, & chacun des inuitez contribue au bassin, à l'entrée & à la fin du repas, la piece d'or ou d'argent à la discretion, & suivant ses commoditez. Cét homme se trouuant doncques en vne pareille assemblée, y trouble toute la ioye. Quand on veut leuer la nappe, & recueillir la vaisselle, vn gobelet d'argent se trouue perdu Vn bruiet cōfus se fait parmy cet amas de peuple, & chacun accuse le larron. Enfin le maistre du logis, qui ne veut point perdre son bien, requiert qn'on vienne à fouiller tout le monde. Plusieurs qui scauent le mauuais naturel de Iean Vaumotin, auoient secrettement aduertty le maître du logis de le fouiller tout le premier. Il le fait, & le vol est trouué sur luy. Les assistans se iettent sur luy, & son prests de l'assommer, sans vn Commissaire qui estoit de la nopce, qui d'office luy met la main sur le collet, & l'emmenne aux prisons du Chastelet. Son procez estant instruit; & appel estant interjetté sur quelque incident, la Cour retient la cognoissance de la cause, & apres auoir meurement exageré le fait, & considéré la perseuerance au mal de ce miserable, elle le condamne iustement à estre pendu & est anglé à la place Maubert. Cet Arrest fust exécuté, tout le peuple couroit, non tant pour le supplice, dont l'espece est si commune dans cette grande ville, que pour la curiosité de voir celuy, de qui la mauuaise nature estoit autant detestée que la pitié de son fils recommandée.

dée. Ainsi finy miserablement sa vie cét homme par vn licol , apres l'auoir si souuent eschappé , & apres mesme auoir demeuré plus de vingt ans aux galeres pour ses malefices. Cette histoire doit seruir d'exemple à ceux qui ne reçoient point d'amendement en leur vie. Elle leur doit représenter le iuste chastimēt de DIEU, qui attrape ou tost , ou tard les meschans, Bien rarement éuitent-ils , comme parlant les Theologiens la peine du peché. Elle nous temoigne aussi l'amout & la pieté que nous deuons à nos parens encore que pour leurs vices ils soient indignes de compassion. La nature nous oblige, & la Loy nous le commande : Michel Vaumorin est recommandable pour cette vertu : encor que la peine qu'il prit pour retirer son Pere de seruage , ne luy seruit que pour le conduire au gibet. Mais il ne pensoit pas que cela luy deust arriuer. La Iustice diuine n'estoit pas assez satisfaicte. Il falloit vn autre supplice pour expier son obstination. Le Ciel vueille amander les meschans & maintenir les gens de bien.



*DV BARON DE GUEMADUC,
Gouuerneur pour le Roy en la ville & Chasteau
de Fourgeres en Bretagne.*

HISTOIRE XXI.

LA charge de Gouuerneur de quelque ville, place ou Chasteau , dans vne Prouince , est vne chose tellement sacrée, que comme le Prince tesmoigne

gne la grande confiâce qu'il a en la foy & loyauté de celuy auquel il la confie, & la donne comme en deposit: aussi le plus grâd crime & le plus digne de mort est celuy de la perfidie & de l'infidelité qui se trouue au Gouverneur, qui veut se rendre maistre des places du Prince de maniere qu'il n'y a sorte de chastiment qui en puisse reparer la faute, d'autant que telles entreprises n'ont pour peur que la reuolte, & mettent la vie de telles personnes à couuert, apres auoir commis quantité de crimes.

Monsieur Thomas, Baron de Guemadeuc, Gouverneur pour le Roy de la ville & Chasteau de Fougères, en Bretagne, fut accusé d'auoir tué à Rennes, durant la tenuë des Estats du pays, le Baron de Neuet: & estât chargé de plusieurs autres crimes il se vid contraint de venir à Paris, & remettre le Chasteau de Fougères entre les mains d'un Exépt des Gardes que le Roy y envoya, pour exercer la charge de Gouverneur pédât qu'il seroit à Paris, & chercheroit les moyens de se iustifier des crimes à luy imposez à la Cour de Parlement: Mais se deffiant de sa cause, soit qu'il doutast du succez de sa iustification, ou pour quelque autre dessein, au mois de Iuin l'an 1517. il partit de Paris, se rendit en diligence en Bretagne, & alla surprendre le Chasteau de Fougères, duquel il se rendit Maistre, & en cassa l'Exempt des Gardes qui le tenoit pour le Roy, en intention de s'y enfermer, & de n'y souffrir l'autorité de sa Majesté, (action hardie & tres mauuaise) qui ne fut pas sans punition: car si tost que sa Majesté eut receu nouuelle de cette surprise, le Duc de Vandome Gouverneur de Bretagne, & le Marschal de Vitty eurent commandement de faire tant par leur diligence, qu'ils peussent estre à

Fougères

Fougeres auât que le sieur de Guemadeuc y fust reconnu : il executerent le commandement du Roy avec tant d'affection, qu'ils trouuerēt le Sr. de Guemadeuc, songeant plus à ce qu'il auoit fait, qu'à ce qu'il deuoit faire, il leur fit mille excuses sur cette surprise du Chastcau de Fougeres, leur dit rāt de raisons, pour colorer cette fainte que lesdits Seigneurs Duc, & Marechal, luy firēt promesses de s'employer pour luy aupres du Roy, afin qu'il r'entraist en grace

Il ne laisserent pas de se saisir de sa personne, & fut amené par la Normandie à Paris, & mis à la Conciergerie, où par commandemet du Roy, le Parlemēt trauali la à son proc. z, en la Chambre des Vacations, laquelle ayant veu le procez criminel commencé à faire de l'Ordonnance du Parlement de Bretagne, par l'un des Presidens & deux Conseillers de ce parlemēt, & depuis renuoyé par le Roy par ses lettres patentes, à la Cour de Parliament de Paris, & paracheué d'instruire par deux Conseillers d'icelle à la requeste du Procureur General demeur en crime de leze-Maisté, contre Thomas de Guemadeuc, & Mōdain Narfaut, dit Montargis, prisonniers en la Conciergerie du Palais informations, iuterrogatoires, confrontations des tesmoins autre procès criminel fait au Parlemēt de Bretagne à la Requeste d'Oliuier de Seruande, Seneschal de Chastillon, & consors, demandeurs en ecez, crimes & delicts contre ledict de Guemadeuc, & complices, informations, interrogatoires, recollement & confrontations des tesmoins. Autre procez criminel fait au mesme Parlement de Bretagne, à la requeste de Dame Françoise Detreal, veufue de feu sieur Baron de Neuuet contre le dit Guemadeuc & autres complices, informations interrogatoires

terrogatoires des tefmoins faites tant audit Parlement de Bretagne par deux Confeillers dudit Parlement, que par deux Confeillers du Parlement de Paris : Conclusions ciuiles, tant de ladite Dame de Neuuet, que dudit Seruande, & leurs productions, deffences par attenuation & production de l'accusé, trois Requestes prefentées par ledit Guemadeuc, les 21. & 2. Septembre mises au fac; Conclusions du Procureur General du Roy, ouys, & interrogez en ladite chambre, ledit de Guemadeuc & Marfaulx, dit Montargis, prisonniers, sur le cas à eux imposés & contenus au procez & tout confideré. Ladite Chambre declara ledit Guemadeuc criminel de leze-Majesté, pour reparation duquel, & autres cas mentionnez au procez, fut condamné à auoir la teste trenchée, & icelle portée en la Ville de Fougères, plantée au bout d'une lance, & fichée sur le principal portail du Chasteau de Fougères, son corps porté à Montfaulcon, tous & chacuns ses biens acquis & confisquezz au Roy, sur iceux prealablement pris la somme de trente deux mille liures parisis le tiers à la vefue, les deux tiers aux enfans, pour reparatiō ciuile. quatre mille liures parisis à Seruande & ses confors, seize mille liure parisis d'amende applicable dont dix mille aux necessitez de la Cour, & six mille liures parisis applicables aux reparations de l'Hospital de la Trinité, & trois mille liures employez à la fondatiō d'un service pour faire prier Dieu pour l'ame du deffunct Neuuet en l'Eglise en laquelle son corps est enterré, & condamné en tous les despens, tāt enuers la Dame vefue de Neuuet, que ledit de Seruande : Cet Arrest fust prononcé au sieur de Guemadeuc le 27. Septembre, & le même iour il eut la teste trenchée en Greue

Pous

Pour toutes les supplications de ses amis & de la femme qui s'alla ietter aux pieds du Roy dès qu'elle sceut son Arrest, demandant misericorde, elle n'eut autre responce de sa Majesté sinon, *C'est la Iustice qui fait regner les Roys, ie la dois à mes suiets, & en cet endroit ie dois preferer la Iustice à la misericorde : pour ses biens qui me sont confisqueZ, ie vous les donne..* Le fleur Guemadeuc estant decapité, son corps fut enterré en l'Eglise des Cordeliers de Paris.

Il ne fut pas seulement convaincu du crime de leze-Majesté, mais encore des assassins commis es personnes du fleur Baron de Neuver, & du Seneschal de Chastillon en Vendelais, sous pretexte de luy demander Iustice, & d'auoir fait par deux fois deterrer le corps mort de deffuncte Damoiselle Dubé, Dame de la Villorée mere dudit Seneschal de Chastillon, & iceluy ietter dans vn estang, pour le priuer de la sepulture deuë aux Chrestiens.



RELATION VERITABLE DE
tout ce qui s'est passé en la prise de
Monsieur le Duc de Montmorency,
iusques à sa mort.

Ensemble les responses qu'il fit sur les interrogations qui luy furent faites, &c.

HISTOIRE XXII.

LE vingt-septiesme Octobre, 1532. Monsieur de Montmorency arriua à Toulouse sur le mydy, & fut mené dans la Maison de Ville, & liuré par
Monsieur

Monfieur le Marquis de Brezé à Monfieur de Lou-
 uray, Lieutenant des Gardes du Corps. Les rues & les
 place publiques, qui font depuis la porte iufques à
 l'Hostel de Ville, eftoient bordées des foldats des
 Gardes & des Suiffes, par tout ailleurs dans la ville,
 il y auoit des corps de Gardes, ce qu'on auoit com-
 mencé de faire le 22. que fa Mejesté commanda aux
 Capitous de bailler les clefs de la porte de la Ville à
 les Capitaines des Gardes. Outre ceste Infanterie, le
 Carrosse de M. de Montmorency estoit au milieu
 des Mousquetaires à cheual, & de fix cens maîtres
 armés de toutes pieces.

Trois heures apres que M. de Montmorency fut
 arriué, les deux Commissaires le furent interroger
 sur les charges, & informations, on luy confronta
 sept tefmoins à fçauoir, trois Capitaines du Regi-
 ment des gardes, vn Lieutenant, deux Sergents, & le
 Greffier des estats du Languedoc, nommé Guillemet.
 La Commission que le Parlement auoit de luy faire
 font procez luy fut leuë & il dit, que quoy qu'il ne
 d'eust estre iugé qu'au Parlement de Paris, pour le
 rang qu'il tenoit en France, son affaire neâmoius estant
 de telle nature que si le Roy ne luy faisoit grace, il
 n'y auroit point de Iuges qui se peut empescher de le
 condanner: qu'il estoit tres content, d'auoir pour
 les Iuges Messieurs du Parlement de Toulouse qu'il
 auoit tousiours fort honoré, & qu'il les estimoit
 gens de bien.

Les Commissaires s'affirent au bout de la table, &
 firent asseoir M. de Montmorency à leur main gau-
 che, & les temoings venoient parler à luy, la table
 entre deux. Il auoia tout ce que les Officiers du
 Regiment des Gardes deposerent sur la iournée de
 Castelnau d'Ary

Castelnau-d'Arry. Vn d'eux qu'on dit estre Mr. de Guitant , estant interrogé s'il auoit connu Mr. de Montmorency, dans le combat, il respondit en pleurant, que le voyant couuert de feu & de fumée, il eût de la peine à le connoistre : mais qu'enfin luy ayant veu rompre six de leurs rangs , & tué des soldats dans le septiesme , il iugea bien que ce ne pouuoit estre autre que luy : ce qu'il sceut certainement lors que son cheual estoit mort sous luy , il demeura au milieu de ses compagnons. Les Commissaires luy ayant demandé s'il auoit signé la deliberation des Etats du Languedoc du 22. Iuillet, dans laquelle ils appelloient Mr. le Duc d'Orleans à leur protection, & promettoient de fournir de l'argent pour l'entretienement de son party , & de ne iamais se departir de ses intersts , il nia qu'il eust signée , & le Greffier Guillemet luy ayant esté confronté , & sa signature présentée , il se mit en grand colere contre le Greffier, il l'appella , & luy dit qu'il auoit supposé son sein.

Le 28. toute la Cour fut occupée à faire des prieres à Dieu, & au Roy, pour la grace de Mr. de Montmorency : Messieurs le Cardinal de la Valerre , le Nonce du Pape, les Ducs de Chevreuse , & d'Espernon, Mr. le Premier, & de S. Preüil en supplierent sa Majesté, & tous les Officiers du Regiment des Gardes auoient resolu d'en faire de mesme. Les Penitens blancs firent vne procession en laquelle se mella grand nombre de personnes de la Cour, laquelle alla visiter les corps des SS. Simon & Iude, dont on faisoit ce iour-là la Feste, qui sont dans l'Abbaye saint Sernin, où l'on chanta la Messe, & où le nombre des Communians fut fort grand , dont la pluspart n'estoient qu'ils auoient fait leurs deuoirs à l'inten-

C c.

tion de Mr. de Montmorency : Ce mesme iour Madame la Princesse qui auoit reculé d'Vzen, & de saint Iory, alla à Nostre-Dame de Briere, qui est vne Chapelle de grande deuotion à dix lieuës de Tholose, conduite par les Iacobins reformez Mr. le Cardinal de la Valette communia à la Messe que dit Mr. l'Euesque de Pamiers dans l'Abbaye de S. Sernin. le matin du mesme iour 28. M. de Montmorency demanda le Pere Arnoulx duquel il ouyt la Messe, à qui il dit l'auoir appellé pour se disposer à mourir, & que son intention estoit de commencer par vne Confession generale, à quoy il s'appliqua dès l'heure, & y employa le reste de la iournée, & le lendemain 29.

Le 29. Auquel iour Mr. d'Espernon partit de Tholose apres auoir demandé vne seconde fois la grace, Mr. le Garde des Sceaux fut au Parlement accompagné de six Maistres des Requestes ; vn President & deux Conseillers luy furent faire des complimens à la porte de la grande Salle de l'Audience en laquelle les Chambres s'assemblerent, cependant qu'il faisoit sa Confession generale, & receuoit le S. Sacrement dans la Chapelle de l'Hostel de Ville, sur le soir dudit iour enuiron les neuf heures vn Gentil-homme enuoyé par Monsieur fut demander la grace de Mr. de Montmorency, il se ietta trois fois à genoux aux pieds de sa Majesté, & il eut pour toute responce que Mr. de Montmorency estoit entre les mains du Parlement.

La nuit du 29. tous les gens de guerre qui estoient es enuiron de Tholose entrèrent dans la Ville, & se mirent en bataille par toutes les places & carrefours. Le nombre estoit iusques à douze cens hommes de pied, les Gardes du Corps du Roy, se saisirent de toutes les portes du Palais, auquel iour

jour il y auoit bien deux mille hommes en armes.

Le 30. dès les deux heures du matin , on entendit battre le tambour dans toutes les rues, & on disposa l'Armée depuis la porte de la maison de Ville jusques au Palais. Entre sept & 8. heures, Mr. le Comte de Charlun fut à la maison de Ville prendre Mr. de Montmorency, qu'il mena au Palais dans son carrosse, on a remarqué que les chevaux estoient si méchans qu'ils ne les pouuoient trainer , les mantelets estoient abbattus, & les portieres estoient bordées de gardes Escossoisses de la Majesté : estant arriué au Palais, Monsieur le Garde des Seaux estant assis & l'ayant mis sur la Selette, l'entendit dans la salle des manteaux. La Selette estoit placée au milieu du Parquet, & l'auoit on extraordinairement levée en sorte qu'elle estoit quasi à la hauteur des Juges. Mr. le Garde des Seaux fit les interrogations ordinaires de formalité, qu'il estoit, comment il s'appelloit, quel âge il auoit, s'il estoit marié, s'il auoit des enfans , & en suite luy demanda s'il auoit signé la deliberation des Estats, il respondit qu'apres y auoir bien songé, il s'estoit souuenu de l'auoir signée. On luy demanda s'il auoit appelé Mr. le Duc d'Orleans dans son Gouvernement: il dit que non , adjoutant que mondit Seigneur estant entré dans le Royaume , les Estats l'auoient prié de prendre la protection de leur priuileges.

Il fut interrogé si Monsieur luy auoit fait prendre les armes , il dit qu'il ne vouloit point chercher d'excuse sur Monsieur.

Fut interrogé du nom de ceux qui l'auoient suivy au combat, respondit qu'il estoit demeuré d'accord avec les tesmoins de ce qui s'estoit passé en iceluy.

Plus interrogé s'il auoit intelligence avec les Estrangers pour la frontiere, il nia absolument, & soustint qu'il n'auoit eu intention de nuire à l'Estat.

Il respondit à tout ce qu'on luy demanda avec tant de moderation & ciuilité, d'un ton de voix si charmant, que les Iuges ont aduoué qu'ils en ont eü grand mal au cœur. Ils baissèrent tous les yeux, lors qu'il entra dans la Salle, & la pluspart tenoient leurs mouchoirs au visage, comme s'ils eussent voulu cacher les larmes qu'ils ne pouuoient faire paroistre avec bien-séance. Il estoit sur la Selette nueë, sans estre lié ny des pieds, ny des mains, quoy que l'usage du Parlement de Tholose soit contraire à cela, veu que personne ne paroist sur la Selette que les fers aux pieds.

A la fin de l'interrogatoire Mr. le Garde des Seaux luy demanda s'il ne connoissoit point auoir extrêmement failly, & s'il ne meritoit pas pour la reparation de sa faute qu'on le condannast à la mort, il répondit qu'il meritoit au delà de tout ce qu'il pouuoit dire. En outre il excusa le Greffier des Estats qu'il auoit charge le iour precedent, il dit l'auoir obligé à signer la deliberation, outre son sentiment. Il fut ramené à la Maison de Ville par Mr. le Comte de Charlon, de la mesme façon qu'on l'auoit conduit au Palais.

Cependant qu'il estoit au Palais Mr. le Cardinal de la Valette qui n'a oublié aucune action d'un parfait amy, estoit dans S. Sernin, oyant Messe, & communiant à son intention : d'où il sortoit pour l'aller visiter par la permission du Roy. Ils furent vne bonne heure ensemble, & la separation fut avec souspirs & larmes estranges. Mr. de Montmorency, qui durant sa prison auoit vn Chirurgien & vn valet de
chamb

chambre, il le pria de luy enuoyer cen pistoles pour l'un & pour l'autre, ce qu'il fit, & s'en alla dès l'honneur à son Abbaye de grand Selue. Durant ce temps-là le Parlement estoit aux opinions avec Monsieur de Long, l'un des Commissaires.

Et à la premiere opinion forma l'avis de mort sur laquelle il apporta tout ce que le droit Romain & François a ordonné sur les crimes de leze Majesté. On remarqua qu'en finissant ils auoient tous les larmes aux yeux: toute la compagnie du bonnet opinna, sans dire ny pour, ny contre vne seule parole, M. le Garde des Sceaux conclud de même fit dresser & signer l'Arrest avant que sortir du Palais, ce qu'il fit enuiron les onze heures, & lors que les Iuges allerent à grande haste en leurs maisons pour donner liberté aux soupirs & aux larmes qu'ils auoient retenu dans le Palais par ceremonie. On fit aduertir le Roy de l'Arrest & qui portoit que l'exécution deuoit estre faite dans la place du Palais & ses biens confisquez à sa Majesté laquelle tesmoigna par ses larmes qu'en cette action ses autres vertus auoient de la peine de ceder à sa justice.

Le Roy commanda au Comte de Charlun de luy aller demander l'Ordre du S. Esprit, & le Baston de Marechal de France. Il donna deux lettres, vn du grand seau & l'autre du cachet, la premiere changeoit le lieu l'exécution, & ordonnoit qu'elle se feroit à huys clos dans la maison de Ville: l'autre donnoit permission à Mr, de Montmorency de disposer de ses biens, ce qu'il fit par son testament lequel il donna à Mr de Preül pour presenter à sa Majesté le priant de luy demander pardon de sa part.

Il le chargea aussi de presenter à M. le Cardinal vn tableau de saint François: pour marque qu'il

mouroir son seruiteur, & qu'il l'auoit tousiours fort honnoré.

Sur le Midy du 30. les deux Commissaires & le Greffier criminel furent dans la Chapelle de l'Hostel de Ville: où ils firent venir Mr. de Montmorency lequel se mit à genoux aupres de l'Autel, & ayant les yeux sur vn Crucifix grand comme le naturel qui est peint dedans. Il ouyt prononcer son Arrest à la fin duquel il se leua, & dit à toute la compagnie (Messieurs, priez Dieu qu'il me fasse la grace de souffrir Chrestienement l'exécution de ce qu'on me vient de dire. Les Commissaires le laisserent entre les mains du Pere Arnoulx, & l'on dit, nous allons faire ce que vous nous auez commandé, & prions Dieu qu'il vous console.

Estant arresté dans la Chapelle avec le Pere Arnoulx, & trois autres Iesuites, haussant tout à coup les yeux vers le Crucifix, puis les baissant sur ses habits, qui estoient fort beaux ce iour-là, oseray-je bien (dit-il) estant criminel, comme ie suis aller à la mort, estant vestu avec tant de vanité, cependant que mon Sauueur innocent meurt tout nud à la Croix, mon Pere, dit-il, au Pere Arnoulx. Il faut que ie me mette en chemise pour faire amende honorable deuant Dieu, pour les grandes fautes que j'ay commises contre luy.

Comme il estoit sur ce propos le Comte de Char-lu luy vint demander son Ordre & son Baston. Il employa le temps qu'il est depuis midy iusques à deux heures à faire des actes de contrition, baissant sans cesse vn Crucifix qu'il auoit dans les mains. Il demanda à quelle heure il falloit aller on luy répondit que l'ordinaire estoit sur les cinq heures, à quoy il repartit, s'il ne pouuoit pas mourir plustost, & en-
uiron

viron l'heure que Iesus-Christ mourut en Croix, & cela luy ayant esté donné à son choix, il dit, mourons donc, que l'on me coupe les cheveux, qu'on me deshaille, cependant il quitta son pourpoint, & son Chirurgien luy couppa les cheveux. Il se mit en canesson, & apres les deux heures il demanda encore vne fois si tout estoit prest : luy ayant esté repondu que ouïy ; allons donc : mais plustost que l'on me donne vne plume & du papier, il escriuit à Madame de Montmorency la lettre qui est suiuite.

LETTRE A MADAME DE MONTMORENCY.

MON COEUR,

Je vous dis le dernier Adieu, avec la mesme affection qui a tousiours esté entre nous. Je vous coniuire par le repos de mon ame, & par celuy que j'espere bien-tost voir dans le Ciel, de moderer vos sentimens. L'ay receuant de graces de mon doux Sauueur que vous auez tout sujet de consolation. Adieu encore vne fois, mon cœur.

à Tholose ce 30. Octobre 1632.

MONTMORENCY.

Il escriuit encore deux lettres, l'une à Madame la Princesse, l'autre à Mr. le Cardinal de la Valette. Il pria le Pere Arnoulx de les faire rendre, & de donner à Mademoiselle de Bourbon sa niepce vne bague qu'il portoit, & vn Reliquaire à Madame la Princesse sa sœur.

La Reyne-Mere auoit écrit quelques iours aupa-

rauant au Roy, en ces termes ; Si vous ne donnez la vie à mon Neveu le Duc de Montmorency , vous me delibligerez à iamais.

Le mardy ensuiuant 16. dudit, Madame la Princesse de Condé arriua à la porte de la Ville de Tholose, esperant y entrer , & voir sa Majesté pour la supplier faire grace à son frere : mais le Roy manda tout aussi-tost qu'elle se retirast , & qu'il ne la vouloit voir pour cette fois: de sorte qu'elle fit sa retraite à la mesme heure au bourg de S. George à deux lieues de Tholose.

Les Venitiens escriuirent vne lettre fort ample, avec quantité de prieres, suppliant le Roy , de leur donner le Duc de Montmorency, pour les seruir en leurs armées, se sentant fort honorez que leur Pays luy seruist d'exil, Lesquels furent de mesme refusez.

Monsieur le Prince de Condé auoit aussi écrit vne lettre à Monsieur le Cardinal, & entr'autre luy mandoit ces mots ; Souuenez-vous que ie suis Prince du Sang, que i'ay des enfans, & que Mr. de Montmorency est mon beau-frere.

Mr. d'Espemon estant arriué à Tholose, alla trouuer sa Majesté, & se ietta à ses genoux: la suppliant de vouloir pardonner audit sieur de Montmorency , & se voyant refusé , il prit congé , & s'en alla dès le mesme iour , ensemble plusieurs autres Seigneurs, Gentils hommes, afin de ne voir ce triste spectacle.

Monsieur le Cardinal ayant eu aduis que la Reyne vouloit ioindre ses prieres à celles de tous ses Seigneurs, pour obtenir cette grace, la fit trouuer, & luy dit : madame, l'on m'a dit que voulez demander au Roy la grace pour le Duc de Montmorency : si vous le faites, il vous l'octroyera , mais vous luy causerez la mort. Car vous sçauiez bien qu'il est tousiours malade

lade à l'extrémité, quand on le prie de faire quelque chose contre sa volonté, tellement que la Reyne n'en parla point.

Sortant de sa chambre, où il estoit monté vn peu apres que l'on eut leu son Arrest, son valet de chambre luy jetta sa robe sur ses espauls ; & il dit n'en faut point, nous irons tous blancs en Paradis ; puis trauersant vne allée qui conduit dans la cour de l'Hostel de Ville, il rencontra les Gardes qui le saluerent sur son passage, & ayant passé l'allée, il trouua tout à l'entrée de la cour l'eschaffaut de quatre pieds de hauteur, sur lequel il monta accompagné du P. Arnoulx, & de son Chirurgien, auquel il donna vne paire de brasselets, qui furent estimez mille escus, apres auoir demandé à monsieur de Cadillac s'il n'y auoit point de grace, lequel luy respondit avec vne voix triste que nennuy, & que tous ses amis s'y étoient portez avec toute sorte de supplication: Il salua toute la compagnie qui n'estoit en tout que du Greffier du Parlement, du grand Prenoist & de ses Gardes, des Capitoux, Officiers & Capitaines de la Ville qui auoient eu commandement de s'y trouuer, & les pria tous de témoigner au Roy, qu'il mourroit son tres-humble sujet, & avec vn regret extreme de l'auoir offeusé, dont il luy demandoit pardon, comme aussi à toute cette compagnie.

Il appella son Chirurgien, qui en luy coupant les cheueux auoit pris vn cordon de poil dont sa moustache estoit attachée, & s'en vouloit seruir pour le lier. Mr. de Montmorency se tourna vers l'Executeur, & luy dit, c'est vostre mestier, faites-le, l'Executeur le lia, & Mr. de Montmorency luy demanda, suis-je bien ? l'Executeur luy respondit qu'on ne luy auoit pas coupé le cheueux assez près ; coupe les donc à

ton gré, dit-il, & son Chirurgien y voulant mettre la main, il se retira de luy, disant qu'un grand pecheur comme il estoit, ne scauroit mourir avec trop d'ignominie, & que Iesus-Christ auoit esté non seulement battu, mais seruy par des bourreaux. L'executeur luy coupa donc les cheveux, & rompit sa chemise autour de son col pour ne pas le dépouiller à demy corps, comme on a accoustumé de faire aux autres.

Enfin il se mit à genoux deuant le poteau, sur lequel il se mesura pour prendre posture, en laquelle ses blesseures, dont il n'estoit pas guery ne le iettaient point en impatience. Il receut la dernière absolution du Pere Arnoulx, il salua la Compagnie, baïsa le Crucifix, recita son *In manus*, se fit bander les yeux de son mouchoir, aduertit l'Executeur de ne point frapper qu'il ne luy eust dit, il mit son col sur le poteau, & ses blesseures l'empeschant de demeurer ainsi, il se mit de costé, puis il dit à l'Executeur frappe soudain. Apres il dit, mon Sauueur, receuez mon ame. L'Executeur fit son office, & d'un coup luy abbatit la teste, dès qu'il fut sur le poteau, la Compagnie detourna les yeux pour ne point voir le coup tous pleuroient, & les Gardes jettoient les plus grands soupirs, ayans leur visage tout en larmes.

Le grand Preuost commanda qu'on ouurist les portes, le peuple entre en foule pour voir le corps separé de la teste, se presse d'approcher de l'échaffaut pour cueillir le sang espanché, les vns le mettent dans leurs mouchoirs, plusieurs en boient, tous pleurent: & cette piece de chemise que l'Executeur auoit coupée d'alentour du col, fut diuisée en cent autres pieces, & tous s'efforçoient d'y auoir part.

Au sortir ceux qui ont veu ce spectacle louierent la vertu Chrestienne, les autres la generosité, & sont
tous

tous d'accord, qu'on ne vit iamais tant de pieté & tant de courage.

Le Dimanche 31. dudit, arriva vn Courrier de la part de la Reyne d'Angleterre, avec lettre du Roy, pour obtenir la grace dudit sieur de Montmorency, mais trop tard, & apres l'exécution, l'on tient que si alors ce Seigneur eust esté en vie, il eust eu grace, pour la bonne affection que le Roy porte à sa Sœur.

Ainsi mourut Henry Duc de Montmorency, Pair, Mareschal, & autresfois Admiral de France, petit Fils de quatre Connestables, & de six Mareschaux, premier Baron de France, beau frere du premier Prince du Sang, Oncle de deux de nos Princes. Apres auoir gaigné deux batailles, l'une nauale cōtre les Heretiques, l'autre par terre contre l'Empire, l'Italie & l'Espagne. En l'une il dompta les Mers, en l'autre il força les Alpes: celle-là disposa la prise de la Rochelle, celle-cy la deliurance de Casal. Depuis la Monarchie, il n'est point de Seigneurs en France à qui la nature & la fortune ayent fait de plus rares presens. Il naquit il y a trente huit ans, le plus riche, le plus beau, & le plus noble Seigneur du Royaume.

Sa conuersation estoit rauissante, son visage aymable, sa parole charmante, vniuersellement aymé toujours dans sa prosperité, & esleué en vne reputation incomparable parmy les Estrangers. Bref, qui osterà de sa vie le 22. Iuillet, le 1. Septembre, & le 30. d'Octobre 1632. trouuera qu'elle est toute pleine de sagesse, & de bon-heur & de gloire. Dès que l'exécution fut faite, deux Ecclesiastiques, Officiers de Mr. le Cardinal de la Valette furent prendre le corps, & le porterēt dans la Chapelle de la maison Abbatiale de S. Sernin, où la teste fut reconfuë, le corps embau-mé, mis dās vn cercueil de plomb, les portes ouuertes
au

au peuple. Le Chapitre de S. Sernin, les Cordelliers & les Jacobins y firent dire leurs obseques. Le corps demeura dans cette Chapelle qui estoit rendue de duëil iusques à 9. heures du soir qu'il fut enterré dās l'Eglise S. Sernin, laquelle depuis Charlemagne qui apporta les corps de SS. Apollinaires n'auoit iamais receu dans la terre que ceux des Martyrs & canonisez. En telle sorte que les Comtes de Tholouse n'ont peu auoir ce Priuilege & leurs sepultures sont dans vn cimetiere qui tient à l'Eglise. L'endroit où il a esté enterré est dedié à S. Exupere Euesque de Tholouse que S. Hierosme louë si fort, & qui est le Patron de la Ville. De sorte que dans vn mesme lieu la terre cache le corps d'un Gouverneur que la ville a parfaitement aimé, & l'Autel porte celui d'un patron qu'elle honnore d'un respect nonpareil.

Le 30. des les quatre heures du matin on dit la messe pour le repos de son ame dans ceste Chapelle qui estoit ornée selon les ceremonies qu'on fait aux personnes de sa qualite, messieurs les Euesques de Pamiers & Cominges y furent dire la messe. Et en suite beaucoup d'Ecclesiastiques en firent de même. Messieurs du Parlement y sont allez en diuerses troupes, le iour de Toussaints & des morts, on abandonnoit les Paroisses pour aller jeter d'eau beniste sur son tombeau. Enfin chacun le regrette. Ceux qui plaignent sa mort, blasment sa faute.

Les Grands voyent icy vn exemple à leur persuader que les plus hautes fortunes de la terre sont sujettes au plus grands malheurs, que si on regarde les hommes au visage que la grace leur donne, il n'y en a point qu'on doive estimer affranchis des miseres.

SVR



SVR LA MORT DV DVC
de Montmorency.

SONNET.

MARS est mort, il n'est plus que poudre,
Et ce grand Phoenix des Guerriers,
Sous une forest de lauriers
N'a sçeu garantir du foudre.

Sa trame vient d'estre couppée,
Au regret de tout l'Vniuers,
Il ne vit plus que dans nos vers,
Ou de ce qu'a fait son espée.

Toy qui les lis, & ne sçais pas,
De quelle façon le trespas
Attaqua cette ame Guerriere,
Ces deux vers t'en ferons scauans.
„ La Parque l'a prins par derriere,
„ N'osant l'attaquer par deuant.

Sezain 31. des Centuries de Nostradamus.

Celuy qui a les hazards surmonté,
Qui fer, feu & eau n'a iamais redouté,
Et du pays bien proche du basache,
D'un coup de fer tout le monde estonné,
Par crocodile estrangement donné,
Peuple rauy de voir vn tel spectacle.

PARTI



PARTICULARITEZ REMARQUEES

en la mort de Messieurs de Cinq-Mars,

& de Thou, à Lyon, le Vendredy 12.

Septembre 1642.

HISTOIRE XXIII.

LA semaine passée nous fusmes icy spectateurs du dernier Acte, d'une estrange Tragedie. Nous vismes mourir en place publique deux personnes qui deuoient viure plus long-temps, si leur crime ne les eust precipité dans vn malheur qu'ils n'ont pû euitier. Nous auons veu le fauory du plus Grand, & du plus Iuste des Roys, laisser sa teste sur vn échaffaut en l'âge de vingt-deux ans, mais avec vne constance qui trouuera à peine sa pareille dans toutes nos Histoires. Nous auons veu vn Conseiller d'Estat mourir comme vn Saint, apres vn crime que les hommes ne peuuent pardonner avec Iustice. Il n'y a personne au monde qui scachant leurs conspirations contre l'Estat, ne les iuge dignes de mort : & il y aura peu de gens, qui ayant connoissance de leur condition, & de leurs belles qualitez naturelles, ne plaignent leur malheur. Voicy vne Relation tres-fidele & sans fard de leurs dernieres patoles & actions que j'ay tirées toutes de ceux qui les ont veuës & ouyes, ayant moy-mesme esté témoin oculaire, & de fort près des principales. On peut sans faire tort à la Iustice detester leur crime, & louer leur penitence.

Le Vendredy 12. Septembre 1642. Monsieur le
Chan

Chancelier entra dans le Palais du Presidial de Lyon sur les sept heures du matin , accompagnez de Messieurs les Commissaires deputez par le Roy pour les procez de Messieurs de Cinq Mars, & de Thou , au nombre de quatorze. Sçavoir, Monsieur le Chancelier, Monsieur le premier President du Parlement de Grenoble, avec vn autre President du mesme Parlement : Quatre Conseillers d'Estat : Vn Maistre des Requestes : Et six Conseillers dudit Parlement de Dauphiné.

Monsieur le Procureur general du Roy audit Parlement faisoit icy la charge de Procureur du Roy.

Comme ils furent dans la Chambre du Conseil, le Cheualier du Guet fut enuoyé avec sa Compagnie au Chasteau de Pierre Cize, pour faire venir Monsieur Cinq Mars lequel fut amené au Palais sur les 8. heures dans vn carrosse de louage. Entrant dans le Palais il demanda : *Où sommes-nous ?* On luy dit qu'il estoit au Palais, dequoy il se contenta, & monta l'escalier avec beaucoup de resolution.

Il fut appellé dans la Chambre du Conseil devant les Iuges, où il demeura enuiron vne heure & vn quart : en estant sorty, il témoigna quelque agitation d'esprit, regardant d'vn costé & d'autre. & saluant tous ceux qu'il rencontroit à son passage. Il fit trois ou quatre tours, se pourmenant depuis la grande Sale de l'Audiance, iusqu'à la chambre qui est vis à vis de cette Salle regardant sur la riuiera. Le Lieutenant des Gardes du Corps qui auoit la charge de sa personne, l'ayant prié de ne point sortir de la grande Sale, il dit. *Et bien il y faut donc demeurer.* Il s'y pourmena quelque temps, à grands pas, soupirant quelquefois, & leuant les yeux en haut.

Enuiron les 9. heures, Monsieur le Chancelier en-

uoya le Cheualier du Guet querir Mr. de Thou au mesme Chasteau de Pierre Cize, & dans le mesme carrosse de louage. Pendant quoy Monsieur le Grand estant vne seconde fois appellé pour entrer denant les Iuges, il dit en y allant : *Mon Dieu ne sera-ce iamaïs fait ?* Quand il en sortit, il tesmoigna vne plus grande fermeté d'esprit qu'auparauant. Quelque temps apres Monsieur de Thou estant arriué, demanda vn doigt de vin, & puis entra dans la chambre, y estant appellé. On dit qu'estant interrogé s'il n'auoit point sçeu la conspiration de Monsieur de Fiar, il respondit en ces termes.

Messieurs, ie vous puis nier absolument que ie l'aye sçeuë, & il n'est pas en vostre pouuoir de me conuaincre de faux, puis que Monsieur de Cinq-Mars seul le peut témoigner ; car ie n'en ay ny parlé, ny écrit à homme du monde : Or Monsieur de Cinq-Mars estant accusé & complice ne peut pas estre vn bon tefmoin, ny suffisant pour me conuaincre, puis qu'il en faut deux irreprochables pour condamner vn homme. Et ainsi vous voyez que ma vie & ma mort, ma condamnation, ou absolution, selon les Loix & la Iustice, demandant de moy : Pourtant Messieurs, ie l'aduouë, & ie confesse que i'ay sçeu cette conspiration, & en suite ie me rends coupable & ce pour deux raisons.

La premiere est, parce que durant ces trois mois de ma prison i'ay estudié la mort, & ay considéré de près la vie ; & i'ay conneu tres-clairement, que de quelque vie dont ie puisse iamaïs iouyr en ce monde elle sera tousiours malheureuse : le visage de la mort m'a semblé plus beau, & ie l'ay trouuée plus aduantageuse, i'ay embrassée comme vne grande preuue de ma predestination : i'ay creu que Dieu me faisant
tant

tant de graces , i'aurois peut-estre quelque iour regret d'auoir laissé échapper cette belle occasion, de laquelle ie me veux seruir pour mon salut.

La seule raison qui me porte à me vouloir condamner moy-mesme , c'est que si l'on considere mon crime d'un certain biais , il ne paroistroit ny si noir ny si enorme, ny si estrange, cōme il semble d'abord : Il est vray, i'ay sceu cette conspiration : mais i'ay fait tout ce que i'ay pû pour la dissuader : Il m'a creu son amy & fidel, & peut-estre vnique : il m'a tout confié, ie ne l'ay point voulu trahir : Et pour cela, ie merite la mort , ie me condamne moy-mesme.

On r'appella dans la chambre Mons.^r le Grand, pour estre confronté à Monsieur de Thou , où ils demurerent plus d'une heure , Monsieur le Grand en sortit le premier, & quelque temps apres Monsieur de Thou.

Vne heure apres ou enuiron , Monsieur de Laubardemont Conseiller d'Estat, qui estoit le Rapporteur , & Monsieur Robert de S. Germain Conseiller au Parlement de Grenoble , sortirent de la chambre pour disposer les prisonniers à la lecture de leur Arrest , & les resoudre à la mort , ce qu'ils firent , les exhortās de rappeler toutes les forces de leur esprit & de leur courage, pour tesmoigner de la resolution dans vne occasion qui estonne les plus constans. A cette nouuelle ils affermirent leur esprit , & tesmoignerent vne resolution extraordinaire, aduouāns eux-mêmes que veritablement ils estoient coupables , & meritoient la mort laquelle ils estoient bien resolu : icy Monsieur de Thou dit à Monsieur de Cinq-Mars en soufrian : Et bien Monsieur, humainement ie pourrois me plaindre de vous : vous m'avez accusé, vous m'avez fait mourir : mais Dieu sçait combien

ie vous en aime mourons , monsieur , mourons courageusement & gagnons le Paradis. Ils s'embrassèrent l'un l'autre d'une grande tendresse , s'entre-disans , que puis qu'ils auoient esté si bons amis durant leur vie , ce leur seroit vne grande consolation de mourir ensemble.

Après ils remercierent ces messieurs les Commissaires lesquels monsieur de Thou embrassa , & luy assurerent qu'ils n'auoient aucun regret de mourir , & qu'ils esperoient que cette mort seroit le commencement de leur bon-heur. En suite on appella Palerne , Greffier criminel du Presidial de Lyon pour leur pronôcer leur Arrest lequel s'approchant, monsieur de Thou s'écria, *Quam speciosi pedes Euangelizantium pacem Euangelizantium bona* ! & s'estant mis tous deux à genoux , teste nue , l'Arrest leur fut prononcé en ces mots.

ENTRE le Procureur general du Roy Demandeur en cas de Crime de leze Maiesté, d'une part.

Et Messire HENRY DESFIAT DE CINQ-MARS, Grand Escuyer de France, & FRANÇOIS AVGVSTE DE THOU Conseiller, du Roy en son Conseil d'estat, Prisonniers au Chasteau de Pierre-Cize de Lyon, Deffendeurs & Accusés d'autre.

VEU le procez extraordinairement fait à la Requeste dudit Procureur general du Roy , à l'encontre desdits Desfiat & de Thou, informations, interrogations, Confessions, Denegations , & confrontations, Coppies reconnues du Traité avec l'Espagne, & de la Contrelettre faite ensuite dudit Traité, en date du 13. Mars dernier, Arrest du 6. de ce mois de Septembre, & pieces contenuës en iceluy, & tout ce que le Procureur general du Roy a produit

&c

& remis: Ledit Desfiat oüy & interrogé en la Chambre du conseil du Presidial de Lyon sur le cas à luy imposez, la Declaration, Reconnoissance, Confession, & Confrontation dudit Desfiat audit de Thou, contenant aussi l'adueu, reconnoissance & confession d'iceluy de Thou: Ledit de Thou pareillement oüy & interrogé en ladite Chambre Conclusion dudit Procureur general du Roy; & tout considéré.

LES COMMISSAIRES deputez par sa maiesté ausquels monsieur le Chancelier a presidé, faisant droict sur les conclusions dudit Procureur general: **ONT DECLARE'** ledit Desfiat, & de Thou atteint & conuaincu du crime de leze majesté; sçavoir ledit Desfiat pour les conspirations & entreprises prodicions: ligue: & traitez par luy avec les estrangers contre l'Estat: ledit de Thou, pour auoir eu connoissance & participation desdites conspirations, entreprises, prodicions: ligue & traitez: Pour reparation desquels crimes, les ont priuez de tous Estats, honneurs & dignitez, & les ont condamnez & condamnent d'auoir la teste tranchée sur vn échafaut, qui pour cét effet sera dressé en la place des Terreaux de cette ville: Ont declarés & declarent tous & chacun leurs biens immeubles, generalement quelconques, en quels lieux qu'ils soient situez & acquis, confisquez au Roy, & ceux par eux tenus immediatement de la Couronne reünis au Domaine d'icelle; Sur iceluy preallablement prise & leuée la somme de soixante mil liures, applicable à oeures pies. Et neantmoins ordonnent que ledit Desfiat, auant l'execution sera appliqué à la question ordinaire & extraordinaire, pour auoir plus ample reuelation de ses complices.

Dd 

Prononcé le 12.iour du mois de Septembre 1642.

Après la prononciation de l'Arrest, Monsieur de Thou dit d'un grand sentiment, Dieu soit loüé, & dit en suite plusieurs belles paroles d'une ferueur incroyable qui luy dura iusques à la mort.

Monsieur de Cinq-Mars après la lecture s'estant leué dit: La mort ne m'estonne point, mais il faut aduoüer que l'infamie de cette question choque puissamment mon esprit. Oüy Messieurs ie trouue ceste question tout à fait axtraordinaire à vn homme de ma condition & de mon aage, ie croy que les loix m'en dispensent, au moins ie l'ay oüy dire La mort ne me fait point de peur, mais Messieurs i'auouë ma foiblesse, i'ay de la peine à digerer cette question.

Ils demanderent chacun leur Confesseur scauoir, Monsieur de Cinq-Mars le P. Malualette, Iesuite, & Monsieur de Thou le P. Mambrun, aussi Iesuite Celui qui iusqu'alors auoit en la charge de les garder, les remit par l'ordre de Monsieur le Chancelier entre les mains du Sieur Thomé Preuost general des Mareschaux de Lyonnois, puis prit congé d'eux, & en suite tous leurs Gardes, tous les larmes aux yeux monsieur de Cinq-Mars les remercia, & leur dit mes amis ne pleutez point, les larmes sont inutiles, priez Dieu pour moy, & asseurez-vous que la mort ne me fit iamais peur. Monsieur de Thou les baïsa & embrassa tous. Ils sortirent de Palais les yeux baignez de larmes se couurans le visage de leurs manteaux. Après quoy les condamnez allerent embrasser Monsieur de Thomé & firent compliment.

Le P. Malualette venn, Monsieur de Cinq-Mars l'alla embrasser, & luy dit: Mon pere, on me veut donner la question, i'ay bien de la peine à m'y respondre, le Pere le consola & fortifia son esprit autant qu'il

qu'il pût dans ce fascheux reucontre. Il se resolut en fin, & comme Monsieur de Lambardemont & le Greffier le viendrent prendre pour le mener dans la chambré de la gesne, il se rassura & passa près de Monsieur de Thou, il luy dit froidement: Monsieur, nous sommes tous deux condamnez à mourir; mais ie suis bien plus malhereux que vous, car outre la mort ie dois souffrir la question ordinaire & extraordinaire.

On le mena en la chambre de la gesne, & passant par vne chambre des Prisonniers, il dit *Mon Dieu où me menez vous* Et puis: *Ab! qu'il fait mainais icy* Il fut enuiron vne demy heure dans la chambre de la gesne, puis on le ramena sans auoir esté tiré d'autant que par le *Retentum* de l'Arrest, il auoit esté dit qu'il seroit seulement présenté à la question.

Au retour son Rapporteur luy dit adieu dans la sale de l'Audience avec les larmes aux yeux, apres auoir parlé quelque temps ensemble.

Après quoy Monsieur de Thou l'alla embrasser, l'exhortant de vouloir mourir constamment, & de ne point apprehender la mort; Il luy repartit qu'il ne l'auoit iamais apprehendée, & quelque mine qu'il eust faite depuis sa prise, il auoit tousiours crû qu'il n'en escaperoit pas. Ils demurerent ensemble enuiron vn petit quart d'heure, pendant lequel temps ils s'embrasserent deux ou trois fois, & se demanderent pardon l'vn à l'autre, avec des demonstrations d'amitié tres parfaite Leur conference finit par ces mors de Monsieur de Cinq-Mars, *Il est temps de mettre ordre à nostre salut.*

Quittant Monsieur de Thou, il demanda vne chambre à part pour se confesser, il eut peine d'obtenir. Il fit vne confession generale de toute sa

vie, avec grande repentance de ses pechez, & beaucoup de sentimens d'auoit offensé Dieu. Il pria son Confesseur de témoigner au Roy, & à monseigneur le Cardinal, les regrets, qu'il auoit de sa faute, & comme il leur en demendoit tres-humblement pardon.

Sa confession dura'environ vn heure, à la fin de laquelle il dit au Pere, qu'il n'auoit rié pris il y auoit 24. heures, ce qui obligea le Pere de faire apporter des œufs frais & du vin, mais il ne prit qu'un morceau de pain, & vn peu de vin trempé d'eau, duquel il ne fit que se lauer la bouche, Il témoigna à ce Pere que rien ne l'auoit tant estonné que de se voir abandonné de tous ses amis, ce qu'il n'auroit iamais crû, & luy dit que depuis qu'il auoit eu l'honneur des bonnes graces du Roy, il auoit tousiours tasché à faire des amis, & qu'il s'estoit persuadé d'y auoir reüssi : mais qu'il connoissoit enfin qu'il ne s'y falloit pas fier, & que toutes les amitez de Cour, n'estoient que dissimulation. Le Pere luy respondit : que telle auoit tousiours esté l'humeur du monde, qu'il ne s'en falloit point estonner : Et en suite il luy cita ce vieux distique d Ouide.

Donec eris felix, multos numerabis amicos :

Tempora si fuerint nubila, solus eris.

Il se le fit repeter deux ou trois fois, tant il le trouua à gré, & l'ayant appris par cœur, le repeta quelquefois.

Il demanda du papier & d'ancre pour écrire, comme il fit, à Madame la Mareschale sa mere, qu'il prioit entr'autre chose de vouloir payer quelques siennes dehts, dont il luy enuoya les memoires qu'il remit au pere, pour faire voir à Mr. le Chancelier. Le principal sujet de ses Lettres fut la priere qu'il

qu'il fit de faire dire quantité de messes pour le salut de son ame ; il les finit ainsi , Au reste Madame , autant de pas que ie vay faire , ce sont autant de pas qui me portent à la mort.

Cependant Mr. de Thou estoit en la sale de l'Audience avec son confesseur dans des transports diuins difficiles à exprimer D'abord qu'il vit son Confesseur il courut l'embrasser avec ces paroles : mon Pere , ie suis hors de peine , nous sommes condamnés à mort & vous venez pour me mener dans le ciel, Ah qu'il y a peu de distance de la vie à la mort . Que c'est vn chemin bien court Allons mon Pere, allons à la mort, allons au ciel, allôs à la vraye gloire. Helas quel bien puis-je auoir fait en ma vie qui m'ait pû obtenir la faneur que ie reçois auourd'huy de souffrir vne mort ignominieuse , pour arriuer plustost à la vie eternellement glorieuse: le me feray icy de la relation naïue de ce bon Pere qui nous a fait part de ce qu'il en a remarqué. Voicy comme il parle.

Mr. de Thou me voyant pres de soy en la sale de l'audience, il m'embrassa, & me dit qu'il estoit condamné la mort qu'il falloit bien employer le peu de tēps qui luy restoit de vie, & me pria de ne le point quitter , & de l'assister iusqu'à la fin. Il me dit encor : Mon Pere , depuis qu'on m'a prononcé ma sentence, ie suis plus contēt & plus trāquille qu'auparauāt: l'attente de ce qu'on ordonneroit, & de l'ysuë de cēt affaire, me tenoit en perplexité & inquietude, maintenant ie ne veux plus penser aux choses de ce monde: mais au Paradis, & me disposer à la mort. le n'ay aucune amertume ny mal-vueillance contre personne. Mes Iuges m'ont iugé en gens de bien , équitablement , & selon les Loix : Dieu s'est voulu servir

d'eux pour ne mettre en son Paradis & m'a voulu prendre en ce temps auquel par sa bonté & miséricorde ie croy estre bien disposé à la mort. Je ne peux rien de moy-mesme : ceste constance & ce peu de courage que j'ay prouient de sa grace.

Après il se mit à faire des actes d'amour de Dieu, contrition, & repentence de ses pechez & plusieurs Oraisons iaculatoires.

Il faut icy remarquer que durant les trois mois de sa prison, il s'estoit disposé à la mort par la frequentation des Sacrements : par l'Oraison, meditation, & consideration des mysteres Diuins, par la communication avec les Peres spirituels & la lecture des liures de deuotion particulièrement du liure de Bellarmin sur les Pseaumes, & du liure *De arte bene moriendi* du mesme Antheur.

Il choisissoit pendant ce temps certains versets des Pseaumes pour faire ses Oraisons iaculatoires, & eleuations d'esprit, qu'il disoit & repetoit souuent fort deuotement, & me disoit qu'il entendoit & pénétrait beaucoup mieux, & avec plus de ressentiment en cette sienne affliction ces sentences de la sainte Esriture qu'anparauant.

Il rendoit graces à Dieu, & admiroit sa diuine bonté & prouidence, qui luy donnoit tant de commoditez, & vn temps si propre pour se disposer, à la mort; qui n'auoit pas permis qu'il mourust lors qu'il estoit en peché mortel & en mauuais estat, & deux ou trois fois se recommanda à mes prieres, ce fut le Mercredy 10. de ce mois, & me pria de demander à Dieu, non pas qu'il fust déliuré de ce danger present de la mort, auquel il se voyoit, mais que la volonté de Dieu fut faite & accomplie en luy.

Il recitoit souuent avec beaucoup de ressentimēt le
Psal

le Psalme 115. *Credidi propter quod locutus sum ego autem humiliatus sum nimis. Et particulièrement ce verset. Dirupisti vincula mea, tibi sacrificabo hostiam laudis, & nomen Domini inuocabo.* Rendant graces à Dieu fort affectueusement de ce que par sa miséricorde il auoit rompu les liens qui le tenoient attaché à la terre & à cette vie.

Il disoit aussi & reiteroit souuent quelque autres passages de la sainte Esriture avec de grands sentimens de deuotion & ferueur d'esprit, particulièrement ceux icy tirez du Chapitre 4. de la seconde Epistre de saint Paul aux Corinthiens.

Id enim quod in presenti est momentaneum & leue tribulationis nostre, supra modum in sublimitate eternum gloria pondus operatur in nobis; non contemplantibus nobis quae videntur, sed quae non videtur: Quae enim videtur temporalia sunt, quae autem non videntur, aeterna sunt.

Comme aussi ces beaux mots du Chapitre 8. de l'Epistre aux Romains: *Quis ergo nos separabit à charitate Christi: tribulatio an angustia? an fames? an nuditas? an periculum? an persecutio? an gladius? sicut scriptum est, quia propter te mortificamur tota die? afflicti sumus sicut oves occisionis: sed in his omnibus superamus propter eum qui dilexit nos.* Il repetoit aussi souuent ce verset du Psalme 50. *Sacrificium Deo spiritus contribulatus: cor contritum & humiliatum Deus non despicies.*

Ces mesmes versets de l'Esriture luy seruoient d'entretien dans la sale de l'Audience, apres la prononciation de son Arrest: il les proferoit avec de grands sentimens d'amour de Dieu, & avec vn grand mépris de toutes les vanitez du monde.

Il saluoit tous ceux qu'il voyoit en cette sale où

nous estions, se recommandoit à leur prieres, leur témoignoit qu'il mouroit content. & que ses Iuges, l'auoient iugé equitablement, & selon les formes & ordres des Loix.

Voyant venir monsieur de Laubardemont qui auoit esté le Rapporteur du procez, il alla au deuant de luy, l'embrassa & le remercia de son Iugement, luy disant : *Vous m'auex iugé en homme de bien*, Et ce avec tant de tendresse & de cordialité, qu'il tira les larmes non seulement des yeux des assistans de ses Gardes, mais encore de son Rapporteur, qui pleuroit à chaudes larmes en l'embrassant.

Vn homme enuoyé de la part de madame de Pontac sa Sœur, luy vient dire ses derniers adieux : monsieur de Thou croyant que ce fust l'exécuteur de la Iustice, courut à luy, & l'embrassa, luy disant : c'est toy qui me dois aujourd'huy enuoyer dans le Ciel : mais ayant esté aduertie que c'estoit vn homme enuoyé de la part de madame sa Sœur : Il luy dit, mon amy ie te demande pardon, il y a si long-temps que ie ne t'auois veu que ie te méconnoissois : Dis à ma Sœur que ie la prie de continuer en ses deuotions, comme elle a fait iusqu'à present, que ie connois maintenant mieux que iamais, que ce monde n'est que mensonge & vanité, & que ie meurs tres-content & en bon Chrestien, qu'elle prie Dieu pour moy, & qu'elle ne me plaigne point, puisque i'espere trouuer mon salut en ma mort. Adieu Cét homme se retira sans pouuoir dire vne seule parole.

Il sentoit vne force & vn courage si extraordinaire à bien souffrir cette mort. qu'il craignoit qu'il n'y eust de la vanité & se tournant vers moy, me dit : mon Pere, n'y a il point de vanité en cela ? Mon Dieu ie proteste deuant vostre diuine maiesté, que
moy mesme

moy mesme ie ne puis rien , & que toute ma force vient tellement de vostre bonté & misericorde , que si vous me delaisiez ie tomberoie à chaque pas.

Il se confessa à moy au bout de la Sale, apre en sa Confession il continua ses élévations d'esprit de Dieu , & discours spirituels avec vn grand soin de bien employer le temps qui luy restoit.

Iusques icy sont les paroles de P. Mambrum Confesseur de Mr. Thou Son Compagnon remarqua que comme il se pourmenoit dans la Sale de l'Audience, il dit Hé bien, on dira que ie suis vn poltron & vn estourdy , que ie n'ay point eu de conduite, que ie n'ay pas sceu mesnager mes affaires: Et c'est ce que ie desire : ie veux bien qu'on ait cette opinion là de moy, qu'on me blasme, ie le souhaite pour l'amour de Dieu.

Après la Confession, il fut visité par le P. Jean Terrasse, Gardien du Couvent de l'Observance de saint François de Tarascon , qui l'auoit assisté & consolé durant sa prison de Tarascon. Il fut bien aise de le voir, se pourmena avec luy & son Confesseur quelque temps dans vn entretien spirituel. Ce Pere estoit venu à l'occasion d'un vœu que monsieur de Thou auoit fait à Tarascon pour sa deliurance, qui estoit de fonder vne Chappelle de trois cens liures de rente annuelle dans l'Eglise des Peres Cordeliers de cette ville de Tarascon. Il donna ordre pour cette fondation , voulant s'acquitter son vœu , puisque Dieu (disoit-il) le déliuroit non seulement d'une prison de pierre, mais encore de la prison de son corps : Demande de l'ancre & du papier, & escriuit iudicieusement cette belle inscription , qu'il voulut estre mise en cette Chapelle.

CHRISTO

CHRISTO LIBERATORI
Votum in carcere pro libertate conceptum.

FRANC. AVGVST. THVANVS.

è Carcere vitæ iam liberandus
meritò soluit.

XII. Septemb. MDC. XLII.

*Confitebor tibi Domine quoniam exaudisti me, &
factus es mihi in salutem.*

Cette inscription fera admirer la presence & la netteté de son esprit, & fera admirer à ceux qui la considereront que l'apprehension de la mort n'auoit pas eu le pouuoir de luy causer aucun trouble. Il pria Mr. Thomé de faire compliment de sa par à Mr. le Cardinal de Lyon, & luy témoigna que s'il eust plu a Dieu de le sortir de ce peril, il auoit dessein de quitter le monde, & se donner entierement au serui-
ce de Dieu.

Il escriuit deux Lettres, qui furent portées ou-
vertes à monsieur le Chancelier, & puis remises entre
les mains de son Confesseur pour les faire tenir. Ces
Lettres estant fermées il dit, *Voila la derniere pensée
que ie veux auoir pour le Monde, parlons du Paradis.*
Et deslors il reprit sans interruption, avec la mesme
ferueur d'esprit ses discours spirituels, & se confessa
vne seconde fois. Il demandoit par fois, si l'heure de
de partir pour aller au supplice approchoit, quand
on les deuoit lier & prioist que l'on l'aduertit quand
l'exécuteur de la Iustice seroit là, afin de l'embrasser,
mais il ne le vid point que sur l'echafaut.

Sur les trois heures apres midy , quatre Compagnies de Bourgeois de Lyon , qu'ils appellent Penonnages , faisans environ douze cens hommes , furent rangées au milieu de la place des Terreaux en sorte qu'elles enfermoient vn espace quarré d'environ quatr vingts pas de chasque costé , dans lequel on ne laissoit entrer personne , que ceux qui estoient necessaires.

Au milieu de cét espace fut dressé vn échaffaut de sept pieds de hauteur , & environ neuf pieds en quarré : au milieu duquel vn peu plus sur le deuant , s'éleuoit vn poteau de la hauteur de trois pieds , ou environ ; deuant lequel on coucha vn bloc de la hauteur d'un demy pied, si que la principale face , ou le deuant de l'échafaut regardoit vers la boucherie des Terreaux du costé de Saone : contre lequel échafaut on dressa vne petite eschelle de huit échelons , du costé de Dames de S. Pierre. Toutes les maisons de ceste place, toutes les fenestres , murailles, toicts, échafauts dressez ; & generallyment toutes les eminences qui ont veü sur cette place quoy que fort éloignées , estoient chargées de personnes de toutes conditions, aages, & sexes.

Environ les cinq heures du soir, les Officiers prirent le Campagnon du P. Malaualette de les vouloir aduertir qu'il estoit temps de partir. Monsieur Cinq-Mars voyant ce Frere qui parloit à l'oreille de son Confesseur , iugea bien ce quil vouloit. On nous presse , dit-il , s'en faut aller. Pourtant vn des Officiers l'entretint encor quelque temps dans cette chambre , d'où sortant, le valet de chambre qui l'auoit seruy depuis monpelier , se presenta à luy , luy demandant quelque recompence de ses seruices : Je nay plus rien , luy dit-il , j'ay tout donné , De là il
vint

vint vers Mr. de Thou en la sale de l'audience, disant : *Allons Monsieur, Allons, il est temps.* M. de Thou alors s'écria : *Latus sum in his quæ dicta sunt mihi, in domum Domini ibimus.* Là dessus ils s'embrassèrent, puis sortirent.

Mr. de Cinq mars marchoit le premier tenant le P. malauallette par la main iusques sur le perron, où il salua avec tant de bonne grace, & de douceur tout le peuple, qu'il tira les larmes des yeux d'un chacun : luy seul demeura ferme sans s'émouvoir, & garda cette fermeté d'esprit tout le long du chemin, iusques là que voyant son Confesseur surpris d'un sentiment de tendresse à la veüe des larmes de quelques personnes : Qu'est ce à dire mon Pere ? luy dit-il, vous estes plus sensible à mes interets que moy.

monf. Tomé Prenost de Lyon, avec les Archers de Robe-courte & le Cheualier du Guet avec la Compagnie, eurent ordre de les mener au supplice.

Sur les degrez du Palais Mr. de Thou voyant un carrosse qui les attendoit, dit à M. de cinq mars : *Quoy Monsieur, on nous meine en carrosse, va on comme cela en Paradis ?* Je m'attendois bien d'estre lié & trainé sur un tombereau, ces messieurs nous traitent avec grande ciuilité de ne nous point lier, & de nous mener en carrosse ; comme il y entroit il dit à deux Soldats du Guet : Voicy mes amis, on nous meine au ciel en carrosse.

Mr. de Cinq-mars estoit vestu d'un bel habit de drap d'Hollande fort brun, couuert de dentelles d'or, large de deux doigts, un chapeau noir retroussé à la Catalane, des bas de soye verds, & par dessus un bas blanc avec de la dentelle, & un manteau d'escarlante.

Mr.

Mr. de Thou estoit vestu d'un habit de duëil de drap d'Espagne ou d'Holande, avec un manteau court.

Ils se mirent tous deux au fond du Carosse sur le derriere, Mr. de Thou estant à droit de Mr. de Cinq-Mars y ayant deux Iesuites à chaque pourtiere Sçavoir, leurs deux Confesseurs avec leurs Frere. Il n'y auoit personne sur le deuant du carosse.

L'executeur suiuit à pied, qui estoit un portefaix, qu'ils appellent à Lyon Gagnedeniers, homme âgé fort mal fait, vestu comme un manouvrier qui sert les maisons, qui iamais n'auoit fait aucune execution, sinon de donner la gesne, duquel il falut se seruir, parce qu'il ny auoit point d'autre executeur, celuy de Lyon se trouuant auoir la iambe rompuë.

Dans le carrosse ils reciterent avec leurs Confesseurs les Litanies de N. Dame, le *Miserere*, & autres Prières & Oraisons jaculatoires, firent plusieurs actes de contrition, & d'amour de Dieu, tiendrent plusieurs discours de l'éternité, de la constance des Martyrs, & des tourmens qu'ils auoient soufferts. Ils saluoient fort ciuilement de temps en temps le peuple qui remplissoit les rues par où ils passoient. Mr. de Thou demanda encor vne fois pardon à Mr. de Cinq-Mars avec humilité, luy disant: Mr. ie vous demande tres-humblement pardon, si j'ay esté si malheureux que de vous auoir offensé en quoy que ce soit. Helas, Mr. c'est moy, respondit Mr. de Cinq-Mars, qui vous ay offensé, & ie vous en demande pardon, & là dessus ils s'embrasserent tendrement.

Quelque temps apres, M. de Thou dit à Mr. de Cinq Mars, Mr. il semble que vous deuez auoir plus de regret de mourir que moy, vous estes plus
ieune

jeune, vous estiez plus grand dans le monde, vous aviez de plus grandes esperances, vous estiez le favori d'un grand Roy : mais ie vous assure pourtant Mr. que vous ne devez point regretter tout cela, qui n'est que du vent, car assurément nous nous allions perdre, nous nous fussions damnez, & Dieu nous veut sauver le tiens nostre mort pour vne marque infailible de nostre predestination, pour laquelle nous avons beaucoup plus d'obligation à Dieu, que s'il nous avoit donné tous les biens du monde, nous ne le sçaurions jamais assez remercier. Ces paroles émeurent Mr. de Cinq-Mars presque iusqu'aux larmes.

Après il continua : Monsieur mon cher amy qu'avons nous fait de si agreable à Dieu durant nostre vie, qui l'oblige de nous faire cette grace de mourir ensemble, de mourir comme son fils, d'effacer tous nos pechez par un peu d'infamie, de conquérir le Ciel par un peu de bonté. Ah n'est il pas vray que nous n'avons rien fait pour luy ? Fondons nos cœurs, épuisons nos forces en actions de graces : Recenons la mort avec toutes les affections de nos ames, Mr. de Cinq-Mars repondoit à tout cecy par divers actes de vertu, de foy & de contrition, d'amour de Dieu, de resignation, & autres.

Il demandoient de temps en temps s'ils estoient-encores bien long de l'échafaut ; Sur quoy le P. malaulette prit occasion de demander à M. de Cinq-Mars s'il ne craignoit point la mort, point du tout, mon Pere, repondit-il : Et c'est ce qui me donne de l'apprehension de voir que ien'en ay point. Helas ie ne crains rien que mes pechez, Cette crainte l'avoit fortement touché depuis sa confession generale.

Et comme le Pere l'eust assuré sur la bonté de

Dieu , & sur la passion du Sauveur , luy disant de plus qu'acceptant de bon cœur cette mort ignominieuse, il pouuoit estre certain d'entrer bien auant dans la gloire. O que Dieu est bon, dit-il plusieurs fois, de me vouloir receuoir en sa grace apres l'auoir tant & tant offensé. Mais mon Pere , dit-il , comme puis-je meriter par cette mort, qui n'est point à mon choix ? car il estoit aux choix des martyrs de ne pas mourir. Le Pere luy ayant respondu qu'il la pouuoit rendre meritoire en acceptant volontairement, & offrant à Dieu par amour ce supplice infame, celui des Martyrs estant honorable, il offrit à Dieu son supplice tant de fois par le chemin que son Confesseur n'en remarqua pas le nombre.

Comme ils approchoient de la place des Terreaux, le Pere Mambrun aduertit Mr. de Thou de se souuenir sur l'échafaut de gagner l'Indulgence pléniere , par le moyen d'une medaille qu'il luy auoit donné disant trois fois *I E S V S*. Lors Mr. de Cinq-Mars entendant cecy, dit à Mr. de Thou : Monsieur, puis que ie dois mourir le premier, donnez-moy vostre Medaille pour la ioindre aux miennes , afin que ie m'en serue le premier, & puis on les vous conservera. En suite ils conuestoient eux deux à qui mourroit le premier : Mr. de Cinq-Mars disant que c'estoit à luy , comme estant le plus coupable, & le premier iugé, adioustant que ce seroit le faire mourir deux fois s'il mourroit le dernier, Mons.^r de Thou demandant ce droit comme plus âgé : le P. Malaualette prit la parole, & dit à Mr. de Thou : Il est vray, Monsieur , que vous estes le plus vieux, & vous devez estre aussi le plus genereux : Ce que M. de Cinq-Mars ayant confirmé Bien Mr. repartit Mr. de Thou vous voulez m'ouuoir le chemin à la gloire. Ah ! di t

Mr. de Cinq- Mars , ie vous ay ouuers le precipice mais precipitons nous dans la mort pour surgir à la vie eternelle. Le P. Malualette termina leur different en faueur de Mr. de Cinq Mars jugeant qu'il estoit plus à propos qu'il mourust le premier.

Estant proches de l'eschaffaut , on remarqua que M. de Thou s'estant baissé, & ayant veu l'échaffaut, estendit ses bras, & puis frappa des mains l'une contre l'autre , d'une action viue & d'un visage ioyeux comme s'il se fust resioüy à cette veüe, & dit à Mr. de Cinq Mars: Monsr. c'est icy Monsr. que nous deuons aller en Paradis , & se tournant à son Confesseur, Mon Pere, est-il bien possible qu'une creature si chetive, comme moy doieue aujourd'huy prendre possession d'une eternité bienheureuse ?

Le carrosse s'arresta au pied de l'échafaut , & le Preuost estant venu dire à Monsieur de Cinq-Mars que c'estoit à luy de monter le premier , il dit Adieu à Monsieur de Thou , & se congedierent d'une grande l'affection , disans qu'ils se reuerroient bientôt en l'autre monde où ils seroient eternellement vnis avec Dieu. Ainsi Monsieur de Cinq-Mars descendit du Carrosse, & parut la teste leuée & d'un visage gay. Vn Archer du Preuost s'estant présenté pour luy prendre son manteau , disant qu'il leur appartenoit, son Confesseur l'en empescha , & demanda au Sr. Preuost si les Archers y auoient droit ; luy ayant dit que non , le Pere dit à Monsieur de Cinq-Mars : qu'il disposast de son manteau comme il luy plairoit: lors il le donna au Iesuite qui accompagnoit son Confesseur, disant qu'il le donnoit pour faire prier Dieu pour luy.

Icy apres les trois son de trompette ordinaire, Palerme Greffier Criminel de Lyon , estant à cheua
allez.

assez près de l'échafaut, lût leur Arrest, que l'un ny l'autre n'escouterent point. Pendant quoy on abbatit le mantelet de la portiere du carrosse qui regardoit l'échafaut; afin d'en oster la veüe à Monsieur de Thou, qui demueré dans le Carosse avec son Confesseur & son Compagnon.

Monsieur de Cinq-Mars ayant salué ceux qui estoient près de l'eschaffaut se couurit, & monta gayement l'echelle. Au second échelon vn Archer du Preuost s'auança à cheual, & luy osta par derriere son chapeau de dessus la teste: lors il s'arresta tout court, & se tournant dit: *laissez moy mon chapeau.* Le Preuost qui estoit près, se fâcha contre son Archer qui luy remit en mesme temps son chapeau sur la teste, qu'il accommoda comme mieux luy sembloit, puis acheua de monter courageusement.

Il fit vn tour sur l'échafaut comme s'il eust fait vne demarche de bonne grace sur vn theatre, puis il s'arresta, & salua ceux qui estoit à sa veüe d'un visage riant, apres s'estant couuert, il se mit en vne fort belle posture, ayant auancé vn pied, mis la main au costé, il considera haut & bas toute cette grande assemblée d'un visage asseurée, & qui ne témoignoit aucune peur, & fit encore deux ou trois belles demarches.

Son Confesseur estant monté il le salua, puis ietta son chapeau deuant luy sur l'échafaut, & baisant la main la presenta à son Confesseur, puis il embrassa estroitement ce Pere, qui pendant cet embrassement l'exhorta d'une voix basse de produire quelques actes d'amour de Dieu, à ce qu'il m'a dit ce qu'il fit d'une grande ardeur parlant bas, tenant son bras gauche presque sur l'épaule droite de son Confesseur, estedu droit en bas le long de son manteau. Il demeura as

sez long temps en cette posture , cent le plus souvent les yeux leuez au Ciel , vn visage tousiours riant pendant que son confesseur luy parloit fort bas à l'oreille , ie luy entendis plusieurs fois repeter ces paroles , *Ouy mon Pere , de tout mon cœur , vn milion de fois* , & autres semblables. Puis de la main droite il print vn Crucifix que le compaignon du Confesseur luy offrit, le baïsa avec ardeur aux pieds & le luy rendit en mesme temps.

De là il se mit à genoux aux pieds de son Confesseur , qui luy donna la derniere absolution, laquelle ayant receüe avec humilité , il se leua & s'alla mettre à genoux sur le bloc & demanda. Est ce icy mon Pere où il me faudra mettre ? & comme il sçeu que c'estoit-là il y essaya son col l'appliquant sur le poutreau : puis s'estant releué il demanda s'il falloit ôter son pourpoint, & comme on luy eut dit qu'oüy il se mit en deuoir de se deshabiller , & dit : *Mon Pere ie vous prie aydez moy*. Lors le Pere & son compaignon luy aiderent à le deboutonner , & luy ôter son pourpoint. Il garda tousiours ses gans aux mains que l'executeur luy osta apres la mort.

Si tost qu'il eut mis bas son pourpoint il s'approcha du poteau avec allegresse , & tout debout essaya si son col iroit bien sur le poutreau par deux fois : puis s'en estant vn peu éloigné, il prit le Crucifix, le baïsa aux pieds & le rendit : & estendans ses bras , il s'alla ietter de bonne grace à genoux sur le bloc , embrassa le poutreau , mit son col dessus , leua les yeux au Ciel , & demanda au Confesseur : *Mon Pere seray-je bien ainsi ?* S'estant releué l'executeur s'approcha avec des ciseaux , que Monsieur de Cinq Mars luy osta des mains, ne voulant pas qu'il le touchast , & les ayant baisé , les presenta au Pere, disant :

tant : *Mon Pere , ie vous prie , rendez-moy ce dernier service, coupez moy mes cheveux.* Le Pere les donna à son compagnon pour les luy couper, ce qu'il fit. Cependant il regarde doucement ceux qui estoient proches de l'échaffaut , & dit au frere *coupez les moy bien près, ie vous prie.* Puis élevant les yeux vers le Ciel dit : *Ah mon Dieu , qu'est-ce de ce monde !* Apres qu'ils furent coupez , il porta les deux mains à la teste , comme pour accommoder ceux qui estoient à costé. Le Bourreau s'estant avancé presque à costé de luy , il luy fit signe de la main qu'il se retirast. Il fit le mesme deux ou trois fois. Il prit encore le Crucifix, & le baïsa, puis l'ayant rendu, il s'agenouïlla derechef sur le bloc deuant le poteau qu'il embrassa, & voyant en bas deuant soy vn homme qui estoit à Monsieur le Grand Maistre, il le salua & luy dit : *Je vous prie d'assurer Monsieur de la Mille-raye que ie suis son eres-humble seruiteur.* Puis s'arresta vn peu , & continua : *Dites luy que ie le prie de faire prier Dieu pour moy.* Ce sont les propres mots.

De là l'executeur vint par derrier avec ces ciseaux pour decoudre son collet qui estoit attaché à sa chemise, ce qu'ayant fait, il le luy osta, le faisant passer par dessus sa teste. Puis luy mesme ayant ouvert sa poitrine pour abbaïsser sa chemise , & decouvrir mieux son col : ayant les mains iointes dessus le poteau, qui luy seruoient comme d'un accoudoir, dit avec grand sentiment ces paroles.

Mon Dieu, ie vous consacre ma vie, & vous offre mon supplice en satisfaction de tous mes pechez. Si i'auois à viure plus longtemps, ie serois tout autre que ie n'ay pas esté: mais mon Dieu puis qu'il vous plait, que ie vous offre ma mort, & mon sang pour l'expiation de mes fautes & de tout mon cœur.

A ces mots on luy presenta le Crucifix qu'il prit de la main droite ; tenant le poteau embrassé de la gauche, le baïsa, le rendit ; & demanda ses Medailles au compagnon de son Confesseur, lesquelles il baïsa, & dit trois fois *Iesus*, apres il les luy remit. Et se tournant hardiment vers l'executeur qui estoit là debout, & n'auoit pas encore tiré son couperet d'un meschant sac qu'il auoit apporté sur l'eschafaut, luy dit : *Que fais-tu là ? Qu'attends-tu ?* Son Confesseur s'estant desia retiré sur l'eschelle, il le r'appella, & luy dit, *Mon Pere, venez-moy aider à pier Dieu.* Il se r'approcha, & s'agenouïla aupres de luy, lequel recita alors d'une grande affection le *Salue Regina* d'une voix intelligible, sans hesiter, pesant toutes ces belles paroles & particulierement estant arriué à ces mots : *Et Iesum benedictum fructum ventris tui nobis post hoc exilium ostende* ; & le reste, il se baïssoit & leuoit les yeux au Ciel avec une deuotion, & une façon route rauissante. Apres, son Confesseur priant de là part ceux qui estoient presens de dire pour luy un *Pater noster*, & un *Aue Maria*, luy fit dire ces paroles : *Maria, mater gratia, Mater misericordia. Tu, nos ab hoste protege, Et hora mortis suscipe.* Et en suite *In manus tuas Domine, &c.* pendant quoy l'executeur tira de son sac son couperet (qui estoit fait comme celui des boucheres, mais plus gros & quarré.) Enfin ayant leué d'une grande resolution les yeux au Ciel, il dit, Allons, il faut mourir : Mon Dieu, ayez pitié de moy, puis d'une constance incroyable, sans estre bandé, posa fort proprement son col sur le poteau, tenant le visage droit & tourné vers le deuant de l'échafaut, & embrassant fortement de ses deux bras le poteau, il ferma les yeux & la bouche, & attendit le coup que l'executeur luy vint donner assez len

sur le bras droit, où d'abord iettant son manteau, d'une face allaigne, courut les bras estendus vers l'exécuteur qu'il embrassa & baïsa, en disant : *Ab; mon frere, mon cher amy, que ie t'aime, il faut que ie t'embrasse, puis que tu me dois amour d'huy causer un bonheur eternal : Tu me dois mettre dans le Paradis.* Puis se tournant sur le devant de l'échaffaut, il se découvrit, salua le monde, & ietta son chapeau derriere soy, qui tomba sur les pieds de M de Cinq-Mars. De là se retournant vers son Confesseur, dit d'une grande ardeur, Mon Pere : *Spectaculum facti sumus mundo, & Angelis, & hominibus :* Et en suite, *Vias tuas Domine demonstra mihi, & semitas tuas edoce me.* Mon Dieu enseignez-moy vos voyes, monstrez-moy le chemin que ie dois tenir pour aller au Ciel.

Le Pere luy ayant dit quelques paroles de deuotion qu'il écoutoit fort attentiuement, il luy dit, qu'il auoit encores quelque chose à dire touchant sa conscience; se mit à genoux, luy declara ce que c'estoit, & receu la derniere absolution, s'inclinant fort bas. Laquelle ayant receüe, il osta son pourpoint puis se mit à genoux, & commença le Psalme 115. qu'il recita par cœur, & Paraphrase en François presque tout le long, d'une voix assez haute, & d'une action vigoureuse, avec vne ferueur indicible, qui paroïssoit sur son visage, meslée d'une sainte ioye, incroyable à ceux qui ne l'auroient pas veu. Voicy la Paraphrase qu'il en fit, que ie voudrois pouuoir accompagner de l'action avec laquelle il l'animoit. J'ay tasché de retenir ces propres mots autant qu'il m'a esté possible.

Credidi, propter quod locutus sum

Mon Dieu *Credidi*, ie l'ay creu, & ie le crois fermement, que vous estes mon Createur, & mon bon Pere

Pere, que vous auez souffert pour moy, que vous m'avez racheté, qu'au prix de vostre Sang vous m'avez ouvert le Paradis. *Credidi*. Je vous demande mon Dieu, *un grain, un petit grain* de cette foy vive qui enflammoit le cœur des premiers Chrestiens. *Credidi propter quod locutus sum* : Faites mon Dieu, que ie ne vous parle pas seulement des leures, mais que mon cœur s'accorde à toutes mes paroles, & que ma volonté ne dement point ma bouche, *Credidi*, ie ne vous adore pas mon Dieu de la langue, ie ne suis point assez eloquent, mais ie vous adore d'esprit, ouy d'esprit, Mon Dieu, ie vous adore en esprit & en verité. Ah *Credidi*, ie me suis fié en vous mon Dieu, & me suis abandonné à vostre miséricorde, apres tant de graces que vous m'avez faites, *propter quod locutus sum*. Et dans cette confiance, j'ay parlé, j'ay tout dit : Je me suis accusé.

Ego autem humiliatus sum nimis. Il est vray Seigneur, me voila extrêmement humilié, mais non pas encors tant comme ie le merite.

Ego dixi in excessu meo : omnis homo mendax : Ah ; qu'il n'est que trop veritable, que tout ce Monde n'est que mensonge, que folie, que vanité. Ah : qu'il est vray : *Omnis homo mendax*.

Quid retribuam Domino, Mon Pere, quid retribuam Domino, pro omnibus que retribuis mihi ? Il repetoit cecy d'une grande vehemence : *Calicem salutaris accipiam*. Mon Pere, il le faut boire courageusement ce Calice de la mort : Oüy, ie le reçois d'un grand cœur, & ie suis prest de le boire tout entier.

Et nomen Domini inuocabo. Vous m'aidez mon Pere, à inuoker l'assistance diuine, afin qu'il plaise à Dieu de fortifier ma foiblesse, & me donner du courage autant qu'il en faut pour avaler ce

Calice que le bon Dieu a préparé pour mon salut.

Il passa les deux versets qui suivent dans ce Psalme, & s'écria d'une voix forte & animée, *Dirupisti Domine vincula mea*, Ah mon Dieu que vous avez fait vn grand coup: Vous avez brisé ces liens qui me tenoient si fort attaché au monde: Il falloit vne puissance diuine pour m'en degager, *Diripisti Domine vincula mea*, Voicy les propres mots qu'il dit icy:

Que ceux qui m'ont amené icy m'ont fait vn grand plaisir, que ie leur ay de l'obligation: Ah qu'ils m'ont fait vn grand bien, puisqu'ils m'ont tiré de ce monde pour me loger dans le Ciel.

Icy son Confesseur luy dit, qu'il falloit oublier, qu'il ne falloit point auoir de ressentimēt contr'eux. A ces paroles il se retourna vers le Pere, tout à genoux, comme il estoit, & d'une belle action: *Quoy? mon Pere, dit il, des ressentimens? Ah Dieu le sçait: Dieu m'est témoin que ie les ayme de tout mon cœur, Oüy Dieu le sçait, que ie les ayme de tout mon cœur, & qu'il n'y a dans mon ame aucune auersion pour qui que ce soit au monde. Diripisti vincula mea, tibi sacrificabo hostiam laudis* La voilà l'Hostie, Seigneur, le monstrant soy-mesme, la voilà cette Hostie qui vous doit estre immoderée maintenant *Tibi sacrificabo hostiam laudis, & nomen Domini inuocabo.*

Vota mea Domino reddam, estendant les deux bras & la veuë de tous costez d'un agreable mouuement le visage riant & enflamé *in conspectu omnis populi eius*, haussant vn peu sa voix, *in conspectu omnis populi eius*. Oüy Seigneur, ie veux vous rendre mes vœux, mon ame, ma vie, *in conspectu in omnis populi eius* deuant tout ce peuple, deuant toute cette assemblée:

blée *in atrii domus Domini, in medio tui Ierusalem, in atrii domus Domini*: Nous voicy à l'entrée de la maison du Seigneur ? Oüy c'est d'icy, c'est de Lyon, de Lyon qu'il faut monter là haut, leuant les bras vers le Ciel, Lyon que ie t'ay bien plus d'obligation qu'au lieu de ma propre naissance, qui m'a seulement donné vne vie misérable, & tu me donne auourd'huy vne vie eterneile : *In medio tui Ierusalem.*

Il est vray que i'ay trop de passion pour cette mort : N'y a il point de mal mon Pere, dit-il plus bas en iourissant, le tournant à costé vers le Pere, i'ay trop d'aïse : n'y a - t'il point de vanité pour moy ie n'en veux point.

Tout cela fut accompagné d'une action si viue, si gaye, & si fort, que plusieurs de ceux qui estoient éloignez pensoit qu'il eust dans des impatiences, & qu'il declamoit contre ceux qui estoient cause de sa mort.

Après ce Psalme, estant encore à genoux, il tourna sa veüe à main droite, & voyant vn homme qu'il auoit embrassé dans le Palais, parce qu'il le rencontra avec vn Huissier du Conseil, qu'il connoissoit, il le salua de la teste, & du corps, & luy dit gayement : *Monsieur ie suis vostre tres-humble seruiteur.*

Il se leua, & l'executeur s'approchant pour luy couper les cheueux, le Pere luy osta les ciseaux pour les donner à son Compagnon: Ce que Mr. de Thouvoyant, il les luy prit des mains, disant *Quoy, mon Pere ? croyez vous que ie le craigne N'avez vous pas bien veu que ie l'ay embrassé : Je le baise, c'est homme la ie le baise.* Tien mon amy fais ton deuoir, coupe moy mes cheueux; Ce qu'il commença de faire mais comme il estoit lourd, & mal adroit, le Pere luy osta les ciseaux, & les fit couper par son cōpagnon: Pen-

da it

dant quoy il regardoit d'un vilage assés & riant ceux qui estoient les plus proches, leuoit quelque fois amoureusement les yeux au Ciel, & s'estant tenu quelque peu de temps, il proféra cette belle sentence de Saint Paul:

Non contemplatibus nobis quæ videntur, sed quæ non videntur. Quæ non videntur, temporalia sunt quæ autem non videntur, æterna.

Ses cheveux coupez, il se mit à genoux sur le bloc, & fit vne offrande de soy-mesme à Dieu, avec des paroles, & des sentimens que je ne puis exprimer. Il s'auoia les plus grand pecheur & le plus criminel de tous les hommes, mais que Dieu luy donnoit vne si grande confiance en sa bonté, qu'il craignoit qu'il n'y eust de l'excez, tesmoigna vne grand regret de sa vie passé, disant que si on luy eust laissé la vie, il croyoit qu'il l'eust employé tout autrement qu'il n'auoit pas fait: Demanda à tous vn *Pater* & vn *Aue Maria* avec des paroles qui perçoient le cœur de tous ceux qui l'entendoit, baisoit le Crucifix avec grand sentiment d'amour & de joye: demanda les medailles pour gagner l'indulgence puis dit:

Mon Pere, ne me veut-on point bander; Et comme le P. luy respondit que cela dependoit de luy, il dit: Ouy mon Pere, il me faut bander: & en souüriant & regardant ceux qui estoient les plus proches dit: Messieurs, ie l'auoie. Je suis poltron, ie suis certain de mourir. Quand ie pense à la mort, ie tremble, ie frémis, les cheveux me herissent, & si vous voyez quelque peu de constance en moy, attribuez ce là à Nostre Seigneur, qui fait vn miracle pour me sauuer; car effectivement pour bien mourir en l'estat où ie suis il faut de la resolution: Je n'en ay point, mais Dieu m'en donne, & me fortifie puissamment.

Puis

Puis mit les mains dans ses pochettes, pour chercher son mouchoir, afin de se bander, & l'ayant tiré à moitié, il le resserra, afin qu'on le vit point, si non ceux qui estoient aupres de luy sur l'échafaut, & pria de fort bonne grace ceux qui estoient en bas de luy ietter vn mouchoir: aussi-tost on luy en ietta deux ou trois: il en prit vn, & fit grande ciuilité à ceux qui luy auoient ietté, les remerciant avec affection, promettant de prier Dieu pour eux au Ciel, n'estant pas en son pouuoir de leur rendre ce seruice en ce monde. L'exécuteur vint pour le bander de ce mouchoir, mais comme il le faisoit fort mal, mettant les coins du mouchoir en bas qui couuroient sa bouche, il le tetroussa & s'accommoda mieux

Après il mit son col sur le poteau qu'un Frere le suite auoir touché de son mouchoir, parce qu'il étoit tout moitié de sang, & demanda à ce frere s'il estoit bien; qui luy dit, qu'il falloit qu'il auençast vn peu d'auantage sa teste sur le deuant: ce qu'il fit. En mesme temps l'exécuteur s'appecenant que les cordons de sa chemise n'estoient point deliez, & qu'ils luy tenoient le col serré; luy porta la main au col pour les denoier. Ce qu'ayant senty, il demanda: *Qui a-t'il? faut-il encor oster la chemise & se pisposoit desia à l'oster.* On luy dit que non, qu'il falloit seulement denoier les cordons: Ce qu'ayant fait & mis sa teste sur le poteau, il prononça ces dernieres paroles, qui furent: *Maria mater gratia, Mater misericordia tu nos ad hoste protege & hora mortis suscipe;* puis *In manus tuas &c.* & lors ses bras commencerent à trembler en attendant le coup qui luy fut donné tout au haut du col, trop pres de la teste, d'un quel coup son col n'estant coupé qu'à demy le corps tomba à costé gauche du poteau à la renuersé, le visage contre le Ciel remuant les

les jambes & les pieds & haussant foiblement les mains. Le Bourreau le voulut renverser pour acheuer par où il auoit commencé, mais effrayé de cris que l'on faisoit contre luy donna trois ou quatre coups sur la gorge, & ainsi luy coupa la teste qui demeura sur l'eschaffaut.

L'executeur l'ayant dépouillé porta son corps couuert d'un drap dans le Carrosse qui les auoit amenez; puis il y mit aussi celui de Monsieur de Cinq-Mars & leurs testes, qui auoient encore toutes deux les yeux ouuerts, particulièrement celle de Monsieur de Thou qui sembloit estre viuante. De là ils furent portez aux Fueillans, où Monsieur de Cinq Mars fut enterré deuant le Maistre-Autel: Monsieur de Thou a esté embaumé & mis dans vn cercueil de plomb pour être transporté en sa sepulture.

Telle fut la fin de ces deux personnes, qui certes deuoient laisser à la posterité vne autre memoire que celle de leur mort. Je laisse à chacun d'en faire tel iugement qu'il luy plaira, & me contente de dire, que ce nous est grande leçon de l'inconstance de la Fortune des choses de ce monde, & de la fragilité de nostre nature. Je me souuiens, lors que ie vis à terre la teste de Monsieur de Cinq Mars, d'un Epitaphe graué en vne sepulture de marbre en l'Eglise de Sainte Marie de la Chapelle à Naples, qui contient seulement ces mots :

Ecce superbientis natura qualis sit mox futurus casus,

O quelle cheute! O quel changement;

Ah ! qu'est-ce de ce monde.

RECIT



*RECIT TRES VERITABLE DE TOVT
ce qui s'est passé depuis que le Sieur de
Saint Preüil fust arresté, iusques
à sa Mort.*

HISTOIRE XXIV.

LE vingt-quatriesme Septembre mil six cens
quarante vn, sur l'aduis que le Sieur de Saint
Preüil receut, que l'armée commandée par Monsieur
le Marechal de la Milleraye venoit droit à Arras,
ayant disné legerement, il monta à cheual sur les
dix heures du matin, pour aller au deuant, & ayant
appris pour quel sujet elle y venoit, dit à plusieurs
Officiers, qui l'accompagnoient, qu'ils se retirassent,
& qu'il ne vouloit pas que personne l'accompagnast
& sortant de ladite ville d'Arras par la porte de
Rouville, l'Officier qui commandoit la garde, luy
demanda, qui il luy plaisoit qu'il laissast entrer de
l'Armée; Il luy respondit, laissez entrer tous les hon-
nestes gens, ie ne suis plus Gouverneur d'Arras. Et
sans autre compagnie que d'un seul lacquais, il alla
trouuer ledit Sieur de la Milleraye à l'Abbaye d'A-
uesne, distante de la ville de la portée du canon, où
ayant mis pied à terre, l'alla trouuer dans la salle. En
entrant, ledit Sieur Marechal luy dit, Monsieur de
Saint Preüil, j'ay ordre du Roy de vous arrester: il
luy repartist, Monseigneur ie le sçay bien, C'est pour-
quoy ie viens pour executer ses volonte, ie ne de-
mande que trois heures pour ma Iustification enuers
luy & enuers vous vne seule me suffira, Donnez-moy
vostre

espée, luy dit le Marechal, tenez, la voila, elle n'a jamais tranché que pour le service du Roy.

Pendant que ceci se passoit à l'Abbaye d'Auesne, le Sieur Sobelin, Intendant de l'armée, alla au logis dudit Sieur de Saint Preuil, se saisir & faire inventaire de toutes les parties, escrites, promesses effects, argent, & de ce qui estoit de meilleur, & arrest de Franc Secretaire, Poitier, les deux Vanniers, & Scorion, gardes des magazins, tous domestiques dudit Sieur de Saint Preuil, lesquels ont vouloit seulement faire servir au procez de leur Maistre, puisque incontinent apres la mort on les eslargit tous purement & simplement.

En ce temps on fit battre aux champs pour son Regiment de gens de pied, composé de trente compagnies, & commandement fut fait à son Regiment de Caualerie de monter à cheval, pour tous deux sortir de la ville, sans aucun delay : Les Regiments des Gardes & de Piedmont furent mis en bataille dans les plans d'armes iusques à ce que les susdits deux Regiments fussent sortis : Et le Regiment de Caualerie de la luzerne, qui y estoit arriué quelques iours auparauant, prit place de celui de Saint Preuil.

Estant ainsi arresté, il fut laissé à garde du Sieur de Mance, enseigne des gardes de son Eminence, qui avec lesdits gardes, & celles du Sieur de la Milleraie, l'amenerent enuiron vne heure apres midy dans vn carrosse à Arras au logis du Sieur du Plessis Beliere, Lieutenant pour le Roy dans ladite ville, où il fut mis dans vne chambre, iusques enuiron sur les six heures du soir, qu'on le mena à Saint Vaast, où il fut gardé durant trois iours, attendant les ordres du Roy.

Le

à deux, & ainsi sortirent de la ville : Mais comme le dit Sieur de Saint Preüil sçeut, que les gens estoient en cette posture, il dit à vn de ses amis, qui estoit près de son carrosse, qu'il le fist parler à Monsieur le Marquis de Gesures, lequel s'estant approché luy dit, Monsieur, mes gens ne sont pas coupables, ce qu'ils ont fait n'a été que par mon commandement, ie m'estonne bien qu'on les traite, comme on feroit les plus grands criminels de la terre, cela est bien horrible à des gens, qui se sont faits estropier pour le seruice du Roy, parlant du Poirier, qui auoit eu la jambe fracassée d'une mousquetade, de laquelle il n'estoit encore guery ie vous prie de voir Monsieur le Grand Maistre, & le prier de les faire délier, ce qui fut fait aussi tost.

Le carrosse estoit escorté de soixante gardes de son Eminence, qui alloient deuant, & autant de Monsieur le Grand Maistre qui alloient derriere, lequel Sieur Grand Maistre n'estoit pas loing, accompagné de grand nombre de Gentils hommes & Officiers de son armée.

On prit le chemin de Corbie, où l'on arriua des le trois heures apres midy, ayant marché tous d'une traite. A la sortie du carrosse le Grand Maistre s'y rencontra, pour dire à Dieu à son prisonnier, & luy dit, Monsieur de Saint Preüil, bien que vous croyez, que ie ne sois pas vostre amy, si est ce, que ie vous le veux monstrier en ceste occasion en foy d'homme d'honneur; ie vous seruiray de tres bon cœur, vous pouuez vous assurer, & auoir confiance en moy : A quoy il respondit, Monsieur, ie vous en resteray obligé. Le Sieur de Hodencourt Gouverneur de Corbie vient saluer ledit Sieur Grand Maistre : auquel il dit, Monsieur ie ne doute point que

que Monsieur de saint Preuil n'ait sujet de concevoir vne bonne esperance de son salut, puisque vous estes celuy qui l'avez arresté : Car ayant esté son Preuost, vous ne voudriez pas estre son Bourreau, & ie vois que vous serez son intercesseur. C'est ce qui me console dans le regret que j'ay de la disgrâce de ce grand guerrier, dont ie deplore le malheur : Mais le Roy reconnoistra le seruice qu'il luy a rendu . & qu'il est encore capable de luy rendre. Alors ledit sieur Grand Maistre partit pour s'en aller à Chaillone où sa femme l'attendoit.

Le sieur de saint Preuil demanda à parler en particulier à son Secretaire, ce qui luy fut accordé. Ledit Secretaire a rapporté qu'il luy dit : Hé bien de Franc, que sera-ce de moy ? Monsieur, vous estes perdu, luy répondit-il : Qu'est-ce que j'ay fait, ie n'ay iamais fait tort à personne ! Car pour l'affaire de Bapaulme, tous ceux qui sçauant ce que c'est de la guerre, aduouèront, que c'est la faute du gouuerneur, & non pas la mienne, le Trompette n'ayant paru qu'apres le combat. De France, adiousta, Monsieur tenez vous asseuré que Monsieur le Cardinal vous abandonne, puis que les mesmes Gardes seruent à vous conduire en Prison. Il luy repartit, ie ne le croy pas : Cela n'est que trop certain, repliqua de Franc, & de la façon qu'on y procede, c'est fait de vous, sans ressource ; Car quand vous auriez attenté à la personne du Roy, on ne sçauroit s'y prendre avec plus de rigueur, & pour vous, & pour nous : Ils furent bien vne heure à parler ensemble de diuerses affaires, apres quoy on dit au Franc de se retirer.

Le lendemain vingt-neufiéme Septembre il fut conduit avec la mesme escorte à la ville d'Amiens,

où il arriva sur les dix heures du matin, les trompettes de la ville sonnantes es carrefours & principales rues. Le carrosse arrivant à les plans de la Citadelle le Sieur de Cournillon, Lieutenant d'icelle, s'y presenta avec les ordres du Roy, dont il fit lecture Lors entrant dans ladite Citadelle, ledit Sieur de Saint Preuil, qui tenoit vne canne à la main, la rompit, & la ietta dans le fouffé par cholere, comme par mauvais augure, qu'il ne devoit plus jamais commander, Puis il dit, que l'on portast sa cassette, dans laquelle il y avoit bien vingt deux mil liures chez les Medecin du Moulin, ce qui fut fait, mais peu apres on la vient retirer.

Le prisonnier fut mis dans le logis du Roy, au tour duquel on travailla incessamment à faire vne vne grande & forte pallissade de dix-sept à huit pieds de hauteur, & esloignée de sept à huit pieds de la muraille dudit logis.

Dans icelle entroit tous les iours en garde, vingt Suisses, comme dans la chambre dudit Sieur de Saint Preuil vne escouade des gardes, commandées par le Sieur de Guerriuel, Enseigne des gardes du corps du Roy, outre vne compagnie de soldats de ladite Citadelle, qui montoient chaque iour en garde es environs de ladite pallissade.

Deux ou trois iours apres'il demanda à voir ledit Medecin du Moulin pour raison de quelque indisposition, mais on luy refusa, disant, qu'il y avoit le Medecin ordinaire de la Citadelle, de qui il fallut qu'il se servist.

En ce temps le Sieur de Belleiamine, Intendant de la Iustice en Picardie, receut les ordres & la commission pour faire & parfaire le Procez audit Sieur de Saint Preuil, Elle portoit de ce faire assister de
Juges

Juges Presidiaux d'Amiès & d'Ableville, & du Lieutenant General de Montreuil sur mer, pour faire la charge du Procureur du Roy en cette commission. En execution de laquelle, ledit Intendant & ledit Procureur du Roy, se transporterent à Arras, pour informer, où apres auoir fait assembler les gens du Conseil d'Artois, de l'Escheuinage, de la Gouvernance, & les plus notables Bourgeois, il les harangua, & pour conclusion les assura, que le tyran ne reuerroit iamais Arras, pourquoy ils ne deuoient craindre de venir librement faire leurs plaintes Il enuoya aussi informer à Doulens, où ledit sieur de saint Preuil auoit esté deux ans Gouverneur, & assignations à tous ceux, qui voulurent estre ouys, tant audit Arras qu'à Doulens, à certains iours, pour estre recolez & confrontez audit sieur de saint Preuil dans la ville d'Amiens, où en effet vint vn grand nombre desdits tesmoins, tous estoient logez en la maison, où pend pour enseigne l'Affiquet, où ils estoient défrayez aux despens du Roy.

Ledit sieur de Bellejamine fut par plusieurs fois en la Citadelle, pour prendre les interrogatoires de l'accusé, & luy confronter lesdits témoins, mesmes pour vne apres disnée luy en recola & confronta vingt-sept, ce qui obligea ledit sieur de saint Preuil à luy dire, qu'il voyoit bien qu'il le vouloit perdre, de luy faire paroistre vne si grande quantité de visages, qu'il n'auoit iamais veu ny conneu. & luy reprocha, qu'il ne faisoit escrire, que ce qu'il faisoit contre luy, & ne vouloit qu'on parlast de ce qui seruoit pour sa iustification.

Le Vendredy huietiesm iour de Nouembre. 1641 le dit Sieur de Saint Preuil fut mandé à la Chambre criminelle du Baillage, pour estre ouy par la

bouche , sur les cas qui ont cité à luy imposez

Il fut mené dans vn carrosse , accompagné de vingt mousquetaires, & de six des gardes du Corps du Roy , & conduit dans ladite chambre , où il trouua douze Conseillers d'Amiens , & autant du Presidial d'ableuille , de tous les deux les premiers , & les plus anciens , auxquels presidoit ledit Sieur de Bellejamine , & où estoit aussi le Procureur du Roy de ladite commission. Ceux du Presidial d'Amiens le Dimanche precedent sur vne lettre, que leur auoit escrit à vn chacun d'eux ledit Intendant , & tan dis qu'ils furent à Amiens , ils furent défrayez , & traitez splendidement à ladite hostellerie de l'Assiguet, aux depens du Roy , à la diligence de son Procureur en cette commission.

D abord que l'accusé fut entré en la chābre, apres vne grande reuerence à ses Iuges , interpellé de s'asseoir sur la Sellette , qui auoit esté couuerte de tapisserie , il fit response , qu'il n'auoit iamais deseruy le Roy, & qu'il n'y auoit Gentil-homme en France, qui se fût porté plus ardemment à le seruir , que luy, & s'estant assis sur ladite Sellette, il ny demeura guere, ains pour parler avec plus d'action , & ayant dessein de faire voir de pres audit sieur Intendant les Lettres, Ordres , Instructions, & pieces iustificatoires en vertu desquelles il auoit agy , se leua , & dit qu'il se tiendrait debout, s'il plaisoit à Messieurs , ce qu'il fit durant quatre heures entieres , son chapeau à la main, & lors qu'il fut sommé de prester serment de dire verité il respondit, cūy Messieurs, ie vous la diray, puis que ie suis obligé par le bon heur que i'ay & quoy qu'indigne , de receuoir oujourd'huy mon Sauueur. Il est à noter qu'il l'auoit encore receu le iour de la Toussainde , dont il estoit long-temps en
suspens



gens de condition, que par le continuel passage des armées & gens de guerre, ce qui luy estoit absolument nécessaire pour viure & subsister selon la qualité & la condition, dans laquelle il auoit plu au Roy le placer. Aussi a-on bien veu par le peu d'argent, qu'on luy a trouué, qui n'est pas suffisant payer le quart de ses debtes, que tout ce qu'il faisoit, n'estoit que pour la gloire, & le seruice du Roy.

Les Iuges se trouuent bien interdits, voyans le plein & absolu pouuoir, qu'on luy donnoit par plus de trente missiues, qui luy auoient esté escrites en diuers temps, depuis trois ans tant par le Roy, que par son Eminence, & par Monsieur de Noyers, pour lesquelles faire voir à la cōpagnie, il s'approcha dudit Sieur de Bellejamine, les leur tout haut, & les luy mit entre les mains : Il se deffendit si bien de l'affaire de Bapaulme, qui estoit au dire de la gazette le seul sujet pour lequel on l'auoit arresté, qu'il en fut trouué innocent, & de fait, n'en est rien porté en sa sentence de condamnation, qui se verra cy-apres.

Pour les crimes dont il estoit chargé par les informations faites à Dou lens, il dit, qu'il ne falloit rechercher sa vie, que depuis, qu'il estoit Gouverneur d'Arras, & qu'ils constoit par les lettres de provisions dudit Gouvernement, dont il auoit pleu au Roy l'honorer & reconnoitre ses seruices qu'il luy auoit donné abolition de tout ce qui s'estoit passé auparavant, tant audit Dou lens qu'ailleurs & sur ce produisit lesdites lettres de provision.

De tous les autres faits, dont il estoit accusé, imposa & fournit de si puissantes deffences pour sa justification, que si lors on fut venu aux aduis (comme il sembloit que l'ordre le requeroit) pas vns de
ses

ses Iuges ne l'auroient put estre , condamné à la mort : C'est pourquoy on remit le iugement au lendemain , & lors ses amis commencerent à desesperer de son salut , quasi personne de ses commissaires n'ayant esté veu sortir sans auoir les larmes aux yeux non plus que sans admirer son iugement, sa memoire, son eloquence, sa bonne grace, mais sur tout son mal heur.

Il fut ramené en la ciradelle par les mesmes gardes , & la mesme voye , qu'il auoit esté amené à la chambre.

Ce fut alors qu'il se mit serieusement à penser à sa fin, fit son testament, qu'il escriuit tout entier, & signa de sa main, le ferma & cachetta de ses armes, & le cōsigna entre les mains du Pere Dom Bernard de Saint Iean , Religieux Feuillant, entre les mains duquel ledit Sieur de Saint Preuil des le commencement de sa prison auoit aussi cōsigné , & entièrement abandonné sa conscience, avec tant de bonheur , & vn si bon succès , que tout le monde vid avec admiration vn si prodigieux changement en ce fameux guerrier, qui n'ayāt iamaïs auparauant quasi reconnu d'autre diuinité que son espée fit paroître à cette derniere heure des sentimmes si deuots, contraire à son humeur , & à ce qu'il auoit esté auparavant : ils s'entretiendrent quasi toute cette derniere nuit des choses de l'eternité, le Pere ayant soin de luy faire faire souuent des actes de vertu d'humilitez, & de soubmission à la volonté de Dieu, se mettant tantost à prier tantost à prendre quelque bonne pensée de quelque liure de deuotion, à quoy il s'estoient souuent exercés depuis sa detention.

Il est à noter , qu'on ne permit à aucun , ny des parens , ny des amis de l'accusé , de solliciter pour

luy. Le Cheualier d'Ableville, sont Frere, estant arriué à Amiens pour ce faire, eut ordre d'en sortir promptement. Ledit Medecin de Moullin, eust aussi sa maison pour prison. Cependant ledit Sieur de Saint Preüil escriuit plusieurs lettres, tant au Roy, à son Eminence, qu'à Monsieur de Noyers, mais on n'en laissa sortir aucune hors de la Citadelle; en vain en attendoit ils les reponses & les effets.

Le lendemain Samedy neufiesme, à sept heures du matin, les Commissaires s'estant assemblez pour le iugement du Procez, le Procureur du Roy de la commission se leua, & plaida beaucoup de choses, pour attenuer & destruire toutes les iustifications dudit Sieur de Saint Preüil, & afin de ne rien obmettre, (contre les formes ordinaires du criminel) produisit & fit lecture d'une grãde piece d'escriture en forme de contredits, pour respondre à tous les moyens par luy proposez, mesme contredire aux lettres, ordres & autres pieces iustificatoires mises en auant le iour precedent par l'accusé, & soustient par un grand nombre de passages & autoritez recherchées que par la rigueur des ordonnâces il étoit digne de mort : à quoy il conclud. L'Intendant qui estoit de mesme aduis, prit la parole, & encherit sur tout ce que l'autre pouuoit auoir dit, nonobstant quoy, le Lieutenant General d'Amiens, rapporteur du procez, ne laissa d'opiner à la prison seulement, que le condamné tiendrait, tant, qu'il plairoit à sa Maiesté, soustenant, que le moindre de ses seruices estoit suffisant d'effacer les plus enormes de ces crimes, dont il estoit chargé: Opinion, qui ne fut plus tost proferé, qu'elle fut releuée, & ainsi dire, baffouée par le dit Intendant : A quoy ledit Sieur rapporteur respondit generalement, que sa vie, ses enfans, &

ses

ses biens estoient au Roy , mais que son ame & sa conscience estoient à Dieu, qu'au plus iuste d'icelle il auoit dit son opinion , & que qui que ce fust , n'estoit capable de luy rien faire faire au contraire: L'Intendant se retournant vers le President Paschar d'Ableville , luy demanda son aduis , qui fut à la mort, & ainsi des autres, guidans la pluralité, opinerent pareillement à la mort.

Aussi tost que le dictum fut dressé & signé, c'estoit enuiron l'heure de midy, la plupart des Iuges sortirent de la Chambre, & se retirerent. Alors l'Intendant demanda où estoit le bourreau , & sur ce que quelqu'un eslez legerement luy eust dit, qu'il croyoit qu'il n'estoit pas en ville, il enuoya querir le sieur de Lettre de Villainecourt, Procureur du Roy d'Amiens, auquel il demanda, où estoit le bourreau, & pourquoy il n'auoit donné ordre qu'il se trouuast là, lequel luy fit response, que cela n'estoit du dub de sa charge, & que quand bien il en seroit, que le Procureur du Roy de la commission y deuoit auoir pourueu: A quoy ledit sieur de Bellejamine un peu esmeu, repartit, vous en respondrez au Roy, & vous feray quitter la robbe: Je ne vous crains pas, replique ledit Procureur du Roy, ie suis homme de bien, & ne tiens ma robbe que du Roy mon Maistre. Comme ils estoient en ces contestes, ledit Intendant eut nouuelle que l'executeur n'estoit pas loing.

Il fut quelque temps contesté du lieu, où se feroit l'execution, ayant esté proposé de la faire dans les plans au deuant de la Citadelle, où auoit esté en six cens trente huit executé Monsieur de Hencourt, mesme à cét effet auoit esté rapissée & meublée vne chambre dans le logis du lardin du Roy, mais

mais il fut arresté, que ce jeroit en la grande place de l'Hostel de Ville, afin que le iugement estant prononcé au condamné dans ledit Hostel de Ville, il n'eut pas loin à aller à l'eschaffaur.

Crainte d'emotion, les portes de la Ville furent fermées, & les quatre compagnies priuilegiées commandées pour garder les auenuës de la place, où se deuoit faire l'exécution, & huit iours auparauant icelle; le regiment de Champagne fut encore en garnison aux faux bourgs de ladite Ville. Il faudroit vn trop long discours, pour exprimer, & rapporter icy tous les bons sentimens, ausquels le genereux Cauallier s'exerçoit, durant tout cecy, & les d'splaisirs inconceuable, qu'il tesmoignoit ressentir d'auoir cy deuant touiours plus aymé les hommes que Dieu, en preferant leur seruice au sien, en comparaison duquel, il reconnoissoit, que tous les plus grand Monarques de la terre sont moindres que les plus petis atomes de l'air. Et c'est ce qui donna peut estre, lieu au reparties, qu'il fit à son confesseur, quand on le vint aduertir que ses Iuges le demandoient encore: Mon Pere, luy dit il dit, ie m'en vais à la mort, allez Monsieur, allez, suivez Iesus Christ au Caluaire, repliqua le Pere; Ah Mon Pere, luy dit-il, il y a bien de la difference, ie l'ay bien meritée cette mort, du moins selon Dieu, mais selon les hommes, ie ne deurois pas mourir pour les fautes, du moins dont on m'accuse, mais bien selon, Dieu pour celles qui sont seulement conuës de luy, de vous, & de moy, sa volonté soit faite en la terre, comme au Ciel, il me fait plus de graces, que ie ne merite, il veut aujourdhuy changer les honneurs passageres que i'ay possedées pour vn temps, en des recompenses eternelles qui ne changeront plus.

Il fut conduit du lieu de la prison dans la chambre du conseil de l'Hostel de ville, dans son petit carrosse, où estoient avec luy le Sieur de Guerriell, & son nepveu, suiuy & accompagné, & tant desdits gardes du Corps, que des Suisses, ensemble des Archers de la Ville de robbe courte, & de la Mareschaussée.

Mettant pied à terre hors du carrosse à la porte de l'hostel de Ville, il prit congé dudit Sieur de Guerriell luy disant hautement, Monsieur, ie vous prie de dire au Roy, & à Monsieur le Cardinal, mon maistre, que ie meurs leur tres humble Seruiteur, vous en direz autant, s'il vous plaist à Mr. le Grand Maistre, & à monsieur de Noyers, & direz à Monsieur le comte de Noges, qu'il se souuienne de prier Dieu pour moy, ie le luy rendray en Paradis si Dieu me fait misericorde, comme ie l'espere.

Ledit Sieur Guerriell, apres luy auoit la reuerence, se retira, pleurant à chaudes larmes n'ayant voulu se trouuer à l'exécution, quoy que ledit Sieur Intendant l'y eust voulu obliger, pourquoy ils eurent quelques paroles ensemble.

Il fut donc laissé entre les mains du Preuost des Marschaux, & de ses Archers, qui conduisirent dans la Chambre du Conseil dudit Hostel de ville: En passant au trauers de la garde sale, il osta son chapeau, & salua fort courtoisement quantité d'honnestes gens, qui y estoient pour voir ce qui se passeroit. Il estoit vestu d'un habit de drap gris, vn peu brun, le manteau de mesme, double de pareille estoffe, le tout vny, sans aucune façon, ny aucun passement, estans celuy, le mesme qu'il auoit le iour qu'il fut arresté, n'en ayant pas changé depuis ce temps-là son chapeau estoit noir avec vn cordon d'argent trait.

Vn

Vn peu apres qu'il fut entré dans ladite chambre son Confesseur y arriva , qui se mit aussi-tost à reprendre les discours de deuotion ; desquels il auoit conſtume d'entretenir ſon eſprit : Dans ce pitoyable acceſſoire comme ils ſtoient debout au feu , voicy le Sieur de Belſaminc, avec le rapporteur, & huit ou dix de ſes Commiſſaires, tant d'Amiens que d'Ableville, ſuiuſ de Monſieur Gaudon, Greffier criminel du Baillage d'Amiens, ce qu'ayant eſté apperceu par le Pere Feüillant, il ſe retira avec ſon compagnon dans vn coin de la chambre. Le Sieur de Saint Preüil fit vne profonde reuerence à ſes Iuges , & demeura debout & nuë teſte , le dos tourné à la cheminée. Ledit Sieur Intendant fit ſigne au Greffier de luy lire ſa ſentence.

Veu le Procez extraordinairement inſtruit à la requête du Procureur du Roy à Meſſire François de Taſſac d'Ableville, Sieur de Saint Preüil, Mareſchal des champs & armées de ſa Maieſté, cy-deuant Gouverneur des Villes & citez d'Arras , à preſent priſonnier dans la Citadelle d'Amiens, accusé de concuſſions, volleries, & exactions, ſur les ſubieſts du Roy, leuées & impositions de deniers, tant ſur les villages, qu'aux portes de ladite ville, oppreſſions & violences à l'endroit des Officiers de Juſtice, excez outrages commis contre ceux qui ont eſté propoſez aux affaires de ſa Maieſté, de l'homicide commis en la perſonne de Fleury Guillain Menuiſier, & autres crimes contre & au preiudice de ſa charge, & du ſeruiſſe du Roy, lettres patentes & commiſſions de ſa Maieſté, donnée en la Ville d'Amiens le trentième Septembre dernier, par leſquelles il nous eſt mandé de faire & parfaire le Procez aud. Sieur de ſaint Preüil & proceder inceſſamment à l'inſtruction & iugement d'iceluy.

d'iceluy, souverainement & en dernier ressort, appelez avec nous les Presidens d'Amiens & d'Ableville memoire mis en nos mains de la part de sa Majesté, contenant lesdits faits & accusations, charges, & informations par nous faites es Villes d'Arras, Doulens, & Amiens, des deux, trois, & quatrième Octobre dernier, autre Information faite par le Sr. Lieutenant Criminel d'Amiens Commissaire subdelegué à cét effet, tant dans ladite ville de Doulens, que Bourgs & villages voisins, interrogatoires du sieur de saint Preuil, contenant ses confessions, dénégations, recolements & confrontations de témoins ouys esdites Informations, avec les conclusions des gens du Roy, apres que ledit sieur saint Preuil mandé en la chambte du Conseil a esté ouy sur la Sellette, paravant procedé au iugement du procez, tout considéré: Nous par iugement souverain & en derniers ressorts, auons déclaré ledit François de Iassac, d'Ableville, Sr. de saint Preuil deuëment atteint & conuaincu des cas à luy imposez, & pour reparation condamné ledit de Iassac à auoir la teste tranchée sur vn eschaffaut, qui sera pour cét effet dressé en la place denant l'Hostel commun de cette Ville, ses biens acquis & confisquez au Roy, sur iceux prealablement pris la somme de vingt mil liures, applicables, moitié en œures pies aux Hospitiaux d'Amiens, d'Ableville, d'Arras & Doulens, & l'autre moitié aux reparatiōs des sieges Royaux desdites Villes, & autre somme de trente mil liures, pour estre employez à la restitution des deniers pris & leuez, & autres pertes souffertes par les communautez, & particuliers, pillez. & ruinez par les ordres & commandemens dudit Sieur de Saint Preuil. Donné à Amiens, prononcé & executé le neuvième

hiesme Nouembre, mil six cens quarante vn.

La sentence ne luy fut pas prononcée suivant la teneur, mais seulement fut dit pour les cas mentionnez au procez sans en exprimer aucun.

Après la prononciation, ledit sieur de saint Preüil salua pareillement ses Iuges avec le visage le plus serein & égal qui se vid en telle occurrence, leur disant ; Ah Messieurs j'ay bien plus offensé Dieu que les hommes, ie vous remercie, Messieurs, de m'auoir donné vne si douce sentence, je prietay Dieu pour vous. Les Iuges sortirent, & se retirèrent dans la chambre des Iuges Consuls, proche de ladite grande salle, où ils demurerent iusques apres l'exécution. Lors son Confesseur s'approcha de luy, & luy l'embrassa tendrement, dilant, ha! mon Pere, prions Dieu. Ils se mirent donc à genoux deuant vn Crucifix, & reciterent les Litanies de la Vierge, & puis aprer s'estre reconcilié, ils se leuerent, & tout en se promenant dans la chambre, le Pere luy fit faire plusieurs actes de charité, de contrition, & de resignation au bon plaisir de Dieu, il luy disoit, mon Pere, c'est grand cas que Iesus Christ ait apprehendé la mort, & moy que ie n'en ait aucune apprehension, & que ie ne sois quasi point esmeu de ce qu'on me vient de lire, tâtez moy le poux, mon Pere, ie vous prie, & luy ayant pris la main, le Pere en effect ny sentit aucune émotion extraordinaire.

Comme il se fut retourné, il apperceut venir à luy vn ieune homme, qu'il ne connoissoit point, il demanda qu'il estoit, & luy, respondit, qu'il estoit l'executeur. Hé bien mon amy, est-il temps? non pas encores Monsieur, luy dit l'executeur, mais c'est la coustume de lier les condannez apres la prononciation de leur sentence : Mon amy, luy dit-il, il n'est

n'est besoin de me lier n'aye pas de peur ie ne te feray pas de peine ; ie ne suis plus Saint Preüil , mais vn agneau. Puis ayant vn peu pensé à par loy toutes-fois , dit-il ; Iesus-Christ fut bien lié , c'est la raison que ie le sois aussi , & en mesme temps presenta les mains mais l'executeur luy dit, qu'il feroit à propos auparauant d'estre lié d'oster son pourpoint, ce qu'il fit fort volontiers Puis ayant donne les mains , ne m'estrains pas, dit-il ce n'est que pour la forme, ie ne te donneray pas de peine : l'executeur le lia doucement , & luy mit sur les mains vn grand mouchoir à dentelle, par dessus lequel il luy bailla le Crucifix : apres il luy dit, mon amy, mets toy vn peu à genoux & montre-moy la posture, en laquelle il faudra que ie me mette tantost, ce que fit le bourreau, & luy dit, Monsieur, il faudra vn peu escarter les genoux, & allonger ainsi le col, puis l'ayant considéré, le fit leuer, & s'estant mis luy-mesme à genoux en sa place, luy dit, regarde. si ie seray bien de la sorte : l'executeur ayant dit qu'oüy , hé bien, dit-il, ie ne manqueray pas, ie te prie, de ne me point manquer aussi.

S'estant leué, le bourreau luy dit , qu'il estoit besoin de defaire ses cheueux, auquel effet ledit Sieur Saint Preüil demanda son valet de chambre, mais il n'auoit garde de venir, parce que l'on l'auoit retenu prisonnier dans la citadelle ; L'on fit venir au lieu le garçon d'vn Chirurgien, lequel ne coupant pas ses cheueux assez promptement à son gré, dit au bourreau, qui estoit debout à regarder, mon amy travaille, afin d'auoir plustost fait, mon Sauueur Iesus-Christ a bien esté abandonné entre les mains des bourreaux, il n'y a plus maintenant de des-honneur d'en estre touché. Cela estant acheué, il dit au compagnon Chirurgien, mon amy, ie voudrois auoir de

l'argent pour te contenter , mais ie n'en ay pas , ie suis denué de tout : Puis le bourreau luy abbaisla le collet de sa chemise , & luy ayant découuert les espaulles : chercha son manteau pour le luy mettre par dessus, mais ne l'ayant trouué, pour ce que durant ce triste appareil, vn Archer l'auoit dérobé, il luy mit sa casaque par dessus, & son chapeau dessus sa teste, le laissant ainsi auprès du feu entre les mains de son Confesseur, & puis sortit.

Quelque temps apres estant retourné , & le Sieur de Saint Preuël l'ayant apperceu, luy demanda s'il estoit temps, & luy ayant respondu qu'ouy , ils s'acheminèrent au lieu de l'exécution, accompagné dudit Preuost & de ses Archers, en repassant par la grande Salle dudit Hostel de Ville, il salua fort-ciuilement de la test : & d'un œil vn peu moite , beaucoup de gens d'honneur qui estoient bien tristes , attendans la fin, & leur dit d'une façon tres-affable : Messieurs vous prenez de la peine, ie vous en suis obligé , & vous en remercie.

Estant assez proche de l'échaffaut , il y eut vn fol qui l'arresta, luy disant qu'il deuoit auoir eu recours à luy pour obtenir sa grace, à luy qui estoit l'Empereur de tout le monde. Le sieur de Saint Preuël ayant reconnu l'exrrauagance de cet homme , passa outre celuy là le voulant detecher arrester, pour luy continuer sa saillie, en fut empesché par le Preuost des Mareschaux, & les Archers qui le chasserent.

Arrivé au pied de l'échaffaut, & montant le premier échellon, il dit à son Confesseur, hélas mon Pere, si ie n'auois non plus offensé Dieu, que le Roy & Monsieur le Cardinal, mon Maistre , ie n'auois pas sujet d'apprehender de rendre compte là haut, & puis haussant les yeux au Ciel, priez Dieu pour moy, qu'il me fasse misericorde,

Si

Si tost qu'il fut sur l'eschaffaut, il inclina doucement la teste, pour en faire cheoir son chapeau & s'estant mis à genoux, il secoïa la casaque de dessus les épaules. Le bourreau luy dit, Monsieur, vous estes vn peu trop près du bord, vostre teste tomberoit en bas. Lors se retenant, il luy dit ie me mettray, où tu voudras. Puis il alla parler à l'oreille de son Confesseur qui a rapporté, qu'il luy dit ces dernieres paroles, mon Pere, ie crois que l'orgueil me veut accompagner iusqu'apres la mort, il me semble que ie fais gloire d'aller au supplice, duquel ie n'ay ny honte ny apprehension, priez Dieu pour moy, qu'il me le pardonne: cependant on lisoit la sentence, sans qu'il y fit autrement reflexion.

Puis s'estant remis à genoux, fit sa priere, les yeux luy furent baidez, & ayant receu la derniere absolution, & proferant le saint Nom de IESVS & de MARIE, le fil de l'espée luy trancha d'vn seul coup la teste: qui tomba sur le petit eschaffaut, qu'on auoit dressé à cet effet, tout ioignant le grand, enuiron deux pieds plus bas du costé du marché aux volailles. Mais vn clou s'estant rencontré n'auoir point esté bien frappé, & le visage ayant donné dessus, il en fut marqué d'vne petite cicatrice à l'endroit du nez.


Le temps auoit esté le matin assez beau pour la saison, & qui ne montroit aucune apparence de pluye, se mit en tel desordre, que l'on eust dit que c'estoit la fin du monde, vn vent impetueux & horrible se leua, meslé de pluye, gresle & neige si espouuantables, qu'on n'en vit de long-temps vn semblable, comme si le Ciel & les Elemens eussent voulu pleurer & témoigner quelque ressentiment de la perte que la France faisoit d'vn si grand Capitaine la fleur de son aage, car il n'auoit que quarant-c


ans , & notamment la Picardie , dont il sembloit estre le protecteur & le bouclier dans le sein de laquelle l'enuie plustost, que le crime l'auoit condamné a mourir. Le facheux temps qui commença sur les deux heures continua dans la violence de l'orage si longuement , qu'à peine pust-on prendre vn demy qu'art d'heure, sans pleuuoir, pour faire l'exécution qui fut sur les quatre-heures du soir.

Après laquelle, le bourreau, despoüilla le corps bié promptement & s'enfuit. Vne femme de Paris qu'on dit auoir esté autres fois son hostesse monta sur l'eschaffaut avec vn drap mortuaire , dans lequel elle mit le corps & la teste, mais comme on alloit deualer ledit corps & la teste estant retombée sur l'eschaffaut elle la prit & la mit en sa robe & estant descenduë elle la remit dans ledit drap avec le corps qu'on mettoit dans vn carrosse qui l'emporta dans la maison du susdit Medecin de Moulin , qui auoit esté bon amy au deffunt. Vn grand nombre de personnes de condition furent luy donner de l'eau benite , ce soir & le lendemain Dimanche auquel iour ledit Medecin le fit enbaumer, recoudre la teste au tronc , & puis le mettre dans vn cercueil de plomb, couuert d'vn drap de velours noir , & ainsi fut porté à sept heures du soir en vn carrosse dans l'Eglise des Peres Feüllans dudit Amiens où il est enterré en la Chapelle de la Vierge , sauf, le cœur qu'on dit auoir esté reserué par ledit Medecin, pour estre porté en son pays pour la consolation de ses parens

SON EPITAPHE.

Qui que tu sois, O passant, arreste icy tes yeux & tes pas, & considere dans ce tombeau celuy de l'esperance humaine Saint Preuil, grand de naissance, & plus grand encore de courage, nous monstre par son malheur, que les grandeurs du monde n'ont rien d'assuré, que leur ruine. Il est mort, c'est un accident, qui doit t'obliger à resplandre au moins quelques larmes sur le lieu qu'il a mouillé de son genereux sang : Mais il est mort, couronné de cent belles actions, c'est un bon heur qui t'oblige à luy porter envie : Rez, Carignans, Castelnaudari, Corbie & Arras, furent les monumens de sa Gloire. Amiens est le tesmoin de son trespas ? Que cet espouuantable changement te fasse changer de vie. O passant, & te porte à songer, que toute diuinité est impuissante, hors celle qu'il a inuocé en mourant : Eremit dans la consideration des iugemens de Dieu, prie pour son repos, & pour le tien, & que tes vœux obtiennent du Ciel, que sa seconde vie soit plus heureuse que sa premiere.





RELATION VERITABLE DES
derniers entretiens du Roy de la Grande
Bretaigne, avec la Princeſſe Eliſabeth, &
le Duc de Glöceſter, ſes Enfans, le iour
deuant ſa Mort.

*Enſemble les dernieres paroles qu'il a proferées
ſur l'eſchaffant, ou plutost le Theatre de ſa
Gloire eſleué par ſes ennemis joignant ſa
Maison Royale de Vuitehall, le neuf-
vième de Fevrier 1649.*

HISTOIRE XXV.



LE Roy de la Grâde Bretagne étant par l'é-
uie de ſes Ennemis, & detestable malice
de ſes ſujets detenu priſonnier, ſes En-
fans l'eſtâs venu trouuer, il donna premie-
rement ſa benediction à la Princeſſe Eliſabeth, & luy
commanda qu'elle ſe ſouuiſt de dire au Prince Iac-
ques ſon frere, ſi elle le voyoit iamais, que c'eſtoient
là les derniers deſirs de ſon Pere, qu'il ne conſideraſt
plus le Prince Charles ſeulement comme ſon Aiſné,
mais qu'il euſt à luy obeyr comme à ſon ſouuerain,
& qu'ils s'aymaſſent l'un l'autre, & pardonnaſſent
à ſes ennemis. Apres le Roy s'adreſſant à elle,
M'AMOUR, luy dit-il, j'ay peur que vous ne vous en
ſouueniez pas: Pardonnez-moy (reſpondit-elle) ie ne
l'oublieray iamais pendant que ie ſeray en vie: puis
fondant toute en larmes elle luy promit d'en écrire
les particularitez.

Alors

Alors le Roy prenant le Duc de Gloucester sur ses genoux, luy dit, *Mon petit cœur, c'est à cette heure qu'on va couper la teste à vostre Pere ; à ces mots on vit ce petit Prince le regarder fixement au visage, considerez mon Enfant ce que ie vous dis, ils me couperont la teste, & peut-estre qu'ils vous feront Roy, mais prenez garde à ce que ie vous vais dire, il ne faut pas que vous le soyez, tant que les Princes Charles & Jacques vos Freres seront vivans, & croyez qu'ils leur couperoient la teste, (s'il falloit qu'ils tombassent en leurs mains) & enfin aussi la vostre ; c'est pourquoy ie vous enjoins de ne souffrir iamaïs que ces gens-là vous fassent Roy : A quoy l'Enfant repartit en iettant vn grand soupir, ie souffriray plustost qu'ils me mettent en pieces, Ce qui resioüit extremement le Roy d'entendre cette responce quasi contre toute apparence en vn âge si tendre.*

S'adressant encor à la Princesse Elisabeth, il luy dit, qu'il ne pouuoit luy exprimer la ioye qu'il auoit de la voir pour la dernière fois, & qu'il estoit bien aise qu'elle fust veüe là, & qu'encor qu'il n'eüst pas le temps de l'entretenir de beaucoup de choses, neantmoins il en auoit à luy dire qu'il ne pouuoit communiquer à d'autres ; ou les laisser par escrit d'autant qu'il craignoit que la cruauté de ses ennemis ne s'estendit iusqu'à l'empescher de luy écrire, qu'il souhaittoit qu'elle ne s'affligeasse point outre mesure pour l'amour de luy, son trespas deuant estre glorieux, puis qu'il mouroit pour les Loix, & la liberté du Pays, & pour maintenir la vraye Religion protestante, il luy commanda de lire les Sermons de l'Euesque Andreues, la Police Ecclesiastique de Hookers, & le Liure de l'Euesque Laud contre Fisher, qui luy fourniroient dequoy l'affermir en sa

Religion, qu'il auoit pardonné, à tous ses ennemis, & qu'il esperoit aussi que Dieu leur feroit misericorde, & qu'il desiroit qu'elle, ses Freres, & Sœurs leurs pardonnassent semblablement. Luy enjoignant de dire à la Reine sa Mere que ses pensées ne s'estoient iamais esloignées d'elle, & que l'amour qu'il luy auoit porté l'accompagnerent iusq'au dernier soupir: il fit promettre à la Princesse Elisabeth & au Prince Charles de luy rendre toute sorte d'obeyssance, & la chargea d'écrire au reste de ses freres & sœurs qu'il leurs donnoit sa benediction, se recommandant, à tous ses amis. Il leur commanda derechef de pardonner à ses ennemis; mais qu'ils ne se fiasent iamais à eux d'autant qu'ils l'auoient laschement trompé & qu'ils auoient abusé ceux mesme qui leur auoient mis l'autorité en main, aussi bien que leur propres Armes, comme il apprehendoit, mais qu'il ne faisoit point de doute que Dieu quelques iours ne remist son Fils en son Trône, & qu'ils seroient alors plus heureux qu'ils n'eussent osé esperer pendant sa vie: Le Roy assura le Duc qu'il ne luy diroit rien qui ne fust pour le bien de son Ame: qu'il couroit vn bruit que l'armée auoit dessein de le faire Roy, mais qu'il se donnast garde de l'accepter, s'il auoit le salut de son Ame en recommandation, ayant comme il auoit deux Freres qui deuoient marcher deuant luy: c'est pourquoy il luy deffendit expressement sur peine d'estre priué de sa benediction, d'y consentir, si cela ne luy escheoit par les voyes legitimes: qu'il cheminast en la crainte du Seigneur, & qu'il auoit soin de luy.

Le Roy laissa quelques memoires, & instructions au Prince de Galles pour les Gouvernemens du Royaume, & touchant ce qui estoit arriué de plus remarquabl



quable, és differens qui s'estoient meus aux derniers troubles, l'exhortant à la douceur, & à faire toutes ses actions à la gloire de Dieu, d'estre pieux de ne point favoriser aucune factiõ nouvelle, & enfin d'appuyer la Couronne par les vertus insignes, se plaignant à luy de la rigoureuse prison que les desseins ambitieux de ses ennemis & sujets luy faisoient souffrir iniustement, dont il esperoit que Dieu en feroit en temps & lieu vne punition assez exemplaire encor que par des mouuemens d'une charité vraiment Chrestienne, il leur pardonnoit. Il le pria encor de se conseruer dans les veritables maximes de Pieté & d'honneur, & qu'il ne luy māqueroit iamais de Royaume, & qu'un des principaux points de son honneur consistoit à témoigner toute sorte de respect, d'amitié & protectiõ à sa Mere: laquelle par vne magnanimité & patience incomparable auoit beaucoup souffert, le voyant traiter iniustement par des Gens auxquels la synderesse, & horreur interieure de leur crime seruiroit premierement de bourreau, & ne pourroient eschapper à la seuerité des iugemens exemplaires, & que tous ces pretextes deceuant, & ce masque de Religion, dont la rebellion s'estoit emparée s'éuanoüyroient, il luy manda que si la desloyauté de ses persecuteurs s'acheuoit par sa mort, que sa memoire & son nom fussent tousiours graués dans son ame, comme d'un Pere qui l'aymoit, & qui autrefois estoit Roy de trois florissãs Royaumes, que Dieu auoit voulu honorer seulement du droit de regner sur eux, mais aussi trouué digne de souffrir plusieurs indignitez, & vne mort immaturée pour eux, dans les efforts qu'il auoit fait de conseruer les droicts de l'Eglise, l'autorité des Loix, l'honneur de la Couronne, les Priuileges des Parlemens, la liberté

de ses sujets, & de conscience qui luy estoit plus chere & precieuse, que mille Royaumes. Apres tout il s'assura qu'il ne scauroit qu'aller deuant luy en vn meilleur Royaume, que le Seigneur luy auoit preparé, auquel il se recommandoit, & tous les siens, il luy dit Adieu en esperance de se pouuoir rencontrer au Ciel, si ne le pouuoit en la terre.

Apres que le Parlement eût resolu qu'on ne s'adresseroit plus au Roy, & que sa Majesté eût esté plus étroitement reserré dans le Château de Carisbrooke, en l'Isle de Vuigt, il fit plusieurs Meditations sur la mort, & quelques prieres pour son particulier vsage durant le temps de sa captiuité, lesquelles furent mises és mains du Docteur Iuxon, Euesque de Londres immédiatement auant sa mort. Il dit des raisons aussi fort pertinentes à l'encontre de la pretendüe Iurisdiction de la haute Cour de Iustice, erigée par la Chambre des communes, à la deuotion de l'Armée, pour luy faire son procez; lesquelles raisons sa Majesté a voulu estre deliurées par écrit auant sa mort, ne luy ayant pas esté permis de les declarer de bouche pour seruir à sa deffence contenues dans son portrait.

Enfin le Roy de la Grande Bretagne estant conduit sur l'eschaffaut il profera ces dernieres paroles.

Difficilement pourray-je icy estre entendu de personne, c'est pourquoy, (*parlant au Colonel. Thomelinson, vn de ceux qui l'auoient amené au lieu de l'exécution*) Je m'adresseray à vous, & en peu de paroles: Il ne me seroit pas mesme besoin de vous parler, si ce n'estoit que i'estime que plusieurs prendroient occasion par mon silence, de croire que i'aduouë aussi franchement les crimes que l'on m'impute, comme ie subis la peine, & ie tiens ce que ie dois premierement à Dieu, puis à mon pays m'oblige de faire voir à tout le

le monde que ie suis homme de bien, bon Chrestien, & bon Roy, ie commenceray par mon innocence, certainement, ie ne pense pas qu'il me soit beaucoup necessaire d'insister là dessus : car chacun sçait que ce n'est point moy qui ay commencé la guerre contre ce Parlement, & Dieu, auquel ie dois bientôt rendre compte, me sera témoin que ie n'eut iamais dessein de leur rien oster de leurs priuileges : ce sont eux qui ont commencé à me faire la guerre, en commençant par le pouuoir de la Milice qu'ils confessoient bien m'appartenir, mais dont ils trouuoient à propos de me dépouiller : en vn mot on n'a qu'à voir les commissions qu'eux & moy auons deliurées, pour leuer des forces, comme aussi nos declarations, & en quel temps cela s'est fait de part & d'autre, & ie m'asseure que l'on connoistra euidemment qu'ils en sont les auteurs, & non pas moy d'auoir excité ces troubles, de sorte que i'ay esperance que Dieu rendra mon innocence manifeste, touchant ces crimes enormes, dont ie suis accusé : Dieu me vueille garder de dire, & ma charité me le deffend, que les deux Chambres du Parlement sont coupables de tous ces maux, cela n'est pas icy necessaire, ie veux croire que ce n'a point esté leur faute : mais qu'il y a eu de mauuais instrumens entr'eux & moy, qui ont esté les principales causes de tout le sang qui a esté respandu : & de mesme, s'il faut ainsi dire, que ie me sens net de ce peché, ie prie Dieu aussi qu'ils le puissent estre, comme ie le pense, cependant ja à Dieu ne plaise que ie sois si mauuais Chrestien, que de ne pas reconnoistre que c'est iustement qu'il déploye ses iugemens à l'encontre de moy. car souuent il execute les Arrests de sa Iustice, par des sentences iniustes que les hommes donnent, com-

me

me cela se voit ordinairement, & ie le diray seulement la dessus, qu'un Arrest, *Entendant parler du Comte de Strasford, Viceroy d'Irlande*. Mort iniustement prononcé, & dont j'ay souffert l'exécution, est maintenant puny en ma personne par cét autre Arrest iniuste, que je m'en vay subir. Voila ce que j'avois à dire touchant mon innocence.

Maintenant pour vous faire connoistre que ie suis bon, Chrestien, j'espere que cét, *Montrant le Docteur Luxon, qui le consolait*, honneste homme que voila, rendra témoignage que j'ay pardonné à tout le monde, particulièrement à ceux qui sont les principaux Autheurs de ma mort; ie ne souhaite pas de sçavoir quels ils sont, Dieu le sçait, & ie le supplie de pardonner à tous. Mais ce n'est pas là tout, il faut que ma charité s'étende plus loin, ie souhaite mesme qu'ils se repentent, car pour dire vray ils ont en cecy commis un horrible peché, ie requiert mon Dieu, avec S. Estienne, qu'il ne leur soit point imputé, & non seulement cela, mais qu'il luy plaise les adresser dans la droite voye, capable de redonner la Paix à ce pauvre Royaume: car ma charité m'enjoint non seulement de pardonner aux particuliers, mais aussi de ne respirer iusqu'au dernier soupir qu'après la Paix de cét Estat; c'est pourquoy, Messieurs, & j'en vois que quelques uns icy qui le porteront plus loin, sçachez que c'est tout le souhait de mon cœur, qu'ils se portent à procurer cette Paix, & qui est aussi ce que j'espere d'eux. Il faut à present Messieurs que ie vous fasse voir, non seulement que vous vous fourvoyez du droit chemin, mais aussi que ie vous montre de quelle façon il vous y faut rentrer, premierement il est evident que vous n'y estes nullement, car en ce que j'en ay pû reconnoistre la

VOYE

voye que vous avez suivie iusque icy ; c'est la voye de conqueste laquelle sans doute est tres mauuaise, d'autant Messieurs, que selon mon iugement, quelque conqueste que ce puisse estre n'est iamais equitable sans vne cause legitime, & à quelque tiltre qu'on l'entreprene, si vous y passez les bornes, toutes vos pretentiōs rendent enfin iniuste ce qu'au commencement pouuoit auoir de la Iustice; & si c'est seulement par les simples mouuements de conquerir que vous vous y portez ce n'est plus qu'un fameux brigandage, comme disoit autrefois Pirate à Alexandre, lequel reprochoit ses volleries, qu'il n'estoit qu'un petit brigand & luy un grand voleur. C'est donc par là Messieurs, que i'estime que vous estes dans un fort mauuais chemin, & afin de vous en retirer, croyez moy, vous ne ferez iamais rien iustement & n'attirés point la benediction de Dieu sur vos actions, iusqu'à ce que vous rendiez à Dieu, ce qui appartient à Dieu, au Roy, & au Peuple ce qui luy appartient, aussi sçache que i'ay l'interest de ce peuple aussi cher qu'aucun de vous pouuoit auoir.

Vous rendrez à Dieu ce que, vous luy devez, en reddressant selon l'escriture, son Eglise qui est maintenant toute en desordre, de vous marquer à cette heure particulièrement les voyes que vous devez tenir pour c'est effect, c'est ce que ie ne puis faire, ie vous diray seulement qu'il s'en faudroit remettre à un synode national librement conuoqué, lequel apres que les matieres y'auroient esté debatue clairement, & avec la liberte requises pour les suffrages retablirait enfin toutes choses.

Quant à ce que vous devez au Roy, ie ne veux pas vous en entretenir, les Loix du Pays vous en informeront

formeront assez clairement, & comme cela me concerne particulièrement, ie ne vous le dis qu'en passant.

Pour ce qui est du peuple. Certainement il n'y a personne qui ait leur liberté, & leur immunité plus à cœur que moy : mais il faut que ie vous die, que leurs libertez, & leurs priuileges consistent à estre assujettis à vn Gouuernemēt, & à des Loix qui soient capables de leur asseurer la propriété de leurs vies & de leurs biens, & non pas à partager le Gouuernemēt avec le Prince, qui est vne chose à laquelle ils n'ont point du tout de droit. Il y a bien de la difference entre le Souuerain, & ses sujets : de sorte que si vous ne mettés peine à restablir le peuple en cette liberté, dont ie vous ay parlé, ils n'en iouyront iamais d'vne asseurée. C'est pour defendre cette liberté, Messieurs, que ie suis en ce lieu : si i'eusse voulu consentir à vsurper vne puissance arbitraire, qui eut changé les Loix par la force des armées, ie crois que ie ne serois pas maintenant icy : ie vous dis donc que ie meurs le Martyr du Peuple, ie prie Dieu que cela ne vous soit point imputé. Je ne voustiendray pas plus long temps (Messieurs) seulement i'eusse bien voulu auoir vn peu plus de loisir, afin de mieux digerer les choses que ie vous ay dites, mais ie m'asseure que vous m'excuserez.

I'ay déchargé ma conscience : Dieu vueille, & ie l'en supplie. que vous vous mettiez au train qui sera le plus expedient pour le bien de l'Estat, & celuy de vostre salut.

Au reste, Messieurs, ie pense que mes sentimens touchant la Religion sont assez connus de tout le monde ; de sorte que i'auois presque oublié de vous en parler : ie declare donc deuant toute l'Assemblée, que

que ie meurs Chrestien , & selon la profession de
'Eglise Anglicane, telle que l'ay receuë de feu mon
Pere de glorieuse memoire : C'est que le Docteur
Iuxon tesmoignera pour moy. Je defends vne bon-
ne cause, & mon Dieu est vn Dieu misericordieux :
c'est fait , ie ne diray plus rien , *se tournant vers le*
Colonel Hacher , puis vers l'Executeur. Donnez or-
dre ie vous prie que ie ne languisse point, ma priere
sera fort courte, & attendez pour signe, que i'étende
les bras : ie deffend vne bonne cause ; & mon Dieu
est vn Dieu misericordieux : Je m'en vais de cette
Couronne corruptible à la possession d'une Couron-
ne incorruptible de gloire où il n'y peut auoir de
troubles ; non certes aucun trouble du monde.

*Tum caput orantis Domini , nec plura parantis
Dicere, deturbat terra ; truncunque relinquit
Sanctorum scelera manus,*

A S T

*Excidat illa dies æuo nec postera norit
sæcula.*

NOSTRADAMVS CENTVRIE IX. fol. 137.
Quatrain XLIX.


*Gand, & Bruxelles marcheront contre Anuers,
Senat de Londres mettront à mort leur Roy :
Le sel & le vin luy seront à l'enuers,
Pour eux auoir le regne en desarroy.*

HISTOI



*HISTOIRE MEMORABLE ET
tragique d'un assassinat commis en la
Prouinte de Forest, en l'An-
née 1659.*

HISTOIRE XXVI.



ETTE Histoire ne donnera pas moins d'estonnement que les précédentes ; Et comme elle est nouvelle (puis qu'elle est aduenüe depuis peu d'années.) Elle fera connoistre que nonobstant les exemples de ceux qui ayant vescu fort brutalement deuroient faire sages les autres , & les empescher de tomber en semblables fautes : Il y en a tousiours quelques vns , lesquels manquent de bonne conduite , & font de leur vie vne idole d'abomination, digne des plus ignominieux supplices , & vn tableau de deshonneur , pour eux & leurs familles. En voicy vn crayon en cette Histoire qui est fort considerable ; & ceux qui la liront attentiuement, y connoistront que le monde est vn champ semé de bons & mauuais grains ; & qu'il semble que les hommes mauuais sont en plus grand nombre que les bons. Ils y connoistront aussi que Dieu est tousiours tres-iuste , & qu'encore que le pecheur se cache tant qu'il peut pour accomplir son iniquité ; il luy est neantmoins impossible de fuir les yeux de Dieu, lequel connoissant toutes les pensées des hommes, & voyant toutes leurs actions les plus secrettement faites



affaire de si grand avantage pour vous, & pour votre famille ; le crois que vous ne devez pas perdre cette occasion veu que vous ne pensiez pas vne chose mauuaise. Je vous donne ce conseil comme votre grand amy & ie croy qu'il reüssira pourueu que vous ayez vn dessein iuste & sans fraude. A peine le Compere eut il acheué de luy parler ainsi, que le pretendan au bien dudit marchand se voyant obligé par cette responce se resolut de luy descourir son dessein: Et sans penser à ce qui en pourroit arriuer il luy fist ce discours. Pour vous dire tout ce que ie roule en ma pensée. Je veux bien que vous sçachiez que mon voisin estant a marier ie luy veux donner ma fille. Vous n'ignorez pas qu'elle est vne adroite, bien disante, & d'allez bonne grace pour caïoller cet homme, lequel n'est pas trop spirituel, & fait gloire qu'on le caresse. Je ne vois pas qu'elle aye grande difficulté à gagner son cœur. & bien que la mere & les parens de leur famille peut estre y fassent des resistances, ie m'asseure que l'affaire se pourra faire facilement, pource qu'il est assez resolu, & quand il aura reconnu que c'est de tout de bon que cette fille l'aime le voila gagné, sans que ny mere, ny qui que ce soit le puisse faire changer de resolution. Je trouue cela fort bien concerté, dit le Compere, mais puisque vous auez si bien rencontré en vostre dessein ne differrez pas de l'exécuter. Sur cet aduis le Pretendant se resolut a ne point perdre de temps pour voir s'il auroit quelque bon-heur en sa poursuite.

Et premierement il prend a part sa fille pour luy faire la proposition de se marier ; en luy disant, Ma fille vous ne pensez peut-estre pas a ce que i'ay à vous

vous dire. C'est vne affaire secrete que i'ay a vous communiquer, & il est necessaire de n'en parler a personne du monde, afin de le faire bien reussir. Je me suis resolu de vous marier, & le suiet que i'ay a vous proposer est le Marchād que vous voyés si souvent en ma compagnie, nommé Gabriel, vous le connoissiez, & vous luy avez parlé plusieurs fois. Il est vray que ce party est vn peu fort pour vous & pour nostre famille; Mais pourtant il vous seroit bien avantageux s'il pouuoit estre attiré par quelque adresse à vous aimer. Or ie me persuade que si vous entreprenez de le caioller & caresser il pourroit auoir de l'amour pour vous. Et ie me l' imagine ainsi d'autant plus que cette pensée ne donne point de peine à mon esprit, esperant de voir la chose possible. Cette proposition estonna cette fille d'abord à cause que sa condition l'esloignoit de pretendre à ce party. Neantmoins comme elle eut reconnu que son pere luy parloit tout de bon & fort serieusement. Mon pere luy dit elle, cette proposition me surprend pour deux raisons, qu'il vous plaira d'écouter. La premiere est, qu'encore que ie sois d'assez bonne compagnie ie ne me soucie pas beaucoup du mariage, & les disgraces qu'y font m'escontants tant de personnes mariées, donc i'ay la connoissance, m'en oste entierement le desir. La seconde est que vous me parlez d'un homme qui a bien suiet d'aspirer à vne compagnie plus accomplie que moy, puisqu'il passe pour vn homme qui a de grands biens. Ce qui me fait croire qu' aussitôt qu'on luy aura parlé de moy il rebuttera ceux qui en parleront & peut estre prendra-il vn si grand despit contre moy qu'il me fera plus de tort qu'il vous ne voudriez par ses parolles. Neantmoins cor

me vous estes mon Pere , & que vous sçavez mieux les affaires du monde que moy , ie me remets à vostre iugement & à vostre conduite & tout ce que vous m'ordonnerez ne trouuera point en moy de resistance. Le pere rauy de la signation de sa fille poursuit de luy declarer tout son dessein l'instruisant à la fin de tout ce qu'elle auoit affaire pour se rendre aimable à ce Marchand. Ce qui ayant rendu cette fille plus éclairée pour y voir son bon heur & celuy de sa famille, s'étant enfin imaginée que cét homme la pourroit aimer & épouser ; Elle se resolut de le visiter quelquefois & luy dire des nouvelles de ce dont elle auoit ouy parler, & dans cét entretien comme il paroissoit assez complaisant, enfin cela s'estât fait durant deux mois cette fille luy donna tant d'attraits qu'il se resolut de l'espouser. Et l'ayant demandé à ses pere & mere , il luy fut facile d'auoir leur consentement puis que la fille auoit esté instruite par son Pere à ce dessein. Mais comme il sembloit que la mere du Marchand deuoit consentir à ce mariage. Le Marchand entreprend de luy en parler avec vne si grande naïfueté que cette mere reconnut d'abord que l'amour auoit bādé les yeux à son fils, & quand il luy eut nommé la fille qu'il affectionnoit, iamais on ne vit vne mere plus mal à l'aise qu'elle fut de cette poursuite , ce qui la fit fort murmurer contre les parens de cette fille. Puis apres en auoir assez dit à son fils pour luy donner de l'ombrage, & de l'auersion pour cette fille s'il eust esté moins passionné & charmé qu'il estoit d'elle, & voyāt que tous ses discours estoient sans effet , elle eut recours à les parens auxquels ayant fait connoistre la folie de son fils & l'iniure qu'il faisoit à sa famille, on prēd resolution

tion de presenter requeste au Iuge Seneschal de Forest pour empeschier ce mariage. Par le Jugement iédu il fut fait defence à tous Prêtres & Curez du Diocese de les épouser, & sur l'appel interiecté, la Cour ordonna la même chose, au prejudice dequoy le Marchand poursuivant d'estre marié à cette fille; Enfin ayant trouué vn Prestre estranger, il fut gagné de luy pour espouser, quoy qu'il n'eust aucune permission du Curé du lieu où cela fut fait, les voila donc liez & vnis ensemble par le mariage qui merite plustost d'estre appellé rapt. Ce qui fut vne semence de beaucoup de grands desordres qui s'en sont ensuiuis. La mere du Marchand fort affligée de cette malheureuse resolution de son fils, estant deuenue, comme desesperée de cette action, entreprit bien de les faire apprehender l'un & l'autre & de les faire punir selon l'excez de leur crime; mais apres plusieurs poursuites & beaucoup de despence, voyant tous ses efforts inutiles, quoy qu'assistée de ses parés & ses amis assez considerable, Que ne fulmina-elle pas contre eux pour attirer la malediction du Ciel & la terre? Que ie suis malheureuse, disoit-elle, en s'arrachant les cheueux, d'auoir trauaillé tant d'années pour esleuer vn enfant dans l'honneur, & ie vois aujourd'huy qu'il me priue du fruit de tous mes trauaux? Qui auroit dit que cet enfant ingrat eust mesconnu en vn iour tant d'obligations qui le rendoient redeuable à mes soins? où es tu à present desnature, ingrat des faueurs que tu as receues de moy? ne sçais-tu pas que ie suis ta mere qui t'ay enfanté avec douleur, qui t'ay nourry du lait de mes mammelles, & qui pour te conseruer la vie me suis priuée cent¢ fois du sommeil & de mille autres

autres consolations que j'ay quittées pour empêcher qu'aucun accident n'alterast ta santé? Cela s'est fait dans ton enfance. Mais du depuis que n'ay-je point fait pour toy? Sçais-tu bien qu'aucun de nôtre parenté n'a esté esleué avec tant de delicatelle? ie n'ay rien espargné pour te donner vne bonne nourriture, j'ay veillé continuellement sur tes actions, afin que tu eusse de bonnes inclinations, ie n'ay pas souffert en toy la moindre malice, & c'est ô dénaturé fils, ce qui t'a fait d'une humeur douce, traitable, aimable en telle sorte, que ceux qui t'ont considéré sous ma conduite ont iugé que j'auois bien de l'amour pour toy, puis que la peine que ie prenois pour te faire honneste homme ne me fatiguoit point. Qui est-ce qui n'auroit iugé apres tant de soins, que ie deuois esperer de grands seruices, ou au moins de grandes reconnoissances? C'est ce qui fait ma plus grande douleur. Qu'un enfant que j'ay tant flatté, caressé & aymé, aujourduy me donne la mort pour la vie, qu'il a receüe, qu'il m'accable de tristesse apres que ie luy ay procuré continuellement de la ioye; Qu'il me rende inconsolable apres luy auoir amassé de grands biens & acquis toutes les belles consolations de cette vie. Qu'il me fasse paroistre son ingratitude lors que j'attendois de luy ses reconnoissances. Qu'il dispose de sa personne pour le mettre dās vne famille de deshonneur, quoy que ie n'aye pretendu en l'éleuant avec tant de soins, qu'à le faire vn suiet digne d'honorer nostre famille. O Ingrat encor vne fois qui est-ce qui t'a donné ce conseil? sans doute quelque demon qui a entreprit de renuerser le bon estat de nostre famille. Et plût à Dieu que ie ne prophétise pas. Mais il y a grande apparence que ce malheureux

heureux mariage fera de grands desordres parmy nous. Et puis esleuant sa voix, Grand Dieu, disoit-elle, punissez cet Ingrat & tous ses adherans, & ne permettez pas que ie viue quand vostre ire tombera sur ce fameux desnaturez pour luy faire ressentir sa faute. Quelle loy n'a-il point transgressée ? Attends, ô ingrat, les chastimens de toutes parts. Le Ciel a sujet de s'en venger, les Iuges de la terre ne te doivent espargner, & si les parens ont droit sur les enfans ; Il n'y a point de malediction ny de malheur que tu ne d'ue apprehender.

Cette affligée déchargeoit avec Iustice son cœur avec plusieurs autres paroles de mescontentement, quand enfin lassée de tant crier & se plaindre elle fut persuadée par ses bonnes amies presentes de se reposer & de ne penser plus à ce fils ingrat qui de vray auoit bien manqué à son deuoir d'auoir voulu par ce mariage entrer dans vne alliance qui auoit plus de deshonneur que toutes les autres familles du lieu où se traittoient toutes ces malheureuses affaires. Elle creut en se pleignant ainsi obliger quelqu'un d'en faire le rapport à ce fils pour ainsi l'esmouuoir à quelque compassion enuers sa mere affligée. Il en fut bien aduertty, mais on le trouua si peu preparé à cette tendresse, que l'on fut contraint de ne luy dire qu'une partie des desplaisirs de sa mere. Et des lors au lieu de s'adoucir au recit de son affliction, il ne pensa plus qu'à se defaire de cette mere qui luy estoit si contraire. Il n'osa pas pourtant le faire paroistre à personne si tost, mais comme son esprit se rendit cruel peu à peu enuers cette bonne mere, enfin, dans le dessein de se mettre plus en liberté, il fut si auuglé que de parler de cela à son beau pere, en

des termes assez hardis pour l'imiter contre elle. Et en effet comme ils furent quelques iours à s'entretenir de ce qu'ils pourroient faire ; Ce beaupere se resolut de la faire empoisonner par vne seruante avec du sel qu'elle deuoit mettre dans vn potage ; Et si cela reüssissoit il luy promit de grandes recompenses. Dieu voulut alors que cela ne reüssit pas ; Mais pourtant cette affligée estant deuenue inconsolable sur l'ingratitude extreme de son fils , & sur cette mauuaise resolution de la faire mourir ; sa fièvre s'estant augmentée , enfin elle mourut par l'effort de son desplaisir. Celuy qui perdit le plus en cette mort fut le fils ingrat comme vous le verrez en suite de ce recit.

A peine ce beaupere eut la satisfactiō qu'il pretendoit en la mort de cette affligée, qu'il se resolut d'appauvrir son Gendre, s'il ne pouuoit faire pis. Ce qui paroistra à vos yeux par vn iuste iugement de Dieu, lequel ne laisse jamais impuny le crime d'ingratitude des enfans enuers leurs parens. Et pour m'en venir à bout de son dessein , vous voyez dit-il à sa femme, & à sa famille composée de deux enfans, sçauoir vn fils & vne fille qui auoit esté mariée au fils de l'affligée deffunte, qu'il y a longtemps que nous sommes fort peu estimez, à cause du peu de bien que nous auons. C'est ce miserable estat qui vous a fait employer tout l'artifice dont on se peut aduiser, pour rendre nostre estat plus esclattant , & nostre fortune plus heureuse ; Et parlant à la fille nouvellement mariée, c'est de vous ma fille, luy dit-il, que depend tout le bon-heur de nostre famille, le mary que nous vous auons donné a dequoy nous faire tous riches, S'il vous auoit donné des enfans il ne les faudroit

droit pas frustrer des biens de leur pere ; Mais puis qu'il y a apparence que son humeur froide ne vous en donnera pas, si vous ne vous laissez aller à mon sentiment il est fort à craindre que si vous venez à mourir avant vostre mary nous ne perdions toutes nos esperances. C'est pourquoy pour empescher ce malheur, ie serois d'aduis de nous bien vnir ensemble pour executer le dessein que ie me suis proposé à nostre aduantage. l'aurois peine à le dire, si vous & moy n'y estions fort interessez. Il est vray que ce que ie vous vais dire est violent, si vous trouuez quelque douceur pour en oster ce qui semble plus rude vous pouuez le proposer afin de faire le tout pour le mieux. Ce que j'ay donc à vous dire est que pour nous rendre maistres & possesseurs du grand bien de nostre Gendre, ie trouue qu'il est necessaire de le faire mourir, mais auparauant il le faudroit trouuer en quelque faute, afin de mieux couvrir nostre ieu. On peut supposer qu'il traite fort mal sa femme, & avec de l'argent il sera facile de le prouuer par temoins : peut estre qu'en suite on le pourroit emprisonner sur d'autres faits, qu'en dites-vous tous ? La femme de ce mauuais conseiller respondant la premiere, dit qu'il y auoit long-temps, que l'on deuoit auoir executé ce conseil, lequel elle trouuoit si excellent, que si l'on tardoit de le mettre en effet, il estoit fort à craindre qu'ils n'auroient rien du bien de leur Gendre. Vous avez raison, dit le fils, puis que nous auons dequoy nous mettre à nostre aise par la mort de ce beau frere, pour moy, ie crois que nous ne pouuons mieux faire que de nous en defaire au plustost, afin que ma sœur ne meure pas la premiere, ce qui nous feroit grand tort. Il n'y a plus que

H h 5

vous à parler, dit le pere à sa fille, qu'en dites vous? N'avez-vous pas le mesme sentiment que nous? d'abord elle eut quelque tendresse pour son mary, ayant de la repugnance à consentir qu'on le fist mourir: Et le pere s'en estant apperceu, le gaigna avec tant de raisons, que son artifice luy fit inuenter sur le champ, qu'elle se rendit à ses volontez. La mere même y adjousta de son chef tant de sortes d'argumens pour luy oster sa tendresse, que cette fille s'estant laissée persuader, se despoüilla de toute humanité & tesmoigna qu'elle estoit de leur aduis, & qu'elle y contribueroit aussi hardiment son courage que tout autre. Ce detestable dessein étant resolu, on y proceda ainsi pour l'executer. Premièrement la fille, femme de celuy sur la vie duquel on attente, est fort sollicitée de se plaindre de son mary, contre lequel elle aduertit les parés du mauuais traitement qu'il luy faisoit: puis apres par leur conseil elle le declara à la Iustice comme vn grand criminel; disant de luy, que sa detestable vie la faisoit à tous momens apprehender la iustice, veu qu'il ne couersoit qu'avec des volleurs, des faux monnoyeurs & des perdus, & qu'il participoit à toutes les mauuaises actions qui se faisoient au pays. Et cette artificieuse, en disant cela, animoit tellement son discours, que l'on y donna de la creance, en sorte que par ordre du Iuge, il fut arresté & mis dans les prisons. Admirez, ie vous prie les iugemens de Dieu en cecy, & qui que vous soyiez qui lisez cette histoire, tremblez à cet accident & à tous les autres que vous entendrez en la suite iusques à la fin. Ceux là se trompent qui erfantent le mal, & font la guerre à la vertu. Les yeux de Dieu voyans tout & par tout, il n'y a point de nuit, ny de tenebres

à son esgard ; & tel qui pense estre à l'abry de la justice , & de la punition deuë à ses crimes , n'est pas loing de sa confusion. L'abyfme, dit le Texte sacré, attire vne autre abyfme, c'est à dire, qu'un pecheur & vn homme meschant & iniuste tombe de peché en peché, & enfin se perd pour ne se releuer iamais du deshonneur qui en est inseparable. En voicy vne experience qui vous estonnera. Ce miserable qui fut mis en prison y fut ietté comme vne beste, & quand il y fut mis, il fut abandonné de sa femme & de ses enfans qui le connoissoient. La premiere chose que firent ses ennemis, fut d'enleuer tous les meubles qui estoient estimez trente mil liures, & ayant esté porté chez le beau-pere de cet emprisonné, tous ceux qui y pretendoient participer en firent des réjouyssances comme d'un iour qu'ils consideroient le plus heureux de toute leur vie, ne preuoyant pas ce qui leur deuoit arriuer de malheureux. Quelques iours escoulez en cette réjouyssance, voila qu'un de leurs amis le vient aduertir que l'on murmuroit de l'emprisonnement de son Gendre, lequel on disoit auoir esté ietté iniustement dans la prison. Le beau-pere, assez vif de son naturel, s'estant fait repeter ce qui se disoit, respondit à cet amy, vous m'obligez de vôtre aduis, & si cela est comme vous l'asseurez, ie vois bien qu'il n'en faut pas demeurer là : Et comme il luy estoit fort amy, il eut tant de pouuoir par sa response & par son discours, que l'ayant gagné à luy, il le fit de la partie, d'un dessein de faire mourir son Gendre emprisonné. Cet amy donc assistant au conseil, sur l'execution de ce pernicieux dessein, avec la femme du beau-pere, son fils & sa fille. L'on trouue à propos de tirer de prison cette innocente victime,

pour

pour la sacrifier plus facilement. Et pour l'oster de là, on inuenta cet expedient. Que sur les charges de ce prisonnier, les preuues n'estans pas bien faites, il n'y auoit pas d'apparéce de le tenir là dedans, veu mesme qu'il protestoit qu'estant retourné chez luy, il ne donneroit plus de suiet de plainte, ny à sa femme, ny à ses parens. Cela estant exposé par la requeste on n'eut pas grande difficulté à consentir à son élargissement. Ceux qui l'ont veu sortir de la prison, blâmoient fort, & sa femme & les parens; disant que cét homme sembloit vn deterré, & qu'il paroissoit auoir esté grandement negligé, puis que sa chemise étoit pourrie sur son corps, sans qu'aucun eust eu soin de luy en faire changer depuis six semaines, qu'il fut detenu en prison. Lors qu'il fut mené en son logis, sa femme fit la malade, afin de ne le point voir, & quelque instance qu'il fit pour auoir cette consolation, il luy fut impossible d'auoir cette satisfaction. Son despit en parut si extraordinaire, que tout debile qu'il estoit, ayant esté mal assisté dans la prison, il se battoit la poitrine, & detestant sa vie, & le moment qu'il auoit pris à sème vne si cruelle ménagere. Ha! ma mere, disoit-il, vous auiez bien raison de vous plaindre de moy de m'estre marié sans vostre conseil. C'est sans doute vn demon qui m'a possédé, quand i'en pris la resolution. Mais peut-on estre plus charmé que ie le fus alors? Où estoit mon esprit? quelle fin est-ce que ie pretendois en cette malheureuse poursuite? Non quand i'aurois inuouqué tout l'enfer pour m'assister à faire ce mauuais affaire, ie ne pouuois pas plus mal reüir. I'aduouë que ie vous ay fort offensé, i'aduouë aussi que ie ne pouuois me rendre plus miserable. Sortés de mon
cœur

cœur, sanglots, à qui j'ay eu recours tant de fois depuis ce pitoyable engagement ; Versez, ô mes yeux, des larmes en abondance, pour noyer l'excez de ma tristesse ; Car comme ie ne vois icy personne pour me consoler, ie ne puis que recourir à vous pour mon secours, quoy que ie ne doive & n'aye pas grand suiet d'en esperer de vous. On l'entendit acheuer ce triste entretien en luy-mesme avec quelque compassion au commencement ; Mais enfin la cruauté gagnant le cœur de cette troupe enragée contre luy, il fut enfermé dans vne chambre, où il receut fort peu de secours, sa femme qui negligea de le recevoir en sa maison, luy enuoya du linge, & peu après par quelque sorte de tendresse, l'ayant visité, elle le traita avec vn peu de douceur, laquelle redonna le cœur à ce pauvre affligé. Ainsi ayant perseueré quelques iours, ceux qui en eurent la connoissance, creurent qu'il y auoit grande reconciliation entre eux ; de sorte que l'on ne parla plus de ce qui s'estoit passé. Cependant il ennuyoit fort au beau-pere, & à ses complices de sçauoir que ce Gendre estoit plus vigoureux qu'auparauant. Et soit qu'il craignist que sa femme se laissast vaincre par sa naturelle tendresse, soit qu'il eust apprehension d'estre contraint de rendre tout ce qu'il auoit enleué de ce logis ; ne pouuant plus contenir le transport de son cœur, il entreprit enfin de luy oster la vie, avec l'appuy & le secours de ceux de sa famille, composé de ceux dont il est parlé cy-dessus, auxquels il fit ioindre par la subtilité, & sous des apparences de gain considerable, ce sien amy, & deux seruiteurs, dont l'vn estoit son domestique, & l'autre domestique de son Gendre, lequel il auoit bien sçeu gagner. Tout ayant bien esté concerté entr'eux
ils

ils s'échauffèrent tellement à cette execution; qu'ils eurent peine à se ceder le meurtre, voulant tous y auoir la meilleure part. Le beau-pere, qui animoit les autres, se contenta par son conseil de les prouoquer & y proceder avec prudence (comme si vne mauuaise action pouuoit auoir pour guide cette excellente vertu) Il vaut donc mieux dire avec finesse, de peur d'estre déconuert & d'estre surpris dans cet assassinat. Les autres l'écoutoient comme vn oracle ou comme vn brave Capitaine, qui a grande experience à vaincre ses ennemis, & qui retourne toujours victorieux du combat. De tous pourtant il n'y eut que le frere de la femme du mal-heureux & les deux valets qui entreptirent de le tuer. L'amy du beau-pere se trouua bien avec eux, mais le courage luy manqua, quand il fut auprès de la victime, cette action luy ayant paru trop inhumaine. Le valet même du mal-heureux, quoy que bien resolu se consenta de tenir la seruante, tandis que l'on égorgea leur maistre. Les deux autres donc tous seuls, à l'heure induë au soir, en hyuer, enuiron sur les neuf heures, entrent dans la chambre du malheureux qui estoit au liect, & armez qu'ils estoient d'espées, bayonnettes, pistolets, & mousquetons, ils le percerent de tant de coups qu'il en perdit bientoist la vie. Et ayant reconnu qu'il estoit mort, en presence du beau-pere & de sa fille femme de l'assassiné, de son valet & de sa seruante, ils luy donnerent encore quantité de coups d'espée & de bayonnette, avec vn esprit de de cruauté espouuantable.

Après ce meurtre fait, ils creurent pour l'auoir fait secrettement qu'il ne s'en parleroit iamais: Mais voicy comme Dieu qui ne laisse rien impuny, permit

mist qu'on en eust la connoissance pour en faire iustice.

Le premier qui fist soupçonner quelque violence sur l'amy du beau-pere, lequel fut veu par quelque voisins courir l'espée nuë à la main, & fort promptement à la maison du beau-pere, qui s'y rencontra en même temps. Ceux qui l'apperceurent en cette posture, de nuit, furent fort estonnez parce qu'il n'auoit pas accoustumé de manier l'espée, estant d'un naturel assez doux, & ayant paru fort innocent & peu hardy. Ils s'imaginerent d'abord qu'il auoit peu estre pouruiuy, neantmoins n'estant fuiuy de personne, & s'estant retiré dans la maison d'un homme qui passoit pour un faux monnoyeur & de mauuaise vie, ils iugerent soudain qu'il s'estoit fait quelque action violente, ou quelque meurtre. N'en pouuans pas estre instruits pour ce soir là, ils furent bien surpris quand ils entendirent que ce malheureux qui estoit sorty de prison depuis peu estoit mort, sans qu'il eust esté malade. Scandalisez de cet accident, ils furent cause qu'on commença d'en bien murmurer: personne pourtant n'osa rien assurer du fait parce qu'on en auoit aucun esclaireissement. L'on porte en terre cependant le corps mort. Et le beau-pere qui s'estoit mis à un coin de rue, par où il deuoit passer, pour y prendre son plaisir, tant il y auoit en luy de rage & de cruauté, entendant de bonnes femmes qui se lamentoient sur la mort du defunct, il n'est pas croyable combien il leur dit d'injures, puis apres s'adressant à ceux qui le porteroient en terre, vous estes des coquins, leur dit-il. Vous meritez tous de coups de bastons, de porter avec tant d'honneur un cadaure, qui deuroit estre traîné à la voirie,

voirie , desquelles paroles , tous ceux qui estoient presens restèrent fort estonnez, disans tous de celuy qui les proferoit qu'il estoit vn fol & extrauagant. Cela ayant couru de l'vn à l'autre, quelques-vns plus aduisez, iugeant qu'il y auoit de l'extraordinaire en ce procedé, & l'opinion de quelqu'autre étant , que sans doute la mort du defunt pourroit auoir esté precipitée: On donne sujet à ceux qui estoient interessez à cette mort, de s'enquerir subtilement de ce qui s'estoit passé dans la maison de la vefue. L'on ne peut si-tost découurir le meurtre & assassinat, commis en sa personne, Dieu le permettant ainsi pour mieux faire chastier les coupables, tant meurtriers que complices. On commença de soupçonner la vefue & ceux de sa famille , par leur genre de vie, & par leurs contenance. Il se remarqua dans cette troupe qu'ils estoient presque tousiours ensemble, fort vnis, & qu'ils se separoient de toute autre compagnie pour se parler. Que pas vn d'eux ne fit paroistre aucun desplaisir de la mort du defunt, au contraire ils blasmoient ceux qui en parloient avec regret; Que dès le retour de son enterrement on ne parloit là dedans, & la vefue mesme que de rire, danser, & faire bonne chere, & tout cela s'est rapporté par la seruante du defunt, laquelle on tenoit pendant qu'il estoit assassiné. Toutes ces particularitez avec d'autres, étant venuës aux oreilles & à la connoissance de la sœur du defunt & de son mary, consulterent leurs amis de ce qu'ils estoient obligez de faire pour ne pas souffrir cette malice, que l'on ne doutoit plus auoir esté exercée contre le deffunt. Ils conclurent d'vn commun aduis, que cette affaire estoit à remuer: Qu'en la negligant ils feroient tort


à

à leur reputation , & au bien public. Cette malice estant detestable , & digne d'estre examinée par la Justice. Sur leur requeste présentée , on denonce vn Juge competant , la vefve , son pere , sa mere & son frere & leurs seruiteurs ou valets domestiques , sont assignez promptement , & pardeuant le mesme Juge , estant accusez d'auoir assassiné leur pere , ils sont arrestez & menez en prison , où ils furent d'abord separez pour mieux connoistre la verité du fait. Interrogez quelques iours apres chacun en particulier de ce meurtre , ils blefmirent d'abord , ce qui fit dire au Juge qu'il en sçauoit bien-tost la verité. Tous pourtant nierent le fait au premier interrogatoire , & on les laissa penser à eux trois iours entiers avec bon ordre , de ne permettre à qui que ce fust de leur parler. Dans ce silence , le beaupere eut grand courage : Et interrogé pour la seconde fois , il persista dans sa premiere responce avec vne hardiesse du plus innocent de la terre : Mais son courage fut bien-tost abbattu par vn stratageme dudit Juge , lequel fort habile en l'exercice de sa charge , s'estant arresté plus long-temps au second interrogatoire de la femme du beaupere , l'obligea par ses reprises tres-subtiles , de se m'esprendre en ses responces : de sorte que dès lors ledit Juge les tint pour coupables de ce meurtre. Apres elle , il fut à la vefve qui fut plus aisée à confesser le crime que tous les autres , la nature luy ayant tousiours laissé vne tendresse , qu'elle ne peut cacher en cette occasion. Et s'en prenant à ses cheveux. O mauuaise teste , disoit-elle , toute esplorée , tu es cause que ie suis dans le desespoir de ma vie & de mon honneur ! C'est toy qui me mets la corde au col , pour auoir presté laschement l'oreille au plus

scelerat conseil du plus detestable des hommes. Je me suis bien doutée que ce mariage & les accidens, qui s'y sont rencontrez m'alloient precipiter dans quelque grand abyfme de malheur ; & le cœur luy ayant manqué à ces paroles, elle se laissa tomber par terre, & eut vne defaillâce qui obligea de la faire reposer sur son liât. Et cependant le pere ayant esté interrogé, on ne peut rien tirer de luy que comme la premiere fois. Et apres on fut à leur valet domestique qui parut si triste, il sembloit qu'il allast rendre l'esprit. Il parla pourtant à celuy qui l'interrogeoit & on le conduisit par des detours qui l'égarerent incontinent : le voilà donc aisement surpris par ses réponses. Et voyant bien qu'il meritoit la mort, il raconta tout ce qui s'estoit passé en ce meurtre. Il ne fut donc plus necessaire que de presenter des temoins, aux accusez & aux complices de cet assassinat. Il s'en trouua si grand nombre que l'on en comptoit plus de soixante qui reueloient des menasses precedentes, des preparatifs pour executer ce dessein & des circonstances si horribles qu'enfin ont met les procedures en état de souffrir vn iuste iugement. Et s'estant trouué que le fils du beau pere & fiere de la vefue, avec leur seruiteur, auoient meurtry le corps deffunct deuant & apres sa mort. Que le beau pere n'auoit esté que l'auteur & instigateur de ce meurtre ; Que son amy y auoit fait le fanfaron, l'espée au poing, sans auoir donné aucun coup ; que la mere de la vefue, & la vefue sa fille auoient eü le courage d'assister à ce detestable assassinat, lesquelles auoient donné quelques coups apres sa mort ; & enfin que le valet du deffunct n'auoit que retenu la seruante de crier, & recourir au secours

secours, lors que l'on assassinoit leur maistre : d'eux de toute, cette abominable cruelle & infame troupe furent condamnez à estre pendus & estranglez, & les autres condamnez à prison perpetuelle, pour y faire penitence, tandis que d'autres complices qui ont esté denoncez, battent la campagne pour éviter la punition deüe à leur infame cruauté, de laquelle ils ne demeureront pas impunis. Apres cela, qui est ce qui n'aura pas peur d'offencer Dieu par vne cruelle enuie du bien d'autrui, par des artifices de femmes, pour solliciter les ieunes hommes à mespriser l'honneur de leur familles & les repeüts qu'ils doiuent à la conduite & au consentement de leur parens: Et enfin par des cruantez inouïes & par des attentats horribles sur la vie des innocens. C'est le fruit qu'il faut recueillir de ce recit: c'est aussi l'instruction, que nous donne cette histoire, en laquelle il n'y a rien de deuisé que les noms de ceux qui sont teuz pour ne déplaire à personne & ne pas scandaliser les familles.

La suiuiante ne vous sera pas moins utile si vous prenez la peine de la lire attentiuement.





D'VNE CHASTE FILLE QVI SE

procura innocemment la mort par vn courage merueilleux, en deffendant sa pureté.

HISTOIRE XXVII.

SI l'action du fameux & chaste Nicetas, tres celebre dans l'Histoire Sainte, lors qu'il tronçonna sa langue, laquelle il ietta sanglante au visage d'une impudique, prouoque par cét exemple tous les iours ceux qui la lisent, ou qui la meditent, à faire profession de pureté, & denoncer vne continuelle guerre à l'impureté, & à tous les charmes & attraits : Celle qui va donner suiet à cette Histoire, ne sera pas moins vtile aux personnes qui ayment la vertu, & ont le vice en horreur, & particulierement à la ieunesse. Elle est icy racontée apres les autres, pour ce qu'elle est des plus recentes : & on l'a rangée entre les tragiques, puis qu'une mort violente a finy la vie d'une ieune fille qui se deffendoit de la souilleure de son corps, qu'elle auoit promis à Dieu par vœu, de ne prophaner jamais, ny s'abandonner à aucun plaisir volontaire. C'est dans la Romaine en Italie, que cette vertueuse fille a laissé les marques & les témoignages de sa vertu ; & on assure que proche de Rimini, son sang fut respandu par vn meutrier, ayant changé sa douceur en colere, son amour en haine, & ses respects en mépris ; quand il égorgea cette ieune innocente.

Comme

Comme il ne se peut dire de brutalité plus horrible que celle de ce meurtrier; aussi ne peut-on représenter sur le théâtre de l'Univers, vn aveuglement plus soudain & plus enragé, que celuy qui luy fit faire cette mauuaise action.

Cette genereuse fille auoit nom Celia, Damoiselle de naissance, & fille d'un fort noble Gentilhomme, appelé Niso, lequel craignoit Dieu, & viuoit en reputation d'un homme extremement vertueux. Il ne faut point douter par consequent, que sa maison ne fust remplie de benedictions, n'y ayant que celles des personnes & des familles vertueuses, où l'on puisse asseurer que les vrayes benedictions se trouuent : Car quoy que dans les maisons des vicieux, il y ait abondance de biens, regorgement de prosperité, & point de contradiction, ny de mauuaises affaires, mais beaucoup de santé; tout cela s'appelle malediction à leur esgard : Ce sont des biens desquels ordinairement Dieu recompense en cette vie, les actions moralement bonnes, & faites sans charité; après quoy il n'y a plus rien à esperer en l'autre vie. Il y auoit des biens dans la maison de Niso, & bien acquis, & l'usage qu'il en faisoit, monroit qu'il en estoit vn fidelle dispensateur; nourrissant sa famille honorablement, s'en faisant honneur avec ses amis qui les visitoient, & partageant d'une maniere tres Chrestienne & liberale, non seulement les restes de sa table, mais aussi des grains, & autres choses necessaires aux pauvres necessiteux; & non content de les voir à la porte de son Chasteau, recourir à sa charité; il prenoit la peine luy mesme, de les visiter en leurs pauvres cabanes, sains & malades; afin qu'ils ne souffrissent pas par sa negligence. Ainsi

en vsoit Niso, au dehors enuers ceux de son voisinage, sans s'oublier au dedans, à receuoir ses hostes, & singulierement les Religieux & pauures Prestres passans avec vne affabilité incomparable. Dieu qui auoit douné des biens à cét homme de bien, luy augmenta ses benedictions, en le faisant pere de plusieurs enfans, tous beaux, entiers & parfaits. Ce qui est remarqué au Ps. 127. estre vne excellente benediction en ces mots. *Ecce sic benedicetur homo qui timet Dominum.* C'est à dire, voila comme sera beny celui qui craint le Seigneur. Aussi furent-ils par son soin si bien esleuez, que de toutes parts on disoit de Niso, qu'il estoit le plus aymé de Dieu de son temps: Et que sa famille estoit vne escole de vertu. Cela fut évident en la modestie de tous ses enfans: Mais singulierement la bonne grace & la belle conduite de Celia fit juger aisément la verité, sur le bien que l'on disoit de cette famille. Deux graces la faisoient fort estimer: Sa pieté, & sa beauté tant du corps que de l'esprit. Quoy qu'il semble que la beauté doiue estre nommée la premiere, estant née avec cette grace, puisque dès le berceau on l'admiroit en elle. Et que l'on ne puisse reconnoistre de si bonne heure la pieté en vne personne, si ce n'est par vn rare priuilege, qui est communiqué à peu; Il n'est pas pourtant contre l'ordre & la raison de preferer l'vne à l'autre en cette creature, pour ce qu'elle auoit donné des preuues de sa pieté dès son enfance même, ayant esté remarqué, qu'elle estoit d'un naturel fort doux & complaisant, & que quand elle estoit libre de ses mains, elle les tenoit iointes le plus souuent, & ses yeux éleuez vers le Ciel; chose peu ordinaire aux enfans de la mammelle. Ce furent en elle deux

aïsses

aïsses qui l'élevèrent dans la maison de son pere , au dessus de ses autres enfans : car quoy qu'ils eussent tous receu mesme education & mesme conduite, & qu'ils fussent tous beaux , & bienfaits , Cel ia eut le dessus tant en beauté qu'en son maintien & ses bonnes mœurs. Son Pere qui estoit homme bien-fait & fort iudicieux , trouvant que cette fille estoit si heureusement partagée entre ses freres & sœurs, eut pour elle quelque inclination, par laquelle il sembloit luy vouloir plus de bien , (il aimoit pourtant également tous ses enfans) c'est pourquoy veillant plus particulièrement sur elle, il prenoit vn singulier plaisir de voir , que cette fille ne s'estimoit pas plus pour sa grande beauté, & que son esprit vif ne la rendoit aucunement superbe ny arrogante. Et la considerant de près avec cét aduantage, il reconnut enfin qu'elle estoit fort deuote , & exacte à faire ses prieres, prenant son temps à propos pour y vacquer sans estre ennuyeuse à personne , & sans manquer à ses occupations qui luy estoient ordonnées par sa mere, laquelle estoit vne des plus deuotes , & dans sa deuotion, des plus agreables de son temps. Cette excellente mere, estoit tellement charmée de sa vertu, qu'elle n'estoit iamais plus contente que d'estre auprès de sa fille, parce qu'elle remarquoit en elle, que tout ce qui est prophane & impur , luy donnoit vn extrême degoust ; Et comme elles estoient de condition , à recevoir des visites de toutes manieres ; lors que cette innocente fille reconnoissoit quelque desordre en paroles, ou quelque liberté dans la conversation, feignant d'avoir affaire, ou d'estre appelée ailleurs ; elle se retiroit en sa chambre , d'où elle ne sortoit plus que par necessité. Cette fille aimoit

aussi d'un amour si respectueux sa bonne & vertueuse mere, qu'elle estoit à ses costez autant qu'elle se pouvoit satisfaire en cela, iugeant bien que c'estoit son bien & son honneur. Quel bon-heur dans vne famille, lors que tous ces biens se rencontrent ! & combien il est important que les peres & les meres soient gens de bien, pour se trouver si heureux en leurs familles. Ce grand soing qu'ils prennent, que leurs enfans soient donnez à de bonnes nourrices, bien grasses & bien nourries, n'est pas le principal point du bien de leurs enfans. Ils doiuent plustost s'assurer, si elles sont bien vertueuses, bien soigneuses & de bonne amitié pour les enfans, à faute dequoy les enfans deuiennent vicieux & infames en suççant le lait de leurs mammelles. Apres l'enfance, ce n'est pas encore le bon-heur des enfans, qu'ils soient donnez à des maîtres & maîtresses, qui les instruisent & leur enseignent à trauailler, à lire & escrire, & les sciences mesme : Les peres & meres sont obligez de s'enquerir si la vertu leur sera instruite par ceux à qui ils commettēt leurs enfans ; & quād ils negligent cet aduis, qu'ils ne s'estonnent pas si leurs enfans deuiennēt insupportables, sans respect, insolens vicieux & capables de faire mourir de déplaisir leurs peres & meres, & ruiner leur maisons de bien & d'honneur.

Heureux Niso, vous auez donné l'exemple à tous les peres, comment il se faut gouverner dans les familles pour y faire des colonies de bien heureux & d'Ange, puisque par vostre belle conduite, on peut dire de vous *Filij tui sicut nouella oliuarum in circuitu mensæ tuæ*. C'est à dire que vous auez eu des enfans qui estoient toute vostre consolation estans des enfans

fans de benediction, desquels vous avez receuilly de l'honneur avec autant de ioye que celuy qui trouue ses oliuiers chargez de fruiçs, au temps de leur cueillette. Et quand cet illustre gentil homme n'auroit eü que Celia, ceste agreable fille estoit vn grand bonheur dans sa maison. Aussi ce pere l'aimoit si tendrement avec la mere qu'ils ne pouuoient se taire des vertus de leur chere fille. Et comme le bruit se fut respandu de son merite, il venoit de toutes parts des enfans des plus nobles du pays pour voir & admirer ce suiet digne de l'affection des plus conditionnez & illustres de la Prouince. Ces veuës n'estant pas agreables à cette chaste fille, elle dit franchement à sa mere qu'elle s'estonnoit de voir leur maison visitée par des ieunes Gentil-hommes, veu que ce n'estoit pas leur coustume de voir tant de monde. A quoy sa bonne mere repliquoit. Quoy ma fille voulez vous tousiours viure en enfant ? Puisque vous avez l'âge des autres qui ne laissent pas la conuersation, pourquoy ne voulez vous pas faire comme celles qui vous ont precedées ? Il est temps d'oresnauant d'apprendre comme l'on vit dans le monde, c'est pourquoy ne trouuez pas mauuais que nous donnions l'entrée libre de nostre maison à ces ieunes Gentil-hommes. Peut estre quelqu'un d'eux, puisqu'ils sont de tres-bonnes familles & esgalles à la nostre, vous pourra aimer pour vous espouser ; c'est ainsi que l'on m'a conduite pour me trouuer en la compagnie de vostre pere qui m'a tousiours considerée extremement ce qui me fait estimer bien heureuse. Quoy dit elle à sa mere, vous me parlez de mariage ? Ma mere, ny pensez, pas ie vous prie, ie suis encore trop ieune, & il me fache fort d'estre

separée de vous. Et sur cet entretien, elles furent interrompuës par Niso son Pere, qui luy presenta en la presence de sa mere, vn ieune Gentilhomme, tres-accomply pour la sauër. Il s'appelloit Orante. Et apres quelque demie heure de conuersation, s'étant retiré de sa chambre, & estant conduit par son Pere, qui l'auoit emmené : il luy dit, en allant, Monsieur, i'aduouë que ie n'ay point encore veu de pareille beauté que celle de Mademoiselle vostre fille ; Mais son esprit m'a rauy ; bien que durant peu de temps i'aye eu l'honneur de la voir, i'ose pourtant vous la demahder pour mon Espouse. C'est trop d'honneur que vous me faites, respondit Niso, de demander l'alliance de ma maison en demandant ma fille en mariage ; le serois inciuil de rebutter vne si auantageuse proposition pour moy, mais permettez-moy, ie vous prie d'en parler à ma femme, & à ma fille, & vous aurez responce de cela au plustost. Et apres cette discrete responce, ce ieune Gentilhomme se retira avec vne joye tres grande, d'estre venu en ce Chasteau. où il y auoit veu vne Damoiselle si accomplie. Depuis la liberté fut donnée aux amis, & aux ieunes Gentilhommes, d'entrer en cette maison, il y en auoit bien d'autres qui s'estoient hazardez de demander en mariage Celia, mais les parens fort discrets, ne iugerët pas à propos d'en parler à leur fille, qu'en luy proposant vn sujet qu'elle pourroit considerer. Et Orante ayât meilleure mine que tous les autres, apres qu'elle en eut veu plusieurs de moindre apparence, & qualité, ils creurent luy donner quelque amour, en preferant celuy là aux autres pour luy faire parler avec plus de facilité. Leur prudence neantmoins n'eut pas le succez qu'ils esperoient

esperoient ; car apres que l'un & l'autre eurent pris la fille à part, pour luy faire entendre leur dessein en cette visite d'Orante, en luy figurant ce ieune Gentil-homme, pour l'honneur de la Prouince, & celuy auquel leur bonheur prendroit de fortes racines pour s'estendre puissamment ; Tout cela ne fut point capable de persuader à cette fille qu'elle deuoit suiure leur conseil. Mon pere, ma mere, leur répondit-elle, avec grande soumission ; ie vous suis tres-obligée de vostre bonté pour moy, ie connois, il y a long-temps, que vous m'aymez plus que tous mes autres freres & sœurs, & ce que vous dites à present me donne sujet de le croire sans en douter : Pour ces raisons, ie n'ay point eu iusques à present que des respects pour vous honorer, & ie ne me souuiens pas de vous auoir iamais esté desobeyssante en la moindre chose du monde. Je vous proteste aussi que ie suis toute preparée à vous obeyr ponctuellement en tout ce que vous me commanderez, & autant qu'il se peut, & qu'on le peut desirer d'une fille, ie me soumetts avecglément à vos volontez : Mais ie vous supplie tres-humblement, d'aggréer que ie vous dise, que ie ne puis consentir à la proposition que vous me faites de mariage, & en voicy la raison. C'est que dès ma ieunesse ie me suis vouée au seruice de Dieu en telle façon que ie luy ay promis ma virginité, & luy ay protesté de n'auoir iamais en terre d'autre Espoux, que celuy que j'espere auoir au Ciel, qui est Iesus-Christ, auquel ie me suis toute donnée, & consacrée. Voyez mes chers & tres-honorez pere & mere, si ie n'ay pas raison en la response que ie fais à vostre proposition, ne m'estant plus loisible de reuoker ma parole, & manquer à la
promesse

promesse que j'ay faite à Dieu, lequel vostre pieté m'a apprise à aimer, servir, & adorer. Et pour asseurance de ce que ie vous dis, ne voyez-vous pas que ie n'ay aucune curiosité en mes habits, & que ie ne suis addonnée à aucune sensualité. Vous m'avez toujours tant estimée de frequenter les Eglises, ce n'a esté que pour tesmoigner à Iesus-Christ ma fidelité. Vous sçavez comme bien souvent ie me confesse, & j'ay l'honneur de prendre la sainte Communion, c'est pour n'estre point desvnée de l'amour de Iesus-Christ que j'ay pris pour mon Espoux. Vous m'avez aussi si souvent trouuée en prieres dans le cabinet de ma chambre, c'est pour parler à mon aise à ce cher Espoux, qui me parloit tousiours dans l'oraison. Et quoy? vous m'avez soufferte depuis mon enfance d'estre consacrée à Dieu, & aujourd'huy vous m'en voudriez separer? Ha de grace, n'y pensez pas, & laissez-moy acheuer le temps de ma fidelité à mon Dieu, duquel ie ne veux jamais estre esloignée par aucune affection aux choses de la terre. Sans doute elle ne peut dire de si belles paroles sans l'esprit de Dieu qui l'échauffoit. Ses pères la voyant toute transportée, la laisserent en paix fort estonnez, remettant à luy parler vne autre fois. Et s'estans retirés d'auprès d'elle, Niso qui estoit engagé à Orante, de luy rendre response sur sa proposition apres qu'il en auroit parlé à sa fille, se trouua fort empesché de ce qu'il luy pourroit respondre. Il en entre tint sa femme, & ayans ensemble resolu ce qu'il luy falloit dire; Le lendemain Orante s'ennuyant de ne pas voir Niso, retourna chez luy pour apprendre enfin l'issuë de sa proposition. Et apres quelques ciuilités naturelles rendus l'un à l'autre.

Niso

Niso luy parla ainsi. Ne trouvez pas mauuais, Monsieur, s'il y a eu quelque retardement en ma responce. Ma fille, que vous honnorez de vostre amitié, a si peu d'experience aux choses du monde, qu'elle s'est trouuée fort surprise de vostre proposition que nous luy auons annoncée, peu apres vous auoir quitté. En vn mot elle dit qu'elle ne se peut resoudre au mariage, & qu'elle veut viure en deuote, & consommer sa vie en prieres, avec vn habit simple, se souciant peu des vanitez & du luxe des hommes & des biens de la terre. Iamais fille n'a plus estonné les parens que nous l'auons esté par cette responce. Avec si peu de paroles Orante n'eut pas grand loisir de se preparer à vne belle repartie. Il se picqua neantmoins d'abord de cette réponse, croyant que ce fust vn absolu refus de leur fille, c'est pourquoy il leur repartit viuement, il y a apparence, Monsieur, que vostre fille ou vous ne me connoissez pas, puisque vous estimez vostre fille digne d'une plus honneste alliance que la mienne. Je ne doute pas de ses merites, il y a aussi en moy quelque chose à considerer, qui me fait croire que vous ne dérogez point à ses bonnes qualitez, si vous luy voulez permettre de m'aggréer pour son Espoux. Niso ne luy permettant pas d'en dire dauantage, soyez assurez, Monsieur, luy repartit-il qu'il n'y a rien de contrefait en ce que nous auons dit de nostre fille, & si vous pouuez changer sa resolution de ne se point marier par quelque moyen, en cas qu'elle se donne à vous, nous vous donnons dès à present, ma femme & moy nostre consentement. Orante rayuy de leur bonne volonté, s'excusa de son repart trop precipité, & les remerciant de l'honneur

neur qu'il receuoit d'eux, il se retira dans l'esperance d'auancer heureusement son dessein. Tandis qu'il la consultoit sur la resistance de Celia, pour la vaincre; Niso retourna à sa fille tres faschée de la voir si constante en son humeur, & la douceur ne gaignant rien sur son cœur, enfin la colere l'ayant saisi, peu s'en fallut qu'il ne la frappast, tant qu'il estoit émeu. Il se retint donc de la frapper, se contentant de luy faire de grands reproches & des menasses, que si elle perseueroit en sa resolution, il ne la verroit iamais. Là dessus, Celia luy répondit doucement; Et bien mon Pere, me voila contente; permettez-moy donc, s'il vous plaist, de me retirer dans vn Monastere, pour y passer le reste de ma vie, Non, repartit Niso, ie ne vous donneray iamais dequoy y estre receüe, & ie feray en sorte qu'aucun Monastere ne vous recoiue. Ce qu'il fit par son credit, & par des ruses toutes extraordinaires. Celia estant restée seule, apres ces rudes paroles de son Pere, eut recours à son Oratoire pour demander à Dieu la patience. Alors elle eut en pensée de se faire inserer en la Compagnie de quelques deuotes filles, & par quelque confidente qu'elle auoit, cette faueur luy fut aisément accordée. C'estoit vne communauté de Seculieres qui estoit gouvernée par des Peres de saint Dominique. Celia ne peut pourtant obtenir ny de son pere, ny de sa mere de quitter la maison, car quoy qu'ils parussent fort animez contre elle, à cause qu'elle leur resistoit; ils auoient tousiours grande tendresse pour elle. Pour la contenter neantmoins, elle eut d'eux la permission de porter l'habit des filles de cette communauté, qui estoit vn habit gris. Et en cét estat s'imaginant que l'on ne penseroit plus à l'importuner

l'importuner de mariage, elle faisoit ses deuotions fort à son aise. Mais Dieu qui ne veut pas que ses esposés vivent à leur volonté, & soient sans exercice de leur vertu; laquelle croist & s'estend comme la palme par la contradiction, en disposa bien d'une autre maniere. Pendant le temps que Celia employa pour treuver son repos. Orante ne cessa point de s'enquerir chez Niso du deportement de cette fille, dont il deuint esperduement amoureux: L'amour ayant cela de propre, que comme le feu s'augmente tant plus on le charge de bois, ainsi il s'irrite & s'échauffe plus on y trouue de resistance. Apres auoir donc appris la liberté que luy auoient donnée ses parens de continuer à estre deuote, Orante s'aduisa de son costé de faire le deuot en toutes façons. Il portoit donc vn Chapellet à la main; il estoit vestu fort modestement, & sans aucune gentillesse, il ne frisoit plus ses cheueux, & se trouuoit à l'Eglise au mesme seruice que Celia entendoit, ne se tenant pas esloigné d'elle, afin qu'elle iugeast mieux de sa deuotion: s'estant fait si modeste, que sans cesse il tenoit vn liure qu'il feignoit de lire, sans égarter sa veüe. S'estans donc trouuez vn matin plus long-temps que de coustume à l'Eglise l'un & l'autre, il la preceda pour en sortir, & accourut le premier au Chateau, où il témoigna à Niso ce qui s'estoit passé, & puis il se retira. La fille estant retournée. Niso luy dit. Et bien, ma fille, vous auez ce matin esté plus deuote qu'à l'ordinaire, douù vient cela? C'est dit-elle mon pere, que ie n'ay osé en sortir plustost, à cause que i'ay apperceu Orante, duquel ie ne voulois recevoir aucune ciuilité. Quand vous l'aurez receuë, respondit Niso, vous eussiez receu de l'honneur d'un

tres

tres-honneste Gentilhomme, lequel ne se trouue pas moins dans les lieux de deuotion que vous. Le vous assure: dit elle, mon pere qu'il me semble bien deuot: car il a demeuré long-temps à l'Eglise, & i'ay apperceu qu'il y estoit fort modeste, & que tousiours il a eu son liure de prieres collé à ses yeux. Et bien ma fille, vous ay-ie pas desia dit luy qu'il n'auoit pas son semblable en vertu dans toute la Prouince? quel crime croyez-vous faire de luy permettre qu'il vous prenne pour son espouse? Il vous a demandée pour cela, & pour ce que nous y trouuons vostre gloire: Vostre mere & moy auons creu estre obligez de vous en parler ouuertement, estant nostre dessein que vous ne refusiez pas l'occasion de ce party. C'est pourquoy vous ne sçauriez croire le desplaisir que vous nous auez donné quand vous vous estes opposée à nostre volonté. Puis donc que vous le iugez si honneste Gentilhomme & fort deuot, n'estes vous pas contente qu'il vous espouse? Ha mon Pere, respondit-elle, en se mettant à genoux deuant luy, que me dites vous? Puis que ie me suis vouïée à Dieu, auquel i'ay promis de ne me lier iamais par le mariage à homme du monde, pourquoy me parlez-vous de prendre Orante pour espoux? mettez-vous en ma place, puis je detracter vne promesse que i'ay faite à Dieu. Vous venez de me permettre de me vestir d'un habit de deuote, & quoy voulez-vous que ie le quitte? quelle infidelité plus grande pourrois-je tesmoigner enuers Dieu? l'estat où ie me vois de fille deuote avec vostre permission, m'a mise dans vn extreme repos, permettez donc, mon tres-honoré pere, puis que vous ne voulez pas que ie vous quitte pour m'enfermer dans vn monastere, qu'au moins

moins ie perseuere dans ma deuotion & que ie ne conuerse plus avec les hommes iusques à la fin de ma vie. Chose bien estrange. Ces paroles plus douces que le miel & qui auroient addoucy des tygrés & des barbares, parce qu'elles estoient proferées par cette innocente & chaste fille, tres humblement, & d'un ton tres-charmant, changerent si extraordinairement ce pere ; que tout soudain n'entrant dans sa premiere colere. Vn lyon ne paroist pas plus furieux qu'il parut alors à sa fille, ce qui obligea Celia de s'enfuir vers sa mere pour euitier la fureur de son pere. Cette mere qui auoit le cœur serré de la resistance de sa fille, laquelle causoit tant de desordre, ne manqua pas de prendre cette occasiō, pour tâcher de surmonter sa constance, l'assurant de l'amitié de pere si elle vouloit obeyr à ses volontez. Cette innocente fille se voyant ainsi persecutée de toutes parts, sans aucun secours de la part des hommes, s'en reuint soudain dire à sa mere, avec vne generosité tres-Chrestienne. C'est à vous, ma mere à qui ie croyois estre obligée de me rendre, pour sous vostre protection estre à l'abry des persecutions dont on m'afflige depuis quelques iours. Mais puis que vous vous faites de la partie de ceux qui me tourmentent, ie seray enfin contrainte d'esperer tout mon appuy du Ciel, où est l'espoux auquel ie me suis consacrée. Je vous declare encore vne fois que ie suis toute à luy, & que son amour me fait mespriser la mort ; laquelle pourroit estre le pis qui me peut arriuer, & dont ie n'apprehenderay iamais la violence ny les traits. Et puis apres regardant le Ciel: O mon Dieu, dit-elle, puis que mes parens me delaisent, de grace, ne m'abandonnez pas, & donnez

moy la force pour résister à toutes les embûches & à tous les pièges qui sont préparés pour faire brèche à la chasteté que ie vous ay vouée dès mon enfance. Et apres auoir dit tout cela, en présence de sa mere, elle se retire toute échauffée de l'amour de Dieu dans sa chambre, où elle prit du repos deuant vn Crucifix qu'elle consideroit avec grande attention. Niso entendoit ces dernieres paroles & tout emporté qu'il estoit de la dureté de ce rocher inflexible; à quoy donc, dit il à sa femme, nous faudra-il eu fin résoudre? Sera il dit, qu'une fille soit desobeissante à nostre veüe, & que nous le souffrions, qu'apres l'auoir tant caressée, elle se moque de nous? qu'en luy procurant vn si grand honneur, que celui de l'alliance d'Orante, elle méprise nostre conduite? Sera il dit, qu'elle nous foule aux pieds par ses mespris, & que tous nos soins la rendent rebelle à nos volontez? Pour moy, dit Niso son pere, ie ne le souffriray iamais. Que ma maison perisse plutost, que d'y souffrir ces desordres. Ie veux qu'Orante l'épouse. Qu'on l'appelle, c'est à ce moment que ie veux voir la fin de ces insupportables résistances. Orante estant venu assés promptement par le soin de la mere, que la tristesse empeschoit de parler, Illustre Orante, luy dit Niso, ie puis vous asseurer, que ie n'ay iamais eu le cœur si affligé qu'à present, & c'est cette miserable fille qu'en est la cause. Il n'y a rien à luy représenter apres ce que nous luy auons dit, sa mere & moy, pour vaincre sa résistance, & pour vous prendre pour espoux. Enfin elle est si obstinée, à ne se point marier, qu'elle nous a protesté de choisir plutost la mort qu'un mary. Si bien que nous nous voyons dans vne extrême confusion à vostre esgard, puis

puis que vous l'ayant promise, nous sommes hors du pouuoir de vous garder nostre parole. Mais afin que vous ne iugiez point mal de nostre intention, de rechef ie vous permets de sonder sa volonté, & si vous la pouuez faire acquiescer à vous prendre pour espoux, nous vous assureons, la mere & moy, de nostre consentement. Voila, dit Orante, vn courage bié constant : le m'estois vn peu déguisé pour luy gagner le cœur; Il n'y a donc plus rien à esperer par cette ruse. monsieur, puis que vous le voulez, j'accepte vostre consentement ; Laissez moy faire, j'espere de vous la rendre plus obeyssante dans peu de temps. Orante prend congé, & peu apres ayant demandé de parler à Celia, elle luy refusa de le voir sur ce refus il se delibera de l'enleuer & pour executer ce dessein malheureux, il attéd qu'elle fust sortie du chasteau pour entrer dās l'Eglise plus proche où elle faisoit ses deuotions. cependant il fait preparer vn carrosse, & comme elle retournoit au chasteau s'estant luy-mesme présenté à elle avec ciuilité, il luy declare que ses parens luy ayant donné leur consentement pour l'espouser. Elle deuoit trouuer bon qu'il la menast en sa maison, & en mesme temps assisté de quelques Gentils-hommes il la fait entrer dans son carrosse, & par des detours inconnus, il la fait conduire au lieu préparé pour la recenoir. Tout cela se fait à l'insçeu des parens de Celia, & Orante estant à cheval avec grande suite se rencontre bien-tost audit lieu où l'estant allé saluër; cette pauvre innocente ne luy peut dire vne seule parole, tant elle estoit affligée. Elle luy demanda pourtant d'estre seule durāt la nuit, ce qui luy fut accordé, de sorte qu'elle eut la nuit entiere à penser à la resolution qu'elle deuoit

prendre sur cet accident. Au lieu de dormir, elle qui se deffioit de cet infame, qu'elle pouuoit bien appeler son ennemy, ne fit que prier Dieu, & verser des larmes, avec des souspirs & des sanglots qui furent ouys de tous les endroits de la maison. Orante, dit-on ; ne reposa pas dauantage de toute la nuit, émeu de la tristesse de cette chaste & simple touterelle. Dès le matin pourtant il ne se monstra pas paresseux, l'estant venu trouuer ; & l'ayant fait leuer de son oratoire, où déjà elle estoit prosternée ; Et bien dit-il Mademoiselle, enfin vous estes ma proye & ma possession. Il n'est plus temps de dire que vous ne me voulez pas pour vostre espoux. Il y a trop de iours que dure ce combat, il faut que ce iour soit le iour de nostre victoire, n'estes-vous pas de cet auis ? Et en disant cela, il voulut vser de quelque priuauté. Aussi-tost cette chaste fille luy repartit d'un œil offensé. Allez impudent & effronté que vous estes, scauez-vous bien que ce que vous entreprenez sur moy est vn sacrilege ? parce que dès mon enfance j'ay voué à Dieu ma virginité, & en disant cela, elle le repoussa d'un courage merueilleux, & qui l'estonna luy-mesme. Neantmoins comme il fut tout honteux, il entra en colere de cet effort, & luy dit, quoy, Mademoiselle, il n'est donc pas possible de vous auoir par amour ? Le vous donne aduis que ie n'ay plus que de la haine pour vous, & que ie vous surmonteray par force : ça dit-il, qu'on me donne des cordes pour la lier, afin qu'elle ne puisse plus faire la lyonne & la furieuse. A ces mots elle se sentit si offensée, qu'apprehendant l'effet de cette menasse, elle s'aduisa (meuë assurément par le S. Esprit) de tirer subtilement vne grande esguille qui estoit
dans

dans ses cheveux; & comme il s'approcha d'elle pour la presser, elle luy mit addroitement cette esguille dans vn œil qu'il perdit. Blessé qu'il estoit, il n'eut plus de force pour offencer cette fille, mais s'estant mis à crier en tombant foible & fort estourdy. Ceux qui accoururent au bruit des cris d'Orante, ne furent jamais plus estonnez, que de le voir estendu sur le carreau; mais ils le furent bien davantage, quand ils apperçurent son visage tout couuert de sang, sans qu'ils y peussent remarquer aucune playe. Leur principal empressement fut de luy faire passer sa foiblesse, de laquelle estant reuenue, comme ils eurent derechef considéré son visage, en voyant son œil blessé, auquel se trouua l'éguille de la Damoiselle Celia: C'est vous sans doute, dirent ils aussi-tost, Mademoiselle, qui auez blessé l'illustre Orante. Et peu apres Orante fort émeu, se trouuant auoir repris le premier estat de ses forces, reprochant à Celia son mauvais traitement, il se saisit d'une bayonnette d'un de ses amis, present; & toute à fait desesperé de l'affront que luy fit cette couragenne amazone, s'estant approché d'elle; c'est donc vous Celia, luy dit-il, qui m'avez creué vn œil malicieusement; voicy vostre recompense. Et acheuant ces paroles, il fut si cruel que d'enfoncer dans le sein de Celia la bayonnette iusques au cœur. Coup detestable, dont elle mourut sans parler; mais coup qui sans doute fut bien agreable & tres-glorieux à cette innocente fille, puis qu'elle est morte avec sa chasteté virginale, laquelle depuis long-temps elle auoit deffendue en plusieurs occasions genereusement.


Cette action detestable d'Orante fut soudain annoncée à Niso, lequel aussi bien que sa femme en fut


inconsolable: Et pour vanger cette iniure faite en la personne de leur tres aymable Celia & à toute leur famille, il ne se peut dire ce qu'ils n'ont point fait. Cependant Orante eut assez d'esprit pour prendre la fuite, & se sauuer. Mais comme son crime luy bourreloiz sans cesse le cœurs, il finit en peu de tēps sa vie fort miserablement Si bien qu'on peut dire qu'en luy, aussi bien qu'aux autres meutriers, Dieu fait paroistre qu'il ne laisse point ce crime horrible & detestable impuny: Car si les hommes ne le punissent pas, luy mesme ne manque pas d'en faire vn eueure iustice.

On n'auoit pas iugé par les premieres parties de cette histoire, qu'elle d'eust estre incerée entres les Tragiques: Cependant sa fin ne l'en excepte pas. Et s'il y a dans la precedente, des instructions données à plusieurs, & singulierement aux enfans pour les obliger à respecter leurs parens; en celle-cy il n'y en a pas moins pour les parens, à l'égard des enfans lesquels il ne doiuent pas aimer par le seul interest de l'honneur, ou des richesses de leurs familles? Mais pour la seule gloire de Dieu, & le salut de leurs ames N'est ce pas vn aueuglement insupportable à eux, que pour leur propre satisfaction, ils vueillent oster à Dieu vn enfant, qui s'est vouié à son seruice pour l'engager à l'embarras du siecle? Comme si Dieu n'estoit pas vn vray Monarque assez puissant, & assez digne de respect, pour laisser à la disposition vne personne qu'il a choisie pour en estre seruy & adoré dans vn estat de retraite & de solitude?

Ce n'est pas aussi vne meilleure conduite aux parens, par d'épit, & sans prudence, d'abandonner des
filles

filles, quoy que sous pretexte d'une grande alliance à la discretion des ieunes hommes tant sages, & bien esleuez qu'ils puissent estre. Vous en voyez l'exemple en ce desloyal & cruel Orante, de cette histoire Et cet emporté pere, tant homme d'honneur qu'il puisse estre estimé, a sans]doubte enseuely sa gloire dans l'ignominie de cette impudente licence qu'il donna à ce gendre pretendu, pour rendre par ses artifices son aimable & tres-sage fille souple à ses volontez, Tout bien considere, la colere a fait tous ces maux D'où il est evident que l'on devient une beste farouche & furieuse par la force de ce detestable vice, & qu'il depouille l'homme de toute humanité: de sorte qu'il n'y a brutalité aucune à laquelle il ne puisse estre abandonné.





DE LA REVOLUTION DES AFFAIRES
d'Angleterre depuis la violente mort du
Roy , en l'année 1649.

HISTOIRE XXIX.



OUTES les Histoires precedentes ne laissent que des estonnemens à des particuliers , au lieu que cette dernière est capable de donner de l'admiration pour sa nouveauté , & de la crainte à toutes sortes de personnes , de toutes les nations de l'Vniuers, pour les choses estranges qui en font le sujet.

Cecy n'est qu'une suite de ce qui a esté traité en l'histoire 25. de ce liure; où il est parlé du procez iniurieux fait au Roy de la grande Bretagne , par les menées du plus impie , scelerat & ambitieux suiet du Royaume d'Angleterre , lequel eut l'esprit de si bien conduire son pernicieux dessein , qu'ayant procuré la mort sur l'échaffaut à vn tres-innocent & tres-digne Roy par ses artifices : Il s'est esleué dans son thrône à la venë d'un peuple le plus aueuglé , & par la noire histoire dont les historiens ayent écrit depuis la naissance des Monarchies. Dans le recit precedent de cette iniuste procedure , on peut aisément iuger de la malice des suiets envers leur Souuerain ; mais qui n'auroit que cela à sçauoir , n'auroit pas grande satisfaction d'en auoir fait , on entend la lecture. Quand on apprendra qu'après vn

fi

si grand desordre & vne si grande consternation dans toute l'Angleterre, enfin la rebellion a finy: que le successeur legitime de la Royauté a este mis sur le thrône par ses peuples, & que les vsurpateurs & chefs de ce grand orage ont esté punis exemplairement de leur abominable crime & de leur detestable entreprise; C'est ce qui peut donner vne entiere satisfaction, en la suite de cette derniere & tragique histoire.

Qui n'auroit creu qu'apres la mort violente du Roy d'Angleterre dernier ce Royaume ne pourroit plus se releuer de ses miseres: vn Vsurpateur adoré, des peuples enragés & ennemis de la Monarchie, la liberté entiere donnée au peuple sans loy, & enfin la famille Royale chassée du Royaume, en estoient de grands preiugez. Cependant le mal est passé, les troubles ont fait place à la paix, & l'injustice n'ayant plus de supposts, parce que la justice de Dieu les a fait perir. On ne vit iamais la famille Royale receuë avec plus d'accueil, ny honorer par de plus grandes soumissions, ny enfin seruire avec plus de fidelité qu'on la voit à present. Il ne faut point douter que c'est Dieu qui est la source & la cause de ce grand changement, pource que c'est par luy que les Roys regnent, & c'est luy qui par eux exerce sa souveraineté sur tous les peuples. C'est pourquoy il a grand interest que les Rois soient maintenus en leurs thrônes; & ceux qui entreprennent de s'opposer à ses desseins, ou de détruire ce qu'il a estably en ce point: se declarent ses ennemis, & le prouoquent à les foudroyer, & les effacer du nombre des viuants. Il paroist bien que Dieu s'est meslé de cette reuolution, par la facilité, qui est reconnue

connuë auoir remis en paix les affaires troubleës de ce Royaume. Tout esprit humains, n'estant point iugé capable de trauailler en vn semblable bonheur si heureusement. Et quoy que les causes secondes, qui sont les mains de Dieu, semblent quelquesfois tout faire; leur adresse, pour aĩt appartient au premier moteur qui est Dieu, à qui en est deuë la gloire: Ceux qui scauent les circonstances, les dispositions, & les moyens qui sont contenu à ce reſtabliſſement, disent hautement *hac mutatio dextera excelsi*, ce changement vient tres-aſſeurément du Ciel, lequel a verſé ſes influences benignes ſur ce Royaume esbranlé, afin de le preſeruer du debris dont vn tel orage l'auoit menaſſé. Apres Dieu, cette reuolution a receu vn tres-grand ſeruice du General Monke, car on peut dire que ſa fidelité & ſa belle conduite on donné tout le branle à ce grand changement, ayant touſiours eũ des penſées auantageuſes pour reſtablir l'ancien gouuernement de cette Monarchie, contre le ſentiment de pluſieurs qui vouloient en faire vne republique. Pour y reũſſir heureuſement, il n'a pas d'abord decouuert ſon deſſein, ce reſtabliſſement eſtant alors l'obiet & l'aueuſion des peuples. Auparauant il s'eſt emparé des eſprits, afin que ceux qui le pourroient fauoriſer fuſſent tous de ſon party par vne forte attache & grande creance à ſa perſonne. Et pour les gagner entierement, iamais orateur n'a dit de ſi belles choſes que luy, & pour des raiſonnements, il ne s'entendit iamais des plus forts & plus ſpecieux. L'experience en fit bien connoiſtre la verité: puis que nul de ceux à qui il temoigna ſon affection, ne ſe ſepare-
rēt du depuis de ſes inclinatiōs. Et pour d'autres qui
voulurent

voulurent le joindre pour le servir y ayant trouué quelque qualitez à redire & qui ne luy plaisoient pas; il n'en receut aucun? Assuré d'oc d'un suffisant nombre de tres-dignes personnes, il s'auisa de dōner lieu à la conuocation d'un Parlement libre avec lequel il s'assuroit de la conseruation de son ouurage. Ce qui produit un effet si sauantageux à son dessein, qu'on entendit ensuite les peuples souhaitter hautement la Monarchie. Et ceux mesmes qui auparavant donnoient de l'honneur aux vsurpateurs, leur donnoient des maledictions pour en auoir esté abusez & auenglez, protestans qu'ils vouloient d'ores-nauant ne dépendre que d'un chef. Ce qu'ils firent parestre avec un grand zele s'estans resolus d'effacer l'inscription insolente du Tyran, par laquelle on auoient offencée la memoire du meilleur des Roys; & de faire connoistre qu'ils esperoint par le retablissement de la Royauté, leur entiere liberté. Le General Montaignu profitant de cette occasion pour seconder les intentions du General Monke fit aussi tost arborer aux vaisseaux de sa flotte l'Estandart Royal & fit vne belle dépence pour traiter les officiers avec des fanfares pendant le festin, auquel il fut beu à la sante du Roy, le Canon cependant faisant bruit de toutes parts pour marque d'une parfaite ioye sur l'esperance de voir cet estat bien tost dans la Monarchie. Tout le peuple donc se trouuant dans vne allegresse inouïe, tandis que les ennemis cachez de l'estat grinçoient les dents, de depit de se voir tres esloigné des fruits qu'ils auoient esperé de leurs detestables artifices; les Ministres orateurs voyans qu'il leur arriuerait mal de se taire parmy les acclamation du peuple, monterent en leurs chaires, pour

pour monstrier que non seulement ils estoient de leur sentiment, mais aussi que leur zele estoit plus considerable que celuy de beaucoup d'autres pour procurer avantageusement le bié public. Dans les assemblées ils louoient Dieu de leur auoir donné la pensée de restablir la Monarchie, ils donnoient au General Monke la gloire d'estre le premier instrument dont Dieu s'estoit seruy pour acheuer heureusement ce dessein, disant de luy qu'un plus habile, plus entier, plus fidelle, & plus zelé ne pouuoit estre choisy dans tout le Royaume. Et apres auoir animé leurs auditeurs à ne pas quitter cette entreprise qui leur seroit eternellement vtile & glorieuse, pour leur faire voir qu'ils prenoient part à cet interest public, ils proclamoient le perturbateur un vray vsurpateur, disant de luy que dans sa conspiration contre la vie de leur Roy, il auoit esté un insolent vsurpateur de l'autorité Royale. En suite de quoy un d'eux a composé un liure intitulé *le fidelle Caractere* du Roy Glorieux Charles I. du nom : Où il est fait un tableau de ses vertus à la confusion de ses ennemis. Pendant que ces honneurs se rendoient à la memoire du feu Roy ; Ceux qui auoient part à sa mort cherchoient à se iustifier, & faire paroistre leur innocence. Et entre autres les Aldermans Fonke, & Alkins, reconnu-
rent aux registres des procedures, pour en tirer des Certificats, afin qu'il ne se dist, ou au moins ne se peust prouuer contre eux qu'ils eussent trempé dâs le sang du Iuste. Ainsi le zele & la crainte conspiraient à faire connoistre les vrayes Royalistes, quoy que pourtant il y en eust d'autres qui cachotent leur sentiment sur l'incertitude du futur, lesquels sans doute n'estoient pas blasmez des plus sages, veu que
les



dans le thrône de son pere. Ce qui fut trouué de si bonne grace & si genereusement conceu , que ces officiers luy protesterent au nom de toute l'armée qu'ils estoient tout à fait attachez à luy, & inseparables de ses intentions; & que son merite estant iugé incomparable & digne de tous leurs respects, ils n'auroient point d'autres volótés que la sienne, qu'à son égard ils luy estoient soumis comme les membres du corps à leur chef. L'enuoyé des officiers d'Irlande l'ayant salué avec ces belles paroles de leur part, luy presenta leur lettre signée de tous , dont la teneur estoit. Monsieur, nous sommes estonnez, au milieu de la tempeste de nous voir loin du naufrage. Estant donc iettez dans le port , nous consacrons à la ioye nos larmes versées plusieurs fois par l'apprehension de la mort ; Et reconnoissans que cela ne s'est pas fait par hazard, puisque ceux qui sôt employez à cet effet sont connus dignes de cette conduite, & principalement vostre excellence , dont la sagesse , les courage ; & la haute suffisance ébloüissent tous les yeux en faisant voir que la souueraine cause l'a choisy pour seruir à cet heureux changement, nous & tous les peuples de ce Royaume vous en sommes extremement obligez. Il est vray que tous les siecles n'ont point manqué de broüillons , & il ne se faut pas estonner qu'il y en ayt de contraire à ces genereux dessein; mais ayant esté découuert , ils ont esté méprisez , pour ce qu'on a bien sçeu que leur interest particulier les portoit à faire reuoir les anciennes miseres, quoy qu'ils ayent publié qu'ils ne pensoient qu'au bien de l'Estat. Nonobstant cela, sçachez que nous buttons tous à vostre gloire , & que nous sommes tres résolus d'y contribuer en secondant

VOS

vos desseins dans cet ouvrage commencé. Nous protestons aussi à vostre Excellence de nous soumettre à tous vos ordres, en sorte que les ennemis de l'Estat, & les nostres n'aient pas moyen de prendre suiet de donner vne contraire impression. Et pour plus grande assurance d'une fidelité, vous nous obligerez de vouloir bien que cette protestation soit enregistrée, afin que nous soyons contraincts par cet acte de n'y pas contrevenir. Donné à Dublen, le 23. Avril 1660. Le bruit s'estant respandu dans tous les autres endroits de l'armée de cette genereuse & constante resolution: ceux qui estoient commandez par le Colonel Lambert, se retirent par la crainte de passer pour des seditieux & traistres au bien public. Ainsi la plus grande partie des siens l'ayant abandonné, l'ordre fut donné de le saisir de luy. Il fut donc arresté & fait prisonnier avec tous ceux qui s'étoient attachez par affection à sa personne.

Après toutes ces belles actions comme le General Monke & ses principaux adherans de haute condition & tres bien instruits pour le bien public, se virent en estat de pousser les affaires dans la fin qu'ils proposoient. Le 5. May ensuiuant, ils firent si bien que le Parlement fut restably, composé de ses deux Chambres, des Seigneurs & des communes, ce qui augmenta si fort la ioye d'un chacun, que tous en consideroient les auteurs comme des astres qui presagent aux Pilotes pour calmer au milieu des tempestes & des orages. Le General Monke parut aussi-tost accompagné de Milord Farfaix, & de plusieurs autres du Parlement, précédé du Sergent d'armes qui portoit la Masse; Et chacun s'estant mis en sa place, il fut en cette seance déterminé un
jour

jour pour l'action de grace à Dieu , qui fauorisoit le Royaume de ses esleus , & vn autre pour remercier le General Monke de ses grands & signalez seruices qu'on ne pouuoit assez reconnoistre, ce qui fut executé ponctuellement, & par les mēbres du Parlemēt. & par tous les peuples tres-ioyeux de se voir affranchis de la tyrannie de l'vsurpateur & de ce qu'ils esperoient bien-tost de voir leur legitime Roy sur son Thrône. Pour comble de ioye dans cette assemblée vn Orateur particulier protesta que l'esperance des peuples ne seroit point troublée, ny trompée. Donnans des assurance de la part de leur Prince & Roy, qu'il exerceroit sur eux vne clemence toute Royale. Et pour l'obliger de ne pas douter de la verité de ses paroles, en mesme temps vn Gentilhōme enuoyé de la part du Roy, fut introduit à l'Audiance, & apres peu de paroles il presenta à la veuë de tous les assistans , la lecture des lettres d'amnistie de tout ce qui s'estoit passé pour ceux que le Parlement iugeroit à propos, luy remettant mesme la souueraine disposition des biens qui auoient esté confisquez. Apres la lecture de cette protestation Royale , quelques momens ayans esté laissez libres aux assistans , pour espanouir leurs cœurs pleins de satisfaction, par des paroles d'honneur & de respect enuers leur Prince, dans vn grand silence, il fut resolu qu'on deputeroit de la compagnie pour remercier le Roy, & pour luy presenter 50. mil liures sterlin, en l'assurant d'autres plus grandes sommes lors qu'il feroit son entrée.

Ces lettres furent presentées si à propos que leur retardement pouuoit faire craindre que le peuple n'eust esté desbauché à quelque faction que les ennemis

nemis de l'estat, lesquels ayant appris le Roy à Breda, assiste des Ducs, d'York & de Gloucester ses freres; creurent leur ruine asseurée, s'ils ne trauesoient l'union & la paix publique, par quelque sedition. Ils firent donc tout ce que leur malice peut inuenter pour retarder, au moins la felicité que l'on attendoit, Et tant de viue voix, que par de tres sedicieux escrits, ils firent paroistre leur mauuaise volonté. Ils attaquèrent tout le premier le Docteur Morlay, Chapelain de sa Majesté Britanique, luy imputant qu'il auoit parlé contre la verité, en loüant hautement la pieté, la sagesse, & la clemence du Roy; En apres ils s'en prirent aux Ducs d'York & de Gloucester, disans d'eux qu'ils estoient d'une Religion contraire à la protestante. Enfin ils n'espargnerent pas le Roy mesme, de la clemence duquel ils vouloient qu'on n'en creut rien, assurant qu'il commenceroit son regne par la vengeance; Et que tres-veritablement si on ne leur ostoit pas la vie, ils ne deuoient pas attendre moins que de se voir exilez du Royaume, & leurs biens confisquez à la couronne. L'effet pourtant de ces artifices fut tout contraire à leur dessein; d'autant que les lettres presentées à l'Orateur auoient desia pris possession de la creance des peuples; Dieu l'ayant ainsi permis, parce qu'il vouloit redonner la paix entiere à ce Royaume.

En suite le Conseil s'estant tenu sur l'entreprise d'une nouvelle sedition; les chefs d'icelle furent incontinent saisis, & conduits en la Tour, où estoit le Colonel Lambert, avec deux de ses principaux complices, attendans la peine deuë à leur infidelité & trahison. Et pour les confondre tous, quoy que les uns Colonels, d'autres Capitaines Majors, ou Lieu-

tenants avec vn General ; On leur montra vn acte signé de toute la Noblesse de Kent , Vvocester , & Ellex , où elle protestoit qu'elle improuuoit la diuision , & auoit horreur de celle qui auoit causé tant de maux ; Qu'elle estimoit ennemis de l'estat ceux qui taschoient de l'entretenir : Et enfin qu'elle acquiesçoit aveuglément aux sentimens du General Monke , & du Parlement pour l'establissement de l'Eglise & de l'Estat. Et ces prisonniers ayant veu cet acte , commencerent à desesperer de leur vie , puisque cette Noblesse leur manquoit de secours. Cela s'estant passé de la sorte , & le General Monke iugeant qu'il n'y auoit plus rien à craindre , il n'est plus necessaire, dit-il, de cacher nostre dessein, lequel ne peut dorefnauant estre contredit que par des mouchérons. Si donc quelqu'un a le cœur en bon lieu & remply de fidelité pour le Roy, qu'il paroisse, & on luy fera de l'honneur. A peine eut-il acheué son discours fort hardy , que deux libelles luy furent presentez , dont l'un prouuoit la perte du Royaume par vne Republique , tant pour la situation du pays , que pour le naturel du peuple. L'autre informoit les sujets du Roy des belles qualitez de ce Prince , & de l'interest que l'Angleterre auoit qu'il fust promptement estably au Thrône de son pere. La lecture qui en fut faite , rendit tous les esprits si souples , qu'il ne se trouua plus aucune difficulté à executer de ce qui estoit entrepris. Sur quoy les plus beaux esprits obseruants que c'estoit au mois de May que ce bon succez parut , ils pronostiquerent vn grand bonheur pour le Royaume , puisque leurs Chroniques leur apprenoient que ce mois leur auoit souuent esté tres funeste. Le General Monke voyant toutes choses

les

les en ce bon estat , ne manqua pas d'en donner aduis au Roy qui estoit à Breda , comme aussi du merite de ceux qui l'auoient aydé à cela par ces libelles , qui luy estoient fort auantageux ; Et luy ayant conseillé de renouueller l'amnistie , la declaration en fut expédiée , & enuoyée aussi-tost ; de quoy le peuple & les bons amis du Roy furent tres-satisfaits , parce qu'elle contenoit vn pardon general à tous ses sujets , quels qu'ils fussent , & pour quelque crime que ce soit commis contre sa personne , & contre le Roy son pere , lesquels apres quarante iours se presenteroient pour demander grace , à la reserue pourtant des exceptez par le Parlement. Dans cette declaration il y auoit d'autres clauses fort bien receuës , & qui marquoient vne tres-bonne intention du Roy pour mettre son Royaume en paix pour long-temps , & rendre tous ses sujets tres-contens.

A cette declaration furent iointes deux lettres de sa Majesté, l'une à la chambre des Seigneurs , & l'autre à celles des Communes. Dans la premiere , le Roy leur attribuë son reestablissement , esperant qu'ils seront autant jaloux des droicts du Royaume , que de leurs interests propres ; dequoy il leur seroit obligé. Dans la 2. le Roy reconnoist le Parlement pour l'ame du Royaume , protestant que leurs conseils luy seront des oracles , & qu'il les maintiendra dans leur autorité & priuileges ; Et qu'au reste il auoit fait vn si bon vsage de ses afflictions , qu'il esperoit que luy , & ses suiets profiteroient des choses qu'ils auoient venës , experimentées & souffertes. Apres que l'orateur en eut fait la lecture , chacun ayant pressé , par des humiliations extremes , le General Monke à ne plus differer la venue

du Roy ; Il fut resolu de faire proclamer Charles II. Roy d'Angleterre. Et vn iour estant arresté pour la ceremonie : Le iour precedent on remist la statue du defunct Roy en la Chappelle de la maison de ville & aux autres endroits d'où elle auoit esté ostée par Cronvel. Les armes du Royaume & du Roy furent aussi restablies au lieu de celles de la Republique, & de l'vsurpateur, dans les places publiques ; & les estendarts, paillons, & autres marques Royales furent portées aux Vaisseaux. Et afin que le peuple fust vaincu de grace & de Ciuité. Ce general ostant les soldats de la garde des portes de la Ville de Londres, il donna la garde aux Citoyens, qu'il assura de leur continuer, tant qu'ils seroient fidelles, & soumis à l'autorité Royale.

Le lendemain cette proclamation se fit, & cependant il y eut grand silence, & tous les membres des deux chambres estoient debout & teste nuë. A l'issüe il y eut tant de signes de ioye, que tandis qu'on crioit **VIVE LE ROY**, on n'entendoit ny cloches, ny Canon.

Le Roy peu de temps apres, ayant quitté Messieurs des Estats, qui l'auoient traité en Souuerain, vint à Douvres, où le General Monke l'ayant salué à genoux à la sortie de son Vaisseau nommé Charles, le Roy l'embrassa comme son plus grand amy, & l'ayant fait mettre à son costé sous vn daix préparé pour aller à son Carrosse, il ne manqua pas de luy témoigner ses obligations. C'est à Douvres que le Roy commença de sentir ses tendresses pour les peuples qui le receurent avec tout l'honneur possible. Il s'en fit de mesme à Rochester, où le Roy coucha.

Dez le matin le lendemain 8. Octobre, route la
Noblesse

Noblesse se rendit là , qui à cheual , qui en Carrosse , avec tout ce qu'il y auoit de pompeux , de beau , & de magnifique dans les villes , & dans Londres principalement. Et la milice ayant bordé vn costé du chemin en haye , & les mestiers de l'autre costé , avec leurs liurées , & vestus diuersement & superbement ; Le Roy estant sorty , les plus belles filles du pays , parsemoient le chemin de fleurs , pour faire entendre au Roy qu'il meritoit cét honneur , puis qu'il entroit en son thrône par les degrez de la clemence , & de la douceur. Les plus exquises tapisseries furent tenduës dans les ruës de Londres , & à l'entrée , l'vn des Magistrats ayant présenté au Roy l'espée , & vn autre les clefs de la Ville , & vn Orateur l'ayant harangué ; le Roy fut receu avec toute la ceremonie qui peut estre employée en vne semblable occasion. Et en vn mot rien ne fut esparagné. Ainsi il fut conduit en son thrône , où le dernier Orateur ayant dit au Roy que sa Maïesté estoit suppliée outre ce Thrône de prendre aussi possession de celuy de leurs Cœurs , le Roy témoigna tant de tendresse à ces paroles , qu'il ne peut respondre que fort peu de temps , tand il auoit le cœur saisy de ioye. Ce qui donna suiet de le laisser reposer. Et tout le monde s'estant retiré , le reste de la iournée & deux iours apres furent employez aux ioyes , festins , & diuertissemens. Ne voilà pas vn grand changement dans ce Royaume , & digne d'estre considéré comme vne merueille , puisque sans guerre , ny sans despence , il s'est restably dans vne paix , qui n'a souffert aucune contradiction ? Ce qui denote , que sans doute c'est Dieu , qui a gouverné ces affaires , & ce qui fait esperer du bonheur en ce nouveau Gouuernement.

Quoy que cette paix restablie fust assez generale pour tous , il y en eut neantmoins 4. qui n'en profiterent pas , le Parlement les ayant fait emprisonner comme indignes de iouïr de ce bien , à cause qu'ils furent trouvez les plus coupables de de la mort du defunct Roy. L'un estoit le Colonel Harisson Major , qui signa l'Arrest ; L'autre Gregory Clement ; le 3. Cornelius Ollande , & le dernier , le Cheualier Anthoney Malmay , le plus lasche traistre des hommes , & que le Roy auoit fort obligé. Cette capture fut approuuée de tous les peuples , & si alors on eust voulu les faire mourir , chacun auroit aidé à les executer. On se contenta donc de leur retention , iusques à ce qu'on en eust deliberé autrement. Apres que l'on se fut bien informé des autres plus coupables, 24. furent encore arrestez nonobstant l'amnistie, & onze années passées , qu'ils estimoient vne notable prescription pour l'oubly de leur crime , leur procez ayant esté bien instruit, ils furent iugez dignes de mort , leurs iustifications n'ayant pas esté approuuées ny suffisantes pour leur conseruer la vie ; Et par arrest ils furent pendus & escartelez. Ce qui nous apprend qu'il ne fait pas bon attaquer son Prince , pour satisfaire à sa vengeance , & à son ambition.


Que c'est s'attaquer à Dieu qui est mesprisé en la personne des Roys. Que les suiets broüillons & les chefs de party , ne meritent point de pardon. Que l'on ne peut assez estimer & honorer vn fidelle Sujet. Que les vsurpateurs , apres vne satisfaction d'un moment , rendent & eux , & leur posterité abo-


En

Et enfin , cette Histoire nous apprend qu'encore qu'il semble que les meschans , par leur fuite , éuient la iustice des hommes ; Celle de Dieu ne laisse pas de leur tenir l'espée aux reins , pour estre punis tost ou tard, selon cette sentence veritable.

Insequiturque hostes ulior à tergo Deus.

FIN.





PERMISSION.

VEule Liure intitulé, *Les Histoires Tragiques de nostre Temps*, composé par François de Rosset, cy deuant imprimé, & l'augmentation depuis faite d'iceluy.

le n'empesche pour le Roy, qu'il soit permis à JEAN MOLIN, Maistre Imprimeur de cette Ville, de l'imprimer le susdit Liure, & d'y adjouster ladite augmentation, nouvellement faite ; avec les deffenses à tous autres, en tel cas requises & accoustumées, fait à Lyon, ce quinzième lanuier mil six cens soixante six.

VIDAV.

SOit fait suiuant les conclusions du Procureur du Roy, fait à Lyon, ce quinzième lanuier, mil six cens soixante six.

DESEVE.



